

COLLOCVTIONES  
SPIRITVALES  
BEATI FRANCISCI  
DE SALES,

EPISCOPI ET PRINCIPIS GENEVENSIS,  
Institutoris & Fundatoris Ordinis Reli-  
giosarum Visitationis Sanctæ  
Mariæ.

*In quibus familiariter traduntur  
sublimia quedam documenta animabus  
ad perfectionem Christianam tendentibus, cum  
eiusdem Auctoris consideratione supra  
symbolum Apostolorum:*

Tertium Gallicæ excusæ cum approbatione  
Lugduni;

In Latinum verò sermonem versæ

VIENNÆ AVSTRIÆ

Per

HENRICVM LAMORMAINI

è Societate Iesu Sacerdotem

*J. Casimiri Lemniski M.S. J.B. V.*  
*Emmipa*

F. III. 19.



45 (H) 50  
*Prænobili, Strenuo & Consultissimo  
Viro, Domino*

**BERNARDO  
HOLLER,  
J. U. DOCTORI,  
EXCELSI REGIMINIS  
CONSILIARIO, ET ADVOCATO  
FISCI AVSTRIACI,**

*Nec non*

**Pro tempore Celeberrimæ & An-  
tiquissimæ**

**UNIVERSITATIS VIENNENSIS  
RECTORI MAGNIFICO, &c.**



**E**gnem veni mittere in ter-  
ram, & quid volo; nisi ut  
accendatur? *DEI* è cælo in-  
tus humanos delapsi ista vox est, incen-  
dium exoptantis animorum, cælestes

*a 2 flam-*  
*P. Erasm. Comalau In Insula Vigrensi*

## EPISTOLA

*flammas diuini amoris. Huiusmodi incendiarios nullæ leges puniunt, quos DEVS ipse quatit, cælum beat. Illos inter unus fuit is, quem Tuæ Magnificentiae offero, B. Franciscus de Sales, Episcopus & Princeps Genevensis, quem non modò Gallia; sed universus Orbis Christianus vidit, & sentit, quot ignito dictiones ore, quot literas flammivomo premebat calamo, tot scintillas eiaculantem, quibus ad DEI amorem, quo ipse ardebat, alios incenderet. Testes, ut alia præteream, hæ Spirituales Collocationes, quibus homines DEO dicatos perducit ad perfectionem præclarâ luce, sacro calore incendit. Optat Christus suum illum ignem, quem in Seraphicum illius pectus iniecit; optat ipse Franciscus, Seraphicus alter, ut accedatur in plurimorum animis:*

(ô bonum factum!) à Tua humanitate,  
 pietate, munificentia facile impetrat.  
 Dum enim me per communem Patria  
 Luxemburgensis conjunctionem fami-  
 liariter rogante, tam facile liberaliterq;  
 sumptus huius meae tum versionis, tum  
 impressionis subministras; quid aliud a-  
 gis, quam ut quasi sub cinere latentem,  
 divinum illum ignem detegas, quo alios  
 inflammes? facis id quidem Tuo more,  
 Magnifice Domine, ut qui pietate in  
 DEVM, in miseros charitate singulari  
 clarior sis, quam Iurisprudencia, & tra-  
 ctandarum rerum industria: quâ tamen  
 etiam laude es perillustis. Atq; u-  
 trumq; istud Te scilicet non modò ad am-  
 plissimos tum Aulae, tum Academiae ho-  
 nores promovet; sed & summis, me-  
 lijs, imis charum; DEO verò ipsi  
 iunctum efficit. Verùm hinc cogor sistere:



EPIST. DEDIC.

*ubi Tua modestia frænum mihi iniicit, jubetq; ne ultra molestum ruborem Tuæ purpuræ suffundam. Hæc tamen pauca commemorari à me oportuit, ne vel inurbanus in non referendis gratijs erga benefactorem, vel iniquus in non reddendis, cuiusiam viderer. DEVS Opt. Max. Magnific. Tuam Dominationem, bono Urbis, Academia, Patriæ, Religionis, diu conservet, uti boni omnes vovent, & ego medullitus comprecor. Vienna, die Virgini præsentatæ sacro, quo Princeps Academicus creatus, publicâq; gratulatione renunciatus es: uti & ego animus congratulor. Anno 1648.*

Tuæ Magnificæ Dominationis

*Servus in Christo*

HENRICUS LAMORMAII  
è Societate Iesu.

OS ( \* ) SO  
I N T E R P R E S  
L E C T O R I .

*De Auctore, argumento et utilitate libri.*

**M**I benevole Lector, ne cæspites  
in progressu, siste tantisper in li-  
mine, paucis te volo. B. Fran-  
ciscus de Sales, quem legis, has Collocu-  
tiones non scripsit: sed tamen ipsius sunt:  
quia quæ hîc scribuntur, ipse dixit, licet  
neque eodem tempore, neque eadem  
occasione: cùm tanquam Fundator Or-  
dinis, Virgines Visitationis S. Mariæ Deo  
dicatas, quod illæ rogaverant, familiari-  
ter instrueret; & illæ ex eius ore partitis  
inter se operis scripto exciperent: con-  
flatum inde ex partibus junctis quasi  
quoddã corpus, quod illæ ENTRETIENS,  
ego colloctiones spirituales nomino.  
Verùm cùm initio præmaturè, neq; satis

# INTERPRES

cohärenter, hominis cujuspiam, qui eas  
 subduxerat, præproprio studio prodijf-  
 sent; Frater & Successor B. Francisci vi-  
 tæ functi, priore editione, quoad potuit,  
 suppressâ, novam ex veris exemplaribus  
 recognitis edi curavit, quam si attentè  
 consideres dignam omninò reperiēs ore  
 & nomine B. Francisci de Sales, utpote  
 ab ijs, quæ idem aliàs scripsit, nihil abhor-  
 rentem. Eæ autem collocutiones, ut  
 ex indice patet, plurimas easque saluta-  
 res vitæ & perfectionis religiosæ admo-  
 nitiones & documenta continent, quæ  
 non minùs alijs, quàm Virginibus Deo  
 consecratis prosint. Quare operæ pre-  
 tium me facturum putavi; si familiari  
 quoque stylo è Gallico Latinè tedde-  
 rem: quod si minùs eleganter, facilè da-  
 bis veniam: multa enim hinc inde oc-  
 currerunt, tum in varijs quæsitis, tum re-  
 sponsis,



## LECTORI.

sponsis, quæ difficilem sensum facerent;  
 ideoque malui sententijs linguæ Gallicæ  
 pressius insistere; quam longius fortas-  
 sis à re ipsa discedere. Boni Consules,  
 mi Lector, si verba non æquè florida,  
 rem sanè, ut opinor, habes optimâ  
 fide.

F A C U L T A S  
P R O V I N C I A L I S .

**E** Go Georgius Turcovich Societatis  
IESU per Austriam Prepositus Pro-  
vincialis facta mihi potestate ab Admo-  
dum R. P. N. Vincentio Carrafa Prapo-  
sito Generali, facultatem concedo, ut Col-  
locationes spirituales B. Francisci de Sa-  
les Episcopi Genevensis, & Fundatoris  
Religiosarum Visitationis B. MARIÆ,  
è Gallico in Latinum idioma per P. Hen-  
ricum Lamormaini Societatis nostræ Sa-  
cerdotem converse, & à dictæ Societatis  
Censoribus revise & approbatæ typis  
mandentur. In cujus rei fidem has li-  
teras manu propria subscriptas, & officij  
sigillo munitas dedi. Vienna Austria  
10. Februarij, Anno Domini 1647.

Georgius Turcovich.

*Illustriss: ac Reverendissimo Domino,  
Domino*

A L P H O N S O  
L V D O V I C O  
D E P L E S S I ,

DE RICHELIEV CARDINALI, AR-  
chiepiscopo, & Comiti Ecclesiæ Lugdunen-  
sis, Primati Galliæ, nec non intimo Regis  
Consiliario, &c.

**D**omine, si olim servus libertate do-  
natus tenebatur assumere, nomen  
ejus, qui ex servo liberum se fece-  
rat, justum est, ut exiguus hic labor, jure, &  
titulo gratitudinis tuo vocetur nomine; tuâ  
siquidem auctoritate ereptus est è manibus  
certorum hominum, qui non luce, ut dicti-  
tabant, eum donârunt, sed adeò densis per-  
fuderunt tenebris, ut legitimus parentis sui  
filius dignosci non posset; qui tamen parens,  
uti in moribus, ita & in scriptis purus & cla-  
rus fuit. Quare cùm tu ILLUSTRISIME, ei  
restitui mandâris lineamenta & decora sui  
vultûs, noluit in publicum se dare, nisi sub  
tuâ



# EPISTOLA

suâ protectione, sibi pollicens ab omnibus  
 ita favorabilem exceptionem: ut ei sit anti-  
 doti loco contra invidiam & maledicen-  
 tiam eorum, qui eò libertatis devenerunt,  
 ut censere non possint, autur perfectissima quo-  
 rumcunq̃ue opera, quin imò & in ipsius so-  
 lis corpore maculas deprehendere sese jacti-  
 tant: eâ tamen parvus hic labor imbutus est  
 opinione, ut, etsi illi malevoli judicium sa-  
 pientûm, universalemq̃ue publicæ vocis  
 approbationem, suo pondere non sint æsti-  
 maturi; tamen (nî omnem frontem perdi-  
 derint) non dubito, quin NOMINIS TVE  
 RATIONEM PER MAGNAM SINT HA-  
 BITURI. ILLUSTRISIME DOMINE,  
 dicam, quod est, candidè, Domina de Chan-  
 tal me induxit, ut hoc anathema ad tui tem-  
 pli parietem appenderem: quod tantò li-  
 bentius feci, quantò magis conscius mihi  
 sum, quòdei obtemperando, mihi ADDI-  
 CTAS sim redditurus OMNES RELIGIO-  
 SAS VISITATIONIS BEATÆ Mariæ;  
 in particulari autem humillimas tuas spiri-  
 tuales filias, quæ Lugduni duas inhabitant  
 domos; quæ ob tenerum & simul solidum  
 amorem,

BIBLIOP. LVGDVN.

amorem, quo prosequuntur memoriam  
BEATI SUI PATRIS, is nil magis cordi  
est, quàm conspiciere omne id, quod ab illo  
profectum est, tuæ protectioni subiacere.

Accipe igitur, ILLVSTRIS-  
SIME PRINCEPS, COLLOCUTIONES SPI-  
RITVALES, seu SINCEROS & FAMI-  
LIARES ejus sermones, & ijs (si lubet scio  
autem lubere quàm maximè) locum da-  
inter tuas ordinarias & serias occupationes,  
ac collucutiones. Acceptabis, spero bo-  
nam eius voluntatem qui pro suo modulo  
studet tuo honori amplificando.

ILLVSTRIS-  
SIME TVÆ  
DOMINATIONIS

Obsequentissimus & addi-  
ctissimus Servus

# INDEX EORVM QVÆ CONTINENTVR in his Collocutionibus.

*Epistola Lugdunensis Bibliopolæ.*

*Epistola Sororum Visitationis Sanctæ Mariæ à Mo-  
derio Annessiensi ad alias eiusdem Ordinis  
Soras.*

## COLLOCVTIO I.

*In qua declaratur obligatio constitutionum VISI-  
TATIONIS SANCTÆ MARIÆ,  
ornamenta & lumina pietatis, quibus Reli-  
giæ dicti Ordinis fulgere debent.* pag. 1.

## COLLOCVTIO II.

*In qua queritur an adiri possit DEVS cum  
magna fiducia, non obstante interno sensu &  
notitia nostræ miseriæ, & quomodo? & de per-  
fecti nostri ipsorum derelictione, & deser-  
tione.* pag. 20.

## COLLOCVTIO III.

*Supra fugam Christi in Ægyptum: in qua tracta-  
tur de firmitate, & constantia, quam habe-  
re debemus inter varietates accidentium  
mundi.* pag. 35.



# INDEX.

## COLLOCVTIO IV.

*De sincero amore cordis, in qua queritur, quomodo se ad invicem amare debeant Sorores dicto amore, remota nihilominus à se omni indecenti familiaritate.*

pag. 68.

## COLLOCVTIO V.

*De Generositate.*

pag. 88.

## COLLOCVTIO VI.

*De discessu Sororum Visitationis, qua aliò se conferunt ad fundandam novam sui Instituti domum.*

pag. 105.

## COLLOCVTIO VII.

*In qua proprietates columbarum applicantur anima Religiosa per modum legis.*

pag. 126.

## COLLOCVTIO VIII.

*De exspoliatione & derelictione rerum omnium.*

pag. 150.

## COLLOCVTIO IX.

*In qua agitur de modestia, de modo acceptandi, & recipiendi correctiones; & de modo statum cum ita firmandi & stabiliendi in DEO, ut nihil possit ab eo avertere.*

pag. 161.

INDEX.

COLLOCVTIO XI.

*Super idem obiectum Obedientia.*

*De virtute Obedientia. pag. 213.*

COLLOCVTIO XII.

*De simplicitate & prudentia Religiosa. pag. 249.*

COLLOCVTIO XIII.

*De Regulis & Spiritu Visitationis. pag. 273.*

COLLOCVTIO XIV.

*Contra proprium iudicium & teneritudinem,  
quam quisq; habet erga se ipsum. pag. 297.*

COLLOCVTIO XV.

*In qua quaritur, in quo consistat perfecta determi-  
natio respiciendi & sequendi voluntatem DEI  
in rebus omnibus; & utrum eam invenire &  
sequi possimus in voluntatibus Superiorum, æ-  
qualium, vel inferiorum, quos videmus proce-  
dere ex eorum inclinationibus naturalibus, vel  
habitualibus, & de quibusdam punctis notatu  
dignis, concernentibus Confessores & Prædi-  
catores. pag. 326.*

COLLOCVTIO XVI.

*In qua agitur de aversionibus, de recipiendis libris,  
legendi ad usum nobis dantur à Superiori-  
bus, quod non oporteat mirari videntur.*

# INDEX.

*perfectiones in utriusq. sexus Religiosis, & ne  
in superioribus quidem.* pag. 345.

## COLLOCVTIO XVII.

*In qua queritur, quo modo, & quomotivo dandum  
sit suffragium puellis Novitijs, quæ admittenda  
sunt ad professionem, & illis, quæ recipiuntur  
ad Novitiatum?* pag. 366.

## COLLOCVTIO XVIII.

*Quomodo suscipienda seu recipienda sint Sacra-  
menta, quomodo item divinum officium recitan-  
dum, cum nonnullis punctis spectantibus ad ora-  
tionem ritè peragendam.* pag. 392.

## COLLOCVTIO XIX.

*Supra virtutes S. Iosephi.* pag. 413.

## COLLOCVTIO XX.

*In qua queritur, qualem intentionem habere de-  
beamus ingrediendo Religionem.* pag. 441.

## COLLOCVTIO XXI.

*Super documentum de nihil petendo, & nihil recu-  
sando.* pag. 456.

*Exercitium Matutinum.* pag. 466.

*Consideratio super duodecim articulos Symboli  
Apostolici.* pag. 469.



VIVAT IESVS.  
 CHARISSIMIS NO-  
 STRIS IN CHRISTO SORO-  
 RIBVS, SORORIBVS RELIGIO-  
 SIS VISITATIONIS S. MARIE.

**C**harissime in Christo Sorores, en, veri & fami-  
 liares sermones Beati Patris nostri, diversis  
 temporibus, & occasionibus ad nos habiti; quos,  
 postquam pronuntiârat simplici & vulgari loquen-  
 di modo recolligebamus, & eâ sinceritate, quâ po-  
 teramus (dum adhuc recentes nostræ inherebant  
 memoria) in medium adferebamus, quæ ex sacro  
 eius ore exceperamus, ut optimo, quo valebamus or-  
 dine & modo, in corpus seu sacrum aliquod volu-  
 men, ad usus nostrarum domuum redigeremus &  
 formaremus. QVO, INQUAM, ORDINE & MO-  
 DO VALEBAMVS; nemo enim non credet  
 nobis impossibile fuisse, (esto omnem omnino dili-  
 gentiam & studium adhibuerimus) omnia ita exa-  
 ctè nos reddere potuisse, quin quàm plurima, eaq;  
 præstantissima eius familiaris sermonis membra  
 & connexiones, etiam ex præcipuis, memoriâ nobis  
 exciderint.

Quæ

VISITATIONIS S. MARIE.

*Quæ autem retinuimus, non parum perdidērunt de vi, & efficacia, simulq; de compendio, & facilitate, quâ digno & venerabili ore ea efferebat. Veruntamen licet omnium veritate dicere, quòd magna pars eorum documentorum, quæ nobis reliquit, ita genuinè, & fideliter deducta, & relata sint, ut, quicumq; sano est intellectu, & vel mediocriter in ejus librorum lectione versatus, statim ejus spiritum recognoscat, ac lubens hos familiares sermones, si non eo prorsus ordine, quo alia eius opera (quæ immèdiatè ex ejus manibus prodierunt) reponat, certè minimùm inter eos habiturus sit libros, qui modo aliquo ad eum pertinnerunt. Nam etsi non sint equali industriâ elaborati, quâ alij ejus codices; si discursus non ita coherentè contexti; si quid deniq; occurrat, quod minus simile videatur eminenti ejus doctrinæ, & per alia opera acquisitæ famæ, mirum non est: quia nunquam hæc vidit, neq; legit. Scitum autem est infantes à mamilla materna ante tempus abstractos, vix pari esse robore ijs, qui consuetò, & integro tempore propriæ matris lacte fructi sunt.*

*Adde, quòd ferè semper eos, qui post patris obitum nati sunt, sequatur amica quædam commiseratio. Certè Beatus animarum nostrarum pater non*



# AD RELIGIOSOS

cogitavit usquam alibi colloctiones has seu familiares sermones lucem visuros, quam intra exedras, seu intra domuum nostrarum parietes, & clariùs, inter loca ad colloquium deputata; in quibus incredibili ingenuitate & familiaritate condita decenti gravitate, minutis nostris interrogatiunculis respondebat. Nunquam etiam mens nostra fuit, ut publicam lucem viderent, sed ut intra domesticos parietes, minutim scripti pro particulari consolatione nostrarum domorum, ad quarum usum erant destinata, conservarentur. Verum contigit (quo modo ignoramus) eas imprimi (nobis in-scjjs) vitiosissimè & inordinatissimè. Quod, cum Reverendissimus & Illustrissimus D. Episcopus, & Princeps Genevensis Frater & Successor BEATI NOSTRI PATRIS dignissimus, animadvertisset, & insuper vidisset de imminutione honoris & fama sancti sui Fratris agi, obtento statim privilegio (postea hic inserendo) in mandatis nobis dedit, ut nulla interiectâ morâ, apographum, seu descriptionem harum familiarium colloctionum, à Fratre ad nos habitaram, exhiberemus: tum ad corrigendam erratis scatentem impressionem, tum ad demonstrandum verè, quid de ijs recolle-

etum



etum haberemus in nostro Monasterio; quod & perlubenter fecimus.

Cum non nisi bene de nostro proximo loqui & sentire nos deceat: existimamus bono zelo potius, quàm alià quacunq; consideratione eum, quicunq; ille fuerit, inductum fuisse ad spiritualia has instructiones in lucem dandas; sed candidè fatendum est, nos necdum eò indulgentiæ & perfectionis pertigisse; quin minoris charitatis aliquos sensus, & verè etiam querelas adversus illum non habeamus: non quidem quòd id, quod nostram esse credebamus (cum nihil proprij habeamus; & bona spiritualia, quæ DEVS nobis per suum servum communicavit, adhuc minùs nostra sint, quàm quævis alia: quia scilicet talia sunt, ut alijs hominibus omni jure communicari requirant ac debeant) eo modo subtraxerit, quo admodum difficile, imò & impossibile fuerit eum, nisi per fragmenta & frustatim eas subtrahere: & consequenter non nisi cum earum mutilatione tradere imprimenda Typographo. Adde, quòd ea descripta fuerint pluribus vicibus, & quidem manu fæmineâ. Quibus, dubio procul, hinc inde adiuncta fuere, quæ non omnibus in communi, sed tantùm quibusdam in

## AD RELIGIOSAS

*particulari colloquio, quæ (defectu memoria) non retulerant eo modo, quo Beatus noster Pater enuntiârat. Hinc factum est, ut qui eas subtraxit, coactus fuerit eorum loco, quæ deerant, vel quæ redundare putabat, multa extranea, tum orationis membra, tum particulas & connexiones addere, vel subtrahere, ut aliquo modo discursus colloctionum sibi constaret.*

*Quæ omnia tantam mutationem huic operi invexerunt, ut vix cognosci potuerit, cujusnam esset opus. Quod, collatis duabus impressionibus, facile erit cognoscere.*

*Fuit proinde, Charissimæ in Christo Sorores, necesse nos communicare Spirituales hasce colloctiones: & in primis quidem ijs, à quibus in nostri gubernatione dependemus, consilijsq; dirigimur; qui & laborârunt impigrè ad tollenda menda, quæ inter nostras manus dictæ colloctiones contraxerant. Nec hoc fecisse satis ijs fuit, nisi & prælo eâ formâ & modo eas excudi fecissent, quo excudenda erant; ut & omni hominum generi communicari, & simul Colloctionum Auctoris, Beati scilicet Patris nostri, sanctæ memoriæ, nomen ad omnes mundi partes tutò & utiliter circumferre potuissent.*

*Quædam*



## SITATIONIS S. MARIE

Quæ, si fortassis inuenietis in eis, quæ aded  
 particularia, ac propria esse videntur nostrarum,  
 domorum, ut non iudicetis tam liberè fuisse publi-  
 canda: eò quòd Spiritus mundi non semper sit dispo-  
 situs ad pietatis scripta accipienda eà cordis sim-  
 plicitate, & reverentiâ, quæ talibus scriptis debentur.  
 Respondemus id quidem esse verum, nihilo-  
 minus tamen, cum unum è salutaribus consilijs, &  
 desiderijs Beati nostri Patris, Institutoris, & Fun-  
 datoris semper fuerit, illudq; nobis in una quadam  
 ex suis COLLOCUTIONIBVS testatum reliquerit:  
 ut Spiritus nostrarum domorum proximis nostris ex  
 animo communicetur, ideò ne proximus privaretur  
 fructu sanctarum instructionum, quas à dicto  
 Patre habemus, obedientia, & Charitas requirit, ut  
 earum, quotquot eas habere voluerint, participes  
 efficiamus. Vult autem eas nobis singulariter  
 esse dicatas, quia vernacula nostræ sunt, & domi  
 nostræ, benevolentia & amore eiusdem Patris,  
 nata.

Fruamur igitur, Optime Sorores, tam saluta-  
 ribus, tamq; fructuosis colloctionibus; iisdemq;  
 pralucetibus, in spiritu nostræ Regula nos serue-  
 mus per frequentem, & studiosam earum lectio-  
 nem, & meditationem. Præsertim verò per stu-  
 diosam



AD RELIG. VISIT. S. MA.


diſam praxim ſanctorum documentorum, quibus  
eæ abundant. Et quâ ratione & modo forinſecus  
exprimuntur, iſſæm ita profundè cordium noſtro-  
rum penetralibus imprimamus, ut nunquam ab iſ  
eradicari valeant: qui enim, (ſi eas avelli ali-  
quando contingeret) tam pretioſi talenti rationem  
redderemus? quæ auſæ fuerimus illud in terram  
defodere, ne alia (ut ſervus nequam) negotiando  
lucraremur.

Speramus autem Beatum Noſtrum Patrem, qui  
illud nobis à Domino impetravit, etiam eundem  
rationem & modum illud fructuoſè exponendi, ex  
eoq; profectum ſpiritualem pro ejus gloria, & ani-  
marum noſtrarum ſalute decerpendi, obtenturum.  
Et hoc eſt aſſiduum votum, quod facimus pro vobis,  
& nobis, quæ ſumus in Chriſto IESV

Humillimæ & amantiſſimæ veſtræ  
Sorores & Ancillæ:

RELIGIOſÆ è MONASTRIO  
VISITATIONIS SANCTÆ Mariæ  
ANNESSIENſI.

SIT DEVS BENEDICTVS.



DEUS SIT  
BENEDICTUS.

# VIVAT IESVS.

## COLLOCVTIO I.

*In qua declaratur obligatio constitutio-  
num VISITATIONIS SANCTÆ Mariæ, &  
ornamenta & lumina pietatis, quibus Religiosæ  
dicti ordinis fulgere debent.*

**H**Æ constitutiones non obligant  
ex se ipsis ad ullum peccatum, neque  
mortale, neq; veniale; sed datæ sunt  
solummodo pro directione & ductu  
Religiosarum Congregationis: si tamen earum  
quæpiam eas violaret voluntariâ intentione, &  
contemptu, vel scandalo (sive persona illa esset  
ex sororibus, sive ex extraneis) committeret du-  
bio procul gravem noxam: non enim ea excu-  
sari posset à peccato: quæ tam vili loco res di-  
vinas haberet; tali notâ suam professionem  
aspergeret, Congregationem inverteret, fru-  
ctusq; boni exempli atque odoris, quem pro-  
ducere

ducere debet ad ædificationem si proximi, dissiperet. Quin & verendum esset, ne talis voluntarius despectus puniretur cum tempore pœnâ cœlitus immisâ : in specie autem privatione gratiarum, & donorum Spiritus sancti, quæ ut plurimum tolluntur ab ijs, qui nimis abundant in suo sensu, & derelinquunt viam, quam Deus ijs tenendam præscripsit.

Porro contemptus constitutionum, sicuti omnium bonorum operum, per considerationes sequentes cognoscitur.

Is in id vitium incidit, qui per contemptum violat, aut intermittit adimplere, quod præceptum est, non solum voluntariè, sed ex proposito deliberato. Nam si id violat per inanimadvertentiam, oblivionem, aut inopinatam quampiam & irrupentem passionem, res aliter se haberet : contemptus enim in se includit voluntatem deliberatam, seu quæ se deliberatè determinat ad faciendum id, quod facit. Vnde sequitur eum, qui violat mandatum superioris, non solum esse inobedientem, sed etiam velle se manere inobedientem; ac proinde eum non solum committere inobedientiam, sed & operari intentione non obediendi. Prohibitum est verbi gratiâ comedere extra tempus ordinariæ refectiois, è Religiosis quæpiam comedit prunum, seu malm Armeniacum, aut fructus alios, violat regulam



lam, & committit inobedientiam. Si autem illa comedat illecta delectatione, quam inde sperat, tunc transgreditur limites obedientiæ, non quidem per inobedientiam: sed per cupidiam: vel certè quia regulam vili pendit, & nihili facit: seq; illi ex deliberato proposito recusat submittere: & tunc illam prætergreditur per contemptum & inobedientiam.

Sequitur ulterius, quòd is, qui inobediens est propter aliquod illicium, seu incitamentum vel oppressionem sinistra affectionis, vellet illi indulgere, non tamen violando obedientiam, quin & eodem tempore, quo voluptatem capit, verbi gratiâ comedendo, dolet se id facere præter obedientiam. Quo in casu inobedientia sequitur, aut comitatur ipsum opus; sed in altero inobedientia præcedit illud ipsum opus, eique est causa & motivum, non obstante, quòd id fiat ex gula: nam qui comedit contra mandatum, consequenter vel concomitanter, committit inobedientiam, esto si posset evitare comedendo, nollet illam committere: adinstar illius, qui ultra mensuram bibens, nollet se inebriare, cum nihilominus se inebriet bibendo; verum is, qui per contemptum regulæ, & per inobedientiam comedit, vult ipsammet inobedientiam, ita, ut opus non esset voliturus, neque commissurus, nisi ad id faciendum moveretur voluntate ad detre-

standum imperium. Vnus igitur obedientiam negligit, volens rem, cui conjuncta est inobedientia; alter autem non obsequitur, seu, quod idem est, non obedit, volens rem idèd, quia inobedientia est ei conjuncta. Vni occurrit inobedientia in re, quam vult, vellet autem sibi non occurrere; alter verò inobedientiam requirit, & non vellet rem, nisi cum intentione in ea inveniendi inobedientiam. Vnus est inobediens, quia vult comedere mala Armeniaca, quæ non potest comedere nisi sit inobediens: sed alter dicit, comedo, quia nolo obedire; comedendo autem ea, non obediam: in quibus exemplis inobedientia & contemptus, sic se habent, ut jam unum alterum consequatur: jam præcedat & dirigat.

Porro inobedientia ista formalis, & contemptus rerum bonarum ac sanctarum, nunquam est sine aliquo peccato, ut minimum veniali: nec id etiam in rebus, quæ purè sunt consilij, sine peccato esse potest: licet enim non tenearis eas res amplecti, alijs relictis, sub pœna ullius offensæ, non possunt tamen per contemptum reprobari absq; noxa, quia licet non teneamur omne bonum sequi; tenemur tamen illud in pretio & æstimatione habere. Et consequenter, & à fortiori (ut loquuntur in scholis) non possunt illud contemnere, & vili pendere.

Sequitur præterea eum, qui violat regulam,  
& con-



& constitutio s per contemptum, parvica pendere, & inutilia judicare; quod non potest non esse maxima præsumpcio, & audacia; vel certè si non vile, neque inutile judicat bonum, quod per consilium suadetur amplectendum, nec tamen velit se regulæ submittere, tunc infringit suum institutū magno cum proximi detrimento, dum ei malo est exemplo, ne dicam scandalo, fallit enim societatem, & promissum ei factum denegat: quin & piam, & Religiosam domum perturbat, unde magna consequi possunt incommoda.

Ut autem aliquo modo dijudicari possit, quando Religiosæ Congregationis violent regulas, & imperium per contemptum detrectent, en, notas aliquas eam in rem adjicio. I. quando correctæ irrident, & signum doloris nullum edunt. II. quando in errore perseverant, nullo signo emendationis dato. III. quando eò usq; deveniunt, ut dicant, regulam, aut mandatum nihil esse ad rem. IV. quando conantur alias, ad idem malum inducere; & ab eis tollere omnem timorem mali secuturi, hoc, aut simili modo dicentes: nihil id omnino esse, & ne umbram quidē ullius damni, aut peccati continere.

Hæc tamen signa non ita sunt certa, quin subinde possint provenire ex causis alijs, quàm ex contemptu. Potest enim evenire, ut aliquis irrideat eum, à quo reprehenditur ob exiguum re-



speculum, quem de eo habet, & in eo perseveret ex infirmitate: quin & præ iracundia, & cholera nihil non moveat, ut alios seducat, suæq; opinionis habeat consortes, nec non argumenta excusandi suum factum. Nihilominus tamen facile est per adjacentes circumstantias indicare, quando id evenit per contemptum: & quando non, quia tandem in fine per manifestam impudentiam, & malefanam libertatem, ordinariè sequitur contemptus; & qui id habent in corde, paulò post habebunt in ore, & dicent, quod David notat: *quis noster Dominus est?*

Adijciamné verbum aliquod de tentatione, quæ contingere potest in hoc puncto? Ea est, quòd subinde aliqua è Religiosis non credat, neque existimet se inobedientem, & plus æquò liberam, quando contemnit unam alteramve regulam, quæ ei apparent non esse magni momenti, dum cæteras omnes observat. Ah mi Deus! quis non videt deceptionem? nam id quod una aliqua parvi faciet, altera magni æstimabit, & è contra: eodem modo quando in Societate & Congregatione unus quispiam contemnet regulam unam, secundus alteram, tertius tertiam, quis non videt, quod omnia susq; deq; ferentur? tunc enim mens hominis non nisi secundum inclinationes, & auersiones se gerit, ac gubernat. Quid ergo aliud expectandum est, rebus sic se habent-

habentibus, quàm perpetua inconstantia, & varietas delictorum? heri eram lærus, silentium displicebat, & tentatio mihi suggerebat, quòd essem otiosus; da me hodie esse melancholicum; dicet ille recreationē & honestam colloctionē esse magis inutile: heri cùm perfunderer consolatione, cantus mihi placebat, hodie cùm sim in siccitate, idem cantus displicebit, & sic de alijs.

Cæterum, qui vult vitam beatam & perfectam ducere, se assuefaciat oportet vivere juxta rationem, regulas, & obedientiam, non autem juxta inclinationes, vel aversiones; regulas omnes æstimare, honorare, ac familiares sibi reddere (ut minimum per voluntatē superiorem) debet. Nam si hodie contemnat unam, & cras alteram, & die tertio tertiam: quis dubitabit, quin (postquam omnis sollicitudo & cura abjecta, & dissipata fuerit) futurum, & quidquid erat ligatum, sensim quasi sine sensu dissoluatur, & dissipetur.

Avertat Deus, ne unquam Religiosa aliqua VISITATIONIS ita se separet à via divini amoris, ut se per contemptum regularum, per inobedientiam, duritatem & obstinationem cordis, perditum eat? Ecquid hoc, obsecro, peius vel infortunatius ei posset evenire? Et maximè cùm paucis particularibus & proprijs suæ Congregationis regulis ligata sit; quia earum pars maxima, imò quasi omnes sunt vel regulæ ge-

nerales ( quas etiam in suis domibus in sæculo manentes observare deberent, si vel parum vivere vellent cum honore, æstimatione, & Dei timore ) vel quæ spectant ad manifestam decen-  
tiam devotæ & bene constitutæ domûs ; vel in particulari ad dictæ domûs Ministrorum convenientem disciplinam. Quòd si quandoque ijs occurrunt displicentiæ aliqua, vel aversio contra constitutiones & regimen CONGREGATIONIS, gerent se eo modò, quo debent adversus alias tentationes, corrigendo scilicet aversionem, quam habent, dictamine rationis, & firmo decreto partis superioris animæ, expectantes usq; dum Deus ijs immittat in progressu viæ suæ consolationem, & eas videre faciat (quemadmodum Iacobum Patriarcham fecit, cùm lassus & defessus esset in suo itinere ) quòd regulæ & institutum vitæ, quod complexæ sunt, sit vera scala, per quam debent, instar Angelorum, ascendere ad Deum per charitatem, & descendere in se ipsas per humilitatem.

Sed si absq; aversione eveniat regulæ violatio per infirmitatem humanam, tunc quàm primum se humiliabunt *sub potenti Dei manu*, petentes remissionem delicti & renovantes decretum observandi eam ipsam regulam : cum primis autem cavebunt ne fiant pusillanimes, incurrant vè animi inquietudinem, sed novâ erga Deum conceptâ



ceptâ confidentiâ, recurrant ad divinum ejus amorem.

Quod verò attinet ad violationes regularum, quæ non fiunt per meram inobedientiam, neq; per contemptum, si contingant per negligentiam, imbecillitatem humanam, tentationem, vel oscitationem, poterunt, & verò etiam debebunt in confessione pandi Sacerdoti; ut peccatum veniale, vel certè, ut res, cui inesse potest veniale. Quamvis enim nullum omninò peccatum sit ibi, ex obligatione regulæ, potest tamen esse ratione negligentia, pigritia, præcipationis, vel aliorum defectuum: rarò siquidem evenit, ut videntes bonum nostri profectus proprium, & maximè cum notanter invitemur, & moneamur ad illud faciendum, omittamus voluntariè sine aliqua offensa. Nam talis neglectus, & negligentia aliunde non procedit, quàm ex segnitie, & depravata affectione, vel fervoris defectu. Et quandoquidem nobis reddenda est ratio verborum otiosorum, quæ verè sunt otiosa, quantò magis, quòd otiosam, & inutilem reddidimus admonitionem, quam nobis facit regula ad sui exercitium & observationem? DIXI, quòd rarò eveniat, ut DEUM NON OFFENDAMUS quando negligimus facere bonum quodpiam, quod facit ad nostrum profectum; quia fieri potest, ut non omittatur voluntariè, sed per oblivionem, inadvertentiam,

& repentinam aliquam oppressionem, quæ nulum inducunt peccatum, neque parvum, neque magnum : nisi res, quam obliviscimur tanti sit momenti, ut obligemur adhibere accuratam attentionem, ne incidamus in oblivionem, inadvertentiam, & improvisam mentis occupationem : ut exempli causâ, si aliqua è nostris Religiosis frangat silentium, eò quòd non sit attentæ & sollicitæ, ut illud fervet, ideòq; non recordata sit, vel quia alijs rebus se occupârat, vel certè improvisâ aliquâ occupatione, vel tumultu interveniente, locuta est antequam cogitârit esse tacendum : talis dubio procul non peccavit : observatio enim silentij non est tanti momenti, ut quis obligetur ad habendam talem attentionem, quæ nunquam sit tradenda oblivioni : quin imò interveniente re optimâ tempore silentij, ob quam se occupet alijs sanctis & pijs cogitationibus, si dum est intenta ijs, obliviscatur silentij servandi, cum oblivio hæc profluat ex causa ita bona, omissio silentij mala esse non poterit.

At verò si illa oblivisceretur inservire ægrota, quæ, defectu servitij, periclitaretur, & ita injunctum ei fuisset servitium hoc, ut omnis sollicitudo aliarum sororum in eam esset rejecta : non esset bona excusatio, si diceret ; non de ea cogitavi, non sum recordata : non, inquam, esset bona excusa-

cusatio: nam res ei commissa tanti erat ponderis, ut eam attentam, ne omitteret, habere debuisse: quare omissio huius attentionis non potest esse excusabilis propter rei circumstantiam, quæ omni jure requirebat attentionem.

Credendum est quòd quâ mensurâ divinus amor adaugebit gradûs gratiæ in animis Religiosarum huius CONGREGATIONIS, eâdem etiam eas ipsas Religiosas efficiet semper magis ac magis exactas, & sollicitas in observatione suarum constitutionum; esto, illæ ex se ipsis nō obligent, neque sub mortali, neque veniali peccato. Nam si obligarent sub pœna mortis, quàm putas stricte observandæ essent?

Porro, AMOR fortis est ut mors: igitur illicia & suavitas amoris sunt etiam a què potentia ad faciendam executionem concepti semel decreti, ut minæ mortis. *Dura est*, inquit sacrum Canticum, *emulatio ut infernus*. Animæ igitur quæ Zelo, seu æmulatione aguntur, tantum efficient, & fors etiam plus, in virtute illius Zeli, quantum efficerent OB TIMOREM INFERNI. Atque ita, si filiæ CONGREGATIONIS per suavem violentiam amoris, ita exactè observabunt suas regulas, Deo juvante, quàm si essent obligatæ sub pœna damnationis æternæ.

Paucis, habebunt perpetuam memoriam dicti Salomonis, Proverbiorum 19. versu 16. *Qui custo-*



*dit mandata, custodit animam suam, qui autem negligit viam suam, mortificabitur.* Vestra autem via, est genus vitæ, in qua vos Deus posuit. Nihil dico hic de obligatione, quæ nobis incumbit ratione votorum servandorum, evidens enim est, quòd, qui transgreditur absolutè regulam, & in re gravi vota essentialia, PAUPERTATEM, CASTITATEM, & OBEDIENTIAM, peccet mortaliter, & idem est, si agat contra clausuram.

Sorores faciant professionem particularem ad nutrienda & custodienda corda sua in intima, forti, & generosa devotione & pietate. Dico intimâ, ut scilicet habeant voluntatem conformem bonis actionibus exterioribus, quas faciunt, sive ex parvæ sint, sive magnæ; nihil autem fiat ex consuetudine, sed ex electione & applicatione voluntatis. Et si quandoque actio exterior præveniat affectionem interiorem propter consuetudinem, minimùm: ut affectio illam sequatur quàm proximè fieri potest, danda est opera. Si antequam me inclinem ad exhibendam superiori meo reverentiam corporalem, non adhibui interiorem per humilem electionem ad me ei submitendum, saltem electio comitetur vel sequatur quàm maximè fieri poterit inclinationem exteriorem.

Filiæ, seu Religiosæ Congregationis per paucas habent EXTERIORES REGULAS, paucas ASPE-

MITATES, paucas item CEROEMONIAS. sicut & officia: dent proinde operam, ut ijs libenter, & amanter sua addicant corda, faciendo, ut, quod forinsecus est, proveniat ac nascatur ex interiori homine, & nutriant alantq; quod interiorius est, exterioribus. ita enim ignis producit cinerem & cinis vicissim alit ignem.

Oportet devotionem hanc esse fortem: I. sufferendo tentationes, quæ nunquam desunt ijs, qui seriò Deo servire volunt.

II. Fortè etiam ad tolerandas ingeniorum varietates, quæ inveniuntur in Congregatione, quæ satis magnos, & vehementes creant assultus, ratione debiliū ingeniorū, quæ passim obvia sunt.

III. Fortem etiam, ut unaquæq; suas toleret imperfectiones, & ne turbetur, quòd ijs sit subiecta. Nam quemadmodum animosam habere oportet humilitatem, ne animo despondeatur, sed confidentiā in Deum assurgatur inter huiusmodi imbecillitates, ita etiam forti ac excelso oportet esse animo ad recipiendam correctionem, & totis animi ac corporis viribus contendendum ad perfectam emendationem consequendam.

IV. Quin & fortes esse debent eadem sorores ad penitus expugnandas suas imperfectiones.

V. Fortes etiam ad contemnenda verba & iudicia mundi, quæ nunquam non contradicunt pijs institutis & maximè in eorum principijs.

VI. For-

VI. Fortes, & libera sint oportet ab affectionibus, amicitijs, vel inclinationibus particularibus, cavendo omni studio ne vivant juxta illas; sed juxta lumen veræ pietatis.

VII. Fortes item, & independentes à nescio quibus teneritudinibus, suavitatibus, & consolationibus, quæ tum ex Deo, tum ex creaturis proveniunt, ne implicent, intricentvè se illis, ad instar gallinæ hærentis in stuppâ.

VIII. Fortes demum ad bellum continuum suscipiendum contra malas inclinationes, pravos habitus, & inolitas consuetudines.

Oportet tandem ut sint generosæ, ne occurrentibus velut agmine facto difficultatibus, terreantur, ac loco cedant; sed è contrario, dilatato per illas animo, gloriosam de ijs reportent victoriam. Nam, (ut dicit sanctus Bernardus) ille non est strenuus, cui non crescit animus inter adversitates, & contradictiones. GENEROSÆ item, ut contendant ad supremum perfectionis apicem (gratis ac frustra sese opponentibus omnibus imperfectionibus, ac infirmitatibus) Christianæ; præsentibus item, ac prompto sine animo, innitentes (conceptâ perfectâ in Deum confidentiâ) eius misericordiæ; ad exemplum illius quæ dicebat suo dilecto: *trahere me: post te, surremus in odorem unguentorum tuorum*, Cantic. I. Quasi vellet dicere: ad me quod attinet, sum immobis.



mobilis: verum quando me trahes, curram. Divinus amator animarum nostrarum sæpe nos derelinquit, quasi absorptos in nostris miserijs; ut sciam⁹ nostram liberationē à se solo provenire, & ut, quando eum tenuerimus, charum habeamus, velut pretiosissimum bonitatis donum. Quapropter ut pietas generosa nunquam cessat ad Deum clamare: TRAHE ME: ita nunquam intermittit, quin aspiret, speret, & promittat se animosè cursuram, dicturamque: NOS POST TE CURRIMUS. Nunquam autem ulla se turbet, si statim ac evestigio non curratur post Salvatorem, modò assidue dicatur: TRAHE ME, & adsit fortis animus, qui dicat: nos currimus: nam etsi non curramus, sat est, quòd, Deo juvante, curremus.

Congregatio hæc non magis, quàm aliæ Religionēs, constat perfectis Religiosis: sed ijs, quæ intendunt se perficere; neque etiam re ipsâ currentibus, sed quæ cupiunt currere: quæ proinde omnium primò, paulatim discunt ambulare, postea properare, & semicurrendo ambulare, tandemq; currere.

Hæc generosa pietas nihil contemnit; facit autem, sublatâ omni turbatione, & inquietudine, ut videamus quemlibet ambulantiem, currentem, & volantiem diversimodè juxta diversitatem inspirationum & varietatem mensurarum gratiæ

gratiæ divinæ, quam quilibet recipit. Qua de re magnus Apostolus Sanctus Paulus admonet Romanos cap. 4. dicens : *alius credit se manducare omnia : qui autem infirmus est, olus manducet. Is, qui manducat, non manducantem non spernat : & qui non manducat manducantem non judicet : Deus enim illum assumpsit : quilibet abundet in suo sensu : qui manducat Domino manducat, & qui non manducat, Domino non manducat : & gratias agit DEO.*

Regulæ non multa præcipiunt jejunia ; poterunt tamen plura aliqua, obtensâ à superioribus licentiâ, ob peculiare suas necessitates, assumere. Quæ jejunabunt non contemnent non jejunantes, quæ autê comedent similiter nō judicabunt jejunantes. & idem dicendum de omnibus alijs rebus, quæ neque præcepta sunt, neq; prohibita. Quælibet abundet in suo sensu, id est, quælibet fruatur & utatur sua libertate, non judicando, neque arguendo alias, quæ non facient uti illa facit, volens meliorem modum invenire ; fieri siquidem potest, ut aliqua comedat tali cum resignatione propriæ voluntatis, quali altera jejunaret ; item ut una suos defectus & culpas non enunciet ob eandem renunciationem, ob quam altera suos enunciat.

Generosa devotio & assiduis cultus rerum divinarum non vult habere omnibus in rebus, quas facit, consortes & socios ; sed solummodò in sua intentione, quæ est gloria Dei, & proximi  
in

in amore divino profectus: Dumodò autem re-  
ctâ ad eum scopum tendatur: non curat illa, quâ  
viâ & ratione id fiat; modò ea, quæ jejumat Deo  
jejundet; & quæ non jejumat, etiam Deo non jeju-  
net: utriusq; actus æqualiter ei placet & arridet.

Non vult igitur alias trahere ad suum vivendi  
modum; sed simpliciter, humiliter, ac tranquillè  
suâ incedere viâ. Si autem eveniret, ut aliqua  
comederet non Deo; sed ex inclinatione natu-  
rali, vel declinaret moderatam corporis diver-  
berationem, & hoc non Dei intuitu; sed per in-  
natam sibi aversionem, ne tunc quidem, quæ fa-  
ciunt exercitia & actus contrarios illius, eam ju-  
dicare deberent: vel ullam, ei adversando, ferre  
censuram, sed suaviter suâ progredi viâ, sine ullo  
contemptu, vel iudicio in damnum, & præjudi-  
cium infirmarum; recordantes, quòd si hæ his in  
occasionibus videantur plus æquo suis secunda-  
re inclinationibus & aversionibus; in alijs aliæ  
etiam faciunt idem; quin etiam eæ, quæ tales  
habent inclinationes, & aversiones, providè ca-  
vere debent, ne aliqua effutiant; signumvé dent  
displicentiæ, quasi aliæ melius faciant: Magnum  
enim absurdum hoc faciendo, committerent.  
Quid ergo? considerantes suam infirmitatem, in-  
tueri debent ea, quæ melius faciunt cum sancta,  
suavi, ac intima cordis reverentia: Sic enim tan-  
tum haurire poterunt ex sua imbecillitate pro-




fectus spiritualis, per humilitatem, quæ inde nascetur, quantum aliæ consequuntur per sua exercitia spiritualia. Quod si punctum hoc probè intelligatur, & accuratè observetur, vix dici potest, quantum animi tranquillitatem, & suavitatem in Congregatione promovebit. Sit Martha activa, verùm non arguat Magdalenam, quæ tota est in contemplatione; verùm & hæc caveat ne contemnat Martham, verè enim Dominus suscipiet causam illi<sup>9</sup>, quæ ab altera censetur, defendendâ.

Si tamen aliquæ è sororibus haberent aversionem à rebus pijs, bonis ac receptis, aut certè inclinationes ad eas, quæ minus promovent pietatem, si mihi fidem habuerint, adhibitâ violentiâ, contravenient & resistent tum aversioni, tum inclinationi suæ, ut evadant verè dominæ & sui ipsarum victrices, serviantq; Deo per excellentem sui mortificationem, repugnentq; taliter suæ repugnantix, contradicant suæ contradictioni, declinent à suis inclinationib<sup>9</sup>, divertant à suis aversionibus, in omnibusq; efficiant, ut ratio suâ gaudeat auctoritate, triumphetq; in suo regno. Præcipuè autem in rebus, in quibus datur orium ad discernendum quid expediat. Et, ut concludam, contentur habere cor docile & tractabile, quod se faciliè submittat rebus licitis, & in omni facto ostendat obedientiam & charitatem. Quo facto imitabuntur columbâ, quæ in suis plumis

mis ostendit omnes colores, quos recipit à sole.  
Beata sunt corda flexilia, quia nunquã frangẽtur!

Filiæ seu sorores VISITATIONIS semper humiliter loquentur de parva hac ac velut modò genita Congregatione : omnes alias ei præferendo (quantum attinet ad honorem & æstimationem) & nihilominus illam etiã præferent omni alteri, quantum ad amorem ; ex animo testantes, oblata occasione, quã libenter & suaviter vivant in sua vocatione. Sic fœminæ nuptæ præferre debent cuivis alteri suos maritos, non quoad honorem, sed quoad affectum & amorẽ. Sic etiã quilibet præfert suam patriam alijs in amore, nõ autẽ in æstimatione ; & quivis nauta pluris facit suas naves, in quib<sup>9</sup> velificat, quã alias, quamvis majoris sint pretij & rebus pluribus ac meliorib<sup>9</sup> instructæ ac ornatae. Fateamur liberẽ Congregationes alias esse meliores, ditiores, ac excellentiores, sed nõ item amabiliores aut desiderabiliores quoad nos. Voluit siquidem Deus, Creator noster illam patriam esse nostram, & etiã navem : voluit item cor nostrum maritatum esse huic instituto juxta dictum illius hominis, qui cum interrogaretur, quæ esset gratissima commoratio in vita hac ? & optimum alimentum pro infante ? sinus, inquit, & lac propriæ matris : nam esto sint sinus pulchriores, & lac melius, tamen pro illo infante nec est gravior sinus, nec hoc amabilius.



# VIVAT IESVS.

## COLLOCVTIO II.

*In qua queritur an adiri possit DEVS  
cum magna fiducia, non obstante interno sensu &  
notitiâ nostræ miseriæ, & quomodo? & de per-  
fecta nostri ipsorum derelictione & deser-  
tione.*



Etitis à me, charæ filiæ, an anima  
habens intimum sensum suarum mi-  
seriarum, possit ad DEUM magna-  
cum fiducia accedere? Respondeo  
non solum animam habentem cognitionem sua-  
rum miseriæ posse confidenti animo ad  
Deum accedere, sed dico, eam non posse habere  
veram confidentiam, nisi habeat cognitionem  
suarum miseriæ: cognitio enim & confessio  
nostrarum miseriæ accessum nobis facit ad  
Deum. Ita omnes excellentes Sancti: Iob, Da-  
vid, & alij incipiebant omnes suas orationes per  
confessionem suæ indignitatis ac miseriæ: pro-  
inde



inde optima res est se pauperem, vilem, abjectum, & indignum, qui coram Deo compareat, cognoscere. Verbum hoc tam celebre inter antiquos : Cognosce te ipsum ; esto accipiat de cognitione magnitudinis & excellentiæ animæ, quæ non debet dedecorari nec profanari rebus indignis sua nobilitate, etiam intelligitur de notitia nostræ indignitatis, imperfectionis, ac miseriarum : quia quantò nos miserabiliores cognoscemus, tantò etiam magis confidemus in bonitate & misericordia Dei ; inter misericordiam enim & miseriam est certa quædam unio, & quidem tanta, ut una exerceri non valeat, nisi accedente alterâ. Si Deus hominem non creasset, fuisset nihilominus verè optimus Deus, sed actualiter non fuisset misericors ; nam misericordia solùm adversus miseros se exercet. Vides igitur, quòd, quantò magis miseros nos agnoscimus, tantò major nobis est occasio confidendi in Deo ; nihil siquidem habemus, in quo confidere possimus, & si quæris, unde proveniat diffidentia nostri ? dico provenire ex notitiâ nostrarum imperfectionum. Bonum est diffidere in nobis ipsis : sed quid nobis id prodest, nisi projiciamus totam nostram confidentiam in Deum, & expectemus ejus misericordiam ? Defectûs & infidelitates, quas in dies committimus, omnî dedecore & confusione nos suffundere debe-

rent, dum Deum accedere cogitamus : & sic legimus quasdam animas sanctitate sublimes, ut sanctam Catharinam Senensem, sanctam Matrē Theresiam, quæ, cum incidissent in aliquos defectus spirituales, maximè erubuisse. Consentaneū etiam est rationi, ut Deo à nobis offenso, nos retrahamus aliquantulum per humilitatem, & confusione conspersi hæreamus : nam si vel amicum solum offendamus, erubescimus eum adire. Verumenimverò non hic hærendum est : nam hæ virtutes humilitas, abjectio, & confusio sui ipsius, sunt virtutes mediæ, per quas nobis ascendendū est ad unionem animæ nostræ cum Deo ; parum enim esset se ipsum exspoliasse, & exinanivisse, (quod fit per actus inferentes facienti confusione) nisi id fieret, ut nos totos quantos Deo traderemus : prout S. Paulus nos docet, scribens ad Colos. 3. c. v. 9. *expoliantes vos Veterem hominem cum actibus suis, & induentes novum, eum, qui renovatur in agnitionem secundum imaginem ejus, qui creavit illum.*

Hic parvus recessus & velut detrectatio non alia de causa fit, quàm ut fortius quis se vibret in Deum per actum amoris & confidentiæ : non enim quis se tristitiâ & inquietudine confundere debet ; est, est noster proprius amor, qui hanc confusionem nobis creat, quia miramur & dolemus nos non esse perfectos, & hoc non tam amore Dei, quàm amore nostri ipsorum. Et licet non experiaris in te talem confidentiam, non ideo debes

debes actus intermittere aut non dicere DEO :  
etsi Domine non in me experiar confidentiam  
in te, quam vellem ac deberem, Sciens tamen  
te esse Deum meum & me totum quantum esse  
tuum, non habentem spem aliam & in alio quàm  
in tua bonitate, proinde me totum in manus  
tuas trado : & quidem semper tibi licitum est, &  
potes tales actus exercere : licet autem id non  
fiat sine difficultate, non est tamen impossibile  
eos exercere. Et quidem in istis occasionibus,  
medijsq; difficultatibus datur tempus, quo no-  
stram fidelitatem DEO testari debeamus. Demus  
enim nos facere tales actus sine gustu, & sine sa-  
tisfactione spiritali ( ut nobis quidem videtur )  
non ideo oportet se excruciare & animũ despon-  
dere : dum enim hoc agimus modo, pluris facit,  
amatq; magis Dominus tales nostros actus. Ca-  
ve, ne dixeris te quidem verè sic loqui, sed solum  
ore; nam si cor nollit, neq; verbum ullum os pos-  
set efferre. Quare ubi id feceris, te in pace con-  
stituito, nulla facta reflectione supra tuas turbas,  
sed alijs de rebus continuò Deum compellato.

En, conclusio primi hujus puncti : Quod ap-  
primè expediat habere confusionem, quando  
cognitionem & sensum nostrarum miseriarum ac  
imperfectionũ probè tenemus, sed nec hic stan-  
dum est, nec in pusillanimitatem & abjectionem  
animi descendendum, sed cor per confidentiam



ad Deum erigendum; cuius fundamentum in illo sit oportet, in nobis autem minime; siquidem nos semper mutamur; ille autem nunquam: manet proinde semper tam bonus & misericors, quando nos sumus debiles & imperfecti, sicuti quando, nostro sensu, existimus fortes & perfecti.

Solitus sum dicere thronum misericordiae Dei esse nostram miseriam. Quantò igitur miseria nostra major est, tantò etiam major esse debet nostra confidentia.

Faciamus nunc gradum ad alteram quaestionem, quæ est de derelictione, & expoliatione sui ipsius: quæ expoliatio debet esse studium & exercitium animæ derelictæ. Omnium primò sciendum est, quòd derelinquere nostram animam, & nos ipsos, aliud non sit, quàm nos ipsos deferre, & voluntatem nostram abnegare, eam ut integre Deo tradamus. Parum enim, vel nihil nobis prodesset (ut jam alibi dixi) nos ipsos abnegare, ac jus nostrum renunciare (si quod tamen habemus) nisi id fieret ad nos perfectè uniendos divinæ bonitati. Ea itaque de causa solum facienda est ista derelictio, quæ alioquin esset inutilis, & similis renunciationi antiquorum Philosophorum: qui admirandas rerum externarum & sui ipsorum abrenunciationes fecerunt, seq; addixerunt Philosophiæ studio propter vanam gloriam. Exemplo sit Epictetus nominatissimus  
Phi-

Philosophus, qui cum conditione esset mancipium, propter insignem suam sapientiam illius temporis homines libertate eum donare volebant; ille autem per renunciationem maximè inauditam, omnino renuit: sicq; voluntariè servus in tali paupertate mansit, ut post ejus mortem nihil inventum sit præter lampadem unam, quæ magno pretio fuit vendita, eò quòd fuisset possessa à tam insigni Philosopho. Verùm nolumus nos derelinquere & abnegare, nisi committingo Deì voluntati.

Plurimi hominum dicunt Deo: me omnino committo tibi, & absq; ulla reservatione trado, sed perpauci sunt, qui amplectantur praxim sui ipsorum neglectûs, qui aliud non est, quàm perfecta indifferentia ad recipienda omnis generis eventa, secundùm quod eveniunt ex ordinatione providentiæ divinæ. Et inter hæc æquè est afflictio, atque consolatio, infirmitas atque sanitas, paupertas uti divitiæ, contemptus æquè ac honor, & opprobrium, sicut & gloria. Quæ intelligenda sunt juxta partem superiorem animæ nostræ; nullum enim est dubium, quin inferior pars & inclinatio naturalis semper potiùs honorem, quàm contemptum; divitias, quàm paupertatem eligat. Esto non ignoret contemptum, abjectionem, & paupertatem esse Deo gratiora, honore, & abundantia omnium divitiarum. Ut

autem ad contemptum hunc pertingamus, obedire oportet SIGNIFICATÆ DEÏ voluntati & BENEPLACITO. Vnum fit per modum resignationis, & alterum indifferentiæ. Voluntas DEÏ significata comprehendit ejus mandata, consilia, inspirationes nostri INSTITUTI, regulas & ordinationes superiorum; voluntas autem ejus beneplaciti respicit eventa rerum, quæ nos providere non possumus. Exempli causa, nescio an cras sim moriturus, video esse DEÏ beneplacitum ut moriar, ideoq; me committo ejus beneplacito, & morior libenter. Eodem modo, nescio an fructus terræ anni sequentis venturi sint ad suas tempestates, an verò antequam, ad eas pertingant, cœli, ventorumq; procellis destruendi sint: si eveniat, ut citius pereant, vel dira pestilientia, vel alia sinistra eventa grassentur, clarum est esse DEÏ beneplacitum, ac ideo me illi confirmabo. Continget te in tuis exercitijs spiritualibus nullam percipere consolationem, ne ideo turberis, quia certum est id evenire ex DEÏ beneplacito: proinde adherere te oportet extremæ ac inconcussæ indifferentiæ, inter desolationem & consolationem. Eodem modo faciendum est in omnibus rebus, quæ nobis eveniunt: in vestibus. v. g. quæ nobis attribuentur, in cibis, qui apponentur &c. Notandum insuper est, res nonnullas esse, in quibus jungenda est DEÏ voluntas significata vo-

lun-



luntati ejus beneplaciti: exempli causa, si incido in magnam febrim; hoc in eventu video Dei beneplacitum esse, ut in absoluta indifferentia sanitatis vel infirmitatis penitus me constituam, & in ea mordicus persistam: at voluntas Dei significata est, ut ego, qui nullius subiectus sum imperio, vocem Medicum, applicem omnia remedia, quæ possum reperire. Non dico tamè exquisitissima, sed communia, & ordinaria; Religiosi autem, qui subsunt superiori, ex ejus directione sumant oportet, & ipsi remedia & tractationem, quæ eis exhibetur; & id in simplicitate, & submissione cordis sui. Nam Deus id significavit nobis, dando herbis vim & virtutem medicinalem; sed & scriptura sacra pluribus in locis nos edocet, quin & Ecclesia præscribit.

Porro si re sic habente, infirmitas superet vim remediorum, vel remedia superent infirmitatem, in æquilibrio nos ponere debemus; & taliter quidem, ut si morbus & sanitas adstarent coram præsentibus oculis nostris, & Dominus ipse nobis diceret: si eligas sanitatem, omnino nihil à te tollam de gratia, quam tibi dedi; si autem morbum elegeris, non te etiam vel minimam adaugebo gratiam. Veruntamen in electione morbi, aliquid plus est de meo beneplacito, quam in sanitate: tunc anima, quæ integrè se abnegavit, & gubernandam se tradidit Dei manibus, haud dubie,

dubiè, vel ea solum de causa, quòd aliquid in morbo plus sit de Dei beneplacito, infirmitatem eliget: esto, quod reliquum est vitæ, transigendum ei sit in lecto suæ infirmitatis; nec id alia de causa, quàm ut toleret dolores & cruciatus, qui comitantur morbos. Adde, quòd nec vellet aliud habere statum, quàm illum. Ita sancti, qui sunt in Cælo talem habent unionem cum voluntate Dei, ut si aliquantulum plus placeret Deo, ut essent in Inferno, dereliquerent beatitudinem, ut Infernum adirent, ibiq; in sempiternum manerent.

Porro status iste omnimodæ derelictionis sui ipsius, comprehendit etiam perfectam nostri ipsorum destitutionem quoad divinum beneplacitum, quod relucet in omnibus spiritualibus tentationibus, ariditatibus, siccitatibus, aversionibus, & repugnantijs, quæ contingunt in vita devota. In omnibus enim hujusmodi rebus clarè advertitur Dei beneplacitum; esto eæ res nullâ nostrâ evenirent culpâ, nullumq; prorsus in ijs committeretur peccatum.

Quid multis? hæc abrenunciatio, & nostri ipsorum derelictio est virtus virtutum: cremor charitatis, odor humilitatis, meritum, ut videtur, patientiæ, & fructus perseverantiæ. Verbo, magna & excellens est hæc virtus, & sola digna, quæ exerceatur per charos Dei filios. *Pater mi,*  
inquit

inquit dulcis Salvator noster super crucem: *in manus tuas commendo spiritum meum.* (Verum est, voluit dicere, quod omnia sunt consummata) *qua mihi tradidisti:* si tamen tua sic constituta est voluntas, ut ulterius subsistam super hanc crucem, causâ patiendi plura pro genere humano, placet: *in manus tuas commendo spiritum meum,* de eo facere poteris quidquid tibi placuerit.

Nos idem præstare debemus, Charissimæ in Christo filiæ, in omni occasione, siue aliquid patiamur, siue quopiam gaudio perfruamur: sinamus sic nos gubernari à divina voluntate juxta ejus beneplacitum, non sinentes unquam nos præoccupari à particulari nostra voluntate. Dominus noster amore summè tenero amat eos, qui eam habent felicitatem, ut se omnino abnegent, & paternæ ejus curæ committant, sinendo se gubernari à divina ejus providentia: non permittendo se occupari inutilibus cogitationibus, an effectus istius providentiæ ijs sint futuri utiles, fructuosi &c. vel contrà, cessurine sint in ipsorum damnum: sed sint securi, & intelligant, quod nihil à paterno, & amabili ejus corde eveniet; nec permittet ille, ut quid ijs accidat, ex quo non hauriant insigne bonum, & eximiam utilitatem: dummodo tamen omnem suam in eo confidentiam fixerint, & ex intimo corde dicant: *COMMENDO SPIRITUM MEUM, ANIMAM MEAM,*



MEAM, CORPUS MEUM, ET QUIDQUID inter benedictas tuas manus habeo, ut de eo facias prout tibi placitum erit: nunquam enim eò extremitatis redacti sumus, quin possimus semper ante thronum divinæ Majestatis adolere thura, & thymiamata, quin & odora menta sanctæ submissionis, nec non continuæ promissionis de eo nunquam offendendo, nec sacratissimæ ejus voluntati scienter ac volenter contraveniendo, aspergere. Subinde vult Dominus noster ut animæ electæ pro servicio suæ Majestatis se sustentent, ac velut nutrant firmitate & invariabili decreto, ad perseverandum in sua sequela per quavis earum mentium fastidia, ariditates, repugnantias, & asperitates vitæ spiritualis, remotâ interim omni consolatione, gustu spirituali, omniq̃ genere teneritudinum & solationum; & ut credant se indignas omni alia re, sequentes divinum suum Salvatorem sola vivacitate mentis hominis superioris armatæ, prætermisso omni alio sustentaculo. præterquam divinæ ejus bonitatis, cui sic stat animo. Et sic, Charæ Filiæ, cupio & desidero nos ambulare.

Uterius petitis à me, qua re se occupare debeat in interiori domo anima hæc, quæ se totam quantam resignavit in manus Dei?

Respondeo, nihil facit aliud, quàm manet apud nostrum Salvatorem omni curâ vacua, nullique

lique rei incumbens, & neque de corpore, neque de anima sollicita; nam quandoquidem navem divinæ providentiæ conscendit, cur cogitet quid se futurum sit; Dominus noster, cui penitus, penitusque, alijs derelictis, se commisit, abundè pro illa cogitaturus est.

NB. Non ideò tamen intendo dicere, quòd non oporteat animam illam (intellige hominè) cogitare de rebus, quæ ei incumbunt juxta suum officium: non enim superior quispiam sub prætextu & umbra, quòd uni & soli Deo se totum tradiderit, ac nunc in ejus cura conquiescat, debet negligere lectiones, & omittere documenta, quæ ei sunt addiscenda, & spectant propriè ad exercitia sui muneris. Verum est, ponendam esse in illo magnam confidentiam, ut se quis omnino sic derelinquat, absque aliqua sui reservatione, divinæ providentiæ; sed etiam verum est, quòd si nos derelinquimus omnia, Dominus noster etiam suscipit omnia, & dirigit omnia. Si autem aliquid est, quod ei non confidamus, nos derelinquit, & hoc, aut simili modo nobis loquitur: *Putatis vos satis sapientes esse sine me, ad id, quod mihi non conceditis, faciendum per vos: videritis quem exitum sitis repertura.* Qui enim se Deo dedicarunt in aliqua Religione, omnia, nullâ omnino re excepta, debent derelinquere.

Sancta Maria Magdalena, quæ tota quanta se expo-

expoliârat, & commiserat voluntati nostri Ser-  
vatoris, jacebat ad ejus pedes, & illo loquente,  
hæc tacens audiebat; cùm autem cessabat loqui,  
cessabat & ipsa audire, non tamen ab eo recede-  
bat; eodem modo animâ hæc, quæ se dereliquit,  
nil quod agat habet aliud, quàm ut quieta ma-  
neat ad pedes Salvatoris, velut infans in sinu  
matris, quem, quando illa avellit à sinu, & ponit  
ad terram, ut gradiatur juxta vires usquedum:  
eum resumat ad illum pro libitu gestandum: ne-  
scit is, neque cogitat, quò illa eat; sed finit se  
portari vel duci, quò uni placet matri: eodem  
modo anima hæc incensa amore voluntatis be-  
neplaciti Dei adimplendæ in omni re, quæ ei  
evenit, permittit se portari, & ambulat nihilomi-  
nus magno studio, & curâ, faciendo quidquid  
est voluntatis Dei significatæ.

Rogatis nunc etiam, & exquiritis, an sit possi-  
bile ut voluntas nostra sic sit mortua in Deo, ut  
non amplius sciamus quid velimus, vel quod no-  
limus?

Respondeo primò, nunquam evenire, si mus  
quantumcunq; velimus exuti nostrâ voluntate;  
ut libertatem arbitrij nostri non retineamus;  
Vnde semper nobis adest desiderium aliquod,  
sicut & voluntas: verùm non sunt voluntates ab-  
solutæ, neque desideria formata: quamprimum  
enim anima, quæ se commisit Dei beneplacito,  
in-



in se advertit aliquam propriam voluntatem, evestigio mori eam facit in Dei voluntate.

Velletis etiam scire, an anima adhuc multum imperfecta possit cum utilitate manere ante, vel coram Deo cum simplici attentione ad sanctam ejus præsentiam in oratione?

Dico ad hoc, quod si Deus vos ponat in eo statu, quidn̄ possitis manere? evenit enim frequenter, ut Deus det quietem & tranquillitatem animabus quibusdam, quæ necdum bene sunt expurgatæ: sed dum adhuc egent purgatione; debent tamen hujusmodi præter orationem, edere signa aliqua, & facere considerationes necessarias ad se emendandas: nam esto, Deus eas teneat semper apprimè collectas, adhuc tamen eis remanet libertas ad discurrendum, & ratiocinandum per intellectum de compluribus rebus differentibus. Quidn̄ ergo possint considerare, & decreta cudere ad sui emendationem, & praxim virtutum acquirendam?

Inveniuntur utriusq; sexus homines multum perfecti, quibus Dominus nunquam elargitus est tales dulcedines & animi tranquillitates; qui tamen omnia faciunt beneficio partis superioris animæ suæ: quin & mori cogunt suam voluntatem in voluntate Dei efficaciam fortitudinis & virationis. Et hæc mors, est mors crucis: quæ longè est excellentior, & generosior, quàm altera,

C

quæ


quæ potius vocanda est indormitio, quàm ipsa mors. Nam anima, quæ conscendit navim divinæ providentiæ, finit se ferri, & suaviter velis ac remis agi, velut quispiam dormiens in navi, quâ tranquillo oceano, sine labore, pertingit ad portum. Modus hic ita suaviter moriendi datur per modum gratiæ; alter autem per modum meriti.

Vultis adhuc scire quale fundamentum habere debeat nostra confidentia? Oportet ut fundata sit super infinitam Dei bonitatem, & supra merita mortis & passionis Domini Iesu: & quidem ex parte nostra, hæc conditio esse debet, ut habeamus & cognoscamus in nobis perfectum & integrum decretum, quantum humanitatis cognosci potest, quod totas quantas nos dereliquerimus, & hoc absque ulla reservatione divinæ providentiæ tradiderimus.

Desidero tamē, ut diligenter notetis, me nō ita dicere, quasi oporteret nos sentire istud decretum, seu omnimodam resolutionē, ut ita omnino oporteat nos esse Dei; sed solum quod oporteat illa habere & cognoscere in nobis; quia non oportet sic se decipere in eo; quod sentimus, vel quod non sentimus; siquidem magna pars nostrorum sensuum, & satisfactionum deprehenditur fautrix & amica proprii amoris.

Non oportet etiam intelligere, quod in omnibus istis rebus de expoliatione nostri ipsorum, &

de indifferentia non habeamus unquam desideria contraria Dei voluntati, & quod nostra natura non repugnet eventis ejus beneplaciti, nam id potest persæpe evenire. Sunt enim nonnullæ virtutes, quæ resident in superiore parte animæ; inferior autem ordinario modo nihil in ijs intelligit; æstimanda proinde non est, nec respiciendum quid illa velit: sed arripienda est divina voluntas, & nos ei unire, inferiore etiam omnino invitâ. Pauci inveniuntur homines, qui ad hunc perfectum sui ipsorum derelictionis gradum perveniant. Sed omnes nihilominus debemus ad illum tendere: quilibet autem juxta sua talenta & capacitatem.



# VIVAT IESVS.

## COLLOCVTIO III.

*Supra Fugam Christi in Ægyptum: in qua tractatur de firmitate & constantia, quam habere debemus inter varietates accidentium mundi hujus.*





Uo die celebratur octava festi  
sanctorum Innocentium, proponit  
Ecclesia legendum Evangelium,  
quod docet quemadmodum Ange-  
lus Domini apparuit in somnis Iosepho dicens:  
*surge, & accipe puerum, & Matrem ejus, & fuge in Aegy-  
ptum: futurum est enim, ut Herodes (timens ne suum  
amitteret regnum) quærat puerum ad perdendum eum:*  
tunc inquit textus, *Herodes iratus est valde, (quòd  
Magi non rediissent in Hierusalem) & mittens  
occidit omnes pueros qui erant in Bethlehem, & in omnibus  
finibus ejus à bimatu & infra, (id est infra ætatem  
duorum annorum) sibi persuadens, quòd inter  
illos occideretur Christus, & hoc modo securum  
se redderet de regni possessione.*

Evangelium hoc plenum est propè infinitis  
pulcherrimisq; conceptionibus, & eximæ do-  
ctrinæ documentis: nos contenti erimus ali-  
quibus, quæ nobis subministrabunt non solum  
PIAM ET GRATAM COLLOCUTIONEM, sed & maxi-  
mè FRUCTUOSAM.

Exordior à prima NOTA, quam adfert ma-  
gnus sanctus Ioannes Chrysostomus: quæ est de  
inconstantia, varietate, & instabilitate acciden-  
tium hujus vitæ mortalis.

O quàm utilis est hæc consideratio! defectus  
enim istius considerationis nos inducit in pusil-  
lanimitatem & ingenij mutabilitatem, inquietu-  
dinem

dinem & varietatem inutilium conceptuum, & desideriorum inanium, nec non in inconstantiam, & instabilitatem in nostris decretis. Quia scilicet in itinere vitæ hujus nullam vellemus habere remotam, nullam difficultatem, nullam contradictionem, nullum deniq; laborem & cruciamentum; sed semper consolationes sine ulla siccitate & ariditate mentis; quin & bona absq; admixtione ullius mali, sanitatem absq; infirmitate, quietem absque labore, pacem sine turbatione. Eheu! quis in his non videt nostram amentiam?

Volumus siquidem id, quod esse non potest; puritas siquidem solum invenitur in Paradiso, & in Inferno; in Paradiso quidem omnia bona; requies & consolatio ibi sunt in sua puritate absq; aspersione ullius mali, tribulationis vel afflictionis; contrà autem, in Inferno omne malum, desperatio, turbatio & inquietudo; & id in sua puritate absq; ulla admixtione ullius boni, spei, & tranquillitatis pacis &c. At in via hac periculosa nunquam est bonum sine sequela mali: divitiæ sine inquietudine, quies sine labore, consolatio sine afflictione, sanitas sine morbo. Brevis omne quod in ea est, est permixtum, dum in ea bonum non reperitur sine malo.

Est continua varietas accidentium diversorum. Ita Deus diversas voluit esse tempestates. Hinc ætatem sequitur Autumnus, & hyemem.

Ver: quo nobis ob oculos ponit nihil esse permanens in hac vita. Quis non videt res temporales perpetuò esse mutabiles, inconstantes, & subjectas multis ac varijs mutationibus?

Defectus cognitionis hujus veritatis, uti jam dixi, est id, quod nos reddit mutabiles & varios in nostro genio & ingenio, QUIA NON UTIMUR RATIONE, QUAM DEUS NOBIS ELARGITUS EST. Quæ ratio, nos efficit immutabiles, firmos, & solidos in nostris cœptis, & consequenter similes Deo, siquidem ipse dixit: *faciamus hominem ad nostram similitudinem*, & simul dedit RATIONEM, & usum illius, ad ratiocinandum, considerandum, & discernendum bonum à malo, & res, quæ merentur electionem, vel rejectionem.

Ratio est id, quod nos reddit superiores & dominos omnium animalium; postquam enim Deus creavit primos nostros parentes, contulit illis plenum dominatum super pisces maris, & bestias terræ, & ex consequenti, dedit illis notitiam cujuscunq; speciei, adjecit & media ad eas edomandas, & suis usibus subijciendas. Deus enim non tantum contulit homini gratiam, ut se faceret domum animalium, mediante dono, quod illi tribuit, dando rationem, per quam illum effecit similem sibi; sed ultra hoc, dedit illi potestatem super omnia accidentium & eventorum genera.

Hinc



Hinc dictum est, quod vir sapiens dominabitur  
astris: id est, qui se regit per rationem absolūtē  
astris dominabitur: quod est dicere: non nisi,  
usu rationis adhibito, erit firmus & constans in  
diversitate accidentium, & eventorum hujus vi-  
tæ mortalis: & hoc sive tempus pulchrum sit, sive  
pluvium, sive aer sit tranquillus, sive agitated ven-  
tis, homo sapiens ista non curat; perbellē enim  
novit nihil esse stabile & permanens in hac vita.  
In afflictione non desperat, sed expectat conso-  
lationem; in infirmitate non se excruciat, sed  
sanitatem præstolatur. Vel si videt se ita male  
habere, ut mors secutura videatur, Deum lau-  
dat: sperans requiem vitæ immortalis, quæ post  
hanc temporariam sequitur; si prematur aliqua  
paupertate, non idē se tradit tristitiæ; probē  
enim scit divitias in his inferioribus terræ regio-  
nibus non esse sine paupertate. si contemnitur,  
novit honorem non esse permanentē; sed quod  
ordinariē eum sequatur ignominia, & cōtemptus.  
Breviter in omni eventorum genere, sive in pro-  
speritate, sive in adversitate, est firmus, stabilis &  
constans in suis decretis, tendens assiduē ad frui-  
tionem bonorum æternorum. Verū non so-  
lūm considerata est hæc varietas, mutatio &  
instabilitas in rebus transitorijs & materialibus  
hujus vitæ caducæ; non solūm, inquam, in ijs;  
sed insuper considerare oportet in successioni-

bus vitæ nostræ spiritualis ; ubi firmitas & constantia tantò magis necessaria est , quantò vita spiritualis exaltata est supra mortalem & corporalem.

Abusus est permagnus , nolle pati , vel nolle sentire mutationes & varietates in naturalibus ingenij nostri affectibus , dum nos ipsos non gubernamus per rationem , nec per eandem nos ab alijs patimur gubernari. Dicitur communiter : en puerulus iste , est quidem juvenis , verùm jam habet usum rationis. Ita complures habent usum rationis , qui ad instar puerorum , nec se , nec sua dirigunt imperio rationis. Deus dedit quidem homini rationem , quâ regatur , sed pauci sunt , qui sinant illam esse Reginam & Imperatricem ; sed contrà sinunt se regi suis passionibus , quæ subjæctæ & obediennes rationi esse deberent , juxta ordinem , quem Deus à nobis requirit.

Declaro me familiaris : major hominum pars , qui hunc mundum inhabitant , sinunt se gubernari suis affectibus , & non ratione : atque ita ordinariè sunt phantastici , varij , & mutantur in suis moribus , & sibi ingenitis instinctibus ut luna. Si ijs in mentem venit , ut citò cubitum se recipiant vel tardè , faciunt sic ; si contrarium v. g. ut foras ad campum se conferant , primo mane è lecto se proripiunt , verùm si aliâ moveantur passio-

passione, scilicet ut dormiant in profundum diem, hoc similiter agunt: nec solum phantastici & inconstantes in hoc & similibus, verum etiam in conversatione.

Volunt enim, ut omnes suo se genio accommodent, nullius autem se volunt accommodare. Sinunt se quocunque ferri suis propensionibus & particularibus passionibus, affectionibusque. Ista quidem vitia à mundanis hominibus non magni æstimantur; dum ita parum, vel nihil id turbat mentem proximi, ut non habeantur phantastici & inconstantes. Et quàm ob causam? Non aliam, quàm quòd malum istud ordinariè habeatur non malum inter mundanos.

Verùm in Religione nemo se potest in tantum sinere passionibus suis abripi: regulæ enim pro exterioribus exercitijs sunt, quibus regimur & vocamur ad orandum, ad comedendum, & dormiendum, & sic ad alia exercitia, semper eandem horâ, quando vel obedientiâ, vel campanâ monemur. Adde, quòd semper non nisi unam eandemque conversationem habeamus: neque enim fas est, ut aliæ ab alijs separentur.

In quo igitur phantasticè & inconstanter exercere nos possemus? In diversitate morum, complexionum, ingeniorum, voluntatum ac desideriorum. Nunc sum lætus, quia omnia mihi succedunt juxta meam voluntatem, paulò post



ero tristis, quia scilicet eveniet mihi parva aliqua contradictio, quam non expectabam. Sed, nescitis vos non hîc esse locum, ubi gaudia inveniuntur pura, & sine admixtione displicentiæ, eò quòd vita hæc permixta sit similibus accidentibus? Hodie dum in oratione affluunt consolationes, vos estis alacres, & promptæ ad bene ferendum Deo; at verò cras positæ in siccitate mentis, non habebitis neque cor, neque animum ad ejus servitium bene & laudabiliter exhibendum.

Mi Deus, sum tota quanta languida & animo dejecta, dicitis vos. At amabò, dicitote mihi: si vos regimini ratione, non videtis, quòd si heri erat conveniens & æquum Deo bene servire, quidnî etiam hodie optimum sit eidem debita exhibere obsequia? quin & crastino die eodem, vel etiam meliori modo? Est enim semper idem Deus tam dignus amore, quando vos languetis in siccitate, sicut quando consolationibus affluitis.

Nunc rem vnam volumus, & crastino die volemus alteram; & quod video à tali, vel tali fieri hac hora, mihi placet, paulò post idem ita displicebit ut me impellat ad concipiendam non modicam aversionem.

Nunc amo quempiam intimè & apprimè mihi placet ejus conversatio; cras habebo quod agam,

agam, ut illum rectis oculis aspiciam : quid sibi vult hoc ? nonné tam est hodie capax amoris, quam heri ? certe si quod nobis dicat ratio respiciamus, videbimus hominem illum ideò amandum esse, quia est creatura, quæ refert, & representat imaginem divinæ Majestatis, utique sic agendo, tantam suavitatem in ejus conversatione experiemur hodie, quantam heri & aliàs. Sciendum autem id aliunde non provenire, quàm quia gubernamur à nostris inclinationibus, passionibus, vel affectionibus, pervertentibus ordinem, quem Deus nobis præscripsit, qui est, omnia obsequi debere rationi.

Sí enim ratio non dominetur super omnes nostras potentias, facultates, passiones, inclinationes, affectiones ; & denique super id omne, quod nos spectat, quid expectandum est aliud, quàm continua vicissitudo, inconstantia, varietas, mutatio, & levitas, quæ nunc facient nos esse ferventes, paulò post remissos, negligentes, pigros ; nunc lätos & statim melancholicos ? horâ unâ erimus tranquilli, & dein duobus diebus inquieti.

Paucis, vita nostra transigetur inertia, & ignavia, nec non abusione & jacturâ temporis. Videtis certè per hanc primam notam sancti Chrysostomi nos incitari & provocari ad considerandam inconstantiam & varietatem successuum

suum & eventorum mundi; & hoc tam in temporalibus, quàm spiritualibus rebus, ne per occursum eventorum, quæ efferare possunt nostras mentes & ingenia, ut res scilicet novæ, & non prævisæ, deijciamur animo, nevé folij instar ad inæqualitatem geniorum, ingeniorumque, (mediante inæqualitate rerum, quæ nobis accidunt) abripi nos sinamus, sed subjecti regiminis rationis (quam Deus in nobis posuit,) & divinæ ejus providentiæ (cui nos comisit) firmi, constantes, & invariabiles in decreto, quod fecimus ad ei serviendum constanter, animosè, intrepidè, & ardentè, sine mutatione ullius facti decreti, in illius servitio maneamus.

Si ad eos loquerer, qui me minus bene intelligerent, conarer utique ijs inculcare, optimo quo possem modo, id quod jamjam dixi: verùm vos scitis me semper operam dedisse, ut quàm possem efficacissimè memoriæ vestræ imprimerem spiritûs æqualitatem, cùm ea sit virtus maximè necessaria, cùm ubique, tum maximè in RELIGIONE.

Omnes antiqui Religionum Patres singulariter collinearunt ut hæc æqualitas & stabilitas naturalis complexionis & spiritûs vigerent in suis Monasterijs. Eam ob causam statuta condiderunt, constitutiones & regulas præscripserunt ac stabiliverunt, quibus Religiosi, tanquam  
 ponte



ponte aliquo, ad transmittendam continuam æqualitatem exercitiorum notatorum uterentur, & ijs sese sicut & dictæ amabili & desiderabili æqualitati spiritûs, per mediam inconstantiam, & inæqualitatem accidentium, quæ ijs tam in itinere mortalis vitæ nostræ, quàm spiritualis occurrunt, subijcerent.

Magnus sanctus Chrysostomus dicit: ò homo, qui indignaris quòd res omnes non tibi juxta tua vota succedant, nonné te pudet, quòd id desideres, quod ne in ipsamet quidem Salvatoris familia reperitur? Considera, amabò, vicissitudinem, mutationem, & diversitatem rerum, quæ in ea occurrunt.

Beatæ Virgini nunciabatur futurum, ut conciperet filium virtute spiritûs sancti, qui & futurus esset Dominus & Salvator noster: ò qualis lætitia! qualis jubilatio erat illi in sacra illa conceptionis Verbi æterni hora!

Paulò pòst inventa est à Iosepho grvida, qui sciens non ex se: Deus bone, in quantam ille non decidit tristitiam! & Domina nostra quantum dolorem & afflictionem non sensit in anima sua, videns charum suum sponsum cogitare de se, dimittenda: modestia enim non siverat, ut ipsa Iosepho aperiret HONOREM & GRATIAM, quæ Deus se dignatus fuerat: paulò pòst, turbatione ista sublata, postquam scilicet Angelus Iosepho myste-

mysterij secretum detexit, quid gaudij, quid consolationis ambo non receperunt? & postquam Beata Virgo peperit filium suum, & Angeli ejus Nativitatem hominibus promulgârunt, pastores, & Reges adoratum eum venerunt; sino te cogitare, quid jubilationis & consolationis spiritûs non hauserint?

Pòst parùm, adest Angelus Domini, qui Iosepho apparet in somnis, & monet dicens: *Accipe puerum & matrem eius, & fuge in Aegyptum, & esto ibi usque dum dicam tibi: futurum est enim, ut Herodes quærat puerum ad perdendum eum.* O quanto dolore nuncium hoc perculit DEI Matrem, sicut & Beatum Iosephum! ò quàm circumspecto putas modo cum Iosepho, nempe ut cum consummato Religioso agit Angelus? *accipe puerum, dicit ille, & matrem eius. & fuge in Aegyptum, & esto ibi usque dum dicam tibi.* Ecquid hoc est? Pauper Iosephus nonné poterat dicere: dicis mihi, ut fugiam in Aegyptum, nōne tantum temporis interijci potest, ut cras mane discedamus, quò vis ut noctu eamus? res pro itinere non comparavi, non disposui, quomodo vis ut feram puerum? satné fortia habebo brachia, ut eum continuè feram tam longo itinere? tuāne fortè est mens, ut mater suo gestet ordine? Eheu! nōne vides eam esse admodum adhuc juvenem & teneram? Non habeo, neque equum, neque argentum ad iter faciendum. Ad hæc scis Aegyptios esse inimicos

cos Israëlitarum: Quis nos recipiet? Hæc & his similia allegassemus nos præsentī Angelo, si fuisset loco Iosephi, qui ne verbum quidem effatus est, quo notari potuisset detrectasse obedientiæ præceptum ab Angelo sibi impositum: quin imò eâdem horâ discessit & fecit quidquid Angelus ei mandârat.

Multa hic notanda occurrunt circa Angeli mandatum: & in primis docemur nullam adferendam esse dilationem & procrastinationem circa res, quæ spectant obedientiam. Est enim hominis pigri factum tardare rem, & dicere sicut sibi ipsi dicebat Augustinus: *iam iam, adhuc parum, & deinde convertar.*

Spiritus Sanctus nullam vult dilationem, neque moram, sed desiderat magnam promptitudinem, quæ nullâ interjectâ morâ, sequatur inspirationes. Perditio nostra venit ex nostra ignavia, quæ inducit nos ad dicendum: statim statim incipiam; quare non hac horâ, quâ inspirat & nos propellit? Verbo: sumus nimis molles, & nobis ipsis indulgentes: quo fit, ut id omne timeamus, quod nostram quietem videtur imminuere, quæ aliud non est, quàm nostra ipsorum tarditas & inertia; à quibus nolumus retrahi per ullam rem, quantumvis urgentem, quæ nostram turbare videatur pacem & quietem; quin & dicimus nos adinstar pigri, qui quereba-

tur



tur se cogi ad exeundū de domo sua, & dicebat: *Leo est foris, in medio platearū, occidendus sum. Proverb. 22. 6. 12. & ursi sunt in semitis, qui dubio procul me denorabunt,* O quā iniqui, dum permittimus, ut DEUS sapius mittat, qui portas cordis nostri pulset antequam vel semel ei aperiāmus, & in eo ad habitandum locum præbeamus: timendum certè est, ne eum aliquando irriteremus & cogamus, ut nos penitus deserat.

Deinde consideranda est magna pax & tranquillitas mentis sanctissimæ Virginis, & sancti Iosephi, dum inter magnas inæqualitates diversorum accidentium, quæ eis euenerunt, tam sunt constantes, uti diximus.

Considerandum item, an juxta rationem agamus, dum videntes similes occurfus in domo DEI, quæ est Religio, miramur & turbamur: siquidem id etiam fiebat in ipsamet Domini nostri familia; in qua firmitas & soliditas ipsa residebat, scilicet Dominus ipse. Hoc dicendum est non semel, sed sapius, ut eò firmitus mentibus nostris imprimamus, nunquam sinendum esse, ut inæqualitas accidentium inducat animas & mentes nostras in inæqualitatem habitūs vitiôsæ naturæ. Hæc enim inæqualitas complexionis naturalis non ex alia scaturigine profuit, quàm ex nostris passionibus, inclinationibus, & affectionibus immortificatis; quæ affectiones non debent habere po-

re potestatem ullam super nos, dum nos incitant ad faciendum, relinquendum, vel desiderandum rem aliquam quantumvis etiam minimam, quæ contraria sit rei, quam ratio dicat faciendam, vel relinquendam ad Deo placendum.

Propero ad secundam considerationem, quam facio super VERBUM ANGELI DOMINI, qui dicit Iosepho: *accipe matrem*, & quæ sequuntur, sed huic VERBO ANGELI DOMINI INHÆREO; unice desiderans, ut notemus quanti facere debeamus curam, succursum, subsidium, & paternam directionem eorum, quos Deus nobis præficit ad juvandum nos, ut securè ambulemus in via perfectionis.

Primo scire oportet, quando dicitur ANGELUS DOMINI, non esse sic intelligendum, quòd sit idem dicere quod hoc: Angelus talis viri, aut talis mulieris: hoc enim postremum dictum enunciat Angelum nostrum custodem, qui curam nostri habet immediatè acceptam à Deo: Dominus autem noster, qui est Rex & Dux ipsorummet Angelorum, non eget, neque eguit tempore vitæ suæ mortalis cura ullius Angeli custodis.

Quando ergo dicitur ANGELUS DOMINI, id sic debet intelligi, quòd sit is destinatus ad regimen domus & familiæ Christi Salvatoris, & magis specificè, quàm ullus alius, ex omnibus Angelorum choris, dedicatus servitio Christi Salvatoris,

vatoris, & sanctæ Virginis. Quod ut intelligatur, familiariter explicandum est: nuper officia mutata sunt in hoc domicilio, & inter cætera earum, quæ apud nos vocantur auxiliares seu Auxiliatrices. Quid sibi volunt istæ Auxiliatrices, quæ vobis dantur? & quem in finem dantur?

Sanctus Gregorius dicit nobis faciendum esse in hoc miserabili mundo, quod faciunt ij, qui ambulant supra glaciem, ut firmiter ac solidè nos subsistamus in negotio, quod tractamus, nempe perfectionis in via acquirendæ, & salutis in patria perpetuò possidendæ. Dicit, inquam, præfatus sanctus, quod se invicem per manus teneant, vel per brachia; ut si quis inter eos (ob nimiam glaciei lubricitatē) prolabatur, retineri possit ab altero, & deinde quod alter possit retineri ab illo, quando esset motus & impulsus ad cadendum suo ordine. Sumus in hac vita velut supra glaciem, qui multam & frequentem habemus occasionem offendendi & cadendi, nunc in hanc anxietatem, post paulò in illam murmurationem, quin & in inconstantiam & varias phantasticorum ingeniorum nostrorum mutationes, quæ causa nobis sunt, nihil ut fieri possit, cui perfectè acquiescamus: deinde ingredimur fastidia, & velut aversiones à nostra vocatione. Melancholia nobis suggerit futurum, ut nunquam faciamus rem alicujus momenti, & nescio quæ  
non



non aliæ hujusmodi res & accidentia, quæ sibi occurrunt & discurrunt in nostro parvo mundo spirituali. Homo enim est velut parvum mundi compendium, vel, ut melius dicam, parvus mundus, in quo sibi obviant ea omnia, quæ videntur in magno & universali mundo.

Passiones repræsentant bestias & animalia, quæ sunt sine ratione; sensus autem nostri propensiones, affectiones, potentias & facultates animæ nostræ: omnia ista habent suam peculiarem significationem. Verùm his nolo inhærere, sed prosequi inceptos discursus.

Auxilia igitur, quæ nobis dantur, sunt ad nos juvandos, & firmiter in via retinendos, ut impediant, ne cadamus, vel certè si ceciderimus, juvent ut confestim resurgamus. O quali cum libertate, cordis simplicitate, mentis sinceritate, & amorosa confidentia tractare debemus cum auxiliantibus, & adjutoribus, qui dati nobis sunt à Deo ad profectum nostrum spiritualem promovendum! non aliter profectò, quàm cum bonis nostris Angelis; eodem proinde loco eos habere, eodemq; honore colere debemus, atq; illos colimus. Nam boni nostri Angeli, vocantur custodes Angeli, quia ijs incumbit ex officio sibi à Deo injuncto præsentis nobis adesse, & juvare suis inspirationibus, nec non defendere in nostris periculis, reprehendere etiam ob nostra

errata, quin & excitare ad prosecutionem virtutum: eorum etiam muneri annexum est, ut ferant nostras orationes ad thronum Majestatis, bonitatis, & misericordiae Dei nostri; & inde quid nostris petitionibus obtinuerimus, referant. Sciendum enim est, gratias, quas confert nobis Deus, eorum interventione & intercessionem conferre.

Auxiliares nostri sunt boni nostri Angeli visibiles, sicut Angeli sancti custodes nostri sunt invisibiles. Auxiliares nostri faciunt visibiliter, quod Angeli invisibiliter. Monent enim nos de nostris erratis animant nos in infirmitatibus: iidem nos excitant ad prosecutionem ceptorum, quæ faciunt ad acquirendam perfectionem, iidem suis bonis consilijs impediunt, quò minus in peccata prolabamur, & si prolabi nos contingat, nos erigunt, quando in præcipitium alicujus imperfectionis vel erroris incidimus.

Si tridij & fastidij morbo laboramus, juvant nos ut patienter & fortiter feramus dolores inde provenientes; Deumq; orant ad gratiam & robur nobis elargiendum ne tentationi succumbamus.

Advertitis, credo, quanti facere debeamus eorū auxilium ob curam, quam de nobis gerunt.

Considero post hæc, quare Christus Dominus noster qui est sapientia aeterna, non suscipiat curam

ram familiæ suæ, & vel Iosepho vel dulcissimæ Matri suæ, omnia quæ eis erant eventura non indicet? Quidnî poterat in aurem Iosephi Patris sui putatitij dicere? eamus in Ægyptum, ibi tanto tempore commorabimur &c. Dico hæc, quia certum est eum à primo instanti conceptionis suæ in purissimis Beatissimæ Virginis visceribus, habuisse usum rationis, sed nolebat facere miraculum, loquendo antequam ordinarium & consuetum alijs pueris tempus advenisset. Vel si loqui nolebat, nonné poterat inspirare cordi Beatissimæ Matris, aut dilecti Patris sui putatitij Iosephi sponsi sacratissimæ Virginis? Ecquare ergo ista non præstitit potius, quam sivit, ut Angelus id officij præstaret, non obstante, quòd longè esset inferior Dominâ nostrâ? Nec hoc sine mysterio sic factum est.

Dominus noster nihil voluit attentare vel immutare circa munus demandatum Angelo Gabrieli, eò quod illi commissum erat à Patre æterno, ut MYSTERIUM INCARNATIONIS gloriosæ Virgini nunciaret. Vnde fuit velut Oeconomus generalis domûs & familiæ Domini nostri, ut curam successuum & accidentium diversorum, quæ eventura erant, susciperet, & impediret, quòd minùs aliquid accideret, quo vitam mortalis parvuli nostri, modò geniti infantis abbreviaret. Qua ex causa, monuit Iosephum, ut promptè de-



ferret in Aegyptum ad evitandam tyrannidem Herodis, cui propositum erat eum è medio tollere. Dominus autem noster noluit se per se ipsum gubernare, sed sinere se ferri quocunque, & per quemcunque libitum esset.

Videri posset Christus Benedictus non se sat sapientem (si ita loqui licet) judicasse, qui se, suamq; familiam gubernaret: ideo permisisse id muneris Angelo, ut ad placitum id ageret: esto non habuerit neq; scientiam neque sapientiam, quâ comparari potuerit divinæ ejus Majestati.

Et nos homunciones audebimus dicere, sat nos esse aptos ad nos ipsos regendos, & tanquam non indigentes amplius directione vel subsidio eorum, quos nobis gubernandis præfecit Deus, nos in officio regendi magis idoneos judicabimus? dicito mihi, Angelus eratné plus aliquid, quàm noster Salvator, vel Beata Virgo? meliorné ingenio & judicio gaudebat? Minimè: sed aliqua fortè gratia speciali vel particulari præ illis donatus erat? nullo modo: dominus siquidem noster, est Deus & homo simul, & domina nostra, existens ejus Mater, consequenter majorem longè gratiam & perfectionem habebat, quàm omnes simul Angeli, & tamen Angelus mandabat, & illi obediebant.

Sed insuper, si advertas ordinem, qui in ista familia examissim servabatur, nullum est dubium,

bium, quin is idem vel similis fuerit, qui est inter accipitres, ubi fœmellæ dominantur masculis. Quis posset dubitare, quin Beata Virgo pluris fuerit, quam sanctus Ioseph, & quin maiora prudentiæ dona ad gubernandum propria, quàm suus sponsus habuerit? attamen Angelus non agit cum Beata Virgine de ullis eorum, quæ facienda & præparanda erant, sive ad iter suscipiendum in Aegyptum, sive inde redeundum, sive aliud quid adornandum. Nonné videri posset Angelus magnam committere imprudentiam, dum de omnibus, quæ facienda sunt cum Iosepho potius agit, quàm cum matre pueri, quæ erat caput domûs? quin & gerebat, non solum claves, ad patris æterni thesaurum, sed ipsum thesaurum? Errassetné à recta ratione, si offensa fuisset ob modum & rationem secum tractandi?

Dubio procul dicere poterat sponso suo: cur vadam in Aegyptum, siquidem nec filius meus mihi eundum indicavit, nec Angelus etiam ea de re vel verbum mihi locutus est? Sed, ô humilitas hujus Matris ac dominæ! omnia tacet illa, non ægrè fert, quòd Angelus, se præteritâ, rem conficiat cum Iosepho; obedit autem religiosa cum humilitate, eò quod conscia sit Deum ita statuisse. Non quarit quare, sed abundè ei sufficit Deum sic velle, gaudet posse se submittere ad

Deo placendum, cætera non æstimat, proinde ea tacet.

Advertitisné Deum sibi complacere, dum sic agens cum hominibus, eos docet sanctissimam & amabilissimam submissionem?

Sanctus Petrus erat senex, rudis, & adhuc tunc minus excultus; sanctus Ioannes contrà, juvenis, suavis, graciosus; & tamen Deus vult ut sanctus Petrus alios regat, & sit universalis ac generalis reliquorum superior, & quidem etiam ut sanctus Ioannes unus esset ex ijs, qui imperio obedientiæ regebantur à sancto Petro. O magnus error ingenij humani, renuentis se reddere, capax ad adoranda secreta Dei mysteria, sanctissimamq; ejus voluntatem, nō habeat aliquam notitiæ scintillam, quare hoc, vel illud ita fiat? Meliore (inquit aliquis de se ipso) polleo ingenio, habeo plus experientiæ, & similia, pulchrioraq; (ut sibi videtur) dona. Quæ tamen bene considerata, nulli rei ita propria sunt, quàm turbis, dissensionibus, & murmurationibus ciendis & procreandis. Qua ratione & motivo, huic vel illi tale minus confertur? quare hoc dictum est? quo fine huic potius, quàm illi, hoc, vel illud exhibetur? O immensa fragilitatis humanæ inficitia? dum subinde, & non admodum rarò assuescimus ad scrutandum & examinandum quidquid menti incidit, vel se oculis obijcit. Hem! quid



quid non agimus? & hoc, ut nos animosq; nostros inquietemus?

Hæc, hæc ratio, nullis alijs admissis, sat est, & esse debet, quòd Deus hoc modo ordinarit. Verum quis me certiore faciet, quod talis hic & nunc sit Dei voluntas? Vellemusné, ut Deus nobis res omnes per secretas inspirationes revelaret? an fortassis, ut Angelos nobis mitteret, qui nobis ea nunciarent, quæ sint ejus voluntatis? id, ne Dominæ quidem nostræ præstat (ut, vel ex hoc præsentî negotio apparet) sed, interveniente sancto Iosepho, cui erat subjecta hac in re ut suo superiori, nunciat.

An fortè doceri & instrui cupimus à Deo ipso, viâ & interventu extasum, raptuum, visionum; & nescio quorum similium simplicitatum, ne dicam stoliditatum, quas nobis mente fabricamus, potius quàm nos submittamus amabili & communi viæ sanctæ submissionis, juxta ductum & disciplinam eorum, quos Deus nobis directores dedit in hac vita.

Sufficiat igitur nobis scire, quod velit Deus nos obedire, nulla consideratione habitâ capacitatis eorum, quibus obtemperandum est. sic agendo subjiciemus, & assuefaciemus mentes nostras ad felicissimam sanctæ tranquillitatis & humilitatis currendam viam, quæ nos Deus efficiet infinitè gratos & acceptos.

Transeamus nunc ad tertiam considerationem: quæ est nota una, quam adjunxi mandato, quod Angelus præscripsit Iosepho: ACCIPE PUERUM, ET MATREM EIUS ET FUGE IN ÆGYPTUM, ET ESTO IBI USQUE DUM DICAM TIBI.

Certè Angelus breviter, & tanquam auctoritatem habens, agebat, & tractabat cum Iosepho, uti tractari solet cum veteri quopiam & probato Religioso. i, inquit, & ne redi, nisi dixerò tibi. Ex hoc modo agendi, & procedendi inter Angelum & Iosephum, tertio loco edocemus, quomodo, conscendentes mare divinæ providentiæ sine pane nautico, vulgò, bis cocto, sine remis, sine palmulis velisque: verbo, sine ullo provisionis apparatu, omnem de nobis curam, & de successu negotiorum, nullâ mandati allatâ excusatione, committere nos Domino debeamus, quin & sine timore ullius adversæ rei, quæ posset nobis evenire. Angelus enim dicit simpliciter: *accipe puerum & matrem ejus, & fuge in Aegyptum*; nihil addit de itinere, nihil de provisione necessaria ad viam perficiendam, sed nec ad quam partem Aegypti se conferre debeant, enunciat, multoq; minus quis eos sit hospitio recepturus nec denique quomodò conquirendus & habendus sit cibus, postquam eò pertigerint.

Quid videtur, nonné Ioseph hoc in statu positus occasionem habuisset tergiversandi, & impos-

possibilitatem adferendi? exempli causâ: dicis me debere iter accipere, & hoc ita properè, imò & hac ipsa horâ: & hoc ad ostendendam promptitudinem, quam spiritus sanctus requirit à nobis, quando dicit: *surge, exi de te ipso, & de tali imperfectione*, ò quàm est spiritus sanctus inimicus longioribus moris & dilationibus! Considera, amabò, exemplar & formam perfecti Religiosi expressam in sancto Abrahamo: vide uti Deus eum tractat: *Abraham egredere de terra tua, & de cognatione tua, & veni in terram, quam monstrabo tibi*. Quid loqueris Domine, vis ut exeam de civitate? sed mihi dicito, an ad Orientem, an verò ad Occidentem pergendum mihi sit? nullam hic adfert excusationem, nullam mandati prætendit difficultatem, sed discedit promptè, & it, quò Dei spiritus eum ducit usque ad montem, qui postea nominatus fuit VISIO DEI, eò quòd acceperit in monte hoc magnas & singulares gratias à Deo, qui & quantoperè sibi promptitudo grata sit in obediendo, collatâ remuneratione copiosâ, ostendit.

Sanctus Ioseph nonné poterat dicere Angelo: dicis tu mihi, ut educam puerum & matrem ejus, at dicito tu mihi, si tamen lubet: unde eos alam in via, scis enim probè Domine mi, quòd pecuniam non habeamus? nihil dicit horum, sed fidit futurum ut Deus etiam abundè sibi cum-

suis



fuis provideat. Quod & fecit, esto tenuiter, faciens, ut invenirent unde se simpliciter, vel per opificium Iosephi, vel etiam per eleemosynas ijs collatas, sustentarent.

Certè omnes antiqui Religiosi fuerunt admirandi in hac confidentia, quâ crediderunt firmâ fide, Deum semper provisurum de ijs, quæ spectant ad vitæ sustentationem, permittentes omnem sui ipsorum curam divinæ providentiæ. Verùm considero non solum esse necessarium quiescere in divina providentia quoad id, quod respicit res temporales, sed longè magis quoad id, quod viam spiritualem & nostram perfectionem spectat. Certè nulla est causa, nisi nimia cura, quam de nobis ipsis gerimus, quæ nos perdere facit tranquillitatem mentis, & nos inducit ad nescio quas phantasticas inæqualitates & ingeniorum mutationes : nam ubi aliquæ contradictiones nobis eveniunt, imò, ubi perspicimus solummodò parvam aliquam è nostris imperfectionibus, vel ubi commisimus defectum quempiam, sit quantumvis parvus, videmur perdiri. Estne tam rarum & admirandum, quod subinde offendamus? Sed dices, adeò sum miserabilis & imperfecta. Hoc si certò agnoscis, DEUM laudato, quod hanc notitiam tibi dederit: & noli tantum lamentari : profectò non parum es felix, si non solum miseram, sed & miseriam ipsam

ipsam te agnoscas, desq; operam (postquam DEUM laudaveris & gratias egeris ob datam istam notitiam) ut rescindas posthac hujusmodi inutilem teneritudinem, quæ facit, ut queramur de nimia tua, (nolo graviore verbo uti) infirmitate.

Habemus quasdam teneritudines annexas nostris corporibus, quæ plurimum efficiunt & obsunt perfectioni; verum longè magis, & absq; ulla comparatione, obsunt illæ, quæ inhærent nostris animabus. Væ mihi! quòd non sim fidelis Domino DEO, & ideò nullam habeam consolationem in oratione? O quæ isthæc afflictio! sed ut plurimum in summa sum siccitate, quod me inducit ad timendum, ne non sim eo apud DEUM loco, (qui tamen abundat omni consolatione) quo cuperem. Ecquid ais? quasi verò DEUS semper amicos suos perfundere consolationibus?

Dic age, aliquandòne extitit puta creatura, quæ digna fuerit sic amari à DEO? non Domina nostra, non sanctus Ioseph, luce enim meridiana clarius est, eos non semper abundasse consolationibus. Potuitne major & vehementior excogitari afflictio, quàm fuerit Beati Iosephi tunc, quando animadvertit uterum gloriosæ Virginis intumescere, probè sciens id non ex se provenire. Eius afflictio & angustia tantò erat major,

major, quantò amoris passio erat vehementior, quàm cæteræ, quæ ab anima profluunt affectiones. Et, quod auget dolorem, Zelus in summo amore, in summo etiam gradu reperiebatur; quemadmodum declarat sponsa in Canticis Canticorum 8. *Fortis est*, inquit illa, *ut mors dilectio*; nam procreat similes effectus in anima ijs, quos mors in corpore: *sed dura sicut Infernus est emulatio*. His ita se habentibus, sino te cogitare, qualis fuerit dolor afflicti Iosephi, & adhuc tunc Domine nostræ, quando advertit in ea se esse æstimatione, quam de se habere poterat is, qui illam tam charam habebat, & à quo sciebat se vehementer amari. Zelus adeò eum exercebat, in eumque languorem inducebat, ut nesciret cui parti adhereret. Decrevit tamen illam dimittere & derelinquere, insalutataque, abire potiùs, quàm traducere & obrectare, quam semper tantopere honorârat & amârat.

Sed fortè dices, sentio & ego magnos dolores, & exerior difficultates, quæ me, vel certè mea magna imperfectio, inducunt in tentationem. Credo equidem; sed estne dolor iste tuus comparandus illi, quem habuit Iosephus & Maria Dei Mater? Non potest id esse: & si esset, considera, obsecro, an causam habeamus querendi & lamentandi, siquidem sanctus Ioseph non queritur, imò nullum signum exterius dat

ani-



animi dolentis; non est amarior erga Dominam nostram in sua conversatione, & ne gestum quidem vel signum ei dat turbati animi, non pejus solito eam habet, at simpliciter & tacite ferens suum dolorem, & nihil aliud versat animo, quam eam relinquere; Deus ipse scit, quid in eo in casu perplexus poterat aliud facere.

Mea aversio (dicer aliquis) adeò est magna, adversus talem & talem, ut vix loqui ei valeam sine indignatione & intrinseco quodam dolore. Et hoc summè mihi displicet. Non ideò te debes tradere tristitiæ, sed cavere solum, ne intres in nescio quas phantasticas morositates contra illos, quasi forent causa istius tuæ molestiæ, sed oportet ferre & dissimulare, sicut Beata Virgo & Ioseph tulerunt & dissimularunt: oportet item nos esse pacificos ac tranquillos in nostro dolore, & sinere Dominum, ut superfluam istam solitudinem, quando ei libuerit, à nobis tollat.

Erat equidem in potestate Beatæ Virginis sedare, & tranquillare turbas illas; sed noluit illa hoc facere, at exitum totius rei commisit divinæ providentiæ.

Sunt duæ chordæ discordes quæ ut edant sonum in musica gratum, inter se æqualiter concordent necesse est: una est tenuissima seu altissima; altera fundamentalis seu primana, & claritatis causâ *BASSISTICA*. Quid magis discors quam

quàm altum, & Bassum seu submissum? Et nihilominus sine concordia & convenientia harum duarum chordarum non est grata ulla harmonia in nostra musica.

Eodem modo in spirituali nostro cantu seu musica, duæ res æqualiter discordantes necessario inter se debent concordare: sunt autem eæ duæ res, ut magnam curam habeamus in vita spirituali nos perficiendi; curam autem nostræ perfectionis integrè Deo committamus. Volo dicere, nos habere oportere curam & sollicitudinem, quam Deus vult nos habere, ut nos in spiritu perficiamus, & nihilominus nostræ perfectionis sollicitudinem sibi relinquamus.

Vult ergo DEUS, iterum repeto, nos habere curam, & sollicitudinem tranquillam, & pacatam, quæ nos inducat ad faciendum id, quod iudicatum fuerit nobis proprium ab ijs, qui curam nostri gerunt; vult item Deus ut assidue & fideliter progrediamur in via, quæ nobis notata & designata est per regulas & directiones, quæ nobis datæ sunt; alia autem relinquamus eius paternæ curæ; conari autem debemus quantum fieri potest, ut nostram animam in pace possideamus: nam *factus est in pace locus eius* (Psalm. 65. Ver. 3.) & in corde pacato ac quieto.

Vos scitis, quando mare est quietum, & ejus aquæ non agitantur ventis, cælum in nocte serena,

rena, pulcherrimè unà cum stellis representari, quin & aspicientium oculis deorsum ejusdem Cœli pulchritudinem æquè obijci, atque si sursum aspicerent : eodem modo, quando anima nostra est quieta, & venti superfluarum curarum, inæqualitas mentis ac inconstantia eam non turbant, neque inquietant, admodum est capax gerendæ Dei imagini : verum, quando turbata, & inquieta est, nec non adeò diversis velut turbinum passionibus agitata, ut finat homo se ab illis gubernari, exclusa ratione, quæ tamen illa est, à qua similes reddimur Deo, tunc nullo modò sumus idonei representandæ imagini amabilissimæ Christi crucifixi, neque etiam diversitate excellentium virtutum, adde, quòd nec anima nostra tunc possit esse capax, ut ei sit loco nuptialis thalami.

Oportet igitur relinquere curam nostri ipsorum arbitrio divinæ providentiæ; & nihilominus quàm possumus commodissimè, & simplicissimè facere, quod in nostra est potestate, ad nos emendandos & perficiendos ; danda autem est semper opera, ne animæ nostræ turbentur inquietenturvé.

Noto denique quod Angelus dicit Iosepho, **ESTO IBI**, id est, in Aegypto, *usque dum dicam tibi*, animadverto etiam Iosephum nihil dixisse, cum posset hoc vel simili modo ei respondisse :

E

&amp; quan-



& quando, Domine mi, id mihi dices? Et hoc ad docendos nos, quando nobis mandatur, ut hoc vel illud exercitium faciamus, non esse dicendum: hocné exercitium longo tempore durabit? Sed amplecti oportet omni cum simplicitate, imitando perfectam Abrahamæ obedientiam: quando Deus ei mandavit sacrificare filium suum, nullam attulit ille excusationem, nullam querelam, neque dilationem exequendi mandatum petijt. Proinde Deus magnopere cùm in alijs, tum in inveniendò ariete, quẽ in monte ei sacrificaret, loco filij gratificatus ei est, & suavissimè conquievit in prompta ejus voluntate.

Concludo cum simplicitate, quam Ioseph exercuit, dum ad Angeli mandatum perrexerit in Aegyptum: ubi certus erat se inventurum tot inimicos, quot erant incolæ in regione illa. Quidnã potuerit sic dicere: *jubes tu nos tollere puerum, & ferre in Aegyptum: facis tu nos fugere inimicum unum, & nos tradis in manus millium & millium aliorum, quos reperturi sumus in Aegypto: quia sumus ex Israël.* Non facit hoc neque dicit bonus hic Ioseph: imò nec ullam facit reflexionem circa factum sibi mandatum; pergit plenus pace & confidentiâ erga Deum conceptâ.

Eodem modo, dilecta Filia, quando officium aliquod nobis injungitur, ne dicam⁹, ò mi Deus!

tam


ram sum rudis, mille committam absurda, quia cum aliàs multum distracta sim in hoc, quo nunc fungor officio, longè adhuc ero distractior in eo quod injungitur mihi. Verùm si in mea cellula relinquerer, essem, meo judicio, perquam modesta, tranquilla, & in Deo collecta. Ito bona puella, ito simpliciter in Aegyptum inter multitudinem inimicorum, quos ibi es habitura. Vult enim hoc Deus, te ire oportet, ibi te conservabit, non ibi morieris; vel contrà, si tu manseris in Israël, ubi est inimicus propriæ tuæ voluntatis, dubio procul, is te morti traditurus est.

Vt non rectè agit quisquis sua sponte & propriâ electione suscipit munerera & officia administranda, (timendum enim est, ne ijs administrandis succumbat) ita, si suscipit ex obedientia, nullam adferens excusationē, Deus stans pro eo, efficiet, ut in perfectione longè magis progrediatur, quàm si nihil ageret. Non tenetis id, quod alias jam sæpe vobis dixi, & non est abs re iterum atque iterum dicere? virtutem scilicet non requirere, ut nullam habeamus occasionem impingendi in aliquam imperfectionem, quæ virtuti est contraria.

*Non sufficit, inquit Cassianus, ut simus patientes, & in nobis ipsis suaves, ut privati simus conversatione hominum: contigit siquidem me existentem in mea cellula omnino solum, æstu cholera maxime inflammari. Ec-*

*quid causa! quia igniarium meum ignem nolebat consipere, unde illud e manibus indignabundus abjeci.*

Ad finem discursui huic imponere oportet, & te in Aegypto relinquere cum Christo Domino, qui, uti credo, & alij mecum, jam tunc incipiebat parvas cruces fabricare, & hoc, quando supererat aliquid temporis, & ejus opera sancto Iosepho non erat necessaria: jam tunc testificans desiderium perficiendi & adimplendi opus nostræ redemptionis.



VIVAT IESVS.

IV. COLLOCVTIO PIA  
AC RELIGIOSA.

*De sincero amore cordis, in quo queritur quomodo se ad invicem amare debeant sorores dicto amore, remotâ nihilominus à se omni indecenti familiaritate.*



T satis fiat vestræ petitioni, & intelligatur in quo consistat iste sincerus cordis amor, quo sorores se  
invi-



invicem amare debent, sciendum est sincerum amorem cordis nihil aliud esse, quàm veram & sinceram essentiam amicitiae, quæ nequit esse nisi inter personas ratione præditas, quæ foveant, & nutrant suam amicitiam interventu rationis; aliter enim non potest esse amicitia, sed solum amor. Sic bestiae habent amorem, amicitiam autem nequaquam habere possunt, quia ratione carent. Habent amorem inter se propter convenientiam naturalem; quin imò etiam amant homines, ut experientia quotidiana docet, & auctores etiam scribentes de rebus admirabilibus id asserunt: & nominatim de delphino, qui ita perditè puerulum unum in littore maris, sæpius visum amabat, ut mortuo infante, mortuus sit & delphinus ex dolore. Hoc autem minimè vocari debet amicitia, convenientia siquidem amicitiae esse debet inter duos, qui se invicem ament: & id interveniente ratione.

Vt plurimùm quidem sic homines contrahunt amicitias, sed cum non habeant bonum finem neq; rationem sequantur ducem, non merentur nomen amicitiae. Sed, & præter rationem adesse debet convenientia, vel vocationis, vel prætentionis, vel conditionis inter illos, qui ineunt amicitiam: & hoc clarè docet experientia; Nemo enim dicet veriore esse amicitiam, neque fortio rem eâ, quæ est inter fratres: *quem enim habent*

*habent parentes amorem erga filios, non est amicitia, sicut nec filiorum adversus parentes: quia habent convenientiam de qua hic loquimur, sed alias differentes: amor enim parentum in filios junctus est dominatus in eos, & auctoritas non modica; filiorum autem in parentes amor suâ naturâ plenus & respectus & submissionis in parentes. Verum inter fratres, ob similitudinem conditionis eorum, convenientia amoris efficit firmam, fortem, & solidam amicitiam.*

*Ea de causa antiqui Christiani tempore primitivæ Ecclesiæ se omnes vocabant fratres: refrigerescente autem primâ charitate inter communes Christianos, institutæ sunt Religiones diversæ: in quibus præscribitur, ut Religiosi se compellent omnes fratres, & sorores, quæ similiter sunt Religiosæ, & hoc in signum sinceræ & genuinæ amicitia, quam inter se fovant vel fovere debent. Cum autem non sit amicitia ulla, quæ comparari valeat amicitia fratrum, quia scilicet omnes aliæ sunt inæquales vel contractæ aliquo (ut est eorum, qui juncti sunt Matrimonio) artificio, quæ etiam fiunt per contractus scriptos, & pronunciatos per Notarios vel certè per simplicia promissa. Eodem modo amicitia, quas contrahunt homines mundani inter se, vel propter aliquod emolumentum particulare, vel propter causam & subjectum frivolum, sunt amicitia magnopere obnoxia interitui, & sub-*

*tanæ*

tanæ dissolationi: verum, quæ inter fratres est amicitia, penitus contrario modo se habet: est enim sine ullo artificio, ac proinde laudabilis.

Quod cum ita sit, dico id esse causam, ob quam Religiosi se fratrum nomine compellant, ideoq; habent amorem, qui verè meretur nomen amicitia, nec communis tantum, sed cordis: id est, amicitia, quæ fundamentum suum habet in corde, in quo amor sedem suam fixit & fixam retinet. Hinc nunquam nos nimis amare possumus nostrum proximum, nec excedere limites rationis in hoc amore, modo domicilium suum habeat in corde. Verum quoad testimonium hujus amoris, possumus in eo errare & excedere, nec non transgredi ultra regulas rectæ rationis.

Gloriosus sanctus Bernardus dicit mensuram amandi Deum, esse sine mensura, & amoris nostro nullam præfixam esse debere metam aut terminum; sinendum proinde, ut suos ramos extendat quantum potest. Quod dictum est de Dei, debet etiam intelligi de amore proximi, dummodo tamen semper Dei amor supernatet omnibus alijs, & principatum teneat. Post Deum, debemus diligere nostras sorores secundum omnem cordis latitudinem: nec satis nobis esse debet eas amare ut nos ipsos, ut Dei præcepta nobis præscribunt; verum amare debemus plus quam nos ipsos ad bene servandas regulas perfectionis



Evangelicæ, quæ hoc à nobis exigit. Christus ipse hoc ipsum dixit: *diligite invicem sicuti ego vos dilexi.*

Hoc magnopere considerandum est, DILIGITE INVICEM SICUTI EGO VOS DILEXI: nam hoc loquendi modo, vult dicere plus amandum esse à nobis proximum, quàm nos à nobismet ipsis. Et quemadmodum Dominus semper nos prætulit sibi ipsi, & etiam nunc præfert quoties eum in venerabili sacramento se ipsum nostrum cibum facientem recipimus; ita vult, ut nos talem amorem ad invicem habeamus, quo semper proximum nobis ipsis præferamus. Et sicut omnia fecit, quæ potuit pro nobis, nisi quòd damnationi se non tradidit (quia scilicet non poterat, nec debebat) eò quòd peccare non poterat: quod unum & solum nos ducit ad damnationem. Vult, & regula perfectionis requirit, ut quidquid possumus mutuò nobis præstare, præstemus (excepta damnatione) excluso hoc, amicitia nostra adeò firma, sincera, & solida esse debet, ut nunquam recusemus facere vel pati, quidquid tandem patiendum occurrit pro nostro proximo, ac in primis pro nostris Sororibus.

Hunc autem amorem cordis comitari debent duæ virtutes, quarum altera AFFABILITAS nuncupatur, altera bona CONVERSATIO: AFFABILITAS est illa, quæ certa quadam suavitate aspergit

git omnia negotia & ministeria seria, quæ ad invicem tractamus. Bona CONVERSATIO nos efficit gratiosos & amabiles in recreationibus, & communicationibus minùs serijs, quæ nobis sunt cum proximo.

Omnes virtutes, ut probè scitis, habent duo vitia contraria, quæ sunt extremitates seu excessus virtutis. Virtus igitur affabilitatis est media inter duo vitia, gravitatem scilicet & nimiam molliem blandiendi, & profundendi verba decoro frequentius, quæ sapere videntur adulationem. Porro virtus AFFABILITATIS habitat inter NIMIUM, & PARUM, ostendendo (juxta necessitatē) ijs, quibus cum agit, signa amoris; retinens nihilominus suavem gravitatem, juxta personarum, & negotiorum, de quibus agitur, exigentiam.

Dico adhibendas esse honestas & moderatas blanditias certo tempore: neq; enim esset conveniens, nec ad propositum, adstare alicui ægroto tanta cum gravitate, quanta adhiberetur alicui, nolendo ei plus gratificari & servire, quàm si uteretur optima valetudine. Non oporteret etiam tam frequenter adhibere blanditias & amoris signa, & quavis occasione adferre in medium mellita verba, eaq; plenis pugnibus jacere supra primos quosq; occurrentes. Vt enim, si quis plus æquo sacchari inijceret in cibum aliquem,

quem, moveret nauseam comedenti, propter  
nimiam dulcedinem, ita blanditiæ parerent fasti-  
dium audientibus, & scientibus id fieri non ad  
se recreandos, sed ex minùs probata consuetu-  
dine. Cibi, in quos pugillatim sat sine grano sa-  
lis iniiceretur, essent ingrati propter nimiam  
suam acrimoniam: verùm ij, in quos iniicitur  
sal & saccharum juxta modos & mensuras, effi-  
ciuntur gustui comprimis grati: eodem modo  
officia & signa amoris, quæ exhibentur juxta  
prudentiæ mensuram, sunt grati & salutares ijs,  
quibus porriguntur.

Virtus bonæ conversationis exigit, ut lætitiæ  
sanctæ & moderatæ, sicut & colloctionibus,  
quæ debent esse gratiosæ, ea misceantur, quæ  
conferant consolationem aliquam & recreatio-  
nem proximo: ita ut non ei crëemus per nescio  
quam frontis contractionem & caperationem  
fastidium & molestiam: vel nos recreare recu-  
semus, tempore constituto, & recreationi as-  
signato. At cùm jam de virtute hac in collo-  
tione de modestia tractaverimus, progredior  
ulteriùs, & dico rem esse perdifficilem semper  
tangere scopum & metam, in quem collineatur;  
verùm quidem est debere nos omnes habere  
hanc intentionem, ut album jaculatorium essen-  
tiæ virtutis (quod ardentè equidem desiderare  
debemus) attingamus; sed si secus eveniat, non  
ideò



ideò deiiciendus est animus, neque conturban-  
dus, dummodò orbiculum seu metam tangamus.  
Id est quàm proximè poterimus : neque enim  
sancti ipsi omnibus semper in virtutibus potue-  
runt cujusq; in particulari album seu essentiam  
proximè attingere : solus Christus Dominus &  
Beata ejus Mater id præstare potuerunt ; sancti  
autem secuti sunt eos, sed longo intervallo.  
Quale, amabò discrimen est inter spiritum sancti  
Augustini, & sancti Hieronymi, id deprehendi  
potest in eorum scriptis ! Nihil suavius est Au-  
gustino : ejus scripta sunt ipsamet dulcedo &  
suavitas : è contrario sanctus Hieronymus sum-  
mè erat austerus. Vt id aliquantulum intelli-  
gas, eum vide in suis Epistolis, pene semper vide-  
tur in cholera ; nihilominus uterque virtutum  
erat studiosissimus : sed unus plus suavitatis, al-  
ter longè plus austeritatis vitæ, ambo autem  
(quamvis non æqualiter suaves, neque similiter  
austeri ac rigorosi) fuerunt magni sancti : ex quo  
addiscimus non debere nos mirari, neque affli-  
gere, si non simus æqualiter mites & suaves, dum-  
modò amemus nostrum proximum sincero a-  
more cordis, juxta omnem ejusdem cordis lati-  
tudinem ; & sicuti Dominus nos amavit ( id est  
plus, quàm nos ipsi ) eum semper præferendo  
nobis omnibus in rebus, manendo intra limites  
sanctæ Charitatis, & nihil unquam ei recusando,  
quod

quod ad ejus faciat utilitatem, nisi quod ejus causâ non debemus velle damnari, uti jam suprà diximus.

Ideo conandum est, quantum valemus, testimonia nostræ affectionis exterius ostendere, & hoc conformiter rationi: ridendo cum ridentibus, flendo cum flentibus. Dico nos testificari debere, quod sorores nostras amemus (& hoc est secunda pars quæstionis) exclusa omni familiaritate indecenti. Et hoc dicit regula. Sed videamus quid in hoc faciendum est? Nihil, nisi ut sanctitas appareat in nostra familiaritate, & testetur sinceram amicitiam: sicut dicit sanctus Paulus in una suarum Epistolarum: *salutate invicem*, inquit, *in osculo sancto*, Rom. 6. Erat tunc consuetudo adhibendi oscula, quando Christiani sibi occurrebant. Christus Benedictus etiam osculis salutabat Apostolos, sicuti id addiscimus ex salutatione Judæ Christum tradentis.

Sancti Religiosi, aliàs, cum sibi occurrerent, dicebant: DEO GRATIAS, quod erat argumentum gaudij, quod sibi mutuò occurrentes percipiebant, quasi dicerent, vel dicere voluissent: GRATIAS AGO DEO, mi chare frater, ob consolationem; quam capio te videndo. Ita charæ Filia, testari oportet nos amare nostras sorores, & complacentiam habere ad invicem; dummodo tamen sanctitas semper comitetur testimo-

nia,

nia, quibus nostram affectionem adversus illas fatemur; & ita ut Deus non modò ex hoc non possit offendi, sed gloriâ, & honore magnificè exaltari. Idem sanctus Paulus, qui vult & docet nostras affectiones adversus proximum testatas esse debere testimonio sancto, & obsignatas sincero cordis sigillo; vult inquam & docet id nos gratiosè facere, dum suo passim præit exemplo, ut ad Colos. 4. (*Salutate fratres qui sunt Laodicea, Nympham &c.*) & alibi passim jubet tales & tales salutari, asserens eos omnes ex corde à se amari.

Quæritur circa motam quæstionem seu argumentum, an audeamus plus affectionis ostendere erga sororem unam, quæ putatur magis studiosa esse virtutum, quàm erga aliam minus studiosam. Ad hoc respondeo, quòd quamvis obligemur magis amare eas amore complacentiæ, quæ majores gradus fecerunt in virtutibus, non tamen debemus magis amore benevolentiae, neque etiam ostendere majora signa amicitiae. Et hoc duas ob causas. I. est, quòd Christus Dominus noster id non fecit, quin imò videtur plus affectionis exhibuisse imperfectis, quàm perfectis; siquidem dixit *non venisse propter justos, sed propter peccatores*. Id est, eos, qui magis egent nostris opera, quibus, ut innorescat in specie noster amor, efficere debemus. In hoc siquidem clariùs monstramus nos amare eos ex charitate, quàm



quàm illos, à quibus videmur plus consolationis accipere, quàm difficultatis, dum eos amamus.

Et in hoc procedendum est juxta quod utilitas & commodum proximi requirit extra hoc autem danda est opera, ut omnes amemus æqualiter, siquidem non dixit Salvator plus amate perfectiores in virtutibus, sed sine discrimine: *amate vos indicem*, sicuti vos amavi, nullo omnino excluso, quantumcunque imperfecto.

II. Causa ob quam non debemus majora signa amicitiae uni ostendere & exhibere, quàm alijs, & non sinere nos ad illos cæco amore magis abripi: & hoc ideò, quia non possumus judicare, qui sint perfectiores & ditiores in virtutibus. Signa enim exteriora imponere & decipere possunt: & quidem sæpe evenit, ut, quos judicaveris esse magis conspicuos virtutibus (ut alibi dixi) non sint tales in oculis Dei, qui solus id potest cognoscere. Fieri enim potest, ut soror quæpiam, quæ sæpius offendit, & multas committit imperfectiones, plus profecerit in virtutibus & gratior sit Deo; vel ob magnitudinem animi, quam conservat inter suas imperfectiones (non sinens se turbari, nec inquietari ob frequentes suos lapsus) vel certè ob humilitatem, quam inde percipit, vel etiam ob amorem suæ abjectionis, quàm alia, quæ habeat duodecim virtutes, vel naturales, vel acquisitas.

& mi-

& minus exercitij & laboris ; & consequenter potest esse magis pusillanimis, & minus humilis, quàm altera, quæ subjecta est, & obnoxia quotidianis lapsibus.

Sanctus Petrus electus fuit, ut esset superior & caput Apostolorum, non obstante, quòd obnoxius esset multis imperfectionibus ; & ita quidem, ut etiam post receptum spiritum sanctum committeret aliquas. Sed quia, nihil obstaculi ponentibus ejus defectibus, semper erat magnanimus, nec rebus adversis frangebatur, Christus eum constituit suum Vicarium, &, favore singulari prosequens, super omnes eum extulit ; & ita quidem extulit, ut nemo quidquam opponeret, vel diceret eum non mereri, ut principatum haberet supra Ioannem, qui peculiari dilectione à Christo amabatur, aliosvé Apostolos. Oportet igitur in affectione, quam erga nostras sorores habere debemus, quàm maximè fieri potest æqualiter nos continere ob allatas superius rationes. Et quia scire omnes debent, quòd se amemus amore cordis, necesse non est nos uti multis verbis, quòd eæ nobis sint charissimæ, quòd trahamur singulari ad illas propensione, hasq; & illas particulari prorsus amore prosequamur ; & alia similia, quæ minimè necesse est aperire. Habere siquidem inclinationem erga unam majorem, quàm erga alias, non facit amorem

rem nostrum perfectiorem. Imò amor iste potest esse magis obnoxius mutationi, & ob rem minimam, minus ad placitum factam, evanescere.

Quòd si verum est nos habere inclinationem ad amandum unam potius, quàm alteram, hoc mente voluendo nos detinere non debemus, multò autem minus id ei manifestare. Amare siquidem non debemus nostrum proximum propter inclinationem, sed, quia vel re ipsa est amator virtutum, vel si nondum talis est, spem habemus eum brevi talem futurum. Præcipua autem causa nostri amoris debet esse Dei voluntas: Efficax autem argumentum nostri in eum amoris censebitur, & erit, si procuremus ei bonum, quod in nostra est potestate: & hoc tam pro anima, quàm pro corpore, si pro eo item oremus, & sincerè ei serviamus quandocunque se offert occasio. Amicitia siquidem, quæ terminatur pulchris & mellitis verbis, non magni est momenti; imò toto cælo dissimilis est illi amori, quo Christus Dominus nos amavit; Cui non fuit satis asserere se certò nos amasse; sed progressus ulterius præstat pro nobis quidquid præstare potuit pro argumento, & testimonio sui in nos amoris. Sanctus Paulus 2. Corinth. 12. 15. sic loquitur suis Corinthijs, Filijs suis in Christo: *ego libentissimè impendam, & superimpendam ipse pro animabus vestris*: & hoc absq; ulla omnino mei re-  
serva-



servatione , ad testificandum quam paternè ,  
quam pretiosè , & quàm tenerè vos amem. Quod  
est dicere : paratus sum permittere , in vestri gra-  
tiam , ut vos de me faciatis vel fieri per alios ju-  
beatis quidquid lubitum est. In quo nos docet ,  
quòd impendere se , quin & vitam ipsam donare  
pro proximo sit minus , quàm sinere se impendi  
& superimpendi ad voluntatem aliorum , idque  
vel per illos ipsos , vel pro illis. Id didicerat ex  
suavi nostro Salvatore in cruce pendente.

Ad hunc , ad hunc inquam , supremum amoris  
gradum adversus proximum , Religiosi & Religio-  
sæ , quin & nos reliqui , qui consecrati sumus ser-  
vitio Dei , unà vocati sumus : non enim satis est  
adesse & opitulari proximo , commodis tempo-  
ralibus , teste sancto Bernardo , qui hunc in mo-  
dum loquitur : *non est satis impendere propriam no-  
stram personam , ad patiendum & tolerandum pro isto  
amore , sed plus ultra adhuc progrediendum est ; sinere  
scilicet debemus nos , loquendo phrasi sancti Pauli , super-  
impendi ad libitum pro illo , per sanctam obedientiam ,  
nunquam resistendo.* Nam quando nos ipsos im-  
pendimus per electionem propriæ voluntatis ,  
hoc multum consolationis , & gaudij adfert pro-  
prio amori ; at sinere , ut impendamus in rebus ,  
quas nobis alij imponunt contra nostram vo-  
luntatem , id est , quam nos non eligimus ; in hoc  
situs est summus abnegationis gradus. Exempli

causa : vellemus concionari, præcipitur nobis, ut serviamus agrotis ; orare pro proximo, mittimur ad ej serviendum : ubi semper præferendum est, absque ulla comparatione id, quod nobis imponitur ( intelligo autem quod Deo contrarium non est, & quo is non offenditur ) ei, quod nos facimus seu eligimus nostrâ sponte. Amemus igitur adinvicem , & illud *MOTIVUM* teneamus quod ita peraptum est ad excitandum nos ad hanc sanctam electionem, ut Christus ob illud sanguinem suum supra crucem positus usq; ad ultimam guttam in terram fuderit, velut ad conficiendum sacrum cæmentum, quo volebat ita exstruere, unire, conjungere & applicare simul omnes suæ Ecclesiæ lapides, qui sunt ejus fideles ; ut unio ista adeò esset efficax, nunquam ut ulla eorum eveniret divisio seu dissolutio. Tam ille timebat, ne hujusmodi divisio multis causa esset æternæ damnationis !

Favor & gratia in ferendis proximi imperfectionibus est unum è præcipuis punctis hujus amoris. Hoc Dominus ostendit manens fixus in cruce : qui permittit cor erga nos gerebat, & charos habebat. Nos, inquam, & illos ipsos, qui ei mortem eo momento inferebant, & erant in actu peccati tam enormis, quàm posset unquam ab ullo homine committi. Nam peccatum, quod Judæi commiserunt, fuit exemplar summæ im-

pro-

probitatis; & nihilominus Dominus noster tunc menteolvebat pro ijs cogitationes amoris, exhibens nobis exemplum non imaginabile in eo, quod excusabat eos, qui se crucifigebant, & in se furore plus quàm Barbarico sæviebant; ille autem quærit inventiones & modos inducendi Patrem ad ijs in ipso actu peccati & injuriæ condonandum. O quàm miseri sumus nos homines mundani! dum vix parvam aliquam injuriam à longo jam tempore nobis illatam valemus condonare! Qui proinde præveniet proximum suum in benedictionibus dulcedinis, erit maximus imitator Domini nostri. Oportet ulterius notare amorem cordis junctum esse uni virtuti, quæ est velut appendix istius amoris, & ea est confidentia tota quanta parvulorum. Parvuli enim dum plumam aliquam pulchram, vel quid simile adepti sunt, quod pulchrum existimant, non cessant, non quiescunt, donec occurrant quotquot invenire possunt è suis paribus, ad plumam illam ostendendam, & ad partem suæ lætitiæ ijs communicandam. Iidem pariter nullam quietis partem capiunt, donec doloris sui (si quem habent) eosdem suos coætaneos participes faciant; unde si fortè digitus unus aliquis, eis parum doleat, nullis sibi obviantibus nondicunt, ut aliqua commiseratione se moveri ostendant erga illos: quin & leviter sufflent



supra illud membrum, quod sibi dicunt dolere.

Porro, non dico oportere prorsus esse uti sunt infantes; sed quod confidentia inducere debeat sorores, ne sint tam parca & tenaces in communicandis exiguis suis bonis spiritualibus, & consolationibus alijs consorioribus; timentes forte, ne ex hoc suæ imperfectiones alijs innotescant. Non dico tamen debere omnibus communicari donum aliquod extraordinarium, quod ijs singulariter à Deo datum esset, non, inquam, hoc dico; Verum, quod attinet ad exiguas aliquas earum consolationes, & bona alia spiritualia, ea ego communicari vellem absq; ulla reservatione & reticentia, ubi daretur occasio; sed id minimè formâ, & modo jactantiæ ac vanitatis, at simplici confidentiâ, idq; rotundè & ex animo ad invicem. Quod autem spectat ad nostros errores & defectus spirituales, ne, amabò, affligamur, si detegantur & resciantur ab alijs: non enim meliores fient sorores illæ, si earum defectus intra eas abscondantur, quàm si foras prodeuntes, oculis aliarum subijciantur: nec ideo credent aliæ sorores illas, quæ suos defectus reclusos vel lent, ijs carere; & fors etiam imperfectiones illæ erunt periculosiores, si in tenebris lateant, quàm si in lucem veniant; & faciem vestram pudore & non minori verecundiâ cooperiantur, quàm

quàm earum, quæ magis sunt faciles ad illas exterius prodendas. Non oportet igitur turbari neque animo deijci, quando errores & defectus videntibus sororibus committimus: sed contrà, debemus lætari, quòd agnoscamur tales, quales sumus. Esto commiseris absurdum aliquod & inconueniens coram sororibus, quæ te unicè diligunt, ac proinde nòrunt quàm optimè sufferre tuos lapsus, quin & plus commiserationis erga te sic peccantem, quàm passionis contra te habituræ sunt.

Atque ita videbis, quòd confidentia ista magnopere nutriet & augebit sincerum amorem cordis, quin conservabit quietem animarum nostrarum, quas proclive aliàs est turbari, quando advertimur facilè labi in rem aliquam, esto sit perexigua: quasi verò valde rarum & mirum esset committere nos impetfectiones.

Tandem, pro conclusione hujus discursûs, semper debemus meminisse, quòd propter aliquem neglectum debitæ suavitatis, qui subinde ex inadvertentia incurritur, non oporteat se turbare, aut judicare carere sincero amore cordis, potest enim is amor stare cum aliqua imperfectione. Actus quispiam subinde ex aliqua occasione commissus, modò non frequenter, non efficit hominem viciosum, præcipuè autem quando adest prompta voluntas se emendandi.

## INTERROGATIO II.

*Quid sit facere omnia in spiritu humilitatis uti  
præcipiunt constitutiones?*

Vt hoc melius intelligatur, scire oportet, quòd ut est discrimen inter superbiam & consuetudinem superbiam, & simul spiritum superbiam (si enim committis actum superbiam; ecce superbia, sin autem omni occasione & occursum tales actus committantur, adest consuetudo & habitus superbiam. Si verò in ijs actibus tibi complaces, eosque requiras, est spiritus superbiam) ita est differentia inter humilitatem, habitum humilitatis, ac spiritum ejusdem humilitatis. Humilitatis est facere actum quempiam ad se humiliandum; habitus autem omni omnino occurrente occasione; sed spiritus humilitatis est sibi complacere in humiliatione, & querere abjectionem & humilitatem omnibus in rebus: id est, in omni re, (quam facimus, dicimus, vel desideramus) præcipuus noster scopus debet esse nos ipsos humiliare, & exinanire, quin & gaudiū habere dum propria abjectio in omni occasione nobis occurrit, sed & cogitationes de ipsa abjectione libenter habere debemus.

En quid sit facere omnia in spiritu humilitatis, & quod idem est, ac si quis diceret, querere humilitatem & abjectionem in omnibus. Præ-  
clara




clara est humilitatis praxis non intueri actiones proximi, nisi ad notandas virtutes, imperfectiones autem nunquam. Dum enim nobis non incumbit, non debemus oculos eam in partem conijcere, multò minus eas ex instituto perpendere.

Semper in meliorem partem interpretari debemus quantum fieri potest id, quod videmus fieri à nostro proximo: & quidem in rebus dubijs debemus nobis persuadere id, quod vidimus fieri, non esse malum; & nostrâ imperfectione fieri, quod in mentem nobis veniat talis cogitatio: & hoc ad evitanda temeraria judicia in alienis actionibus. Quod malum est periculosissimum, ideoq; summè detestandum. In rebus autem evidenter malis concipere debemus commiserationem, & ob proximi peccata non minus nos humiliare, quàm ob propria; quin & Deum orare, ut se emendent, & quidem eodem cordis affectu, quo pro nobis, si similibus defectibus obnoxij essemus, oraremus.

At (dicitis vos mihi) quid nobis faciendum est, ut talem humilitatis spiritum acquiramus, qualis nobis descriptus est?

Respondeo, non superesse modum alium eam acquirendi, quàm quo acquiruntur aliæ virtutes, acquiruntur autem per actus sapius iteratos.

Humilitas nos inducit ad exinanitionem nostri ipsorum in rebus omnibus, quæ necessariae non sunt ad augmentum gratiæ, ut esset. v. g. bene & eleganter loqui, habere eximiam staturam, magna talenta ad res exteriores cum plausu tractandas, excellens ingenium, eloquentiam nulli secundam, & huiusmodi alia: in rebus enim exterioribus desiderandum est, ut alij melius quam nos agant.



# VIVAT IESVS.

## COLLOCVTIO V.

*De Generositate.*

**V**T bene intelligatur quid sit, & in quo cōsistat robur & generositas animi, de qua interrogatis; primò oportet respondere ad quæstionem unam, quam frequenter movistis, scilicet IN QUO CONSISTAT VERA HUMILITAS? nam resolvendo nodum istius puncti, melius intelligar loquens de secundo, quod est de generositate animi, de qua vultis me nunc tractare.

HUMI-

HUMILITAS igitur aliud non est, quàm perfecta cognitio nostri nihili, & clariùs, quàm nosse quòd nihil sumus: efficit illa, ut nos contineamus in hac nostri æstimatione. Quod ut melius percipiatur, scire oportet in nobis esse duo bonorum genera. Quorum alia sunt in nobis & ex nobis; reliqua autem sunt in nobis, & non ex nobis.

Quando dico nos habere bona, quæ sunt ex nobis, non intendo dicere, quòd non veniant ex Deo, vel quòd ea habeamus à nobis ipsis: in veritate enim ex nobis ipsis aliud non habemus, quàm miseriam & nihil; sed volo dicere esse bona, quæ Deus taliter in nobis posuit, ut videantur esse ex nobis. Et bona ista sunt sanitas, divitiæ, scientiæ, & similia alia. Porro humilitas impedit, quò minus gloriemur & nos ob ista bona magni æstimemus: eò quòd non pluris ea faciat, quàm gerras, seu quod idem est, quàm nihil. Et re ipsa sic dicat ratio, cum non sint bona stabilia, & quæ Deo nos efficiant gratiores, sed mobilia & subjecta ludibrio fortunæ. Quòd autem res aliter non se habeat, dic age, aliquid né est minus securum, & firmum, quàm sint divitiæ, quæ à tempore & tempestatibus dependent? quam pulchritudo, quæ pallorem ex re minima cõtrahit? Unica mentigo in facie (quæ est infirmitas pecudum) sufficit ad tollendum nitorem totius vultûs. Quod autem ad scientiâs attinet, exigua



cerebri turbatio efficit, ut perdamus & obliviscamur quidquid unquam didicimus & scivimus. Omni igitur jure humilitas talia bona nihili ducit; at quantò magis nos deprimit & humiliat, per notitiam eius, quod sumus nos ex nobismet, & per exiguam existimationem, quam habet de omni eo, quod est in nobis & ex nobis: tantò etiam magis facit, ut nos ipsos magni aestimemus ob bona, quæ sunt in nobis, & non ex nobis; quæ sunt FIDES, SPES, CHARITAS, esto in nobis sint perexiliter, sicut etiam quædam capacitas, quam nobis Deus elargitus est, ut ei uniri, mediante gratiâ, possimus; Et quantum ad nos attinet, vocatio nostra nobis dat assecurationem (qualis in hac vita haberi potest) possessionis gloriæ, & felicitatis æternæ; aestimatio autem, quam exhibet humilitas de omnibus istis bonis, scilicet, fide, spe, & charitate, est fundamentum generositatis. Advertitis, credo, prima illa bona animi, de quibus vobis loquimur, pertinere ad humilitatem, ut objectum & materia illius circa quæ eius exercitia versantur; secunda autem ad generositatem. Humilitas considerans nostram paupertatem & infirmitatem, quæ sunt ex nobismet ipsis, credit se nihil posse, contrà generositatem nobis svadet, ut dicamus cum Sancto Paulo: *omnia possum in eo, qui me confortat.* Humilitas facit, nos diffidere de nobis ipsis; generositas autem facit

facit nos confidere in Deo. Advertitis cerrè has virtutes, humilitatem & generositatem ita inter se esse unitas & conjunctas, ut nunquam ab invicem possint separari.

Reperiuntur nonnulli, qui se occupant circa falsam & stolidam humilitatem, à qua impediuntur, quo minus considerent id, quod Deus in ijs posuit boni: sed errant toto cœlo, nam bona, quæ Deus in nobis posuit debent recognosci, æstimari, & plurimum honorari, minimeq; haberi in classe humilis æstimationis, quam habere debemus de ijs, quæ sunt in nobis, & ex nobis.

Non solum autem veri Christiani cognoverunt recognoscenda esse duo genera bonorum in nobis, unum eorum, quæ nos humilient; alia autè quæ divinam bonitatem, quæ ea est elargita glorificent; sed etiam Ethnici Philosophi. VERBA enim illa, quæ sæpe usurpant: NOSCE TE IPSUM, intelligi debent non solum de notitia vilitatis & miseriæ; sed insuper de excellentia, & dignitate nostrarum animarum, quæ ex pura puta Dei bonitate capaces sunt unionis cum divinitate, quæ nobis indidit, & velut insculpsit certum quendâ instinctum, qui semper nos urget, ut tendamus, & anhelemus ad illam unionem: in qua consistit omne nostrum bonum.

Humilitas, quæ non producit generositatem, dubio procul falsa est, nam postquam dixit NI-

NIHIL POSSUM, NIHIL SUM, QUAM NIHILUM; cedit  
 & dat continuò locum animi generositati, quæ  
 dicit: NIHIL EST, ET NIHIL ESSE POTEST, QVOD  
 NON POSSIM, modò omnem meam confidenti-  
 am in Deo, qui omnia POTEST, repositam habe-  
 am. Quare freta hac fiducia aggreditur gene-  
 rosè, & magnanimiter facere & exequi quidquid  
 illi demandatum est. At notes velim, quòd di-  
 cam, quidquid illi demandatum vel consilio sug-  
 gestum est, sit quantumvis difficile. Dico enim  
 vobis certò eam non iudicare miracula patran-  
 da esse sibi impossibilia, si ei facienda præcipe-  
 rentur: quòd si animum & manus applicet exe-  
 cutioni rei demandatæ in omni cordis simplici-  
 tate, Deus potius faciet miraculum, quàm sub-  
 trahat potentiam. & vim complendi rem cœ-  
 ptam, eò quòd non agat viribus suæ propriæ  
 confidentiæ, quam habeat in robore animi sui  
 ad prosequendum rem inchoatam; sed quæ fun-  
 data sit super æstimationem, quam illa habet in  
 donis sibi à Deo concessis. Atq; ita, facit apud  
 se ipsam hunc discursum: si Deus me vocat ad  
 statum adeò sublimis perfectionis, ut in vita hac  
 non sit excellentior, quid me impedit, quò mi-  
 nus ad eam perveniam, siquidem certò scio,  
 quòd is, qui opus meæ perfectionis incepit, eti-  
 am perficiet?

At, etiam atque etiam vide, ne in hoc sit aliqua  
 præ-



præsumptio, quia hæc confidentia nullum ponit obicem, quò minus non semper vigilemus & caveamus, ne fallamur; quin imò attentiores, vigilantiores, & sollicitiores nos reddit ad faciendum id, quod nobis profit, & promoveat nostram perfectionem.

Humilitas non solum fita est in hoc, ut de nobis ipsis diffidamus, sed vel maximè ut Deo fidamus. Diffidentia nostri ipsorum, & nostrarum virium producit confidentiam in Deo; & ex hac confidentia nascitur generositas illa animi, de qua nobis est sermo.

Sanctissima Virgo, Domina nostra clementissima suppeditavit nobis ad hanc rem intelligendam exemplum maximè notandum & simul celebrandum, quando pronunciavit verba hæc: *Ecce Ancilla Domini, fiat mihi secundum verbum tuum*, nam in hoc, quòd dicit *se esse Ancillam Domini*, exercet actum humilitatis ita magnum & excellentem, ut neque major, neque excellentior posset excogitari: quia opponit laudibus & encomijs, quæ ei tribuit Angelus, dum futuram Dei matrem asserit, & dum infantem, qui ex purissimo ejus utero egredietur, vocandum filium Altissimi adstruit (quæ dignitas major est, quàm unquam antè cogitari, & in mentem admitti potuerit) opponit, ut dixi, omnibus istis depredicationibus & excellentijs suam humilitatem & indignitatem, dicens *SE ESSE ANCILLAM DOMINI*.

Advertatis velim, quòd postquam petſolvi-  
debitum humilitatis officium, continuò exer-  
ceat praxim generositatis excellentiſſimam, di-  
cens: FIAT MIHI SECUNDUM VERBUM TUUM. Ve-  
rum eſt (volebat illa dicere) me nullo pacto ca-  
pacem eſſe iſtius gratiæ (reſpiciendo id quod ex  
me ipſa ſum) ſed in quantum bonum hoc, quod  
in me eſt donum Dei, & quod tu mihi dicis eſſe  
decretum ſanctiſſimæ ejus voluntatis; credo;  
quod poſſit eſſe, & futurum ſit, ac ideò, pulſo  
omni dubio, dixit: FIAT MIHI SECUNDUM VER-  
BUM TUUM.

Nota lector quòd defectu hujus generosi-  
tis pauciſſimi exercentur actus veræ contritio-  
nis: quia poſtquam humiliati & confuſi ſumus  
coram divina Majeſtate, propter magnam no-  
ſtram infidelitatem, multis in rebus non appli-  
camus nos ad faciendum hunc actum confiden-  
tiæ, nos attollendo generoſè ex aſſecuratione;  
quam habere debemus, futurum ſcilicet, ut di-  
vina bonitas nobis elargiatur gratiam, quâ poſt-  
hac ſemper pergam⁹ eſſe fideles operarij, & per-  
fectius ejus in nos amorì reſpondeamus. Poſt  
hunc fiducia actum immediatè exerceri debe-  
ret actus generositatis, dicendo: quandoqui-  
dem certus ſim, quòd gratia Dei mihi non ſit de-  
futura, volo etiam credere, quòd non ſinet, ut  
meo deſim officio, ſed ejus gratiæ reſpondeam.

Sed

Sed dicetis mihi: si desum gratiæ, etiam illa mihi deerit; verum est. Si igitur ita est, quis assecurabit me nunquam gratiæ defuturam, siquidem toties ei defui hactenus?

Respondeo à generositate hoc præstari animæ, ut audaciter dicat, omni rejecto timore: NON, NUNQUAM POSTHAC ERO INFIDELIS DEO: & quia sentit in corde suo hanc resolutionem, ut nunquam velit esse infidelis, aggreditur, remota dubitatione, quidquid scit gratum Deo futurum absque ullius rei exceptione. Et dum omnia aggreditur excelso animo, credit se posse omnia, non ex se ipso, sed ex & in Deo, in quem projicit omnem suam confidentiam: ac proinde facit & aggreditur intrepidè quidquid illi imponitur, & consilio suggeritur.

Sed & hoc à me petitis, an non aliquando permittatur dubitari, & discuti, an simus capaces ad exequendas res, quæ vobis præcipiuntur?

Respondeo generositatem animi nunquam permissuram, ut intremus in aliquam dubitationem. Ut autem melius intelligatis hoc, oportet distinguere (ut solitus sum vobis dicere) partem SUPERIOREM animæ nostræ ab INFERIORE. Quando ergo dico, quòd generositas nō sinet nos dubitare, dictum hoc puta de parte superiori; fieri enim poterit, ut pars inferior redundet multis dubitationibus, & multum difficultatis sit habi-



habitura ad suscipiendum onus, quod imponitur: sed ista omnia, anima generosa flocci faciet, imò & irridebit, nulloq; loco habebit; sed simpliciter exercebit munus sibi impositum, nullo in contrarium edito verbo, neque in oppositum actionem aliquam exercebit, ad testificandum sensum & difficultatem, quam habere posset de sua incapacitate. At nos, qui nihil generosum audemus attentare, ita sumus læti, ut ad nostram lætitiā nihil addi posse videatur, quando testari possumus nos non parū esse humiles, & parvi nos æstimare: & alia hujusmodi in medium proferimus, quæ nihil minus sunt, quàm vera humilitas: quæ nunquam finit nos resistere judicio eorum, quos Deus ad nos gubernandos dedit. Posui in libro Introductionis exemplum unum, quod huic rei multum servit, & bene notari debet. Est autem de Rege Achaz, ad quem redactum ad maximam afflictionem per crudele bellum, quod duo Reges ei, obsessâ Ierosolymâ, inferebant, Deus misit Prophetam Esaïam, ut eum ex parte sua consolaretur, promitteretq; futurum, ut victoriam reportaret, & gloriose de suis hostibus triumpharet: Ad hæc adjecit Prophetæ, dicens: *Pete tibi signum à Domino Deo tuo in profundum Inferni, siue in excelsum supra*: at Achaz diffidens de bonitate Dei, & liberalitate, dixit: *non petam, & non tentabo Dominum.* Sed homo versipellis

pellis non id dicebat ad honorandum Deum, agebat siquidem contrarium, nolens eum honorare, eò quòd Deus illo tempore volebat glorificari per miracula; quòd Achaz recusans non dignabatur ab illo vel unicum petere, quod tamen significârat se velle facere. Vnde graviter offendit Deum, nolens obedire Prophetæ, quem Deus miserat ad ei significandam suam voluntatem. Nunquam vocare debemus in dubium, quòd nequeamus facere id, quod nobis præceptum est, eò quòd superiores perbellè nôrunt nostram capacitatem.

Sed mihi dicitis vos habere complures miserrimas, & magno numero imperfectiones internas, quas nostri superiores fortassis maximè nôrunt, quibus decipi possent, dum forte, quæ foris parent, tantum considerant?

Dico ego non semper nobis esse credendum, quando impulsæ fortassis aliquâ pusillanimitate, dicitis vos esse miserabiles, refertasq; innumeris imperfectionibus; sicut neque credi debet vos nullas habere, quando nihil dicitis, cum sitis ordinario loquendi modo, tales, quales vestra opera vos manifestant.

Vestra virtutes ut cognoscuntur ex fidelitate, quâ eas exercetis; ita imperfectiones per actus: Manente corde vacuo ab omni malitia, non potest superiorum spiritus decipi. Sed Dicitis

iterum, complures sanctos reperiiri, qui sese opposuerunt, & onera, quæ eis imponebantur, defugerunt. RESPONDEO, eo in genere id fecisse illis non solum causâ humilis existimationis, quam de se ipsis habebant, sed præcipuè ob eos, qui eis huiusmodi onera, vel officia imponere volebant, & se fundabant super quasdam virtutes deforis solum apparentes, ut sunt jejunia, Eleemosynæ, pœnitentiæ, & corporum asperitates, non autem super veras & internas virtutes, quas clausas & tectas gerebant sub velo sanctæ humilitatis. Deinde petebantur, & postulabantur à populis, qui eos non cognoscebant, nisi ex auditu & fama.

Adde, quòd in hoc casu videatur permitti posse aliquis renixus & excusatio. Sed scitisne cui? alicui Religiosæ seu filiæ Divionensi, cui, exempli causâ, superior Anneffiensis mandat, ut ea agat aliarum superiorem, cum nunquam eam neque viderit, neque aliunde cognoverit: sed filia, seu Religiosa apud nos instructa in rebus spiritualibus, cui idem mandaretur, nunquam deberet rationem ullam adferre, quâ notaretur repugnare mandato; sed statim incipere officium & munus sibi demandatum administrare, & hoc tanta cum pace, & animositate, ac si iudicaret se comprimis idoneam muneri tali administrando. Sed probè astum persentisco, ideò

recu-



recusamus, quia timemus, ne non cum nostri commendatione & honore, munere illo defungamur. Nobis tanti est fama & reputatio, ut non addiscentes, & tirones in huiusmodi officijs administrandis; sed Magistri, & Magistræ (qui nunquam à recto aberrant scopo) haberi velimus.

Nunc, ut reor, sat intelligitis, quid sit spiritus fortitudinis & generositatis, quem tantopere hic intus apud nos in nostra Domo habere desideramus; ut procul in exilium ultra Garamantas & Indos, omnes nugas, & nimias teneritudines, mollitiesq; ablegemus. Ecquid mirum? eæ enim ad nihil aliud sunt, quàm ad nos in via Domini retardandos, & impediendos progressus in religiosa perfectione. Teneritates huiusmodi nutriuntur vanis reflexionibus, quas facimus super nos ipsos, præcipuè autem quando novimus nos impegisse in nostra via, committendo scilicet aliquem defectum. Nam hic apud nos, Deo sint laudes, nuquam ex toto caditur, nunquam saltem adhuc id vidimus: esto subinde impingatur, & loco, quo nos deberemus humiliare suaviter, & deinde erigere fortiter (ut diximus) intramus in consolationem propriæ paupertatis, & supra hoc incipimus intra nos ipsas, nescio quas delicias & suavitates quærere, quin & apud nos ipsas exclamare: ò Deus! quàm sum

sum misera! & ad nihilum nata! post hoc venit ad pusillanimitatem & animi abjectionem, quæ nos inducunt, ut dicamus: actum est de me, nihil amplius ex me potest sperari; nunquam rem alicujus momenti facere potero; ea de re velle mihi multa dicere, est tempus perdere & insuper ita sumus constitutæ, ut videamur velle sic relinqui, atque si certum esset nos nihil unquam facturæ. Mi Deus, quàm hujusmodi res remotæ sunt ab anima generosa, & quæ maximè facit, uti diximus, bona quæ Deus in nobis posuit, quia neque difficultate itineris, quod restat faciendum, neque magnitudine operis, neque, longitudine temporis, quod adhuc impendendum est, denique neque tarditate operis, quod cœptum est, frangitur.

Religiosæ VISITATIONIS omnes vocatæ sunt ad maximam perfectionem, & earum cœptum magno consilio susceptum est altius & sublimius, quàm vel cogitari posse videatur. Ideò non solum contendunt totis viribus se unire voluntati Dei, (ad quam faciendam & complendam etiam contendere debent omnes creaturæ rationales) sed insuper conantur se ejus desiderijs, quin & intentionibus quàm arctissimè possunt jungere: intellige, fere etiam antequam eæ sint illis significatæ. Et si quid excogitari posset perfectius, & gradu uno majoris perfectionis, quàm sit se

con-

conformare divinæ voluntati, desiderijs, & intentionibus, dubio procul contenderent gradum illum conscendere; siquidem eas propria vocatio ad id obligat: & ideò DEVOTIO hujus DOMUS debet esse DEVOTIO FORTIS & GENEROSA, uti sapius jam diximus. Verùm præter ea, quæ dicta sunt de generositate, hoc etiam adjiciendum est, quòd ea anima, quæ eâ generositate prædicta est, æqualiter siccitates cordis, & teneritudines consolationis, tædia interiora, tristitias, oppressiones animi, sicuti favores & prosperitates mentis plenæ pacis & tranquillitatis, suscipit. Et hoc ideò, quia considerat eundem esse, qui sibi elargitus est consolationes, & immisit afflictiones; & quidem tam has, quam illas, impulsus eodem amore. Quem proinde permagni æstimat: propterea quòd per interiorem spiritus afflictionem vult se attrahere ad summum perfectionis gradum, qui est abnegatio omnis omnino consolationis in vita hac, certò sibi pollicens futurum, ut idem Deus, à quo consolationibus privatur in hisce inferioribus terris, privatus æternum non sit in cœlis.

Objicietis mihi impossibile, vel saltem perdifficile vobis videri, ut in medijs hisce tenebris exactè fiant istæ considerationes, siquidem, ut vobis videtur, non possumus tunc, vel verbum unum dicere Domino DEO.



Respondeo, vos rationabiliter dicere, NOBIS  
 ID VIDERI, quia verè res se non ita habet. Sa-  
 crum Tridentinum Concilium hoc determina-  
 vit, cui tenemur credere. *quòd neque Deus, neque*  
*ejus gratia nos unquam ita deserat, quin ad ejus boni-*  
*tatem possimus recurrere, & contra omnem turbationem*  
*animæ nostræ protestari, velle nos esse totas quantas illius,*  
*& nullo pacto eum unquam offendere:* Sed NOTATE  
 hæc esse in parte superiori animæ; quia pars in-  
 ferior nihil percipit eo in genere, sed manet  
 semper in suo dolore & afflictione; hoc nos tur-  
 bat, & facit, ut nos dignas æstimemus omni com-  
 miseratione. Et ex hoc incipimus tenerescere  
 in nobis ipsis, quasi mereremur magnam com-  
 miserationem, quòd simus sine ulla consolatio-  
 ne. Eho! quid agimus? consideremus Christum  
 Dominum & Magistrum nostrum voluisse exer-  
 ceri hisce interioribus tædijs, & modo prorsus  
 incomparabili.

Sed audite verba, quæ protulit in cruce: *Deus,*  
*Deus meus, ut quid dereliquisti me?* Reductus erat ad  
 extremitatem, nihil enim in illo erat, quàm so-  
 lum & unicum supremæ vitæ residuum, quod op-  
 pressum non esset maximis languoribus. Sed ite-  
 rum NOTATE, quòd tunc inceperit loqui Deo,  
 quo monstraret non esse impossibile, quo minus  
 etiam in tali constitutione positæ id facere pos-  
 semus. Petit is quid melius sit tali tempore, lo-  
 quine

quiné Deo de nostro dolore & miserijs, an verò ei quidem loqui, sed alijs de rebus? Vobis dico, quòd in hoc, sicut in omni alio genere tentationum, sit melius divertere spiritum ab interna turbatione, quam sentim<sup>9</sup> & dolore, & loqui potius cum Deo alia de re, quàm de nostræ mentis cruciatu. Nam indubitanter, si ei loqui voluerim<sup>9</sup> de nostra præsentī afflictione, non fiet id, quin simul teneritates aliquas cordi nostro imprimamus, augentes de novo nostros dolores: natura enim nostra sic est constituta, ut nequeat videre suos dolores sine magna sui ipsius commiseratione.

Verùm, vestro more dicetis, si id non faciatis, futurum, ut nulla ad id sit attentio, ac proinde non recordaturas vos ut aliquid dicatis: ecquid interest si nihil dicatis? sumus ne nos velut infantes, (qui ut supra dixi) multùm recreantur si possint dicere suæ Matri, quòd apicula una sibi aculeum infixeric, & hoc ideò, ut illa aliquid cōmiserationis ostendat, & sufflet supra malum, quod iam est sanatum: nam volumus adire matrem, ut ei dicamus nos plurimùm afflictas fuisse, quin & augemus nostram afflictionem referentes illam minutim, nullâ præteritâ circumstantiâ, quæ vel minimùm quid possit elicere cōmiserationis. An non hæ magnæ sunt puerilitates? si commisimus aliquas infidelitates, seu imperfectiones, bonum quidem est eas referre; si


autem fideliter & cautè egimus, etiam oportet dicere: sed breviter sine utriusque exaggeratione: oportet enim omnia dicere ijs, qui animas nostras dirigunt in viam salutis, sed modis debitis. Nunc mihi DICITIS, quòd senseritis magna incitamenta ad choleram, vel ad aliquam aliam tentationē, vos esse semper inquietas, & agi scrupulo, nisi id in confessione aperueritis. Dico ego vos posse referre, causā vos declarandi, sed non per modum confessionis, sed ad accipiendam instructionem, qualiter eo in genere vos habere debeatis: dico ergo hoc permitti posse, quando deest plena notitia, an dederimus aliquem consensum. Nam si dicaris, Accuso ME, quod continuis duobus diebus habuerim magnos motus ad choleram, verum non consensi; vos confitemini vestras virtutes, loco, quo confiteri deberetis vestra peccata; at ideò id facio, ais, timens, ne aliquid mali commiserim.

Respondeo, videndum, & considerandum moraliter, an illud, quod MALUM vocas, solido innitatur fundamento: fieri potest intra biduum te unius horæ quadrante negligentem fuisse in repellendo malo illo motu; si ita est, dic simpliciter te negligentem fuisse quarta parte unius horæ in reiiciendo motu ad choleram incitante, nullo tamen dato pleno consensu: OMISSE, quòd illa tentatio durārit duobus diebus. Nisi id ideò



id ideò velis manifestare, vel ad accipiendam instructionem à Confessario, vel certè in aliqua annua conscientia recognitione: quod vix potest improbari.

Verùm, si loquamur de confessionibus ordinarijs, esset melius eam rem silentio involvere; siquidem id solum refers in confessione, ut tibi satisfacias, esto aliquid molestia sentias id silendo. Illa verò molestiola ferenda est; ut multarum aliarum, à quibus te liberare non potes, nisi patientiando ad tempus.



# VIVAT IESVS.

## COLLOCVTIO VI.

*De discessu sororum Visitationis, quæ  
aliò se conferunt ad fundandam novam sui  
Instituti domum.*



Nter cæteras laudes, quas sancti attribuunt Abrahamo, sanctus Paulus hanc extollit super omnes alias: quòd contra spem in spem crediderit, Deus

ei promiserat futurum, ut ejus generatio multiplicaretur uti stellæ cœli, & arenæ maris; & interea mandatum accipit immolandi filium. Bonus Abraham, audito hoc, afflictus quidem fuit, sed non idè spem amisit, at speravit, & *credidit in spem contra spem*, ecquid credidit? quod etsi obediret mandato de filio suo è medio tollendo, & in sacrificium offerendo, Deum non violaturum fidem sibi datam, & promissam. Magna certè fuit ejus spes; nullus enim occurrebat modus & ratio, cui ea spes inniteretur, nisi datum sibi Dei verbum. O quàm verum & solidum fundamentum est Dei verbum, quia infallibile! pergit ergo Abraham, ut compleat Dei voluntatem, & hoc cum simplicitate nulli secundâ; non enim plus fecit difficultatis, neque attulit excusationis, quàm eo tempore, quo Deus ei dixit: *egredere de terra tua & de cognatione tua, & de domo Patris tui, & veni in terram, quam monstrabo tibi*, nullam ei terram in specie nominando, ut eò majori cum simplicitate divinx providentiæ navim conscenderet. Ambulans igitur spatio trium dierum & totidem noctium cum filio suo Isaac, portante ligna pro sacrificio: anima hæc tota quanta innocens quæsit ex Patre ubi esset, *Sistima holocausti?* dixit autem Abraham: *Deus providet sibi Sistimam holocausti, fili mi.* O Deus! quàm essemus felices, si possemus nos assvefacere ad dandum

dandum cordibus nostris tale responsum, quando jactantur fluctibus sollicitudinis & curæ aliqujus rei adversæ ! DEUS PROVIDEBIT, & post hoc non amplius turbaremur, non excruciamur, neque comprimeremur plus quàm Isaac, qui tacuit, postea, credens Dominum provisurum de victima, uti pater illi dixerat. Magna profectò esse debet confidentia, quam vult Deus nos ponere in sua paterna cura, divinaq; providentia. Sed, quidnā talem poneremus, nemo siquidem unquam fuit deceptus? Nemo unquam confidit Deo, & non recepit fructus suæ confidentiæ. Dico hæc inter nos; nam quod attinet ad homines mundanos, rarò eorum confidentia est sine aliqua diffidentia: quo dato, nullius est valoris coram Deo.

Consideremus, obsecro, id, quod Dominus & Magister noster dicit Apostolis, ad stabiliendos illos in hac sancta & amorosa confidentia Luca 22. 15. *Quando misi vos sine sacculo & pera, & calceamentis numquid aliquid vobis defuit? & dixerunt, nihil: ite ergo, inquit ille, & nolite solliciti esse dicentes: quid manducabimus, aut quid bibemus, aut quo operiemur? neque etiam cum ducemini propter me ad Præsides & Reges, cogitetis quomodo, aut quid loquamini: dabitur enim vobis in illa hora quid loquamini.* Quod autem ad alia, cibum, potum, vestimenta &c. attinet, nolite solliciti esse, scit enim pater vester celestis, quia hi omnibus indigetis.

Sed



Sed sum oppidò rudis (dicet quæpiam è nostris Sororibus) nescio quomodo agendum, & loquendum sit cum Dominis & Potentatibus, careo doctrina. Respondeo: nihil refert, in Deo confide: dixit enim: *nunquid obliuisci potest mulier infantem suum, ut non misereatur filio uteri sui? etsi oblita fuerit, ego tamen non obliuiscar tui. Ecce in manibus meis descripsi te.* Putatisné, quòd is, qui curam gerit avium cœli, & escam ijs subministrat, sicut & alijs terræ animantibus, *quæ non seminant, neque metunt*, obliuiscetur aliquando providere de necessarijs homini, qui confidit plenissimè in ejus providentia, maximè cùm is capax sit & aptus ad unionem cum summo bono ineundam?

Hæc, charissimæ sorores, agenti mihi de vestro discessu visa sunt digna, quæ in medium adferrem: nam licet capaces non sitis dignitatis Apostolicæ, ob vestrum sexum, tamè aliquo modo estis capaces officij Apostolici; dum pluribus in rebus, Deo potestis servire, procurando singulari modo augmentum eius gloriæ; prout, procurârunt Apostoli; certè, Filiæ charissimæ, hoc vobis debet esse excellens motivum ad magnam consolationem, quòd Deus dignetur vestra opera uti in re tam eximia, quàm est vocare vos ad tantam dignitatem. Ob hoc beneficium, quo Deus vos honoravit, magnas gratias agere debetis divinæ eius Majestati. Quid enim est, quod

quod Deus à vobis desiderat, nisi illud ipsum, quod disponebat & exigebat ab Apostolis, quando eos mittebat in mundum, eo modo, quo ipse Christus in mundum missus fuit à Patre, scilicet ut vitam daret hominibus: & non tantum hoc inquit, *sed ut vitam habeant, & abundantius habeant;* quod præstitit dando illis gratiam: Apostoli missi sunt à Christo eadem de causa per universum orbem: dixit enim illis Dominus: *sicut misit me Pater, ita mitto vos.* Ioan: 10. *Ite & date vitam hominibus;* sed in hoc, ne conquiescat vestra opera: sed insuper efficitote, ut vivant vitâ perfectiori, mediante doctrinâ, quam eis impertiimini. Vitam autem habebunt credendo in meo verbo, quod ijs exponetis: sed habebunt vitam abundantiorum per bonum exemplum quod ijs exhibebitis. Nec sollicitæ sitis si laborem vestrum, quem impenditis, non sequatur fructus. Non enim à vobis exigetur fructus, sed solum quæretur an fideliter terris siccis & sterilibus excolendis vos impenderitis.

Non quæretur ex vobis an multum messis in horrea Domini intuleritis; sed tantummodò an sollicitè & accuratè, proque viribus agrum Domini excolueritis.

Eodem modo, charissimæ Filix, mittimini nunc huc, & nunc illuc ad loca diversa, ut homines vitam habeant, & abundantius habeant, & cum

Aucto

Auctore vitæ vivant sempiternum. Nam quid aliud faciendum à vobis requiri potest, quam ut conemini homines imbuere notitiâ perfectionis vestri Instituti: & mediante hac notitiâ attrahere complures animas ad amplectendam omnem disciplinæ & observationis rationem in dicto Instituto comprehensam ac inclusam? sed hoc nõ concionando, non Sacramenta administrando, non peccata remittendo, quia ista facere erat Apostolorum. Cæterum dum facitis, quæ vestri sunt Instituti, nonné vitam hominibus datum-itis? sed proprius adhuc vobis loquendo, nonné itis datum vitam centenis ac centenis filiabus, quæ vestro fortè exemplo allecæ ad vestram Religionem sese aggregabunt, quæ manendo in mundo, quis scit an non periissent? cum in Religione vivendo, post mortem in omni æternitate incomprehensibilibus cæli delicijs perfruituræ sint?

Nonné sic agendo per vos vitâ donabuntur? in qua vivent vitâ abundantiore, vitâ inquam, perfectiore, Deoque gratiore, id est, quæ eas efficiet capaces perfectissimæ unionis cum divina bonitate. A vobis enim ita instruendas spero, ut acquirant verum & purum Dei amorem, qui est vita abundantior, quemque Dominus suo inmundi adventu dedit hominibus. Ignem, inquit, Veni mittere in terram, & quid solo, nisi ut accendatur?



& alio in loco mandat ut ignis incessanter ardeat super suum altare, nec unquam extinguatur, ad ostendendum quo ardore desideret, ut ignis sui amoris semper luceat super altare cordis nostri.

O quantam gratiam Deus vobis facit, dum vos quasi munere Apostolico dignatur, si non omnino dignitate, certè officio & merito, non equidem concionando (sexus enim vester id non permittit) ut Sancta Maria Magdalena, Sancta Martha eius soror, quæ aliquando id muneris obiverunt: sed non ideò intermitteris exercere officium Apostolicum in communicatione vestri modi vivendi, prout iam dixi. Ite igitur bene animatæ ad faciendum id, ad quod estis vocatæ, sed ite in simplicitate cordis. Si quas apprehensiones & difficultates habetis, dicite animæ vestræ DOMINUS PROVIDEBIT: si considerationes debilitatis vestræ vos molestant, projicite cogitatum vestrum in Domino, & ei confidite.

Apostoli erant piscatores, & ut plurimum homines rudes & ignari, Deus eos effecit doctos & sapientes quantum erat necessarium officio & muneri, quod illis volebat committere: confidite in illo, innitamini eius providentiæ, & nihil timeatis, nec dicatis, non habeo talenta ad loquendum, &c.

Respondeo, nihil refert, ite, nullo facto discursu, quia Deus vobis elargietur quidquid vobis  
neces-

necessarium erit ad dicendum & legendum suo loco & tempore. Quod si non habetis virtutem, nec experimini intra vos habere, ne ob id contristemini: nam si ad gloriam Dei promovendam, & ad satisfaciendum obedientiæ, aggrediamini vel curam animarum, vel aliquod aliud exercitium, qualecunque illud sit, Deus geret curam vestri, & veluti obligatus vobis, providebit de omni eo, quod erit necessarium tam vobis, quam illis, quarum curam vobis ille per vestros superiores commiserit.

Verum est, rem esse magni ponderis & momenti, quam suscipis; at male ageres, si bonum exitum ex ea non sperares, tua siquidem electione non suscepti, sed amore & studio satisfaciendi obedientiæ. Dubio procul causam habemus timendi non minimam, quando nos ambimus, & quærimus munera & officia, sive in Religione, sive extra, quæ nobis procurantibus conferuntur. Sed (hoc non interveniente) submittamus humiliter colla nostra jugo sanctæ obedientiæ, & complectamur toto corde onus, quod nobis imponitur: humiliemus etiam nos, quod quidem omni tempore faciendum est, sed simul & semper meminisse debemus stabiliendum esse generositatem super actus humilitatis; alioquin actus illius nullius erunt momenti.

Difficile dictum est, quantopere desiderem in-

scul-

sculpere in nobis VNAM, ut vocant in scholis, MAXIMAM, seu, quod idem est, AXIOMA, tantæ utilitatis, quantam nescio an aliquid aliud posset adferre. Quod AXIOMA est: NIHIL PETERE, ET NIHIL RECUSARE. Omnino, Charæ Filix, nihil petatis, & nihil renuatis; accipite autem quod vobis dabitur, sed ne petatis, quod vobis non offertur. Hoc si accuratè in praxim deduxeritis, eximiam pacem animabus vestris invenietis: omnino: REPETO, CONSERVATE CORDA VESTRA IN ISTA SANCTA INDIFFERENTIA, accipiendo quidquid vobis dicetur & imponetur, ne autem desideretis id, quod vobis non datur. VNO VERBO DICERE VOLO NIHIL DESIDERETIS, at vos ipsas DESERATIS, & vestram curam plenissimè & perfectissimè projicite in Dei providentiam, finatisque eum facere de vobis, (sicut faciunt innocentes parvuli, sinendo se gubernari à suis Matribus, seu nutricibus) portet Deus vos supra brachium dexterum, vel sinistrum prout illi libuerit, finite illum facere, nam infans nullo modo queretur vel offenderetur, locetur in lecto, vel inde pro libitu tollatur, sinatis eam agere, quia bona est ipsa, quid vobis desit, quidque expediat.

Volo dicere: si divina providentia finit vobis evenire afflictiones, vel mortificationes: nolite eas recusare, sed magno & ardente animo, nec

H

non



non sedata mentis tranquillitate accipite ; sin-  
autem vobis non imminuat, neque evenire sinat,  
ne eas desideretis, multoque minus petatis. Eo-  
dem modo si vobis eveniunt consolationes, eas  
accipitote cum magna gratiarum actione & re-  
cognitione beneficij à divina bonitate profecti.  
Quod si vobis non eveniant, ne eas desideretis ;  
at conemini cor bene dispositum in promptu  
habere, ad recipienda eodem animo diversa e-  
venta à divina providentia immissa.

Si officia aliqua administranda dentur vobis  
in Religione, quæ videantur periculosa, ut sunt  
præesse cum auctoritate charitate plena, ne ea  
detrectetis ; sin autem non imponantur, ne deside-  
retis vobis imponi, & sic de omnibus alijs rebus.  
Intelligo autem de rebus terrenis, nam quod at-  
tinet ad virtutes, eas possumus, & debemus de-  
siderare, & à Deo ardentem petere ; Amor autem  
Dei omnes illas comprehendit ; non potestis  
credere, si expertæ non estis, quantum hæc præ-  
xis adferet profectus animabus vestris. Nam lo-  
co, quo vos occuparetis desiderando hos mo-  
dos, & deinde alios ad vos perficiendos, simpli-  
cius & fidelius vos applicabitis ad eos, qui vobis  
in via Domini ambulantes occurrent.

Coniiciens oculos in vestrum ab invicem dis-  
cessum, & inevitabiles dolorum sensus, quos ha-  
bebitis, ubi fiet separatio unius ab altera, credo

me operæ pretium facturum, si pauca quædam  
ea de re dixerō: quæ imminuere poterunt do-  
lorem: quamvis nolim dicere eum dolorem, &  
sensum esse illicitum, imò paucis lacrymis indul-  
geri posse censeo; cum vix sit in nostra potestate  
secus facere, postquam tam suaviter & tam ami-  
cabiliter, sat longo tempore in praxi eorundem  
exercitiorum commorata estis. Quæ exercitia  
adeo univerunt animos vestros, ut ægrè admo-  
dum patiantur divisionem, aut separationem.  
Neque, Charæ Filiæ, eritis divisæ neque separa-  
tæ, nam omnes eunt, & omnes manent; quæ  
eunt, manent, & quæ manent, eunt: non qui-  
dem in sua propria persona, sed in persona ea-  
rum, quæ discedunt. Eodem modo, quæ ibunt  
remanebunt in persona earum, quæ remanent.

Vnus è præcipuis fructibus Religionis est hæc  
sancta unio, quæ fit per charitatem; quæ & talis  
est, ut ex pluribus cordibus unum efficiat, & de  
pluribus membris non nisi unum corpus consti-  
tuat: omnia taliter unum sunt facta in Religio-  
ne, ut omnes Religiosi unius Ordinis non sint (ut  
videtur) nisi unus Religiosus. Sorores domesti-  
cæ cantant divina officia in persona earum, quæ  
sunt ad hoc faciendum dedicatæ; sicut aliæ ad-  
ministrare consueverunt. Rationem quæris? est  
perquam evidens, quia si illæ, quæ sunt in choro  
ad cantanda divina officia non essent, aliæ earum

loco essent; si autem non essent sorores, domesticæ ad præparandas suis temporibus corporum refectioes necessarias, sorores, quæ additæ sunt choro, ad domestica applicarentur, si talis & talis soror non esset superior, esset alia aliqua; eodem modo eæ, quæ se conferunt aliò, manent, & quæ manent, abeunt: nam si eæ, quæ ad eundem aliò designatæ sunt, non possent ire, quæ remanent, deberent earum loco ire; quod autem inducere debet nos ut eamus, & æquè libenter maneamus: charæ filiæ, est certitudo propè infallibilis, quam habere debemus quòd separatio hæc non fit, nisi quoad corpus; nam quantum ad animam, semper arctissimè & unicè unitæ ad invicem manebitis. Exigua res est separatio corporalis, quæ facienda esset aliquando, siue vivamus diu, siue moriamur citò: sed separatio cordium, & discordia mentium ea sola est timenda.

Quod autem ad nos attinet: non solum ad invicem semper erimus unitæ, sed insuper sanctæ charitatis vinculum in dies magis ac magis augebitur, & juxta mensuram, quâ in via propriæ perfectionis progrediemur, illud renovabitur. Nam efficiendo nos ipsos capaces unionis cum Deo, arctius etiam nos inter nos uniemur: dum quavis communionem dignè à nobis obitâ, nostra unio evadet perfectior, de quo nemo sanæ mentis



tis dubitare potest. Sic sacra receptio panis cœlestis, & ter adorandi sacramenti vocatur communio, id est ( si vim & significationem vocabuli Gallici comme-union spectes ) quasi unio. O Deus, qualis est illa unio, quæ reperitur in quovis Religioso eiusdem Ordinis! talis scilicet, ut bona spiritualia non aliter sint permixta, & in unum commune redacta, quàm bona exteriora. Intelligite quæ dico.

Religiosus nihil habet in particulari, quod suum sit, ob votum voluntariæ paupertatis sacrosanctè Deo oblatum, & per sacram, quam faciunt Religiosi, sanctissimæ charitatis professionem, omnes eorum virtutes sunt communes, & omnes efficiuntur omnium in communi bonorum operum participes, eorumque fructu omnes in perpetuas æternitates perfruentur, dummodò maneant semper in charitate & observatione Regularum suæ Religionis, ad quam Deus illos vocavit, ita, ut is, qui versatur in officio domestico, vel in quocunq; alio exercitio, contempletur in persona illius, qui in choro erat; qui autem labore vacuus quiescit, participat de labore alterius, qui ex præscripto superioris laborando se exercet.

Videtis igitur, meæ charæ filiæ, quomodo eæ, quæ eunt aliò, manent, & aliæ, quæ remanent, aliò se conferant: videtis & quantopere debeatis omnes complecti æqualiter, amanter, & animosè

obedientiam; & id tam hac occasione, quàm quavis aliâ. siquidem eæ, quæ remanent ex obedientia, partem laboris & fructus itineris earum quæ discedunt, habituræ sunt, sicuti & illæ bonum tranquillitatis & pacis earum, quæ remanent, sunt participaturæ.

Dubio procul, charæ filiæ, omnes multis indigetis virtutibus, multâ curâ eas bene excolendi, & in praxim deducendi, tam ad abeundum, quàm ad manendum. Nam, quæ hinc discedunt, magno debent esse animo, & Deo intimè confidere ad suscipiendum amanter & cum spiritu humilitatis id omne, quod Deus ab illis exposcit: vincendo omnem sensum & renixum, quæ eis possent evenire, in relinquendo v. g. DOMUM, in qua Deus primò illas collocavit, Sorores etiam, quas magno amore prosequiebantur. Et quarum conversatio earum animabus erat magnæ consolationi; addo & tranquillitatem sui recessus, quæ perchara esse solet; parentelam etiam & cognationem, & quosque familiariter notos, & alias nescio quas res plures, quibus natura libenter adhæret, quamdiu hac in vita sumus.

Quæ remanent, eodem modo excelso & infracto egent animo, tam ad perseverandum in praxi sanctæ submissionis, humilitatis, & tranquillitatis, quàm etiam ad se præparandas ad migrandum aliò, si ijs demandetur; siquidem, ut videtis, vestrum



strum INSTITUTUM ad omnes partes, & loca valde diversa se diffundit & extendit: eodem modo opera vobis danda est, ut & intensio & numero crescant in vobis actus virtutum: unde & animos vestros dilatare debetis, & capaces vos efficere, quæ applicari valeatis ad ea, quæ vestri sunt INSTITUTI, juxta omnem DEI voluntatem.

Dum respicio & considero initia vestri Instituti, videntur peraptè repræsentare historiam Abrahami: nam postquam Deus ei promisit multiplicationem suæ familiæ & generationis adinstar stellarum, *quæ sunt in firmamento, & arenarum, quæ sunt in litore maris*, mandat illi nihilominus, sibi ut sacrificet filium suum, per quem Dei promissum compleri debebat. Abraham speravit & se solidavit in sua spe contra ipsammet spem, quæ tamen spes minime fuit vana, sed comprimis fructuosa, & re adimpleta.

Eodem modo quando tres primæ hujus Instituti Sorores, agitabant, & se disponebant ad amplectendum præsentis vitæ genus, Deus ab omni æternitate irrevocabiliter statuerat benedicere earum generationi; ijsq; unam præparare & dare magnopere multiplicandam. Sed quis credere potuisset hoc, siquidem dum inclusæ hærent, nobis svasoribus, in exiguo suo domicilio, nihil aliud intendebamus, nec expectabamus, quàm eas inducere ad moriendum mundo, &



ejus vanitatibus? fuerunt autem sacrificatae, imò se ipsas voluntariè sacrificarunt: unde Deo ita placuit earum sacrificium, ut non solum eis dederit novam vitam pro ipsis, sed vitam ita abundantem, ut eam, ejus gratiâ adjunctâ & fortificatâ, communicârint pluribus animabus, uti hodie gaudentes factum videmus, & ob hoc Deum uno animo, uno corde, & voce laudamus ac benedicimus.

Videntur mihi tres primæ illæ sorores præclare repræsentatæ per tria grana tritici, quæ inventa sunt in medio straminis, quod erat supra currum Triptolemi, & quod ejus armis conservandis serviebat: dicta enim grana delata in regionem, ubi non erat triticum, in terram jacta, in tantum multiplicata sunt, ut intra paucos annos tanta istius frumenti copia fuerit, ut omnes terræ illius regionis constat & profeminatæ fuerint. Providentia Dei Optimi Maximi manu suâ jecit tres istas filias in terram VISITATIONIS, quæ & manentes aliquantulo tempore in ea absconditæ ab oculis mundi, fructum talem, qui nunc omnino patet oculis produxerunt, ut intra breve tempus omnis ferè hæc patria videatur participatura de donis vestri Instituti.

O quàm felices sunt animæ illæ, quæ verè & absolutè Dei servitio se dedicant; nam Deus nunquam patietur eas esse steriles, neque infructuo-

ctuo-

etuosas! gerras enim, & nugas, imò & nihilum, quod propter Deum relinquunt, ijs compensat incomparabilibus divitijs tam in hac vita, quàm in altera. Quæ, & quanta, amabò, non est gratia posse impendi servitio animarum, quas Deus tam charas habuit, & pro quibus salvandis Christus Dominus tanta passus est? Est is honor nulli secundus; proinde, charæ meæ filiæ, id maximi facere, & vos fideliter impendere, nulliq; labori aut curæ unquam parcere debetis. Nam abundè omnia cœlitus compensabuntur. Nolim tamen hoc motivum, ut servitio Dei vos seriò addicatis, esse primum: sed ut Deo gratiores evadatis, & ejus gloriam modis possibilibus augeatis.

Ite igitur, constanter & animosè agentes, quod agere vobis incumbit ex vocatione: neque cunctemini ob id, quod non videatis in vobis omnia necessaria officio, quod impositum vobis est administrando. Dicere volo, talenta propria ad onera vobis commissa ritè exequenda. Melius est nos in nobis ea non videre; hoc siquidem intra humilitatis & modestiæ limites nos continet, & occasionem præbet, & nostris viribus, & nobis ipsis diffidendi; insuper inducit nos ad jactandam absolutè totam nostram confidentiam in Deum. Quamdiu non egemus praxi aliqujus virtutis, melius est nos eam non habere; quando autem ea egebimus (suppono nos fide-

liter uti ijs, quarum in præfenti praxim habemus) certi fimus Deum quamcunque rem necessariam fuis tempore & loco nobis daturum. Caveamus proinde ne quicquam nihil ad rem faciens, defiderem<sup>us</sup> aut prætendamus, fed omni-  
modè proijciamus nos totas quantas inter brachia divinæ ejus providentiæ, & finamus ut opera noſtra utatur juxta beneplacitum divinæ fuæ voluntatis. Nam ad quod propoſitum, rem unam defiderare potius, quam aliam, nonné omnia acceptare debemus ſine ullo discrimine? Modò Deo placeamus, & divinam ejus voluntatem amemus, nonné id nobis ſufficit?

Ad me quod attinet, miror, quid fiat, ut magis inclinemur, ut huic rei potius applicemur, quam cuicunque alteri, dum votis obſtricti in Religione vivimus! præſertim verò ubi officium aliquod & opus quodcunque (bonum tamen) tam gratum eſt Deo, atque aliud: obedientia ſiquidem eſt, quæ exhibet pretium & valorem exercitijs Religioſis. Pone; nobis dari electionem aſſumendi occupationes & officia quæ vellemus: dubio procul abjectiora eſſent deſiderabiliora, & quæ amoroſius, præ cæteris, eſſent amplectenda. Verùm cum electio rerum non ſit in noſtra poteſtate, eodem cordis affectu hæc æquè ac alia, totis ulnis amplecti deberemus. Quando munus quod nobis confertur eſt honorabile in oculis homi-



hominum, nos humiliemus coram Deo; quando autem abjectum est coram hominibus, eo magis putemus nos honorari coram Deo.

Tandem, charæ filia, quæ vobis dixi, in pretio omni cum fidelitate habetote, siue ea respiciant interiora, siue exteriora; nil concupiscatis, nisi quod Deus vult vos concupiscere: amplectamini autem omni cum amore euenta rerum, & diversos effectus divinæ voluntatis, non adhærendo ullo modo rebus alijs.

Post hæc, charæ sorores, quid amplius possem vobis dicere, siquidem videtur tota nostra felicitas sita esse in amabili eorum, quæ dixi, praxi. Repræsentabo tamen vobis exemplum Israëlitarum & cum eo finiam.

Hi cum longo tempore fuissent sine Rege, eos invasit desiderium, aliquem habendi (magnus lapsus & cæcitas humani intellectus?) quasi verò Deus eos reliquisset sine ductore, vel nō ipsemet Deus suscepisset curam eos regendi, gubernandi & defendendi? Accesserunt igitur Prophetam, ei que dixerunt: *Ecce tu senuisti, & filij tui non ambulant cūjs tuis; constitue nobis Regem ut iudicet nos, sicut & universæ habent nationes: displicuit quidem sermo iste in oculis Samuelis, oravit tamen Dominum pro eis, qui irritatus hunc in modum per Prophetam curavit eis responderi: nunc vocem eorum audi: Serunt amen contestare eos, & prædic eis ius Regis, qui regnaturus est super eos, scilicet quod ille qui eis imperaturus est, filius eorum collet.*

*tollet, & ponet in curribus suis, facietq; sibi equites, & præcursores quadrigarum suarum, & constituet sibi Tribunos & Centuriones, & aratores agrorum suorum, &c. filias quoq; dextras faciet sibi unguentarias, & focarias, & pansificas.*


Christus Dominus, charæ sorores, idem faciet ijs, qui se ejus servitio dedicant, nam ( ut videtis in Religionibus ) sunt diversa munera & officia : sed quid est, quod volo dicere ? Nihil aliud, nisi quod videatur divina Majestas vos, quæ hinc abituræ estis, pro focarijs, vel unguentarijs elegisse : ita omnino vos elegit : nam præfectæ & præpositæ estis ex parte illius odoribus virtutum vestri Instituti suavissimis, per loca, ad quæ vos conferetis, dispergendis & emittendis. Et quemadmodum Puellæ juvenes amant unicè bonos odores ( uti dicit sacra dilecta, seu amica Sponsi in Canticis Canticorum c. i. v. 2. & seqq. *oleum effusum nomen tuum,* ) vel balsamum, quod omnes in partes spargit odores infinitè gratos. Addit : *adolescens dilexerunt te nimis* ( tractæ current in odorem unguentorum tuorum ) Efficitote, charæ sorores, ut, velut unguentariæ divinæ bonitatis hinc abeuntes, ubique diffundatis odorem incomparabilem sincerissimæ humilitatis, suavitatis, & charitatis, ut complures puellæ juvenes trahantur ad vos sequendas ; & hoc per suavitatem vestrorum odorum & genus vitæ, quod vos eligitis, eligant & ipsæ, & totis ulnis illud complectantur, cujus beneficio ( uti vos ) in hac vita, amabili

mabili & sancta pace, animæque tranquillitate;  
ac postea beata felicitate in æternū perfruantur.

VESTRA CONGREGATIO est instar alvearis apum, quod jam diversa examina emisit eiecituræ, hac tamen differentiâ, & conditione tantâ, ut quæ egrediuntur apes, se recipiant in aliud alvearium, ibiq; novam domum incipiant. Quodvis examen particularem sibi eligit Regem, sub quo militet, seque recipiat. At, quod vos attinet, charæ animæ, quamvis intretis recipiatisque vos in novum alveare (id est eatis incipere novam domum vestri Ordinis) nihilominus non nisi unum Regem semper habetis, qui est Christus Dominus crucifixus, sub cujus auctoritate, vexillo, & protectione quocunq; vos conferetis, securæ vitam traducetis: nolite timere ne quidpiam vobis desit, semper enim erit vobiscum, quâdiu, eo relicto, alterum non eligetis: solum diligenter curatore, ut crescatis semper amore & fidelitate erga divinam ejus bonitatem, ei adhærendo quàm fieri potest proximè, arctissimèque, quo fiet, ut omnia prosperè vobis eveniant. Ab eo discite, quidquid vos scire opus est; nihil feceritis sine ejus consilio; est enim amicus ille fidelis, qui vos ducet & gubernabit, vestrique curam accuratissimè geret, uti toto corde meo eum supplex oro.

Deus





# VIVAT IESVS.

## COLLOCVTIO VII.

*In qua proprietates columbarum applicantur animæ Religiosæ per modum legis.*

**E**t iſtis à me in principio huius anni aliquas novas leges: Vnde conſiderans apud me, quas vobis communis utiles, & minimè ingratas dare deberem, conieci oculos meæ conſiderationis in Evangelium, quod hodie legitur, & fit in eo mentio baptiſmi Domini noſtri, & glorioſæ apparitionis Spiritûs ſancti in forma columbæ: ſuper quam apparitionem ſubſtiti, & conſiderans Spiritum ſanctum eſſe amorem Patris, & Filij, decrevi vobis dare leges totas quantas amoris plenas: Eas deſumpſi ex columbis, motus dignatione & humilitate Spiritûs ſancti, qui dedignatus non fuerit aſſumere formam columbæ: Sed & magis me movit, quòd omnes animæ, quæ dedicatæ ſunt

et sunt servicio divinæ Majestatis, castæ esse obligentur, ad instar amorosarum columbarum.

Sic in Canticis Canticorum videmus sponsam saepe columbæ nomine nuncupari: & hoc omni jure; magna enim est convenientia inter qualitates columbæ propriè dictæ, & amorosæ Christi columbæ. Leges columbarum gratissimæ sunt: estque meditatio suavissima illas considerare. Ecquæ, amabo, pulchrior est lex, quàm honestis? nihil autem honestius est columbis: merentur omnem admirationem, quæ, quàmvis nihil sit sordidius columbarijs & locis, in quibus nident, tamen nunquam visa est columba vel minimâ sordium maculâ infecta: semper est videre plumas earum mundas & pulchras instar lilij, quæ plumæ soli oppositæ mirum in modum recreant oculos & animos intuentium.

Considerate, obsecro, quantopere lex simplicitatis earum sit accepta: nam ipsemet Dominus laudavit; dicens: *estote simplices sicut columbæ & prudentes sicut serpentes.*

Tandem considerate, quàm grata sit lex mansuetudinis, quæ si in ullis animalibus relucet, in his quàm maximè: sunt enim sine felle & amaritudine. Sunt & aliæ trecentæ leges, quæ & infinitè sunt amabiles, & incredibiles adferunt utilitates ijs animabus, quæ in Religione speciaiori servicio divinæ bonitatis sese dedicârunt.

Verum

Verùm consideravi non dandas vobis ulla, quia si darem aliquas, quas jam habetis, hæ non magni fierent: proinde tres solummodò elegi, quæ talia suis accuratis cultoribus adferunt emolumenta, qualia non sit facile invenire; quæ & maximâ suavitate afficiunt animam se considerantem (quia totæ quantæ constant amore) & eximijs delicijs spiritualibus eandem ad perfectionem cœlestis vitæ tendentem perfundunt.

Tria sunt secreta, quæ tantò sunt excellentiora ad acquirendam perfectionem, quantò minus sunt cognita ijs, qui profitentur se omni studio eam inquirere, vel minimùm majori eorum partem. Sed dic, quales ergo sunt leges istæ?

I. Quam designavi vobis dare, est de columbis, quæ omnia faciunt in gratiam sui columbi, in sui autem ipsarum nihil. Videntur nihil aliud dicere, nisi *dilectus meus columbus totus est meus, & ego tota illius, & semper conversus est ad me, ut de me cogitet; & ego expectans, totam mei curam illi permitto. Eat ergo querere dilectus meus columbus, ubicunque, quocunque, & quacunque ei placuerint; ejus amor nunquam mihi erit suspectus, sed plenè mei curam ei confidam.*

Videritis fortasse aliquando, sed vix notaveritis columbas toto tempore, quo incubant ovis, nunquam inde se movere, nisi postquam parvulos suos pullos excluderint, quos ubi excluderint,

ferin  
um e  
it qu  
enda  
com  
mod  
tand  
quã  
max  
max  
quo  
mor  
cessa  
fui c  
fider  
nem  
assu  
mne  
lud  
& vi  
mo  
grat  
nisi  
mit  
por  
nob  
quo



ferint, calefaciunt, & fovent quamdiu necessarium est. Interea autem temporis columba non it quoquam, nec quidquam colligit ad se nutriendam; sed totam curam relinquit dilecto suo compari: qui adeò illi est fidelis, ut non solummodò volet ad colligenda grana ad eam sustentandam, verum etiam suo rostro ei fert aquam, quâ eam adaquet. Quid multis? gerit curam maximam, ut ei nihil necessarium desit. Dixi, maximam, quia nunquam animadversum est, quod aliqua columba eo tempore, quo incubat, mortua fuerit defectu rerum ad nutritionem necessariarum. Columba facit totum in gratiam sui columbi: fovet ova calefaciendo: & hoc desiderio ei placendi, dandique ex se generationem, ac posteritatem; columbus autem omnem assumit curam pascendi eam columbam: quæ omnem sui curam illi commisit. Breviter nihil aliud movet animo, quam ut placeat suo compari, & vicissim columbus nihil cogitat, agitque animo & corpore, quàm ut eam sustentet. O quam grata & fructuosa est hæc lex, quæ nihil agendum, nisi propter Deum, & totam sui curam illi committendam prudentissimè docet!

Nec loquor solum de eo, quod respicit temporale (nolo enim de eo loqui; notum enim nobis est de sola re spirituali nos loqui) sed loquor de eo, quod spectat spirituale, & progres-

sum animarum in perfectione. Heus, nonné videtis columbam nil aliud animo volvere, nisi dilectum suum columbum, ut ei placeat, non se movendo ab ovis excludendis, & calore fovendis, & tamen nihil ei deest, ille enim, columbus scilicet, in compensationem sinceræ ejus confidentiæ, omnem assumit illius curam. O quàm & nos felices essemus, si omnia nostra faceremus in gratiam amabilissimi nostri columbi, qui est Spiritus sanctus! tunc enim ille nostri curam susciperet; quò enim nostra confidentia, quæ quiesceremus in ejus providentia, erga illum esset major, eò etiam majorem curam extenderet supra omnes nostras necessitates; & tunc nihil omnino esset timendum, ne Deus in aliquo nobis deesset; immensus enim ejus est amor in animam, quæ in eo plenè conquiescit.

O quàm felix est illa columba, quæ tantam confidentiam ponit, habetque in suo compari! illud, illud est, quod eam vivere facit in admiranda pace, & tranquillitate. Sed centies millies beatorum anima, quæ relinquens omnem sui curam, & eorum omnium, quibus indiget, dilecto suo columbo committit; aliud non cogitat, quam incubare, & fovere tum ova, tum pullos ad ei placendum, eumque patrem posteritatis efficiendum; nam fruitur in hac vita tranquillitate & pace adeò magna, ut si nulla valeat comparari, si-

ri, sicut nec æqualis pax inveniri in hoc mundo; sed solummodò in regionibus supernis, ubi plenè fruetur castis amplexibus cœlestis sui sponsi.

Sed obsecro, quid sibi vult hoc, quòd oporteat nos incubare nostra ova, usque dum excludantur, & fiant pulli? Respondeo, ova nostra sunt desideria nostra, quæ cum incubata & fota fuerint, ex ijs prodeunt columbæ, quæ sunt effectus nostrorum desideriorum. Verùm inter uostra desideria est unum, quod omnia alia supereminet, & quod maximè meretur, ut bene excubetur & formetur ad placendum divino nostro compari (si sic loqui licet) scilicet spiritui sancto, qui semper vult nuncupari sacer sponsus animarum nostrarum, tanta est ejus bonitas & amor erga nos!

Hoc est desiderium, quod nobiscum attulimus venientes ad Religionem, quod & amplecti facit Religiosas virtutes; estq; unus ex ramis amoris Dei, & quidem celsissimus omnium, qui sunt in ista arbore divina: veruntamen desiderium hoc non debet se extendere ultra metas & limites notatos in nostris regulis & constitutionibus, quibus veniamus ad eam perfectionem, quam intendebamus acquirere, dum obligabamus nos ad ejus prosecutionem. Verùm desiderium istud oportet incubare & fovere totius vitæ tempore, efficiendo, ut illud evadat in par-



vum sed pulcherrimum columbum, qui & patri suo sit persimilis quin & ipsamet perfectio. Interea autem nihil aliud agitemus, expectemusvè, quàm incubare supra ova, id est, simul colligere, & in unum cogere omnes modos nobis præscriptos ad perfectionem propriam nostro Instituto consequendam. Permittamus ergo omnem nostri ipsorum curam unico nostro amabilissimo columbo, qui non est passurus, ut quidquam nobis desit eorum, quæ necessaria sunt ad ei placendum.

Magna profectò est commiseratio videre animas, quarum numerus, eheu nimium quantum excrevit! quæ & intendentes perfectionem, sibi imaginantur totum hoc perfectionis negotium consistere in multitudine desideriorum, quæ sibi acervant, & multum se torquent excruciantque ad inveniendam nunc hæc, nunc illa, ut ad eam perveniant, nec tamen unquam intra se quietem ullam inveniunt. Nam, postquam nactæ sunt desiderium unum, conantur statim aliud concipere, & videntur esse similes gallinis, quæ vix ovum unum pepererunt, & jam altero se onerant, derelinquentes illud quod pepererunt inclusum. Quo fit, ut pullum non nanciscantur: columba autem minimè sic agit: nam incubat & fover tum ova, tum pullos exclusos, quousque volare possint ad escam sibi conquirendam. Gal-  
lina

lina si pullos habet, magnopere se affligit non cessans glocitare, & tumultum ciere, verum columba manet quieta, non glocitans, neque se excrucians.

Eodem modo nonnullæ sunt animæ, quæ non cessant glocitare, & nescio quam non operæ ac negotij infinitam molem ob suos pullos præ se ferre; id est, ob desideria, quæ habent ad perfectionem consequendam, & nunquam sat multos reperiunt homines, cum quibus de hac re loquantur, & petant novos & proprios modos eam acquirendi.

Breviter, ita multum se occupant loquendo de perfectione, quam intendunt acquirere, ut obliviscantur exercere principale ejus punctum, quod est se quietè habere & omnem suam confidentiam in eum proijcere, qui solus incrementum dare potest semini in terram ab ijs projecto.

Totum nostrum bonum hoc in genere, dependet ex gratia Dei, in quem jactare debemus omnem omnino nostram confidentiam, & interea videmur ex vestro modo agendi, & rem viribus humanis urgendi, confidere in nostro labore, ac multitudine exercitiorum, quæ aggredimur, nec unquam nobis facimus satis. Hoc bonum est, modò comitem habeant pacem, & amorosam curam bene & amanter perficiendi id, quod faciunt, dependentes nihilominus semper

per à gratia Dei, & non à suis exercitijs : volo dicere, non expectare fructum aliquem ex suis laboribus, nisi gratia Dei præeat, & sequatur earum conatum. Videntur hujusmodi animæ adeò occupari in indagâda perfectione, ut oblità sint, aut certè ignorèt quid Ieremias Propheta dicat Baruch, quod vult dictum cuilibet mortalium : *Hæc dicit Dominus Deus Israël ad Te Baruch : dixisti & miserero mihi, quoniam addidit Dominus dolorem dolori meo, laboravi in gemitu meo, & requiem non inveni.* Quasi diceret : tuum quidem est laborare, & terram colere ; sed Dei solius incrementum dare, efficereq; ut exhibitâ pluviâ temporaneâ, tua replentur horrea ; poteris quidem irrigare, sed neq; hoc, neq; aliud proderit, nisi Deus benedixerit operi tuo, & suam dederit gratiam, per quam (non autem per tuos sudores) eximiam det & messem. Integrè ergo & unicè adhæreto divinæ ejus bonitati.

Verum est, nostrum esse terram bene excolere, sed DEI solius efficere, ut laborem nostrum bonus sequatur successus. Sancta Ecclesia cantat in quovis Sanctorum Confessorum festo : *Deus honestavit illum in laboribus, & completvit labores illius.* Sapientiæ 10. v. 10. dando scilicet, ut inde perciperet fructum ; & hoc ad ostendendum nos ex nobis ipsis nihil posse sine gratia DEI ; in quo totam nostram confidentiam ponere debemus, nihil expectantes à nobis ipsis.

Ne



Ne nimium, amabò, nos coarctemus & comprimamus nostris operibus, quæ, ut bene faciamus, diligenter quidem nos applicare debemus, sed simul pacatè ac tranquillè operari, non ponendo confidentiam in ijs, sed in DEO, ejusque gratia. Hujusmodi mentis anxietates, quas subimus ad progrediendum in nostra perfectione, & ad experiendum an proficiamus, nullo modo acceptæ sunt DEO, & ad nihil aliud sunt, quàm ad satisfaciendum amori proprio, qui est magnus obcursitor, nunquam cessans plura amplecti, quàm possit complecti, id est, qui multa incipit, & pauca perficit. Opus bonum factum cum spiritus & mentis tranquillitate longè plus valet, quàm multa, nimia sollicitudine facta.

Columba simpliciter inhæret suo operi, quod ut bene faciat, omnem aliam curam relinquit suo dilecto columbo. Anima, quæ verè est columbina, id est, quæ DEUM amat intimè, simpliciter applicat se (remotâ nimia compressione) modis, qui ei præscripti sunt ad perfectionem acquirendam, positâ omni curâ alios investigandi, sint illi quantumvis perfecti: *Dilectus*, inquit, *meus cogitat de me*, & me ei confido, qui me amat & tota sum illius pro testimonio mei amoris.

Non adeò multum temporis præterijt, cum sanctæ quædam Religiosæ mihi dixerunt: Domine, quid faciemus hoc anno, priori jejunavi-

mus tribus diebus in septimana, & toties nos flagellis diverberavimus: quid nunc totius anni decursu faciemus? Dubio procul faciendum est aliquid plus; tum ad agendas Deo gratias pro anno superiori feliciter transacto, tum ad progrediendum semper celerius in via Domini? **BENE** dictum est, quod semper oporteat progredi in perfectione, respondi ego, sed profectus noster non ita fit uti cogitatis: per multitudinem scilicet exercitiorum pietatis; sed per ipsam perfectionem, quâ ea exercitia tractamus, confidentes semper magis in nostro dilecto columbo, & nobis ipsis amplius quotidie diffidendo.

Anno superiori jejunastis ter in septimana, & totidem vicibus flagellis vos ipsas excepistis: si vultis semper duplicare vestra exercitia, hoc anno totâ jejunabitis septimanâ, & similiter quovis die vos flagellabitis. Verum anno venturo quid facturæ estis? Oportebit vos facere bis disciplinam quavis die septimanæ, & jejunare bis eodem die. Magna est stultitia eorum, qui se occupant desiderijs Martyr j subeundi in India, & non se applicant rei, quæ sibi incumbit perficiendæ juxta suum statum & conditionem.

Sed & magna deceptio deprehenditur in iis, qui plus volunt comedere, quàm possint digere: Non habemus sufficientem calorem spirituales ad digerenda ea omnia, quæ amplectimur  
ad

ad perfectionem consequendam: & interea nolimus nos retrahere ab anxietatibus mentis, quibus angimur dum desideramus plus facere, quam possimus. Legere v. g. multos libros spirituales, præsertim autem eos, qui recenter prodierunt, bene loqui de DEO & de omnibus rebus magis spiritualibus, ad nos excitandos, ut dicimus, ad devotionem, audire multas conciones, habere conferentias spirituales omni occurrente occasione, sæpe communicare, & adhuc sæpius confiteri, ministrare ægrotis, bene loqui de omnibus rebus, quas nos agimus, & hoc ad manifestandam prætensionem, quam habemus ad nos perficiendos in vita spirituali, & quidem quam citissimè fieri poterit. Nonne hæc propria sunt ad nos excolendos ad consequendum finemceptorum nostrorum? respondeo, omnino: modo omnia ista fiant juxta præscriptum ordinem, & cum omnimoda dependentia à gratia divina: id est, ut fiduciam non ponamus in omnibus istis, sint quantumvis bona; sed in solo DEO, qui solus potens est efficere, ut fructum decerpamus ex omnibus nostris exercitijs.

At, charæ filiæ, considerate, obsecro, paululum vitam magnorum, illuminatorum, ac sanctorum Religiosorum: exempli causâ magnum Sanctum Antonium, honoratum à DEO & hominibus ob insignem suam sanctitatem. Dicite vos mihi,



quomodò pervenit ad tantam sanctimoniam & perfectionem? Ex multanè lectione, vel per conferentias, frequentem communionem, vel per auditionem multarum concionum? nullo modo; sed pervenit servando & imitando exempla sanctorum Eremitarum, faciendo sibi propriam unius abstinentioniam, alterum sequendo per orationem, & sic ibat, velut sollicita apis, sanctè prædatum & collectum virtutes servorum DEI ad colligendum, & simul cogendum mel sanctæ ædificationis.

Age dic: sanctus Paulus primus Eremita pervenitné ad sanctitatem, quam habuit, ex lectione præstantium librorum? Ne habuit quidem libros aliquos: at fors per frequentes communiones & confessiones, quas frequenter faciebat? Bis tantùm totâ suâ vitâ confessus est, & toties comunicavit. Sed, dices, fortassis per conferentias vel conciones quas audiebat; & ne hominè quidem ullum in illa solitudine, quam incolebat, vidit, præter sanctum Antonium, à quo sub finem vitæ visitatus fuit. Scirené vultis, quid eum sanctum effecerit? dicam: fidelitas, & constancia, quâ statim in principio suæ vocationis se applicavit rei, ad quam Deus è mundo ad eremum, rebus alijs relictis, evocârat.

Magni illi Religiosi, qui vitam Monasticam agebant sub sancto Pachomio, habebantné libros  
& præ-

& prædicationes? nullas penitus, sed fortè con-  
ferentias? perrarò: sed confitebanturné sæpe?  
subinde magnis & celebrioribus festis: fortassis  
intererant frequenter sacris Liturgijs? diebus  
Dominicis & festis, prætereà nunquam.

Sed, quid est, quòd tam rarò reficiebantur  
cibus spiritualibus, qui animas nostras ad immor-  
talitatem nutriunt, & tamen, ut patet ex eorum  
vitis, semper erant bene constituti, id est, fortes  
& animosi in acquisitione virtutum, & prosecu-  
tione perfectionis & finis quem intendebant?  
& nos, qui multùm escis cœlestibus vescimur,  
semper sumus macræ, id est segnes & languidæ ad  
nostra cœpta proseguenda, quin & videmur so-  
lùm, affluentibus spiritualibus consolationibus,  
habere animum & vigorem ad Deo serviendum.

Convenit & oportet imitari magnos illos san-  
ctos Religiosos, applicantes nos operi, id est, rei,  
quam Deus à nobis requirit, juxta nostram vo-  
cationem, & hoc ferventer & humiliter, nec ali-  
ud cogitare, abjectâ omni spe de modo alio in-  
veniendò meliore ad nos perficiendos, quàm ille  
sit. Sed fortè mihi dicetis, tu dicis FERVENTER.  
Omni Deus! quomodo id facere potero, cùm  
destituta sim omni vigore animi! respondeo:  
fortè destituta es eo, quem tu intelligis, scilicet  
quantum ad sensibilem quem Deus dat, cui &  
quando sibi videtur, in nostra autem non est po-  
testate

testate habendi quando vellemus. Addo etiam HUMILITER, ut non sit occasio se excusandi, non enim dicendum est, non habeo humilitatem, nec habere possum quando vellem; nam spiritus sanctus, qui est ipsamet bonitas, dat omni à se petenti, non eam quidem humilitatem, id est, internum sensum nostræ parvitatís, qui facit, ut magnopere & gratiosè omnibus in rebus nos humiliemus; sed humilitatem, quâ cognoscimus propriam nostram abjectionem, quin & facit nos eam amare, dum cognoscimus esse in nobis. Et hæc est vera humilitas.

Nunquam olim tantâ diligentia data est opera studijs, atque nunc. Magni illi Augustinus, Gregorius, Hilarius (cujus hodie festum celebramus) & plures alij nunquam tantum insudârunt litteris, neq; potuerunt, dum tanta conscribebant volumina quæ composuerant prædicando, & faciendo reliqua omnia, quæ ad eorum munera spectabant; verum adeò magnam in Deo & ejus gratia habebant confidentiam, & contrâ, ita sibi ipsis diffidebant, ut nihil sibi, neq; suæ industriæ, & labori tribuerent: & sic magna illa opera, quæ propè ex pura confidentia, quam habebant in gratia & in omnipotentia Dei confecerint. *Tu es, dicebant, ò Domine, qui nos facis laborare, & pro quo laboramus, tu etiam eris, qui benedicet nostris sudoribus, quiq; dabit messem copiosam.* Atq; ita



ita libri pariter & prædicationes eorum admirandos ferebant fructus : nos autem unà cum nostris actionibus & operibus, quia in nostris exquisitis verbis, in nostra eloquentia & doctrina confidimus : in fenum evanescimus alium non ferimus fructum, quàm vanitatem.

Oportet igitur pro conclusione I.<sup>a</sup> legis, quam vobis do, ut plenè in Deo confidatis, omniaq; pro illo faciatis, omnino derelinquentes omnem vestri curam dilecto vestro columbo, qui geret maximam vestri curam. Et quantò confidentia vestra erit major & perfectior, tantò etiam ejus providentia erit erga vos singularior.

Statui pro II.<sup>a</sup> lege dare vobis VERBUM, quod suo modo & sermone efferunt columbæ. Quòd PLURES NOBIS SUBDUCUNTUR (scilicet pulli) Eò PLURES EXCLUDIMUS, dicunt illæ. Quid hoc sibi vult? quòd, quando eorum pulliparum excreverunt, & ad esum utiles sunt, præfectus columbarij venit & illos aufert, statim matres incipiāt alia ova incubare ad excludēdos novos pullos; quod nullo modo fecissent si priores ablati non fuissent, sed longiori se tempore occupassent circa pri<sup>9</sup> exclusos, ac proinde pauciores exclusi fuissent: DICUNT ERGO: QUòd PLURES NOBIS SUBTRAHUNTUR, Eò PLURES EXCLUDIMUS. Et, ut melius intelligatis, quod dicere intendo, vobis exemplum propono : Iob magnus Dei servus, qui

qui & ore ipsiusmet Dei laudatus fuit, non sivit se ulla afflictione, quæ ei eveniebat, vinci ; sed quò plures Deus tollebat ex ejus parvis columbis, eò plures producebat. Quid non faciebat tempore primæ prosperitatis ? Quæ, inquam, bona opera non faciebat ? Ipsemet hoc modo loquitur cap. 29. *Oculus fui cæco, & pes clando, (faciens eum gestari, vel imponi super meum asinum vel camelum) pater eram pauperum : & causam, quam nesciebam, diligentissimè investigabam. Eram oculus cæco* jubens eum manu duci ; paucis : eram procurator famelici, & refugium omnium afflictorum. Nunc eum contempleri ad extrema redactum : non queritur sibi ablata à Deo media, quibus tot bona patrârat opera ; verùm dicit cum columba : *Quò PLURES MIHI AUFERUNTUR, Eò PLURES REPONO* : non plures eleemosynas, quia desunt media, verùm in hoc solo submissio- nis, & patientiæ actu, quem exercuit, videns se privatum omnibus bonis, atque etiam universa prole, plus fecit, quàm fecerat in omnibus chari- tatis actibus durante prosperitatis tempore, & magis se Deo gratum exhibuit in solo actu patientiæ, quàm in tot & tantis bonis operibus, quæ vita priore fecerat. Oportebat enim habere amorem longè fortio- rem, & generosio- rem pro hoc unico actu eliciendo, quàm unquam opus fuerat ad tot alios simul conjunctos. O-  
portet

portet idem nos præstare, si observare volumus hanc tam amabilem legem columbæ, sinendo nos per nostrum supremum Magistrum spoliari parvulis nostris columbis, id est, medijs ad exequenda nostra desideria, quando ei placet nos illis privare, esto sint quàm optima: & hoc sine querelis, sine lamentis adversus illum editis, quasi is magnam nobis inferret injuriam; imò debemus nos applicare ad duplicandam (non nostra desideria, non exercitia) sed perfectionem, quâ ea debemus facere, conando hoc modo plus lucrari per unum solum actum (uti indubitanter faciemus) quam lucraremur per centum alios, producendo eos juxta nostram propensionem & affectionem naturalem.

Non vult Dominus, ut portemus suam crucem simpliciter, sed tantum per extremitates: vult enim honorari adinstar magnarum & nobilium fœminarum, quæ jubent ferri & attollivestres suas per extremitates: vult tamen portemus crucem, quam nostris imponit humeris, quæ eadem & nostra est. Sed prò dolor! non id facimus: quando enim ejus bonitas nos privat consolationibus, quas dare solebat in nostris exercitijs, videmur toti quanti perdit, quod nobis tollat media præstandi id, quod aggressi eramus. Videte, amabò, hanc creaturam, quanta cum cura & solitudine tempore consolationis incubat



bat sua ova, & quàm etiam sapienter relinquat  
sui curam dilecto suo columbo: si illa est in o-  
ratione, qualia non concipit desideria placendi  
dilecto! tota quanta tenerescit in ejus præsenti-  
a, totamque sese effundit in eum, penitus peni-  
tusque in brachia divinæ ejus providentiæ se  
proijcit. O quàm sunt ista ova grata & amabilia!  
& hoc totum bonum est, in promptu sunt pulli,  
qui sunt effectus; quid enim est, quod illa non  
faciat! opera charitatis tam grandi sunt nùme-  
ro, ejus modestia probatur omnibus sororibus;  
tanta illa est ædificationi, ut majori nemo esse  
possit! admirationi est omnibus, qui illam vi-  
dent vel cognoscunt: mortificationes, inquit il-  
la, non dolores, sed consolationes mihi erant;  
durante tali tempore: obedientiæ præcepta  
mihi solatia: vix adhuc audiveram signum cam-  
panæ, cùm jam surrexeram, nihil de exercitatio-  
ne virtutū prætermittebam. Et hæc omnia incre-  
dibili pace, & maxima tranquillitate faciebam:  
sed nunc, dum pene omnia fastidio, comuni-  
ter patior in mea oratione desolationes ac sicc-  
itates, adde quòd nullum, ut mihi videtur; habe-  
am animum & voluntatem me emendandi, nec  
etiam ardorem illum, quem eram solita habere  
in meis exercitijs. Et quid dicam? gelu & fri-  
gus me pertransierunt: cheu! nequeo id diffi-  
teri!

Vide-

Videte, obsecro, quomodo paupercula ac derelicta hec animula suum lamentetur infortuniū, ejus offensio & vuln<sup>9</sup> ipsam ejus imutant faciē, incedit vultu dejecto, melancholico, quin & graditur tota meditabūda, & ita est cōfusa ut nihil magis.

Mi Deus! ecquid habes? ecquid haberem? Ita sum in languorem soluta, ut nihil mihi placeat, omnia mihi desipiunt, ita sum confusa! At amabo, quā confusione est enim duplex confusio, una ducit ad humilitatem & ad vitam, altera autem ad desperationem & consequenter ad mortem. Tibi certò dico (inquit illa) quòd in eo sim statu, ut propemodum desperē de perfectione acquirenda. Mi Deus! qualis infirmitas & debilitas? consolatio deest, & simul animi robur. Haud ita agendum est: sed quò magis Deus nos privat consolatione, eò alacrius & diligentius debemus laborare ad patefaciendum ei nostram fidelitatem.

Vnicus actus factus cum siccitate mentis, longè plus valet, quàm nescio quot facti in mentis teneritudine: quia, uti jam dixi loquens de Iobo, fit talis actus forti & generoso cum amore, esto non sit tam tener, neque ita vobis gratus. Quò plus ergo mihi aufertur, eò plus facio. Et hæc est II. lex, quam ita desidero animis vestris impressā, ut nulla unquā adversitate deleri valeat

III. lex columbarum, quam vobis repræsentō,

est quod ea plorent, dum latantur, uno enim so-  
lum cantant tono, seu concentu: & hoc tam in  
suis lætitiæ canticis, quàm in quibusvis lamen-  
tationibus: id est, tam in suis querelis deploran-  
dis, quàm in dolore suo manifestando. Videres  
eas residentes supra arborum ramos descentes  
jacturam suorum pullorum, quos mustella vel  
monedula furto sustulit, (sciendum enim est,  
quando alius præter Columbarij Magistrum ijs  
aufert, plurimum illas affligi) easdem videas,  
quando compar eis appropinquat, maximè læ-  
tari, & velut consolatione perfundi: non mu-  
tant tamen tonum, sed more suo mutant ad  
ostendendum secum bene agi: quod & faciunt  
ad aperiendum suum dolorem. Hæc est san-  
ctissima mentis æqualitas, Charæ meæ animæ,  
quam totis animæ meæ visceribus vobis exopto.  
Sed notate me nō dicere æqualitatē humorum,  
neque inclinationum, sed dico mentis & spiritus  
æqualitatem: nihili enim facio, nec hili æstimo,  
nec ut vos æstimetis molestias partis inferioris  
animæ, & nimium, ac plus æquo varium quorun-  
dam studium, qui jam hoc, jam illud inceptant,  
inducti, melius dicerem, seducti ab eadem infe-  
riore parte animæ; quæ causa esse solet omnis  
perturbationis, & inquietudinis, quando pars su-  
perior non facit quod sui est officij, subijciendo  
scilicet sibi sapius dictam partem inferiorem, &  
se Re-



se Reginam, ut est, ostendendo: quin nec vigilias accuratè constituendo ad hostes deregendos, uti docet bellum spirituale faciendum; ut citò certior fieri posset de rumoribus & assultibus, quos illi intentat & facit pars inferior. Hi autem rumores & assultus nascuntur ex nostris sensibus, inclinationibus, & passionibus diversis, ad movendum superiori parti bellum, & eam suis legibus subijciendam. Dico proinde nos semper & constanter accinctos esse oportere armis in parte superiori animæ nostræ ad sequendas virtutes, quas profitemur, ad conservandos nos in continua æqualitate; & hoc in rebus adversis æquè, ac prosperis, in desolatione sicut in consolatione, & tandem in ariditatibus sicuti in tene-ritudinibus. Iob, de quo locuti sumus in II. lege, hac in materia adhuc exemplum aliud subministrat: quia semper uno tono cecinit omnia sua cantica, quæ composuit ipse, quæque alia non sunt, quàm exarata ejus vitæ historia.

Quid ergo dicebat, quando Deus bona ejus multiplicabat, eumque utriusque sexûs prole egregiâ beabat? Quid multis? Quando Deus ad votum ejus, quæcunque desiderare poterat in hac vita, liberaliter ei dabat? ecquid ille dicebat? aliud nihil quàm *sit nomen Domini benedictum*. Hoc erat ejus CANTICUM AMORIS, quod omni occasione cantabat. Contemplare eum ad ex-

trema per afflictiones redactum, & observa quid agat : invenies eum cantantem lamentationis canticum eodem tono, quo cantabat lætitiæ. *Si bona* (dicebat) *recepimus de manu Domini*, cur etiam non mala recipiamus? Deus prolem copiosam ei & bona dederat, quid omnibus amissis aliud dicebat, quàm *Dominus dedit, Dominus abstulit, sit nomen Domini benedictum*, & hoc semper & ad omnia. O quàm sancta ista anima erat casta, & amorosa columba, comprimisq; dilecta suo charo columbo! Ita possumus & nos facere, Charæ filix, si omni occasione acceptemus bona, mala, consolationes & afflictiones de manu Domini, & non nisi canticum hoc amabilissimum cantemus : *sit nomen Domini benedictum*, & hoc semper eodem & continuo æqualitatis tono cantemus. Nam si bonum hoc nobis contingat, fruemur omnibus in occasionibus magna pace, & tranquillitate.

Sed cavendum est, ne faciamus, quod quidam faciunt, dum fient, non affluente consolatione, eâ autem affluente, nihil aliud agunt, quàm cantât. In quo similes se ostendunt simijs & hujusmodi bestiis, quæ sunt semper stupidæ, & furiosæ, quando tempus est pluvium, & cælum turbidum; quando autem est sudum, non cessant crura in sublime jactare, & saltare.

En tres leges, quas vobis do; quæ cum omnes sint leges amoris, non obligant nisi ex amore.


Amor

Amor igitur, quo Dominum nostrum amamus, nos reddet sollicitos, ut eas observemus, dicereq; possimus ad imitationem speciosæ columbæ, quæ existens sacra sponsa dicebat compari suo columbo: *dilectus meus totus est meus, & ego tota illius*, nihil ago nisi quòd ei placet, semper ejus cor conversum est ad me per providentiam, sicuti & meum ad illum per confidentiam. Vbi fecerimus in vita hac quidquid potuerimus pro nostro dilecto, illi erit curæ, ut in compensationem nostræ confidentiæ nobis procuret gloriam æternam, in qua videbimus eorum felicitatem, qui derelinqentes curam superfluum, & inquietudinem vitæ hujus (quam ut plurimum habemus de nobis ipsis, & nostra perfectione) omni cum cordis simplicitate incubuerunt in res suæ vocationis, se ipsos absque ulla sui reservatione in divinæ bonitatis (pro qua una & sola laborârunt) manus totos quantos tradiderunt. Quorum tandem labores pax & quies inexplicabilis consequetur, dum nimirum in sinu sui dilecti in sempiternas æternitates conquiescent.

Mercēs etiam & beatitudo eorum, qui secundam legem observârunt, erit amplissima. Cum enim permiserint se spoliari à Magistro columbarij, id est, à Christo Domino omnibus suis pullis, & nihil indignè fecerint, nihilque iracundè contradixerint; quin imò animosè DICTUM



sum repetiverint: Quò PLURES NOBIS SUBDU-  
CUNTUR, Eò PLURES EXCLUDIMUS, subijcientes  
insuper se beneplacito illius, qui eos abstulit.  
Quanta putas cum alacritate cantabunt in me-  
dio consolationum æternarum in cœlesti patria  
amabilissimum illud canticum: BENEDICTUS  
DEUS? quod bono, ac humili corde inter de-  
solationes, languores, & continua hujus morta-  
lis ac transitoria vitæ fastidia decantârint: quod  
& nos omnes eadem vita durante, studiosè de-  
cantare debemus, nosq; conservare in perpetua  
ac amabili spiritûs & mentis æqualitate. Amen.



# VIVAT IESVS.

## COLLOCVTIO VIII.

*De expoliatione & derelictione rerum  
omnium.*



ARVÆ affectiones TVI, & MEI,  
sunt RELIQVA mundi, in quo nihil est  
ita pretiosum (hominum æstimatio-  
ne) quàm illa: suprema enim mundi  
feli-

felicitas est habere multas res proprias, de quibus dicere possis: *HOC EST MEUM*. Porro quod nos affectare ac desiderare facit id, quod est nostrum, est magna opinio, quam de nobis ipsis habemus. Nam adeo nos excellentes putamus, ut postquam rem aliquam ut propriam possidemus, longè pluris eam faciamus; exigua autem æstimatio, quam habemus de rebus aliorum, causa est, ut id, quod illorum commodo & dignitati seruit, contemnamus.

At si essemus verè humiles, & ita exspoliata, tum propriâ voluntate, tum rebus alijs ( ut vult nostra vocatio ) ut nos nihili ante oculos Dei æstimaremus, consequenter res, quæ videri possent esse propriæ, flocci faceremus; at verò maximo honori nobis ducimus, si quid possideamus, cuius usus ante fuit alterius. Comprimis autem cum in hac re, tum in omnibus alijs rebus magnum discrimen notandum est inter inclinationes, & affectiones: nam, quando res istæ creant in nobis inclinationes, non autem affectiones, non multum inde solliciti esse debemus, quia non dependet à nobis non habere malas inclinationes, sed non eadem est ratio de affectionibus. Si igitur contingat, ut dum mutatur vestis unius fororis, ei detur deterior, partem inferiorem non nihil sentire, id non est peccatum, dummodò ratio id acceptet libenter ex amore Dei, & sic de

omnibus alijs sensibus & motionibus, quæ nobis eveniunt.

Porro huiusmodi sensus & motus ex eo profiscuntur, quòd non omnimodè resignatæ fuerint, & depositæ propriæ voluntates in communij, quod statim fieri debuit in ingressu ad Religionem. Quælibet enim soror propriam voluntatem in suo ingressu relinquere deberet extraportam, ut in posterum Dei solius haberet. Beatus ille, qui non haberet aliã voluntatem, quàm communitatis, & quotidie extraheret ex communi marsupio quantum esset necesse. Hoc modo intelligi debet & explicari sacra Christi verba: *ne solliciti sitis de crastino.* verba illa non tam respiciunt ea, quæ necessaria sunt ad vivendum & vestiendum, quàm exercitia spiritualia. Nam si quis te interrogaret, quid cras facies? Responderes, nescio, hodie faciam rem mihi commissam, cras, quid factura sim, ignoro, quia nescio, quid mihi demandabitur. Qui sic ageret, ab omni se cura & sollicitudine liberaret, inque pace maximè exoptanda se constitueret. Nam ubi inhabitat, vera indifferentia, ibi locum non habet displicentia & tristitia.

Si quæ e Sororibus vellet habere de eo quod est MEUM vel TUUM, è domo exire, & ibi dare illi oporteret: nam intra domum verba ista non audiuntur.

Porro



Porriò non solum in genere velle oportet exspoliationem; sed etiam in specie: nihil enim est facilius, quàm dicere generaliter *debemus nos ipsas abnegare, & derelinquere propriam voluntatem*: quando enim venit ad praxim, in ea advertitur latitare totius rei difficultas. Quapropter oportet etiam atque etiam reflectere tum supra propriam conditionem, tum supra omnes res, quæ inde dependent in generali propositione, & postmodum in particulari renunciare jam unam de proprijs nostris voluntatibus; jam alteram usque dum integrè omnibus nos exuerimus. Vera autem renunciatio & exspoliatio fit per tres gradus.

I. est affectio exspoliationis, quæ generatur in nobis per considerationem pulchritudinis ipsiusmet exspoliationis.

II. gradus est animi decretum & resolutio, quæ sequitur affectionem; facile enim resolvimus nos ad bonum quodcunque, erga quod afficimur.

III. est praxis ipsa, quæ longè plus difficultatis habet, quàm alij duo.

Bonorum, quibus se exspoliare oportet, tria sunt genera. I. Bona externa. II. Bona corporis. & III. Bona animæ. Bona externa sunt res omnes, quas non reliquimus existentes extra Religionem: domus, possessiones, parentes, ami-

cos, & res similes. Vt autem ijs nos exspoliamus, oportet eas deponere in manus Domini, ac deinde petere affectiones, quas vult nos habere ad illas. Non enim debemus esse sine affectionibus, neq; eas habere æquales & indifferentes; amare oportet quemlibet juxta suum gradum: charitas autem est, quæ dat ordinem affectionibus. II. sunt corporis pulchritudo, sanitas, & huiusmodi alia, quæ & quibus renunciare oportet, ac deinceps non recurrere ad speculum ad nos cõtemplandas an pulchræ simus, neque plus solitudinis assumere pro sanitate, quàm pro infirmitate, saltem quantum attinet ad partem superiorem. Nam natura semper habet quod queratur, quòd ingemiscat, quodq; subinde clamet, & singulariter, quando sumus nos imperfecti. Oportet igitur æqualiter exoptare infirmitatem, quando Deus immittit, ac sanitatem; Et remedia ac cibos sumere prout occurrunt: intelligo semper cum ratione. Nam quantum ad inclinationes, in eis me non derineo. III. Bona cordis seu animi sunt consolationes & suavitates, quæ inveniuntur in via spirituali: bona hæc, dicetis, sunt optima: quare oportet se ijs exspoliare? ideo quòd ea deponenda sint in Domini manus, ut de illis disponat juxta suum beneplacitum, ei que ita serviamus sine illis, atque cum illis.

Est & aliud genus bonorum, quæ non sunt neque interna, neq; externa, neq; etiam sunt bona corporis, neque animi: sunt autem bona imaginaria, quæ depêdent ab alterius voluntate: sunt autem eiusmodi: honor, æstimatio, reputatio. Eis autem oportet omnino se spoliare, non desiderando vel petendo honorem alium, quàm Cōgregationis qui est in omnibus quærere gloriam Dei; neq; aliam æstimationem vel reputationem appetere, quàm communitatis, quæ surgit ex eo quòd præbeatur bonum exemplum omnibus in rebus. Omnes istæ exspoliaciones & renunciationes dictarum rerum fieri debent non ex contemptu, sed per abnegationem purè putè spectando Dei amorem.

Notandum hic est, quod gaudia, quæ sentimus ex occurſu hominum, quos amamus, & testimoniis affectionis, quæ ijs dum coram præſentibus eos intuemur, damus, non eſſe contraria virtuti exſpoliacionis, dummodò non ſint immoderata, vel immodeſta; vel ſi ſint abſentes, corde & animo optemus ijs eſſe præſentes. Quî enim fieri poſſet, ut ad objecta præſentia non moverentur potentiæ? eſſet hoc idem, ac ſi diceret quiſpiam ſocio ſecum gradienti in occurſu leonis, vel urſi: NE TIMEAS: quaſi verò in noſtra eſſet poteſtate ad occurſum talium ferarum non timere? Eodem modo in occurſu eorum quos

ama-



amamus, fieri non potest, ut lætitiâ non moveamur: quare, hoc minimè est contrarium virtuti. Longè plus dico, si desiderem videre aliquem eorum, quos amo ob rem quampiam utilem, quæ cedat ad Dei gloriam, & intentio veniendi aliquo accidenti retardetur, & inde afficiar aliquâ displicentiâ vel dolore, quin imò, si urgeo & conor avertere occasiones & impedimèta, quæ adventum ejus impediunt, nihil omnino facio contrarium virtuti exspoliationis, dummodò non transgrediar leges quietudinis & pacis animæ.

Ex his videtis virtutem non esse rem tam terribilem, quàm quis sibi imaginari posset. Est lapsus & error, quem complures committunt, dum formant sibi nescio quas in mente chimæras, creduntque cœlestem viam summopere esse difficilem. In quo se ipsos decipiunt, longèque à veritate aberrant. Dicebat enim David Domino Deo, ejus legem esse nimis suavem, cum è contra maligni homines proclamant duram & difficilem: dicebat ergo bonus iste Rex: *Judicia tua dulciora super mel & factum.* Debemus nos idem dicere de nostra vocatione, eam æstimantes non solum bonam & pulchram, sed etiam dulcem, suavem & amabilem. Si sic fecerimus, maximum habebimus amorem & delectationem observandi omnia, quæ inde dependent.

Clau-

Clarum est, charæ sorores, non posse pertingi ad perfectionem, quamdiu habetur affectus ad aliquam imperfectionem, etiam quantumcunq; exiguam; imò etiamsi aliud non esset, quàm inutilis aliqua cogitatio; vix enim credi potest quantum malum id adferat animæ: nam ubi dederis libertatem menti tuæ inhærendi tali rei inutili, ea assumet maiorem, & continuò perniciosius cogitationibus locum præbebit amplissimum. Oportet igitur malum istud, simulatq; animadvertitur, esto non adhuc multum excreverit, radicibus refecare: item seriò examinare an non (ut subinde possent videri) habeamus affectiones minus sinceras. Exempli causâ, si quando laudaris, verbis aliquibus coneris laudem illam, quæ tibi tribuitur, vel quam tu ipse verbis artificiosis piscaris, ampliare, dicens te non amplius valere memoriâ, neque ingenio ita vigere ad bene loquendum, ut quondam valebas & vigebas: Eheu! ecquis non videt te appetere, ut tibi dicatur, te semper præstantissimè agere ac loqui? Scrutare igitur in lucernis intima tuæ conscientiae, an in ea non invenias affectionem ad vanitatem.

Poteris etiam facilè cognoscere, an inhæreas rei cuipiam, quam cum non habeas tunc commoditatem in effectum deducendi, maneat æquè quieta, esto non fiat, ac si facta esset; an è contrario

trario inde turberis? quod manifestum esset signum te descriptam affectionem in sinu gestare.

Cum affectiones nostræ adeò sint pretiosæ, clarum est omnes ad Deum amandum debere concurrere, & cavendum etiam atque etiam esse, ne ex adhibeantur ad res inutiles; unus enim error (esto non sit magnus) cum affectione commissus, magis officit perfectioni, quàm centum alij ex insperato, & absque affectione facti.

Petitis à me quomodo amandæ sint creaturæ? Respondeo breviter esse quosdam amores, qui videntur comprimis magni & perfecti oculis creaturarum, qui tamen coram Deo inveniuntur admodum parvi & imperfecti: quid? nullius omnino valoris: quia huiusmodi amicitia fundatæ non sunt in vera charitate, quæ est Deus: sed ex aliquo fœdere & inclinatione naturali, & nescio, ex quibus considerationibus contractæ, humanitus solum laudabiles & gratæ sunt. E contrario sunt nonnullæ aliæ, quæ admodum exiguæ & vacuæ mundi oculis videntur; quæ nihilominus coram Deo inveniuntur plenæ, & admodum excellentes, quia in Deo solo, & propter Deum fiunt absque ulla admixtione proprii commodi.

Porrò actus charitatis, qui fiunt circa eos, quos hoc secundo modo amamus, centies milies sunt perfectiores, eò quòd purè tendant ad Deum.



**Deum.** At verò servitia, ac beneficia aliaque auxilia, quæ exhibemus ijs, quos amore per inclinationem naturalem prosequimur, longè sunt inferiores in ratione meriti: & hoc propter magnam complacentiam & satisfactionem, quam percipimus dum exhibemus, &, ordinariè loquendo, quia exhibemus motivo alio, quàm amore Dei.

Est & alia ratio, quæ efficit primas amicitias, de quibus locuti sumus, minores secundis, eò quòd non sint longæ durationis, quia cùm causa sit fragilis & caduca, quàm primum aliquid adversum se obijcit, defervescent, & alterantur; quod nequaquam evenit illis, quæ in Deo fundatæ sunt, quia in ijs causa solida & stabilis est.

Ad hoc propositum Sancta Catharina Senensis pulcherrimam nobis subministrat comparisonem. Si accipias, inquit illa, vitrum, & impleas quopiam in fonte, bibasque ex dicto vitro non extracto è fonte, esto bibas quantumcunq; velis, vitrum non evacuabitur; verùm si eximas è fonte, postquam ebiberis, vitrum penitus evacuabitur; sic se habent amicitia quando non extrahuntur ex sua origine, nunquam arescunt. Blanditiæ ipsæ & signa amicitia, quæ contra propriam nostram inclinationem exhibemus aliquibus hominibus, à quibus aversionem aliquam habemus, meliores & gratiores sunt Deo, quàm sint.

sint illæ, quas exhibemus attracti & affecti ab affectu sensitivo. Et hoc nullo pacto vocari debet duplicitas aut simulatio; nam, esto habeam sensum contrarium, is solummodò est in parte inferiori, actus autem quos elicio, vi & fortitudine rationis, quæ est pars præcipua animæ meæ, elicio. Atque adeò si illi ipsi, quibus sanctè blandiri & simul gratificari intendo, scirent, quòd id illis facerem, quia aliquam ab ijs habeam aversionem, haud jure offendi possent. Sed magis æstimare, & insuper chariores habere deberent meos hujusmodi actus, quàm si provenirent ex affectione partis inferioris. Quia aversiones sunt naturales, & ex se ipsis non malæ, quando eas non sequimur. Contrà, modus est & ratio exercendi quàm plurimas virtutes: quin & ipsi Domino gratius est, quando summa cum repugnantia ejus osculamur pedes, quàm si multa cum svavitate id ipsum faceremus. Hinc ij, qui nihil præ se ferunt amabile, neque fortè habent unde magnopere amentur, magna gaudent felicitate: certi enim sunt, quòd amor, qui illis defertur, sit perquam excellens, totus siquidem est in & ex Deo.

Sæpe putamus nos amare hominem quempiam propter Deum, amamus autem propter nos: utimur quidem hoc prætextu & dicimus eam esse causam nostri in eum amoris; at re-  
vera

vera eum amamus propter nostram consolationem, quam inde haurimus. Nonné enim plus est svavitatis concipere quempiam plenum bonæ affectionis; ad te venire, qui exactè & amanter tua sequitur consilia & fideliter ac pacificâ incedit viâ, quam ei ostendisti & trivisti; quàm alium inquietudine implexum, debilem & tardum ad bonum consequendum, cuiq; oporteat milles eandem rem inculcare? dubio procul longè plus inde habes svavitatis: non igitur propter Deum amas illum; nam hic postremus æquè est à Deo, atque primus. Et proinde postremum magis deberes amare; nam videri posset aliquid inde adijci ad laudem Dei; verum autem est, quod ubi commodi aliquid, vel gratitudinis exhibetur adversus Deum, id est, plus virtutis, quæ est participatio divinarum qualitatum, obligati sumus plus affectionis exhibere: exempli gratiâ, si sint homines perfectiores tuo Superiore, debes eos plus amare ob hanc rationem, quàm tuum Superiorem; nihilominus debemus magis amare nostros Superiores, quia sunt PATRES & DIRECTORES NOTRI.

Quantum attinet ad illud, quod à me petitis, an si soror aliqua exerceat virtutem spirituali alterius dispendio, hæc gaudere debeat? Respondeo debere nos amare bonum quodcunque in nostro proximo, sicut in nobis ipsis præcipuè

L

autem



autem in Religione, ubi omnia debent perfecta  
esse in Communi, & minimè nobis durum videri  
debet, si soror una virtutem exerceat meo ali-  
quo spirituali dispendio : exempli gratiâ : sum  
ante portam aliquam cum sorore me juniore,  
per quam utraque nostrum intendit transire ;  
ego me retraho, ut illa prior transeat, sicut ego  
in hoc exerceo humilitatem, ita debet illa omni  
cum modestia exercere simplicitatem, conariq;  
alia occasione me humilitate prævenire. Eodem  
modo, si illi cedo, vel è loco, in quo sum, me re-  
traho, contenta esse debet me tantillum lucri  
spiritualis facere : & hoc modo erit particeps  
mei lucri, & velut apud se diceret, quandoqui-  
dem istum virtutis actum nequivi facere, gaudeo  
hanc sororem meam fecisse. Et non modo non  
oportet durius id accipere, sed dispositam esse  
ad contribuendum quantum in nobis est, ad hoc  
factum ; & quidem usque ad ipsam pellem, si ne-  
cessitas id exigeret : nam, modò Deus glorifice-  
tur, quid mihi curæ est, per quem id fiat ? Et qui-  
dem taliter dispositi esse debemus, ut si offerre-  
tur occasio faciendi opus aliquod virtutis, &  
Deus à nobis peteret, per quem, vel per quam id  
fieri mallems ? respondendum esset, Domine  
per eum, vel eam, quæ factura est ad maiorem  
nominis tui gloriam. Non habentes autem e-  
lectionem ut id respondeamus, debemus des-  
derare,

derare, ut id per nos fiat: prima enim charitas incipit à se ipso: verum si nequimus id facere, omnibus lætitijs incedere debemus quòd alter illud exequatur. Et sic constituemus perfectissimè res omnes in communi. Eodem modo dicendum est de eo, quod respicit rem temporalem: nam dummodò domus bene sit disposita atque accommodata, nobis æquè placere debet, sive sit per nos, sive per alios. Si autem detegantur aliquæ parvæ affectiones contrariæ, signum est adhuc in nobis residere de MEo & Tvo.

Tandem petitis an cognosci possit profectus in perfectione, an non? Respondeo nunquam nos cognituros propriam nostram perfectionē. Nobis enim hac in re evenit sicuti ijs, qui vela faciunt in mari, quorum plerique omnes ignorant, an progrediantur, Navarchus autem perbellè id scit, quia auram & constitutionem novit loci, in quo navigat; eodem modo nos nequimus judicare de nostro in perfectione progressu, possumus autem de alterius ferre iudicium: non enim audemus asserere & certò statuere, dum actionem aliquam bonam exercemus, nos exercuisse & perfecisse omnia quā decet perfectione, quia humilitas id nobis prohibet.

Licet autem judicare possimus de virtute alterius, tamen nunquam determinandum est hominem hunc majori virtute esse præditum al-

tero. Nam etiam præclara in speciem signa, nonnunquam decipiunt, & qui maximè virtutum studiosus apparet oculis creaturarum, in Dei oculis longè fortassis imperfectior est, quàm alter.

Ad me quod attinet, super omnem aliam perfectionem ex intimo corde vobis opto humilitatis perfectionem, quæ non solum est ferax Charitatis; sed etiam suavitatis, & amabilitatis. Charitas enim est humilitas ascendens, & humilitas est charitas descendens.

Magis vos amo cum multa humilitate, & paucioribus alijs perfectionib⁹, quàm cum pluribus alijs perfectionibus, & cum minore humilitate.

DEUS SIT  
BENEDICTUS.

VIVAT IESVS.

COLLOCVTIO IX.

*In qua agitur de Modestia, de modo acceptandi, & recipiendi correctiones; & de modo statum suum ita firmandi & stabiliendi in Deo, ut nihil nos possit ab eo auertere.*

Roga-





Ogatis, quæ sit vera modestia! dicam, quatuor virtutes, nomine modestiæ insigniuntur.

I. quæ supra alias tres eminet, & nomen modestiæ sibi vindicat, propriè est decentia nostrorum gestuum exteriorum; & huic virtuti duo opponuntur vitia, scilicet *Dissolutio* gestuum, & constitutionis totius corporis, id est, levitas, alterum vitium, quod non minus ei est contrarium, est *Gestus* & constitutio corporis *AFFECTATA*.

II. Modestia est interior decentia nostri intellectus & voluntatis: hæc habet item duo vitia sibi contraria: quæ sunt *CURIOSITAS* intellectus, & *MULTITUDO* DESIDERIORUM sciendi & intelligendi omnia; quin & instabilitas in nostris cœptis, dum transimus ab uno exercitio ad aliud, nulli rei solidè inhærentes. Alterum vitium est certa quædam *STUPIDITAS* & mentis *DESIDIA*, quæ, ne necessaria quidem pro perfectione acquirenda, vult scire & addiscere: imperfectio certè hæc est non minùs periculosa, quàm altera.

III. genus modestiæ consistit in nostra conversatione & verbis, quæ proloquimur, id est, in modo loquendi, & conversandi cum proximo, evitando duas imperfectiones ei oppositas, *RUSTICITATEM* videlicet, & *GARRULITATEM* seu *DI-*

CACITATEM, quibus taliter inducimur ad loquendum, ut omne tempus alijs eripiamus, quò minus suo ordine valeant loqui.

IV. est honestas & decencia in vestibus, cui duo vitia contrariantur, SPURCITIES scilicet, & SUPERFLUITAS. En quatuor species modestiæ. Prima commendatione, multas ob causas, est dignissima. Et primò quidem, quia valde nos subigit. Nec est virtus alia aliqua, in qua requiratur tam singularis attentio; in eo autem, quod nos subijcit, consistit maximum ejus pretium. Id enim omne, quod nos subijcit propter DEUM, maximi est meriti, & admirabiliter DEO gratum. SECUNDA causa est, quod non solum nos uno subigat tempore, sed semper in omni loco, æquè quando sumus soli, sicuti quando in aliorum societate versamur, hocque in omni omnino tempore etiam dum dormimus.

Magnus quidam Sanctus scribit uni cuiusdam suo discipulo monens, ut decumbat modestè in præsentia DEI, &, ut faceret is, cui Christus Dominus adhuc in vita hac existens mandaret dormire, & decumbere in sua præsentia: & quamvis (dicit ille) tu eum non videas, nec percipias mandatum, quod tibi dat, ne omittas tamen id facere eo modo, quo faceres, si eum oculis coràm præsentem conspiceres; quia re ipsâ verè præsens tibi adest, & respicit te etiam dormientē.

O Deus

O Deus Optime Maxime ! quàm modestè & devotè nos ad dormiendum componeremus , si oculis te præsentem cerneremus ? Nil dubito , quin decussatim , & brachia nostra in modum crucis supra pectus componeremus magna cum devotione & cautela.

Modestia igitur nos semper subijcit , & quidem omni tempore vitæ nostræ , eò quòd Angeli nobis semper sint præsentés , quin & Deus ipse in cujus oculis nos modestè habere deberemus. Virtus hæc plurimùm etiam commendatur propter ædificationem proximi. Scitote , ob simplicem modestiam exteriorem complures esse conversos ad vitam meliorem. Ut contigit sancto Francisco , qui transiens per civitatem aliquam tanta cum modestia in gestibus , ut , nullo verbo prolato , Juvenes magno numero eum secuti fuerint ( tracti & allecti solo ejus exemplo ) gratiâ melioris vitæ ab eo addiscendæ & exercendæ. Quid multis ? Modestia est prædicatio muta , est virtus quam Sanctus Paulus admodum singulariter commendat Philippens. cap. 4. v. 4. dicens : *Gaudete in Domino semper , iterum dico gaudete. Modestia vestra nota sit omnibus hominibus.* Et illud ad Discipulum suum Timotheum , quo monet , ut Episcopus sit ornatus , subintellige modestiâ , & non vestimentis , ut per gestus suæ modestiæ volentibus ad se accedere , præbeat confidentiam , evite



æquè rusticitatem atque levitatem ; atq; eo modo dans libertatem mundanis se accedendi, eum tamen non credant esse mundanum, sicuti ipsi sunt.

Porro virtus modestiæ tria observat, nempe tempus, locum, & personam. Dicitote enim mihi, is, qui nollet ridere in recreatione, seu relaxatione corporis, nisi eo solum modo, quo ridetur extra recreationem, nonné esset importunus? Sunt nonnulli gestus & habitus, qui essent propriè immodestia extra illud tempus, qui tamen tempore recreationis nullo modo sunt. Eodem modo is, qui rideret, & animum relaxaret in medijs & serijs occupationibus, ut ridetur rationabili de causa in recreatione, nonné jure merito levis & immodestus haberetur? Oportet etiam observare loca, personas, & conversationes, in quibus, & cum quibus versamur; specialiter autem circumstantias personarum. Modestia scæminæ mundanæ alia esse debet quàm Religiosæ; si puella quæpiam degens in mundo, veller ita demissè tenere visum, vultumque, uti nostræ sorores, non æstimaretur; sic nostræ sorores, si non demissius tenerent, quàm puellæ mundanæ, non æstimarentur. Quæ modestia est uni cuipiam viro, immodestia erit alteri; & hoc propter differentiam statûs & circumstantiarum. Gravitas, quæ maximè decet personam provectæ

ætatis, dedecet, & habetur affectatâ in aliqua juniore, cui convenit modestia demissior & humilior.

Referam vobis rem unam, quam proximè elapsis diebus legi: ea siquidem optimè quadrat discursui, quem nunc de modestia præ manibus habemus. Postquam magnus sanctus Arsenius (qui per Damasum Papam electus fuit ad educandum Arcadium filium Imperatoris Theodosij, qui ei erat successurus in Imperio) pluribus annis in Aula Imperatoria tanto in honore & favore, tam ab ipso Imperatore, quàm ab alijs viris principibus habitus fuisset, in quanto homo mundanus vix optare ausus fuisset: tandem abominans mundi & Aulæ vanitatem (quamvis non minùs Christianè, quàm honorificè in Aulâ vixerat) decrevit recipere se in desertum, & vivere cum sanctis illis Patribus Eremitis, solitariam vitam ibidem agentibus, quod & generosissimè executus est.

Patres, qui famam ejus virtutis audierant, multum gaudij & consolationis ceperunt, quòd posthac in sua societate talem Virum essent habituri: Omnes quidem Patres amore & observantiâ colere statim cœpit, sed duobus singulariter adhæsit (quorum alter dictus erat Pastor) & magnam cum ijs amicitiam contraxit. Quodam autem die, dum dicti Patres simul essent

congregati ad conferendum inter se de rebus spiritualibus ( ut semper consuetum fuit inter homines pios ac Religiosos ) fuit Patrum unus aliquis, qui indicavit superiori, quod Arsenius ordinariè committeret unam, ut videbatur immodestiam in eo, quòd sedens, crus unum super alterum collocaret : verum est, inquit Superior, & ipsemet notavi; at est Vir bonus, qui diu vixit in mundo, & secum attulit habitum istum ex Aula, quid eo in genere fieri potest? Quo dicto eum excusabat, quia grave illi erat rubore eum suffundere in re tam levi, & in qua nullum omnino interveniebat peccatum: tamen ex eo tempore cogitabat eum corrigere: nihil enim aliud habebat, quod ei obijci posset. Pastor ille Religiosus dixit: Mi Pater Reverende, ne te ea de causa vexes; non enim difficultas momenti alicujus est, ei dicendi qui libenter audiet: proinde cras, si sic tuæ Reverentiæ videatur, horâ, quâ conventuri sumus, eodem me modo, & situ componam, quo ille, & tunc omnibus præsentibus me corripito: & sic intelliget ille non oportere sic crura componere. Patre ergo superiore Pastorem corrigente, humilis Arsenius prostravit se in genua ad pedes superioris, & petens humiliter errati sui veniam, dixit: etsi non fuerit notatus hætenus, se tamen toto priori tempore errorem istum commisisse, fuisseq; ordinarium suum



suum habitum in Aula, ac proinde petere se-  
pœnitentiam. Quæ quidem ei injuncta non est,  
sed postmodum nunquam visus est in tali situ.

In hac historia res complures invenio consi-  
deratione dignissimas. Ac in primis prudentiam  
superioris timentis offendere Arsenium ob er-  
rorem tam exigui momenti, quærentis nihilomi-  
nus modum eum corrigendi: vbi ostendit Ere-  
mitas illos fuisse exactissimos, etiam in minimis  
erroribus corrigendis, qui spectabant ad mode-  
stiam. Deinde noto bonitatem Arsenij culpa-  
bilem se reddentis, & parati omni cum fidelitate  
ad correctionem recipiendam in re tam levi,  
quæ ne immodestia quidem erat in aula, quam-  
vis esset aliqua inter Religiosos illos Patres.

Respicio etiam & recognosco, non debere  
nos mirari si adhuc nobis adhæreant aliqua an-  
tiquæ mundi consuetudines, siquidem Arsenius  
illam adhuc habebat post diuturnum tempus in  
deserto transactum in societate dictorum Pa-  
trum. Non tam citò exuere nos valemus omni-  
bus imperfectionibus; nec ex hoc terreri de-  
bemus dum animadvertimus in nobis multas  
adhuc inveniri, dummodò tamen adsit voluntas  
eas expugnandi. Notate porrò non esse malum,  
neque temerarium, si judicetis superiorem cor-  
rigere in altero lapsum aliquem, quem tu com-  
mittis ad instar illius, ut sine reprehensione tu te  
ipsum

ipsum emendes. Te tamen profundè humiliare debes, animadvertens quòd (cùm sciat superior te adhuc esse debilem) sis agrè latura correctionem, si apertè, & nominatim te corripia. Oportet etiam unicè amare abjectionem, & humiliare se, uti humiliavit se Arsenius cōfitendo se culpabilem in eo de quo alter corrigitur; modò tamen illa humiliatio fiat semper in spiritu suavitatis & tranquillitatis.

Adverto vos multùm desiderare, ut adhuc aliqua in medium proferam de alijs virtutibus modestiæ. Dico ergo secundam, quæ est interior, producere eosdem effectus in anima, quos producit illa (de qua diximus) in corpore. Hæc enim componit & sedat motus, gestus, & constitutionem corporum, evitans duas extremitates, quæ sunt duo vitia contraria, LEVITATEM seu DISSOLUTIONEM, & AFFECTATAM corporis COMPOSITIONEM. Eodem modo modestia illa interior continet potentias animæ nostræ in tranquillitate & decenti moderatione, evitando, ut dixi, curiositatem intellectus, super quem præcipuè invigilat, ressecans à voluntate multitudinem desideriorum, inducens sanctè ut sese applicet ad VNICVM SOLVM, quod Maria elegit, & non auferetur ab ea; est autem VOLUNTAS placendi Deo.

Martha peraptè repræsentat immodestiam  
volun-

voluntatis ; nam opus urget, & cuilibet servorum domus pensum injungit: it illa, imò currit huc & illuc nullibi hærens: tam illa cupit Christum Dominum bene & dignè excipere ! sibiq; persuadet nunquam sufficientia fercula paratū iri, ut pro ejus dignitate illum tractet. Eodem modo voluntas, quæ non cohibetur per modestiam, volat ab vno objecto ad aliud, ut sese excitet ad Deum amandum, & desiderando assidue plures modos ei serviendi, cum interim non tot res requirantur. Melius est adhærere Deo cum Magdalena, sedendo ad ejus pedes, & rogando identidem nobis ut suum amorem elargiatur, quàm cogitare, quomodò & quibus medijs possimus dictum amorem acquirere. Modestia hæc retinet voluntatem reclusam in exercitio mediocriorum sui profectus in Dei amore, juxta vocationem, in qua sumus & vivimus.

Dixi virtutem hanc potissimè se occupare in subijciendo intellectu, & hoc ideo, quia curiositas, quæ naturaliter nobis inhæret, est periculosissima, efficitque, ut nunquam rem quampiam perfectè sciamus, eò quod non satis multum temporis ei addiscendæ impendamus. Illa etiam fugit alterius vitij, quod illi est oppositum, extremitatem, & est stupiditas & negligentia mentis, quæ scire non vult, quæ scire necesse esset.

Hæc autem subjectio intellectus maximi est  
mo-



momenti ad acquirendam perfectionem: eâ enim mensurâ, quâ voluntas affectat rem unam, si intellectus ei ostendat pulchritudinem alterius, illam divertit à prima.

Apes nusquam subsistunt, dum carent Rege, non cessant per auram volitare, se dissipare, & dispergere, nullam propemodum quietem capiunt in alveari; at simulatque Rex ijs natus est, sese conjungentes illum circumdant, nec egrediuntur, nisi ad mel colligendum, & ad Regis mandatum explendum. Eodem modo intellectus noster, & voluntas, passionibus nostrâ & facultates animæ, velut apes spirituales, usque dum Regem habeant, id est, usque dum elegerint Christum pro Rege, nullam quietis partem capiunt, sensus nostri non cessant sese disgregare & evagari per curiositatem, & internas nostras facultates ad se attrahere, ut facilius sese dissipent, jam adhærendo rei uni, paulò post alteri. Et sic non est nisi continuus labor, & inquietudo spiritûs, quæ nobis omnem pacem, & tranquillitatem mentis, quæ nobis necessaria est, eripiunt: & hoc est, quod efficit immodestiam, tum intellectûs, tum voluntatis. Sed postquam animæ nostræ elegerunt Dominum pro suo unico & supremo Rege, potentiæ conquiescunt ad instar castarum apum mysticarum, illum circumdant, & nunquam egrediuntur suis alvearibus, nisi ad in-

vesti-

vestiganda & colligenda charitatis exercitia, quæ sanctus hic Rex mandat eas exercere erga proximum, & statim post hoc redeunt ad modestiam, & in hac tam sancta & amabili quiete ad tractandum & congregandum mel sanctarum & amabilium conceptionum & affectionum, quod colligunt ex sacra ejus præsentia. Atque ita evitant duas extremitates supradictas, una ex parte radicitus exterminando CURIOSITATEM ab intellectu per simplicem attentionem DEI, & ex altera STUPIDITATEM & negligentiam mentis, per exercitia charitatis, quam exercent erga proximum, ubi & quando necesse est.

Sed ecce aliud exemplum circa idem subiectum: die quodam petijt aliquis Religiosus ab Angelico Doctore Divo Thoma, quid sibi faciendum judicaret, ut in virum doctum evaderet? *legendo inquit librum unum.* Hisce diebus elapsis legebam regulam, quam sanctus Augustinus præscribit Religiosis sororibus sui Ordinis. Vbi expresse dicit: Sorores Religiosas alios libros legere non debere præter eos, quos exhibebit earum superior. Et idem postea præcepit viris Religiosis, quos instituit. Adeò ille noverat mala, quæ curiositas adfert volentibus alia atque alia scire, quàm quæ necessaria sunt ad melius DEO serviendum, quæ certè res est perexigua: nam si ambulas in simplicitate: observando tuas regu-

regulas, Deo perfectè servies, nec te in varia effundes, nec investigando, ut multa alia scias, te defatigabis. Scientia ad amandum Deum non est necessaria (ut dicit sanctus Bonaventura,) simplex enim fœmina tam est capax ad amandum Deum, quàm doctissimus hominum totius mundi.

Exigua scientia & multa praxi opus est ei, qui tendit ad perfectionem. Memini (quod facit ad propositum ratione periculi, quod latitat sub alis curiositatis: dum volumus multos & varios modos scire ad perfectionem acquirendam) locutum me fuisse duabus Religiosis duorum Ordinum probè reformatorum, quarum una ex multa & frequenti lectione librorum Beatæ Theresiæ, tam bene didicerat loqui, atque illa; unde videri poterat parva quædam Mater Theresia: & sic illa de se credebat imaginando taliter omnia quæ fecerat sancta Mater Theresia, vitâ durante, ut putaret se eadem facere usque ad percipiendas illas mentis intensiones, quales esse solent in raptu & in suspensionibus potentiarum animæ, eodem modo, quo legebat illa sanctam Theresiam habuisse, & sanè de ijs optimè loquebatur.

Sunt & aliæ similiter, quæ ex multa consideratione & meditatione vitæ sanctæ Catharinæ Senensis, & Genuensis putant se esse, per imitationem



nem sanctas quasdam Catharinas, illis similes. Animæ istæ minimum in seipsis gaudium & quietem inveniunt per imaginationes, quibus se sanctas esse putant, licet gaudium illud & quies animi sit imaginaria & vana.

Verùm Religiosæ alteri, quam dixi me novisse, longè alius insitus erat ex ratione nativi temperamenti habitus, siquidem nulla re unquam erat contenta, dum nulli acquiescebat propter aviditatem, quâ imbuta erat ad investigandas & desiderandas semper novas vias & methodos se ad perfectionem provehendi: etsi enim pro ea re assequenda strenuè semper laborabat, illi tamen continuè videbatur superesse alios modos ad eam acquirendam, & plenè semel possidendam, præter illum, quem docebatur. Una harum Religiosarum imaginaria illâ suâ sanctitate, nihil requirens aliud, vivebat contenta; altera autem minimè: & hoc ea de causa, quòd sua perfectio ipsi esset abscondita, ideòque semper alia atque alia media desiderabat ad plenè consequendam perfectionem.

Interior modestia tenet animam in his duobus statibus, mediocritate scilicet desiderandi, & sciendi ea, quæ necessaria sunt, & nihil ultrà. Cæterùm notandum est modestiam exteriorem, de qua locuti sumus, multùm servire interiori, & acquirendæ paci atq; tranquillitati animæ.

M

Hujus

Hujus rei testimonium invenitur in omnibus sanctis Patribus, qui & excelluerunt in Deo orando, & in modo alios docendi, qualiter orandus sit: omnes autem judicârunt situm in oratione modestum multum eam promovere: ut est genibus flexis, & manibus junctis, vel in modum crucis, brachijs complicatis orare.

III. Modestia respicit verba, & modum conversandi. Sunt verba nonnulla, quæ saperent immodestiam extra omne aliud tempus, quàm relaxationis animi, in qua justè & rationabiliter aliquantulum conceditur ut relaxetur animus: & qui tunc noller loqui, nec sinere alios loqui, nisi de rebus altis & sublimibus illo tempore, committeret immodestiam. Supra enim diximus modestiam respicere tempus, loca, & personas.

Ad hoc propositum legebam proximè Sanctum Pachomium statim, atque se contulit in desertum, ad vitam Monasticam ibi transigendam, magnas habuisse tentationes, & malignos spiritus sæpe, & modis diversis ei apparuisse. Qui ejus scribit vitam, dicit die quodam, ei ambulanti per sylvam, & querenti ligna in usum suum scindenda, obviasse magnam multitudinem spirituum infernalium ad eum perterrefaciendum. Eo viso, omnes se disposuerunt veluti milites stantes & ponentes vigilias; illi probè videbantur

tur armati, & clamare ad invicem : *date locum huic sancto Viro* : his visis & auditis, Pachomius advertit esse ostentationes malignorum spirituum, quare cœpit subridere dicens : vos quidem me irridetis ; sed ero, si Deo placuerit, sanctus. Porro Diabolus videns non potuisse se eum decipere, nec in melancholiam inducere, statuit medijs lætitiâ provocantibus eum capere ; quia viderat primas suas insidias ab eo irrisas : magnam igitur crassissimorum funium quantitatem accipiens, alligavit uni folio arboris ; illôs apprehenderunt plurimi Dæmones, &, in speciem, maximâ violentiâ trahebant, clamantes & sudantes quasi multum laboris exanthlassent. Sanctus Pachomius, sublatis oculis, & videns istam stulticiam, statim sibi repræsentavit Christum Dominum in arbore crucifixum, quare animadvertentes sanctum se applicare ad fructum arboris, & non ad folia, omni confusione, & dedecore affecti, se proripuerunt.

Tempus est ridendi, & tempus est non ridendi ; sicut & tempus loquendi, & tacendi, sicut hic Vir gloriosus in suis tentationibus nos edocuit. Modestia hæc ordinat nostrum modum loquendi, ut sit grata, loquendo non nimis altè, neque nims submissè, neque etiam nimium lentè, neque ferociter, sed se conservando intra terminos sanctæ & aureæ mediocritatis : sinendo alios lo-



qui, dum loquuntur, eorum sermonem non interrumpendo (nam hoc esset loquacitatis, ne dicam dicacitatis) loqui nihilominus suo ordine ad evitandum, ne aut rustici, aut indignabundi videamur, quo fieret, ut impediretur bona conversatio. Multoties etiam occurrunt occasiones, in quibus necesse est tacendo multum loqui, per modestiam, æqualitatem, patientiam & tranquillitatem.

I V. Virtus, nominata modestia, respicit vestes, & modum, quibus induimur. De hac necesse non est aliud dicere, nisi quòd evitandæ sint sordes, & indecentia in modo se vestiendi, sicut & altera extremitas, quæ est nimia sollicitudo se nimis politè vestiendi cum affectata curiositate se plus æquo exornandi, quod vanum est. Mundities autem admodum commendata est per sanctum Bernardum ut magnum iudicium puritatis & munditiei animæ.

Vna res est in vita sancti Hilarionis, quæ videtur nobis adversari in hoc puncto. Nam die quodam loquens cum Viro nobili, qui visitandi gratiâ ad illum venerat, dixit, non requirendam munditiam in Cilicio: volens dicere non requirendam esse munditiam in nostris corporibus, quæ aliud non sunt, quàm foetida cadavera infectione plenissima. Verùm hoc in tali sancto magis est admirandum, quàm imitandum. Non  
opor-

oportet equidem mollitiem nimiam, sed nec fortes affectare. Quod Sanctum hunc inducebat ad sic loquendum, erat (ni fallar) quia loquebatur de Aulicis, quos videbat sic propendere ad delicias, ut operæ pretium esset rudiùs & asperius non nihil loqui ad illos, velut ad eos, qui volentes erigere juvenem arbusculam, non solum non erigunt juxta plicam & statum, quem ei dare volebant; sed longè ultra incurvant in aliam partem, ut non redeat ad priorem plicam, seu striaturam. En, quæ dicenda habebam de modestia.

Desideratis secundo loco scire, quid, & quomodo agendum sit, ut bene & laudabiliter suscipiatur correctio; omni sublato sensu vel ariditate cordis, ad impediendum quò minus cholæræ sensus in nobis notetur, & ne sanguine in facie perfundamur; hoc nunquam facilè prohibebitur. Beati erimus si hanc perfectionem uno quadrante antequam è vita hac discedamus, habuerimus: sed eo modo continere ariditatem mentis, ut non loquamur (postquàm sensus ille transivit) tanta cum fiducia, suavitate, & tranquillitate, quàm antea, ô! hoc magna sollicitudine cavendum est, ne fiat. ablegatis procul sensum illum, dicitis vos; verum non ideò non apud vos manet. Non nego, imò assero, charæ filiæ, vos sensus illos ex correctione ortos, amandare, sed

vereor ne amandetis, ut cives illius civitatis (in qua noctu fit seditio) qui amandant quidem & expellunt seditiosos & hostes suos; verum non eijciunt planè è civitate, proinde ab vna platea, in aliam sese absconsum eunt, usque dum manet oritur sol: tunc invadunt habitatores civitatis, & superiores evadunt. Vos quidem reiicitis amaritudinem illam & sensum correctionis vobis factæ; sed non ita fortiter, & accuratè, quin in aliquo cordis vestri angulo, si non totus, saltem pars aliqua illius se abscondat. Non vultis equidem retinere conceptum doloris sensum, sed nec etiam submittere vestrum iudicium: à quo persuademini correctionem illam non factam ad propositum, vel factam quidem, sed ex gravi passione, vel aliquo simili affectu.

Quis non animadvertit seditiosum illum nos invasurum, & mille modis oppleturum nos confusione, nisi eum promptè à nobis pellamus longissimè! Verum, quid eo in tempore faciendum? Oportet se includere apud Dominum, eique loqui alijs de rebus. Sed hic sensus vester non quiescit: at suggerit considerandum injuriam factam. O Deus! non est tunc tempus sibi persuadendi, ut submittat iudicium, & credat, agnoscatque correctionem esse bonam, nec non opportunè exhibitam; ò non profectò, sed tunc est tempus, quando anima redit ad quietem & tran-



tranquillitatem pristinam : durante enim turbâ,  
non oportet dicere, neque facere aliud , quàm  
animum firmare in bono , & nullo modo sinere ,  
ut consentiat nostræ passioni, quâcunq̃ ratio-  
ne interveniente & suadente , ut id faciamus.  
Nunquam enim deerunt rationes eo tempore ,  
imò turmatim sese nobis ingerent, sed ne vel uni-  
ca quidem audienda , quantumcunq̃ bona vi-  
deatur, sed oportet juxta Deum se ponere & fir-  
miter ei adhærere, uti jam dixi, divertendo nos,  
postquam nos humiliavimus, & submisimus di-  
vinæ ejus Majestati , loquentes alijs de rebus.

Sed notate verbum hoc , quod mihi perpla-  
cet dum profero, vel proferri audio propter su-  
am utilitatem : HUMILIATE vos humilitatē sua-  
vi & pacificâ, non autem anxîâ & turbulentâ hu-  
militate. Nam magnum inde in nobis oritur  
incommodum , si ante Dei oculos deferamus  
humilitatem iracundam & molestant : hoc enim  
agendi modo non quietabimus animam nostrâ ;  
tales enim actus sunt infructuosi. E contra verò  
si actus istos in conspectu divinæ bonitatis suavi,  
cum confidentia faciamus , evademus inde toti,  
quanti sedati & tranquilli, rejiciemusque facile  
postea à nobis omnes rationes, quæ persapè &  
ordinariè sunt irrationabiles, quia eas & propri-  
um judicium, & privatus amor nobis suggerit,  
tantaque cum facilitate loquemur ijs , à quibus

correcti, vel redarguti in re aliqua sumus, sicuti antè. Vos quidem (ut dicitis) à vobis ipsis in-  
petratis, ut ijs loquamini. Verùm si vobis non  
respondeant juxta placitum, hoc duplicat tenta-  
tionem: totum hoc profluit ex eodem malo,  
quod diximus. Ecquid vobis obest, quòd hoc  
vel illo modo vobis loquantur, modò vos, quod  
vestri est officij, exequamini? Omnibus ritè  
computatis, nemo est, qui non horreat corre-  
ctionem.

Sancto Pachomio postquam in deserto qua-  
tuordecim vel quindecim annis vixerat, à Deo  
revelatum est, futurum, ut magnum animarum  
numerum Deo lucretur, eò quòd complures  
venturi essent in eremum, qui sese ejus discipli-  
næ subijcerent. Iam tunc aliquos acquisiverat,  
Religiosos, & primus quidem, quem receperat,  
fuit frater ejus, major natus, dictus Ioannes. Pa-  
chomius accepta hac revelatione incepit multis  
cellulis ampliare suum Monasterium: frater  
Ioannes, vel quia ignorabat ejus propositum;  
vel motus zelo paupertatis, die quodam eum  
gravius reprehendit, dicens: hicné, frater, mo-  
dus est, quo imitari oporteat Christum Domi-  
num? qui dum in vita hac versaretur, non habe-  
bat ubi caput suum reclinaret, exstruere tam  
magnum conventum, & plura ejusmodi similia?  
Pachomius, non cohibente sanctitate, quâ erat  
præ-

præditus, adeò ægrè tulit istam correctionem, ut aliam in partem subito se verterit, ne (si non fallar) exterior corporis constitutio repræsenteret internam commotionem. Factâ reflexione super suam imperfectionem, subito genibus flexis, summississimè sui lapsus veniam petijt, & infirmitatem suam deploravit, quòd, cum tot annis jam versaretur in deserto, adhuc adeò effectus immortalitatis. Quare ita humiliter & ferventer oravit, ut eam obtinuerit gratiam, ne unquam amplius subiectus esset impatientiæ.

Quin & ipse sanctus Franciscus, ferè eodem modo prope finem suæ vitæ post tot raptus, & amorphos congressus cum Deo, post tanta pro ejusdem gloria præstita, totque modis de se ipso relata trophæa in impatientiam lapsus est, nam die quodam, cum plantaret brassicam in horto, contigit à fratre aliquo, quòd non bene plantaret, eum reprehendi, qui tantopere exarsit in choleram advertens se reprehensum, ut media ex parte injuriam pronunciârit contra fratrem illum, à quò correctus erat. Aperuit quidem os ad injuriam pronunciandam, sed se cohibuit, & sumens de fimo, quem sepeliebat cum caulibus; ah! nequam lingua, inquit, te docebo, itané injuriâ fratrem oportet afficere? & subito se ingenua prosternens supplex rogavit fratrem illum, ut errorem sibi condonaret.



Hæc cum ita se habeant, quæ obsecro, esse potest causa admirandi, quod nos miseros homunciones deprehendamus tam promptos ad cholera, dum nos reprehendi, vel contradici in re quapiam animadvertimus?

Exempla nobis petenda sunt ab his Sanctis, qui subito sese superabant, dum unus ad orandum, alter ad humiliter veniam petendam à fratre suo recurrebat, & neuter illorum fecit aut dixit quicquam in favorem conceptæ cholera; sed ex lapsu ad virtutum culmen uterque sese erexit.

Mihi dicitis, ex corde vos correctionem, quam approbatis, & justam ac rationabilem agnoscitis, acceptare; verum, dolorem & confusionem ex eo vos concipere, quod vestram Superiorem offenderitis, vel certè ei occasionem dederitis, ut offendi potuerit; & hoc esse dicitis, quod tollit à vobis confidentiam eam accedendi, & tamen inter ea vos amare abjectionem, quæ ex lapsu provenit, asseritis. Hoc fit, charæ filiæ, ex mandato proprii amoris. Ignoratis fortassis esse certum unum Monasterium in nobis ipsis, in quo amor proprius imperat, ac proinde poenitentiam impositam punit; & hæc ipsa poena est poenitentia, quam vobis imponit ob lapsum à vobis commissum contra Superiorem, eò quod, fortassis, non vos tanti faciet posthac, quanti

ante

ante lapsum. Satis dictum pro ijs, quæ recipiunt correctionem, oportet adhuc verbum unum addere pro illis, quæ corrigunt. Præterquam igitur, quòd debeât esse prædictæ magnâ prudentiâ ad capiendum tempus & occasionem corrigendi cum omnibus debitis circumstantijs, non debent vnquâ mirari, multò minus offendi, quòd eæ sorores, quas corrigunt, afficiantur animo, res enim perdura est, cuique videre se corrigi.

Petitis tertio loco, quid, & quomodò vobis agendum esset, ut semper mente pura ferremini rectâ in DEUM, non aspiciendo ad dexteram, neque ad sinistram; charæ filiæ, vestra propositio pergrata mihi est, quia suum secum fert responsum, faciendum est id, quod dicitis, tendendum est ad DEUM non declinando, imò nec aspiciendo ad dexteram, neque ad sinistram. Non id est, quod vos petitis, ut existimo, sed quomodo vobis agendum esset, ut sic mentem vestram in DEO stabiliretis, ut nihil ab eo posset eam separare, neque retrahere. Dux res ad hoc sunt necessariæ; mori scilicet, & beatitudine æternâ perfrui.

Nam post hoc nunquam erit separatio, & anima vestra indissolubili vinculo unietur DEO suo. Dicitis, quod neque hoc petatis; sed quid vobis esset faciendum ad impediendum, quò minus, vel minima musca vestram mentem abstraheret

heret à Deo, sicut nunc fieri videtis: vultisné fortè dicere minima distractio? Parcite mihi, charæ filiæ; minima distractionis musca non abstrahit à Deo vestram mentem, sicut dicitis: nihil enim nos removet vel abstrahit à Deo, quàm peccatum, cum inter alia, decretum, quod matutino tempore fecimus retinendi mentem nostram unitam cum Deo, & insupet attentam ad ejus præsentiam, efficiat nos sic manere cum Deo nostro; imò etiam quando dormimus: siquidem id in nomine Domini, & secundum ejus voluntatem agimus: quin & videtur divina ejus bonitas nobis dicere: DORMITE ET REQUIESCITE, ET EGO INTEREA OCULUM HABEBO AD VOS CUSTODIENDOS ET DEFENDENDOS, à LEONE RUGIENTE, *qui semper circumit quarens vos devorare.* Animadvertite igitur an non jure merito debeamus decenter & modestè decumbere, uti supra diximus? atq; hic modus est bene faciendi omne id, quod facimus, attentos nos esse ad omnem Dei præsentiam. Nam nostrum nemo cum offendet, attendendo, quòd nos intueatur. Nec ipsa peccata venialia valent nos avertere à via, quâ Deus nos ducit; remorantur quidem, dubium non est, aliquantulum à nostro itinere; sed non ideò nos avertunt; multò autem minùs avertunt simplices distractiones; ut dixi in introductione ad VITAM DEVOTAM. QVOD



SPECTAT AD ORATIONEM, non minus ea nobis est utilis, neque ingrator Deo, ob habitas in ea multas distractiones; imò fors utilior, quàm si inter eam faciendam multis abundassemus consolationibus. Quia plus inest laboris, modò tamen fideliter dictas evitaverimus distractiones, & eis mentem nostram voluntariè non occupaverimus. Idem dicendum est de labore, quem totius diei decursu habuimus, ut mentem in Deo & rebus cœlestibus fixam retineremus, dummodo curam adhibeamus cohibendo mentem nostram, ne post muscas istas & papiliones currat, & hoc ad instar alicujus matris erga suum infantem: Videt illa tenellum filiolum delectari venatu papilionum, credentem posse se capere: illa eum retrahit, & arrepto ejus brachio continuè retinet, dicens: filiote mi, subsiste apud me, melius est, quàm ut contrahas infirmitatem currendo post papiliones in sole volitantes. Innocens infantulus manet apud matrem quousque videat alium, post quem paratus esset currere, si mater eum non retineret, uti ante. Ecquid ergo hic faciendum? patientia habenda est, & cavendum, ne laborem pro Dei amore & salute nostra susceptum deferamus.

Verùm, si non decipior, quando dicimus non posse nos Deum invenire, (eò quòd procul à nobis esse videatur) volumus dicere, non posse  
nos

nos sensum & argumentum ejus præsentiæ deprehendere. Notavi complures homines non facere discrimen inter Deum, & sensum aut argumentum præsentis Dei; inter fidem, & sensum fidei: qui maximus est error: illis videtur, quando non sentiunt Deum præsentem, se non esse in ejus præsentiā; & hoc magna est ignorantia; nam is, qui ita ad Martyrium Dei amore subeundum, & nihilominus nihil cogitat de Deo eo tempore; sed de suo dolore; esto nullum tunc habeat sensum, & cogitationem de fide, non ideo intermittit mereri ob favorem primi sui decreti, & actus maximi amoris, quo statuit mori pro illo.

Multum valde interest inter habendam Dei præsentiā (intelligo esse in ejus præsentiā) & habere sensum ejus præsentiæ. Nemo nisi Deus solus potest nobis hanc gratiam præstare: nam, ut deum vobis modos, & rationes acquirendi istum sensum, mihi impossibile est. Petit isne, quomodo agere debeat, ut semper magnum respectum & reverentiam erga Deum habeatis, cum vos ipsæ indignissimas judicetis tali gratia? Modus alius id faciendi non est, quam is, quem dicitis. Advertatis esse Deum nostrum; nos autem debiles ejus creaturas, omni honore indignas, uti faciebat sanctus Franciscus, qui integram noctem vigilans transegit interrogando  
DEUM

DEUM his terminis : QUI ES TU ? & quis sum ego ? Tandem, si à me petitis : quomodo me gerere debeam, ut DEI amorem adipiscar ? Dicam ego : VOLENDO EUM AMARE ; & pro eo quo vos occupatis, cogitando & petendo , quid faciendum vobis sit, ut DEI spiritui vos uniatis, praximum eum amandi arripiatis per continuam applicationem vestri spiritûs ad DEUM : & hoc si faciatis, securas vos facio , citius ad vestram prætensionem perventuras eo modo, quàm quâcunque aliâ viâ : nam quò magis nos dissipamus, eò minùs sumus collectæ ; & ideò minùs etiam capaces ad nos uniendum , & conjungendum divinæ majestati, quæ vult nos ex integro suos esse.

Non paucæ sunt animæ , quæ tam multum se occupant, quomodo facturæ sint id, quod faciendum est, ut non habeant tempus præstandi id verè, quod præstandum statuerunt ; & tamen in eo , quod respicit earum perfectionem , quæ consistit in unione animæ humanæ cum divina bonitate, non est quæstio alia, quàm parum scire, & multum facere. Videntur mihi ij, à quibus quæritur via veniendi ad cœlum, rationabiliter dicere, uti solent dicere ij, qui respondent : bone vir, ad veniendum ad talem & talem locum, oportet te semper ire, ponendo pedem unum ante alterum , ut pertingas ad locum desideratum.

Ite



Ite semper, dicitur animabus desiderantibus perfectionem, ite, inquam, viâ vestræ vocationis, in omni cordis simplicitate, occupando vos magis in faciendo, quàm desiderando: hæc enim ad perfectionem brevissima est via:

At hic latitat astus unus, quem bona vestrâ veniâ (si tamen concedetis) vobis detegam, nullius tamen vestrum, ut spero, cum offensione: is astus est, quòd velletis vos à me edoceri viam perfectionis factam tritam, ut solummodò eam imponeretis vestris capitibus, uti induendam imponitis vestram vestem, & hoc modo essetis perfectæ absque ullo labore & molestia; id est, ut darem vobis perfectionem totam quantam consummatam, nam quod ego dico faciendum, non est gratum naturæ, nec est id, quod vellemus. Overè! si id in mea esset potestate, perfectissimus essem omnium mortalium hujus mundi: nam si possem alijs conferre perfectionem absq; ullo labore polliceor me omnium primò mihi collaturum. Videtur vobis perfectio esse velut ars quædam, cujus secretum, si inveniri posset, statim ea haberetur absque ullo labore & molestia. Verè nos ipsos decipimus; nullum aliud est hîc secretum, quàm facere, & laborare fideliter in exercitio divini amoris; si illius mentis sumus, ut nos uniamus DILECTO. Perquàm autem vellem notari, quòd, quando ego dico

FACERE ET LABORARE OPORTERE, mihi esse sermonem de parte superiori animæ : nam renisus & repugnantia partis inferioris non plus est curanda, quàm homines transeuntes curent canes à longè latrantes & catenis alligatos. Qui intersunt convivio cuiquam, sodicant, & vellunt quodlibet ferculum, & de omnibus parum aliquid comedunt, conturbantes, & intervertentes sibi stomachum, in quo ita magna fit indigestio, ut ex ea tota nocte somnus ijs subtrahatur, non potentibus quidquam facere, nisi exspuere.

Hujusmodi animæ, quæ degustare volunt omnes methodos, & modos, qui conducunt, vel conducere possunt ad perfectionem, idem faciunt : nam cùm stomachus earum voluntatis non habeat tantum caloris, quantum necesse esset ad digerendos & in praxim redigendos tot modos, sit nescio quæ cruditas, & indigestio, quæ eis tollit omnem pacem & tranquillitatem mentis apud Deum Dominum : QVI EST VNUM ILLUD NECESSARIUM, quod Maria elegit, & quod non tolletur ab ea in æternum.

Gradum nunc faciamus ad alteram petitionem, quâ me rogastis, quomodo efficere possitis vestra decreta, seu proposita ita firma & inconcussa, ut reducat in effectus? Melior non est modus, charæ filiæ, quàm, ut ipsæ dicitis, ea reducere in praxim. Sed dicitis iterum vos ita debiles

biles esse, ut, quamvis sapenumero (vestro iudicio) fortia faciatis decreta non cadendi in imperfectiones, à quibus vos emendare desideratis, nihilominus oblata occasione, lapsus non sufficienter evitetis.

Vultisné vobis dicam, quare ita simus debiles? quia nolumus abstinere à cibo insalubri: quemadmodum si homo quispiam, qui percupe- ret stomachum habere liberum ab omni infirmitate, peteret à Medico, quid sibi faciendum esset, responderet illi: noli comedere tales cibos, quia generant cruditates, quæ deinde creant dolores. Huic nolenti ab ijs abstinere, prorsus sumus similes: vellemus exempli causâ charam & acceptam habere correctionem, sed volumus intereâ manere obstinatæ. O! quæ est ista stultitia? Hoc fieri non potest, non potestis esse fortes, & idoneæ ad generosè ferendas reprehensiones, quamdiu manducatis cibum propriæ vestræ æstimationis. Vellem equidem animam retinere collectam, sed nolo resecare tot genera reflexionum inutilium: hæc autem simul consistere nequeunt.

Mi Deus quàm cuperem me esse firmam & invariabilem in meis exercitijs! sed simul nollem pati tot dolores & molestias. Verbo, vellem opus invenire omnibus suis perfectionibus expeditum & expolitum: at nequit hoc fieri, vitâ

hac



hac durante ; quia semper habebimus in quo laboremus & patiamur.

Festum Purificationis (quod jam aliàs vobis dixi) caret Octava. Oportet nos duo decreta, seu ut dicunt, duas æquales habere resolutiones, unam ad videndum crescere malas herbas in nostro horto, alteram ad habendum animum & oculum ad videntes eas eradicari, quin & nos ipsos penitus eas eradicantes : quia proprius amor non morietur, dum nos vivemus : is autem est, à quo pullulant istæ impertinentes productiones. Cæterum non est esse debilem prolabi subinde in peccata venialia, modò continuò ex ijs resurgamus per reditum animæ nostræ in Deum, nos suaviter & efficaciter humiliando. Inducere non debemus in animos nostros, posse nos semper vivere sine aliquo hujusmodi peccatorum venialium. Solius enim Beatæ Virginis inter puros homines illud est privilegium. Et quamvis ea aliquantulum nos remorentur (uti dixi) non tamen avertunt aut avocant à via ; adde quòd unicùs Dei intuitus ea extinguit. Tandem sciendum est, nos nunquam non debere facere hujusmodi decreta, esto certò videamus nos, juxta ordinarium nostram agendi modum, executioni non mandaturos ; imò verò, esto adverteremus certò futurum, ut nos in effectum non deduceremus, etiam offerente se occasione.

Et quidem hoc faciendum est majori firmitate & stabiliori animi decreto, quàm si crederemus ac experiri videremur animum sufficientem ad consequendum id, quod animo concepimus: dicendo Domino nostro: verum est me non habere tantas vires, ut faciam vel sufferam ex me ipsa talem rem; sed incedo lætitijs, videns futurum, ut tua virtus eam in me efficiat. Et hoc nixa fundamento, ito generosè ad pugnam, & nil dubita, quin reportatura sis gloriosam victoriam.


Dominus noster idem agit erga nos, quod bonus pater, aut indulgens mater, quæ sinit ambulare suum infantem solum, quando est in aliquo svari prato, vel ubi magnum est gramen, aut etiam supra muscum, quia advertit, quod etsi cadat, nihil aut parum illi nocebit: at in malis, & periculosis vijs, sollicitè eum portat inter brachia. Vidimus frequenter utriusque sexûs homines generosè tulisse adversos assultus, nullaquæ ex parte cedentes; suis inimicis evasisse superiores: qui postea superati fuerunt in rebus occurrentibus non magni momenti. Et quare hoc? nisi quia Dominus videns eos non multum sibi nocituros, esto cadant, sinit solos ambulare, quod non facit, quando sunt in magnis tentationum præcipitijs, à quibus eos manu suâ omnipotente retrahit.

Sancta

*Sancta Paula Romana*, quæ comprimis generosa fuit in mundo deferendo, & Civitati Romanæ valedicendo, nec non tot & tantas, quibus abundabat commoditates relinquendo; & quæ non potuerat moveri, & absterri ab incepto per affectum maternum (quo nobilissimas suas proles prosequabatur) ita nimirum fortiter statuerat omnia derelinquere, ut Deum sequeretur: tamen post admiranda ista à se patrata, sicut se superari tentatione proprii iudicii, à quo persuadebatur non debere se submittere iudicio complurium magnorum & celebrium sanctorum, qui suadebant, imò volebant, ut relinqueret, & resecaret quædam suæ austeritatis ordinaria. In quo S. Hieronymus fatetur eam fuisse reprehensibilem.

Notemus pro conclusione omnia, quæ hac Collocutione diximus, esse res perquam delicatas, multum subtiles pro perfectione: & ideò nullam vestrum, quæ hæc intellexit, debere mirari, multò minùs turbari, si deprehendat se ad hanc perfectionem non pervenisse, siquidem, gratiâ Dei adjunctæ, omnes eam intenditis animumque promptum geritis ad eam prosequendam & comprehendendam eo gradu, quo valebitis.





# VIVAT IESVS.

## COLLOCVTIO X.

### *De Obedientia.*



Obedientia est virtus moralis dependens à Iustitia: porrò sunt certæ quædam virtutes morales, quæ tantum affinitatis habent cum virtutibus Theologalibus (quæ sunt FIDES, SPES, CHARITAS) ut propemodum videantur Theologicæ, esto longè inferioris gradûs sint, uti Pœnitentia, Religio, Iustitia & Obedientia. Ipsa autem Obedientia consistit in duobus punctis.

I. est obedire Superioribus; II. obedire item æqualibus & inferioribus. Verùm secundum punctum magis pertinet ad humilitatem, sçavitatem, & charitatem, quàm ad obedientiam: nam is, qui est humilis, putat ab omnibus se longè superari, esseque multò meliores, quàm ipse sit; ita ut reputet, & credat eos in omnibus se esse superiores, ac proinde ijs imperantibus obedire debere. Verùm quantum at-

tinet

tinet ad obedientiam, quæ respicit Superiores, quos Deus constituit ad nos gubernandos, ea est iustitiæ & necessitatis; quæ proinde præstari ac reddi debet integra cum submissione nostri intellectûs & voluntatis. Porro obedientia hæc intellectûs exercetur tunc, quando iussu acceptamus, & approbamus quod iustum est, non solum voluntate, sed etiam intellectu; æstimantes & approbantes rem demandatam; quin & eam omni re alia, quæ nobis ista occasione potuit demandari, iudicamus meliorem. Quando eò perventum est, adeò delectat nos obedire, ut insatiabiliter desideremus nobis aliquid præcipi, ut totum, quod facimus, ex instinctu & iussu obedientiæ faciamus. Et hæc est obedientia perfectorum, quam vobis exopto; ea autem procedit ex puro Dei dono, vel certè acquisita est longo cum tempore, & labore infatigabili per multitudinem actuum sæpe sæpius iteratorum, & productorum insigni ac viva fortitudine; quibus dein acquiritur habitus. Naturalis nostra inclinatio trahit semper ad desideria mandandi, conaturq; nobis obtrudere aversionem ad obedientiam; & tamen certum est nos habere magnam capacitatem ad obediendum, & fors nullam, aut perexiguam ad imperandum.

Obedientia magis ordinaria tres habet conditiones: I. est acceptare libenter rem nobis

demandatam, nostramq; voluntatem ei accommodare, ac veluti svaviter inflectere gaudentes, quòd nobis demandata sit. Nam nullus reperitur modus, quo efficiamur verè obediētes, nisi quempiam habeamus, qui nobis imperet: sicuti non efficimur svaves manendo soli in aliquo deserto. Cassianus refert se existentem in deserto, subinde in choleram incidisse, apprehensamque pennam ad scribendum, si non ad lubitum litteras subito exprimebat, procul abjecisse. Vnde concludit nihil prodesse, si soli simus, siquidem choleram semper nobiscum portamus. Virtus est bonum ex se ipsa quod non dependet ex privatione sui contrarij. II. conditio obediētiæ est promptitudo, cui opposita est pigritia, vel tristitia spiritualis; raro enim evenit hominem tristitiâ affectum rem ullam promptè & exactè facere (in terminis Theologicis pigritia nuncupatur tristitia spiritualis) & hoc est quod impedit quo minus generosè & promptè obtemperemus. III. conditio est perseverantia, non enim satis est quòd libenter amplectamur mandatum, & per aliquod temporis spatium illud executioni mandemus, nisi perseveremus: est enim perseverantia, quæ refert coronam.

Passim ubique admiranda inveniuntur perseverantiæ exempla; sed in specie, ac præsertim in

vita

vita  
perfe  
do  
man  
hil u  
ter o  
stor  
ut e  
as co  
cien  
min  
tus  
cruc  
eo,  
veri  
per  
ex f  
sè  
oco  
ad  
difi  
hu  
ma  
mu  
nij  
om  
vic



vita Sancti Pachomij. Fuerunt Monachi, qui perseverârunt cum incredibili patientia exercendo se totâ vitâ in eodem exercitio, seu labore manuum: sicut fuit probus Pater Ionas, qui nihil unquam totâ vitâ aliud exercuit, fecitq; (præter culturam horti) quàm mattas, seu junceas storeas. Et quidem adeò labori isti assueverat, ut etiam clausâ fenestrâ suæ cellulæ dictas storeas conficeret, meditando & orando; unum facienti, non erat alterum illi impedimento, quò minus etiam illud probè faceret. Certè inventus est mortuus genibus decussatis, in modum crucis cum storea ijs applicata. Mortuus est in eo, quod totâ vitâ suâ exercuerat; nemo negaverit eximium humilitatis actum esse, totâ vitâ per obediētiam se circa unum exercitium, quod ex se erat abjectum, manibus laborâdo fructuosè occupare: nam multæ tentationes possunt occurrere cogitandi sibi non deesse capacitatem ad aliquid aliud excellentius exercendum.

Porro tertia hæc conditio est cæteris longè difficilior propter levitatem & inconstantiam humani ingenij, nam horâ unâ rem aliquam amamus; alterâ ne aspectum quidem eius ferimus, si vellemus sequi omnes motus nostri ingenij, vel si possibile nobis id esset facere, excluso omni scandalo, & dedecore, nihil aliud in nobis videremus, quàm mutationes. Nunc vellemus

ing. N 5 esse

esse in hac conditione, & paulò post ambiremus aliam. Tantæ inconstantiae subiectum est ingenium humanum! verùm ligandum est fortitudine laqueorum primarum resolutionum seu decretorum, ut vivamus uniformiter & æqualiter, inter inæqualitates nostrorum sensuum, & eventorum.

Porro ut afficiamur erga obedientiam, quando tentamur, faciendæ sunt considerationes de eius excellentia, de pulchritudine & de eiusdem merito, quin & de utilitate, ut nos animemus ad porro pergendum. Id autem intelligendum est de eis, qui nondum satis stabiliti sunt in obedientia. Verùm, quādo non est quæstio alia quàm de simplici aliqua aversione, aut fastidio rei demandatæ, actus amoris quispiam egregius faciendus est, & opus imperatum animosè aggrediendum.

Ipse Christus Dominus in sua Passione magnū sensit fastidium & horribilem aversionē à morte subeunda: quod ipsemet dixit: sed tamen quoad rationem animæ resignatus erat voluntati Patris, reliqua verò omnia non erant nisi unus motus naturæ. Perseverantia difficilior est in rebus interioribus; nam quod ad materiales, & exteriores attinet, sunt eæ sat faciles. Profluit hoc ex eo, quòd molestum sit nobis intellectum subijcere; est enim illud ultimum, quod sub ju-

gum

gum adducimus: sed non obstante molestia, quam sentimus subjugando illud, prorsus necessarium est, ut cogitationem nostram certis quibusdam objectis subijciamus, alioquin quæ spes perseverandi in exercitijs nobis assignandis ab obedientia, & exercendi virtutem, non subiecto penitus nostro intellectu? Non dico deesse nos perseverantiæ, quando exiguas aliquas interruptiones interijcimus, modò non omnino rem infectam derelinquamus; sicut non desumus obedientiæ ex eo, quòd minutulas aliquas illius conditiones omittamus (maximè cum solum ad substantiam virtutum, & non ad earum conditiones obligemur.) Nam etsi obediamus cum aliqua repugnantia, & quasi coacti per obligationem nostræ conditionis, obedientia tamen nostra non desinit esse bona: & hoc ex virtute primi nostri decreti seu resolutionis: Verum est eam esse longè majoris valoris, quando exhibetur cum omnibus conditionibus, quæ relatæ sunt. Nam sic res quantumvis exigua, facta tamen tali cum obedientia incredibilis est meriti & valoris.

Obedientia est virtus adeò excellens, ut Christus Dominus voluerit gubernari omnia vitæ suæ momenta per illam, prout suo sacro ore crebrò dicere dignatus est: *non veni, inquit, ut facerem voluntatem meam, sed Patris mei.* Confirmat Apostolus,



stolus, dum dicit eum *factum obedientem usque ad mortem, & quidem mortem crucis*; voluit merito infinito perfectæ suæ charitatis jungere meritum perfectæ obedientiæ. Charitas cedit aliquando obedientiæ, quia obedientia dependet à Iustitia, unde melius est solvere quod debetur, quàm Eleemosynam facere, quod est dicere, melius est facere obedientiam, quàm actum charitatis elicitum à motu propriæ nostræ voluntatis.

II. Punctum, in quo consistit obedientia, potius est humilitas, quàm obedientia: nam genus hujus obedientiæ, est facilitas quædam, & promptitudo, seu flexilis quædam mollities, ad sequendam voluntatem alterius, quæ non potest non esse maximè amabilis, dum vertit nostrum intellectum omnem in partem, & disponit ad semper faciendam Dei voluntatem. Exempli causâ, si dum me confero ad locum aliquem, & foror quæpiam mihi obviet, mihiq; dicat, ut aliò eam, voluntas Dei in me est, ut faciam quod illa petit potius, quàm quòd hic & nunc facere intendo. Quòd si oppono opinionem meam illius, Dei est voluntas in illa, ut mihi cedat: & sic de omnibus rebus, quæ sunt indifferentes: Verùm si eveniat, ut circa primam istam opinionem, quòd utraque vellet cedere, non immerandum esset in hoc contestationis certamine; verùm considerandum quæ esset causa melior

ac ra-

ac rationabilior, & deinde facere simpliciter quod visum erit : hic autem sapientiâ duce & rectore opus est. Non enim esset conveniens relinquere rem omnino necessariam ad obsequendum rei cuiuspiam de se indifferenti.

Si vellem exercere actionem magnæ mortificationis, & soror alia accedens mihi diceret, ne eam faciam, vel certè ut faciam aliam; reijcerem ego in aliud tempus, si esset possibile, primum meum conceptum, ad faciendam ejus potius voluntatem, & postea decretum meum exequeretur : quod si non possem illud omittere, vel remittere, & viderem id, quod à me vellet obtinere, non esse necessarium, facerem primò rem mihi decretam : ac dein si fieri posset, operam darem recuperando huic spirituali lucto, faciendo quod soror à me postulabat.

Si contingat sororem aliquam petere, ut quidpiam in sui gratiam faciam, & repentinè obruta dem signa exteriora alicujus interioris repugnantia, non debet soror illa ex inanibus conjecturis, suspitione commoveri, nec ostendere se id notare, neque deprecari, ut illam gratiam sibi præstare omittam : non enim in nostra est potestate impedire, quò minus color noster, oculi, & cõstitutio nostra testetur pugnam interiorem, esto ratio velit rem petitam exequi : sunt enim illa signa nuncij, qui veniunt, neq; vocati, neq;

neq; missi; quibus esto, dicas abite, iter vestrum relegate, ordinariè nō facient. Qua igitur ex causa & proposito nollet soror illa, ut facerem id, quod à me petivit, ideòné solum quod advertit me habere repugnantiam? amare certè debet, ut id faciam, quod meæ prodest animæ. Dices fortè, ideò illam recusare, quia me offenderit. Non, sed prævalet amor proprius, qui nollet me ne minimam quidem cogitationem concipere, quòd illa sit importuna: concipiam tamen, licet ei inhæsurus non sim. Si nihilominus signo mei renisus jungam verba, quæ apertè testentur me animum non habere ut faciam, quod soror à me petit, potest illa, imò debet suaviter mihi dicere, ne id, quod expetit, faciam: & hoc quando personæ sunt inter se æquales; nam si sine quæ auctoritatem habeant, fortiter eæ instare debent, ut sibi inferiores subiectos contineant.

Porrò licet soror aliqua penitus recusârit rem aliquam, vel repugnantiam monstrârit, non ideò desistere debeo cum fiducia alia in re, & occasione ejus opem exposcere; neque etiam debeo inde scandalum pati ob ejus imperfectionem. Nam eâ horâ eam tolero, & mox illa me tolerabit; nunc aversionem habet faciendi rem illam, quam alia vice faceret libentissimè; si tamen experienciâ mihi constaret talis esse ingenij, quæ necdum esset capax istius modi secum agendi, ex-



di, expectarem, & reijcerem in tempus aliud, usque dum melius esset disposita. Omnes capaces esse debemus tolerandorum defectuum communium, imò uniuscujusque in particulari: nec ullo modo oportet mirari & obstupescere si eveniant. Nam si aliquo temporis intervallo simus sine lapsu, paulò post vix aliud faciemus, quàm labi in magnas imperfectiones: ex quarum sequela oportet proficere per propriam nostri abjectionem, quæ nobis inde evenit. Tolerandæ sunt cum patientia remoræ, & impedimenta nostræ perfectionis; nos tamen semper conari debemus ex animo proficere.

O felices ij, qui viventes in expectatione, nunquam ab ea recedunt! quod dico propter plures, qui toti quanti sunt in hoc, ut se perficiant, per acquisitionem virtutum, quas vellent una vice, & momento acquirere: quasi verò perfectio consisteret solum in desiderijs. Magnum per omnem modum esset bonum, si possemus esse humiles simulatque desideraremus esse, absque nullo alio labore ac difficultate. Oportet ut nos assveamus ad requirendos successus nostræ perfectionis, juxta vias ordinarias; & hoc in omni cordis tranquillitate, facientes quidquid in nobis est ad eas acquirendas per fidele studium, quod adhibendum est unicuique ad eas exercendas, prout exigit cujusque conditio & vocatio:

vocatio: & de cætero expectare quicquid evenit, quantum attinet ut citò aut tardè pertingamus ad scopum nostræ intentionis, DEI providentiæ (cui curæ erit nos consolari tempore, quo id destinavit facere) id permittendo; esto differret id facere usque ad ultimam vitæ nostræ horam, imò & ad mortem ipsam, sufficere id nobis debet: dummodo nostro exactè semper fungamur officio, semper faciendo quantum valemus: sat citò habebimus quod desideramus, quando illud à Deo donatum possidebimus.

Expectatio hæc & resignatio est pernecessaria; nam si absit, dici vix potest quantumurbationis inferatur animæ. Nobis satis esse debet, quòd sciamus per eum, qui nos gubernat, nos bene facere, & non requirere nescio quos sensibiles affectus, testimonia, notas & notitiam particularem; sed iter nostrum prosequi, ad instar cæci, in hac providentiâ & confidentiâ in Deum: etiam per medias desolationes, timores, obscuritates, & omnia alia crucis genera, quæ illi placuerit nobis immittere. Manete igitur, charæ filiæ, perfectè resignantes & committentes vos ejus ductui absque ulla exceptione vel reservatione; penitus in ejus bonitatem proijcientes tum corporis, tum animæ sollicitudinem; repeto, maneamus omnino resignatæ, & in eo conquiescamus, sub gubernatione superiorum, nullam aliam gerent-

gerentes curam, quàm ut exactè dictis superioribus obediamus.

Porro modus acquirendi hanc facilitatem ad promptè obtemperandum voluntati alterius, est frequenter in oratione facere actus indifferentes, & deinde eos quando occasio se præsentabit, in praxim deducere. Non enim satis est expoliare coram Deo, quia cum id fiat solummodo imaginariè, non magni est momenti & negotij; sed quando res ipsa in effectum danda est, & nos omnino Creatori Deo tradidimus, & tamen nobis assignatur creatura, quæ nos regat, magna per omnem modum reperitur differentia: proinde hic & nunc excitandus & advocandus est animus, ut generosè pugnet. Suavitas hæc, & acclinatio ad voluntatem proximi exequendam, virtus est maximi momenti: est siquidem signum seu SYMBOLVM ORATIONIS TENDENTIS AD VNIONEM. Nam quemadmodum oratio aliud non est, quàm renunciatio nostri ipsorum in Dei manus, quando anima dicit cum veritate: non amplius habeo voluntatem nisi tuam, ò Deus, tunc tota quanta unita est Deo; ita dum renunciamus nostram voluntatem, ut voluntatem proximi faciamus, ea est vera unio cum proximo: sed nota ea omnia facienda esse propter Dei amorem.

Evenit sæpe personam quampiam parvulam & debilem corpore & spiritu (quæ se non solet



exercere nisi in rebus exiguis ) tantâ eas actiones facere charitate , ut merito longè superent actiones magnas & illustres : nam ordinario modo loquendi actiones sublimes fiunt minori cum charitate propter maiorem attentionem & considerationes diversas, quæ fiunt circa illas, si nihilominus magnum aliquod opus fiat tanta cum charitate, quanta parvum, dubio procul is, qui illud facit, longè plus meriti & mercedis habebit. Breviter, charitas dat pretium & valorem omnibus nostris operibus. Atq; ita omnia bona quæcunque facturi sumus, facere debemus propter Dei amorem, & mala, quæ evitaverimus, evitanda sunt propter ejusdem amorem.

Bonis actionibus, quas facimus, & singulartiter earum, quæ non sunt nobis demandatæ, nec trahere possunt suum meritum è fontibus obedientiæ valor tribuendus est per charitatem; quamvis & omnes illas facere possumus etiam per obedientiam. Tandem assumendus est animus, & non ab alio, quàm à Deo ipso dependendum est. Character enim filiarum seu Religiosarum VISITATIONIS, est respicere omnibus in rebus Dei voluntatem, eandemque impigrè sequi.

Vos aliàs me rogastis, an sit in vestra potestate facere particulares aliquas orationes? Respondeo, quantum ad exiguas precatiunculas,


ad

ad quas subinde ex devotione faciendas impellimini, ea in re nihil est mali: dummodò non ita ijs vos affligatis, ut si omittatis illas vobis scrupulus oriatur, vel proposita faciatis eas dicendi quotidie toto anno, vel certo tempore; tales enim orationes ex propria phantasia excogitatæ non debent habere locum inter eas, quas jamjam dixi posse fieri. Quod si quandoque tempore silentij moveamini pietate aliqua, ad dicendum AVE MARIS STELLA, vel VENI SANCTE SPIRITUS, vel denique pium quid aliud, potestis dicere, nihil est difficultatis, dummodò pium id sit. Verùm cavendum est ne hoc fiat in damnum majoris boni. Accipe exemplum, si zelo pietatis existens ante venerabile sacramentum statuas orare ter orationem Dominicam in honorem sanctissimæ Trinitatis, & tunc voceris ad præstandum aliquid aliud, promptè surgere debes, & te conferre ad faciendum quod tibi imperabitur; actionem tamen illam poteris facere in honorem sanctæ Trinitatis loco ternæ recitationis orationis Dominicæ. Non oportet igitur sibi præscribere certas genuflexiones, jaculatorias orationes, & similes exercendas per diem, vel tempus aliquod definitum, nisi dicatur superiori. Hæc non ita dico, ut negem debere nos esse diligentes & assiduas in praxi elevationum mentis & aspirationum in Deum. Porro

si putatis vobis inspirari hujusmodi parvas actiones, gratum erit ipsi spiritui sancto, si licentiam faciendi petatis. Quin imò, ut omittatis eas facere, si vobis non permittantur, siquidem ei nihil ita gratum est, atque Religiosa obedientia. Addo, vobis non esse licitum, ut pro quopiam dicatis certum orationum numerum: si quis autem roget, ut id faciatis, respondendum vobis est, petituras vos licentiam faciendi: sed si solum quis se commendat simpliciter vestris orationibus, potestis respondere vos id facturam; quin & eodem tempore eleveris mentem in Deum pro eo, qui petijt. Idem est intelligendum de sancta communione: non enim potestis communicare pro aliquo sine licentia; hoc tamen non intelligitur dum in procinctu estis ad sumendum Christum Dominum, si vobis tunc in memoriam veniat necessitas vestri proximi, vel certè necessitates communes toti populo; potestis enim eas Deo commendare, rogando humiliter, ut misereri & parcere ijs velit. Verum si cupis in particulari sacrosanctam Eucharistiam sumere pro re aliqua obtinenda, petenda est licentia, nisi tamen sit pro proprijs tuis necessitatibus, ut esse posset obtinere robur contra tentationem aliquam, vel certè ad petendam virtutem aliquam à Domino: qui in omnibus sit benedictus.

DEUS





# VIVAT IESVS.

## COLLOCVTIO XL

*Super idem objectum Obedientia.**De virtute Obedientia.*

Ria sunt genera piæ Obedientia; quorum primum est generale & commune omnibus Christianis, quæ est obedientia Deo & sanctæ Ecclesiæ debita in observandis eorum mandatis. Secunda est obedientia Religiosa multum exaltata super alteram: eò quòd non solummodò complectitur Dei mandata; sed etiam se subijcit observationi consiliorum. Est obedientia una tertia, quæ est illa, de qua intendo loqui tanquam de perfectiore, quæ nuncupatur amorosa. Et hæc est, cujus Christus Dominus totius vitæ suæ decursu exemplum exhibuit.

Sancti Patres huic obedientia complures attribuerunt conditiones: sed ex omnibus tres solum eligam, quarum prima est (ut illi nomi-

nant) cœca; secunda quòd sit prompta, & tertia, quòd perseverans.

Cœca obedientia tres habet proprietates vel conditiones: prima, quòd non respiciat vultum Superiorum, sed solùm auctoritatem; secunda, quòd non petat informationem de causis neque de motivis, quæ movent superiores ad mandandam talem, & talem rem, sed sufficit illi scire esse mandatam. Tertia, quòd non inquiret modos, quos sequi debeat ad exequendum, quod imperatum est, sibi persuadens Deum per inspirationem, ex qua, & vi cuius ei mandatum est, daturum vires id complendi. Verùm non inquirendo, quomodò mandatum complebit, illud facere incipit. Ex quo vides Religiosam obedientiam, quæ cœca esse debet, se perquam amorose submittere ad simpliciter exequendum id, quod mandatum est non indagando, nec dispiciendo an bene mandatum sit vel malè, solùm attendit, an qui mandat, potestatem habeat, & an quod mandatur, serviat ad conjunctionem mentis & voluntatis cum Deo habendam: nam sine his verus obediens nullam unquam rem faciet.

Permuli admodum decepti sunt circa hanc conditionem obedientiæ, qui crediderunt in hoc illam consistere, ut etiam injustè ac perperam mandanti obediatur, esto foret id contra Dei, & sanctæ Ecclesiæ mandata. In quo vehementer

menter errârunt, imaginantes sibi nescio quam stulticiam in ista cœcitate quæ nusquam ei inest. Nam quod ad mandata Dei attinet, Superiores potestatem non habent contraveniendi, & multò minus mandandi, quod eis vel in minimo ad- versetur; ita Inferiores nunquam obligantur obedire tali in casu, quin imò si obediant sci- entes, graviter peccant.

Scio equidem complures quædam patrasse contra Dei mandata, motos instinctu hujus obe- dientiæ (quæ non solum vult obtemperare Dei mandatis & Superiorum: sed etiam eorum con- silijs atque adeò etiam propensionibus) sic fa- ctum, ut plures se præcipitarint in mortem per inspirationem peculiarem Dei, quæ adeò erat fortis & efficax, vt nullo modo possent aliter sibi persuadere: alioquin enim gravissimè pec- casset.

Habetur in lib. 2. Machabæorum 14. v. 35. de quodam ex senioribus Iudæis, qui dictus Razias, is impulsus ardenti zelo gloriæ Dei se exposuit furori armorum partis adversæ, sciens non posse, se vulnera & mortem evitare, & sentiens se vul- neratum in pectore, extraxit omnia sua viscera per vulnus, deinde projecit in aëra inimicis suis spectantibus. Sancta Apollonia insilijt in ignem, sibi ab impijs nominis Dei, & Christianorum inimicis præparatum, ad vitam ipsi tollendam.



Sanctus Ambrosius narrat historiam de tribus puellis, quæ ad evitandam castitatis labem, se in flumen injecerunt, ubi aquæ vehementiâ suffocatae fuerunt. Verùm hæc aliquid aliunde rationis ac argumenti habebant ad hoc faciendum, quod, quia longum esset deducere, silentio involvo. Sunt & alij non pauci passim obvii, qui se in mortem dederunt, ut ille, qui se injecit in fornacem ardentem. Sed omnia hujusmodi exempla admiranda sunt, non imitanda: sat enim vobis notum est non oportere unquam eò cæcitatis devenire, ut cogitemus Deo posse nos placere, dum agimus contra ejus mandata.

Obedientia amorosa supponit nos habere obedientiam mandatorum Dei. Dicitur hæc obedientia cæca, quia obedit æqualiter omnibus superioribus. Omnes antiqui patres magnopere reprehenderunt eos, qui se submittere volebant eorum obedientiæ, qui inferioris dignitatis gradûs erant quàm ipsi: unde eos interrogabant: quando vos obeditis vestris Superioribus, quid est quod vos movet, ut obediatis? estne propter Dei amorem? minimè, nam hic nonne æquè tenet Dei locum inter nos atque alter? Dubio procul est Dei Vicarius, Deus autem ejus ore nobis facienda præcipit, & suas nos docet voluntates, per ejus ordinationes, uti faciebat per os alterius. Obeditis igitur, ut video, Superiorio-

rioribus, quia ad eos inclinationem habetis, & eorum personas respicitis. Eheu! nihil plus facitis, quàm homines mundani, quia idem & ipsi faciunt; & quidem non solum obediunt mandatis eorum, quos amant, sed insuper non putant se suo amori erga eos satisfecisse, nisi etiam proximè eorum propensiones & affectiones sequantur, prout facit verus & sincerus obediens, tam ex parte Superiorum, quàm ex parte ipsiusmet Dei.

Ethnici quamvis mali, nobis hujus rei præbuerunt exemplum. Nam diabolus ijs loquebatur & responsa dabat in diversis generibus & formis Idolorum: aliquierant in statuis hominum, alij in glirium, canum, leonum, serpentum, & his similibus: & quidem hi miseri homunciones æqualiter adhibebant fidem omnibus; obediens æquè statux canis, atq; hominis, glirium sicut leonum absque ullo discrimine. Et quare hoc? quia respiciebant suos Deos in diversis hujusmodi statuis.

Sanctus Paulus jubet nos obedire Superioribus etiam discolis. Christus Dominus, sanctissima ejus Mater, & Beatus Iosephus præclare nos edocuerunt formam obediendi in itinere, quod fecerunt è Nazareth in Bethlehem. Cum enim Cæsar Augustus decretum edidisset, ut omnes suo Imperio subjecti, se conferrent ad locum,

Nativitatis suæ, ut ibi conscriberentur, illi ad obtemperandum Imperatori, esto fuerit Idololatra, perpromptè se eò contulerunt; volente per hoc Christo Domino ostendere, ne unquam respiciamus vultum eorum, qui mandant, modò potestatem id faciendi habeant.

Transeamus nunc ad secundam obedientiæ cœcæ proprietatem. Postquam Soror aliqua strenuè contra se ipsam repugnando, punctum hoc obtinuit de non habendo respectum, & non æstimando personam eorum qui imperant, sed æquè per omnia se submittit cuivis Superiori, transit ulterius, & venit ad secundum, quod est obedire sine consideratione intentionis, & finis, ob quem mandatum est, contenta quòd sciat esse mandatum, non se alijs occupando, neque examinando an bene vel male mandatum sit; an adsit ratio faciendi, vel non faciendi tale vel tale mandatum. Abraham admodum commendatur in hac obedientia: Deus eum vocans illi dicit: Abraham egredere de terra tua & cognatione tua, id est, extra tuam civitatem, & Veni in terram, quam monstrabo tibi. Pergit Abraham nil contradicens. Eheu! nonné poterat dicere, Domine, dicis, ut egrediar de civitate, dic ergo mihi, si placet, qua ex parte egrediar? ne verbum dixit, sed perrexit, quo spiritus eum ferebat, non attendens ullo modo an bene iret vel male; quare, &



re, & ex quo motivo Deus ei ita paucis mandavit, ut ne notaverit quidem viam, quâ vellet eum pergere. Certè verus obediens nequaquam discurret, sed rem simpliciter aggrediens, nullâ præmissâ inquisitione, eam exequitur.

¶ Videtur ipsemet Dominus noster voluisse nos edocere, quantopere hoc obedientiæ genus ei gratum sit, quando apparuit sancto Paulo, ad viam rectam eum conversurus; nam cum proprio nomine compellasset, faciens eum in terram cadere, excœcavit. Advertitisne quomodo, ut suum efficeret discipulum, eum cadere fecerit, eum humiliando & sibi subjiciendo, ac deinde subito excœcaverit, & ut in civitatem ad Ananiam quærendum intraret, faceretq; quidquid is illi juberet, mandârit? Verum, cur non ille ipse Christus illi dixit quid facere deberet, non longius eum ablegando? ille ipse, inquam, qui dignatus fuerat ei loqui ad convertendum? Sanctus Paulus quidquid ei demandatum fuit, ritè executus est. Nihil equidem Christo Domino constitisset, si ipsemet ei dixisset, quæ illi jussit dici per Ananiam: ad hoc suo exemplo voluit nos intelligere, quàm intimè amet cœcam obedientiam, siquidem non alia de causa videtur sanctum Paulum percussisse cœcitate, quàm ut verum ac sincerum obedientem efficeret. Quando idem Dominus noster voluit dare lumen,

cœco

cæco nato, fecit lutum ex sputo, & linxit lutum super oculos ejus, & dixit ei, Vade & lava in Natatoria Siloe, Ioan. 9. 6. Miser hic cæcus nonne causam videtur habuisse, modum istum, quem Dominus usurpabat eum sanando, admirandi & dicendi? O mi Deus! quid mihi adhibes, si non essem antè cæcus medicina ista videtur aptissima ad me excæcandum? Nihil horum movit, sed simpliciter obedivit. Sic etiam verus obediens simpliciter credit posse se facere quicquid potest sibi mandari, quia firmiter tenet omnia mandata à Deo venire, vel ejus inspiratione ferri ac proinde impossibilia esse non posse propter potentiam ejus, qui imperat.

Naaman Syrus non ita fecit, unde parum absuit, quin illi malè cederet. Hic cùm esset leprosus, se contulit ad Elisæum sanitatis recuperandæ gratiâ, eo quòd omnia remedia, quibus antea usus fuerat ad recuperandam pristinam valetudinem nihil ei profuerint. Sciens igitur ab Elisæo magna & admiranda patrari, eum adivit, & cùm ad eum appulisset, misit unum è suo comitatu, qui eum rogaret, ut sibi sanitatem conferret, quem rogantem audivit quidem Elisæus, sed non egressus est è suo conclavi, verùm fervum suum ad eum direxit, qui ei diceret, *Vade lavare septies in Iordane, & recipiet sanitatem caro tua, & que mundaberis.* Ad hoc responsum cœpit Naaman

man indignari, & dicere: *nunquid non meliores sunt Abana & Parphar, flusq; Damasci, omnibus aquis Israël?* Et obstinatus nolebat facere: sed qui eum concommittabantur modestè induxerunt ad faciendum quæ propheta injungebat, maximè cum res factu esset tam facilis. Assensit eorum svasioni, & cum septies se lavisset in Iordane sanatus fuit. Animadvertitisné quomodo se periculo exposuerit non recuperandi sanitatem, dum tot considerationes & discursus facit circa id, quod illi imponebatur? TERTIA proprietas obedientiæ cæcæ est, quod non perpendat neque vel minimum inquirat, quomodò exequi valeat, quod illi præceptum est. Scit enim viam, per quam illi incedendum est, esse regulam suæ Religionis, & mandata Superiorum: hanc viam in simplicitate cordis prosequitur, nec tantillum examinat an melius sit hoc modo progredi, an alio, modò obediat; omnia ei sunt indifferentia. Optimè enim scit id sufficere ad placendum Deo, ob cuius amorem purè & simpliciter obtemperat.

II. conditio obedientiæ amorosæ est, quòd sit prompta. Porro promptitudò obedientiæ nunquam non fuit commendatissima Religiosis, ut res summè necessaria ad bene obediendum & perfectè observandum quod Deo votum est.

Fuit ea obedientia pro NOTA, quam elegit Eliczer ad cognoscendam puellam, quam Deus deter-



determinaverat pro sponsa filij Domini sui. *Ecces*, inquit, *ego sto prope fontem aquæ, & filia habitatorum huius civitatis egredientur ad hauriendam aquam. Igitur puella, cui ego dixero: inclina hydriam tuam, ut bibam, & illa responderit bibe, quin & camelis tuis dabo potum: ipsa est, quam preparasti serbo tuo Isaac. Necdum intra se verba compleverat, & ecce Rebecca egrediebatur puella decora nimis, Virgoq; pulcherrima, & incognita Viro: à qua, cum implevisset hydriam, ac reverteretur, petijt: pauxillum aquæ mihi ad bibendum prabe de hydria tua. Quæ respondit, bibe Domine mi, celeriterq; deposuit hydriam super aliam suam & dedit ei potum, cumq; ille bibisset adjecit illa: quin & camelis tuis hauriam aquam donec cunctis bibant.* Genesis 24. v. 13. & seqq. Animadvertite, obsecro, quàm promptè & gratiosè non parcat suis viribus, sed liberaliter eas exerceat; non enim modicâ aquâ erat opus ad adaquandos tot camelos, quos Eliezer secum duxerat. Verè, verè actus & opera obedientiæ, quæ non exhibentur cum gratia & promptitudine, Deo parum accepta sunt. Sunt nonnulli, qui obediunt quidem, sed tanto cum languore & vultûs torvitate, ut plurimum diminuunt meritum istius virtutis. Charitas & obedientia tali inter se junguntur vinculo, ut ab invicem separari nequeant; amor, ut prompte obediamus, efficit, nam quantumvis difficilis sit res demandata, is, qui obedientia amorosa præditus est, suscipit exequendam peramanter: quia cum obedientia sit principalis pars humilitatis, quæ summè amat submissio-

nem,

nem, obediens consequenter amat mandatum, & simul atq; illud à longè conspicit, qualecunq; tandem illud sit, sive arrideat, sive non, illud amplectitur, illi blanditur, & tenerrimè excipit.

Quod habetur in vita Sancti Pachomij exemplum de hac promptitudine ad obtemperandum, volo id vobis enarrare. Inter Religiosos sancti Pachomij erat unus dictus Ionas, Vir magnæ virtutis & sanctitatis, cui demandata erat horti cultura, in quo erat ficulnea una, quæ ferebat eximias ficus : at ficulnea hæc causa erat tentationis Iunioribus Religiosis, quoties ei iuxta illam transibant, semper nonnihil intuebantur ficus. Sanctus Pachomius cum id notâsset, ambulans die quodam per hortum, sustulit oculos ad ficulneam, & advertit diabolum supra illam esse, qui diabolus ex loco superiori deorsum vsque ficus aspiciebat, sicut Religiosi sursum aspiciebant ex loco inferiori easdem ficus.

Magnus hic sanctus cum non minus in desiderio haberet informare suos Religiosos ad omnimodam mortificationem sensuum exteriorum, quàm ad extirpationem interiorum passionum & propensionum, ad se evocato Ionæ mandavit, ut ficum illam sequenti mane exscinderet; ad quod in simplicitate cordis Ionas opposuit hoc : ò mi Reverende Pater, nonné aliquid indulgendum esset Iuvenibus istis Religiosis, ad eos

in re

in re aliqua non mala relaxandos? non pro me intendo eam reservare. Ad quod dictum magna cum suavitate respondit Pater; tu quidem, mi frater, renuis simpliciter & promptè obedire, sed dic quo munere certes, quod ista arbor erit magis obsequens quàm tu? Quod evenit: die enim sequenti invenit Ionas illam totam exsiccata, nec vnquam amplius ullum tulit fructum. Bonus Ionas, dicebat verè se suâ causâ eam ficum nolle reservare, nam notatum est intra spatium septuaginta quinque annorum, quibus in Religione vixerat, & curam horti habuerat, nunquam eum gustasse ullum fructum horti totius; sed bene eum liberalem fuisse erga fratres. Interea didicit, quam promptitudo obedientiæ magni sit pretij, ac proinde cordi esse debeat Religiosis.

Christus Dominus toto vitæ suæ tempore continua edidit exempla promptissimæ obedientiæ. Nihil enim excogitari potest adeò flexibile & promptum ad omnia, quàm ille fuerit ad implendam cuiusq; voluntatem. Ad ejus exemplum addiscere debemus exactissimam promptitudinem in obediendo: non enim sufficit cordi amoroso, si solummodò exequatur id, quod sibi mandatum, & insinuatum est, nisi id promptè executioni mander. Qui talis est, vix expectare potest, ut hora adveniat complendi, quod sibi  
ordi-



ordinatum est. Et hoc ideo quia percipit sibi res aliquas novas committi exequendas.

David Rex, vix ore ediderat simplex votum sui desiderij de aqua scilicet cisternæ Bethlehemiticæ habendâ ad bibendum, cum ecce subito tres fortissimi Iuvenes intrepidè per exercitum hostilem transeuntes allatam inde aquam Regi porrexerunt. Viden', quàm prompti ad exequendum, & ad implendum Regis desiderium fuerunt? Ita passim est videre magna sanctitate conspicuos viros fecisse, ad exequendas inclinationes & desideria, quæ, ut illis videbatur, Rex Regum Christus Dominus habebat. Quale, obsecro, mandatum fecit Christus Salvator noster, quo Divam Catharinam Senensem videretur obligare, ad bibendam, vel linguâ lingendam putredinem, quæ effluebat è vulneribus infirmæ mulieris, cui inserviendi curam susceperat? Quale item sancto Ludovico Regi Galliæ, qui comedeat cum leprosis, & quidem ex eo ipso, quod illis restabat iusculo seu refectione, ut eos excitaret ad cibum sumendum. Nullo penitus modo ad hoc tenebantur, sed scientes quòd Christus id amaret, & testimonium dedisset de inclinatione ad amorem propriæ abjectionis, cogitabant gratum ei se facturos, si sequendo ejus inclinationem, ista facerent (non obstante, quod id plurimum repugnaret eorum sensibus) maxi-

mo quo poterant amore. Sumus obligati succurrere nostro proximo existenti in extrema necessitate: nihilominus, quia eleemosyna est unum è consilijs Domini nostri, plurimi libenter, quantum in sua est potestate, & facultates eorum patiuntur, eam elargiuntur. Porro super obedientiam consiliorum inserta est obedientia amorosa, quâ inducimur ad sequendum examissim desideria, & intentiones Dei ac Superiorum nostrorum. At monere hic vos debeo, ut noteris deceptionem, in quam incidere proclive est: nam si ij, qui vellent proseguire & assequi perfectam praxim hujus virtutis, exactè vellent semper esse attenti, & velut anhelantes ad cognoscenda desideria & inclinationes suorum Superiorum, vel etiam ipsius Dei, tempus indubitanter perderent. Nam, exempli gratiâ, quamdiu inquirerem quale esset eorum desiderium, non darem interim operam quieti & tranquillitati apud Deum inveniendæ & consequendæ, quod tamen est desiderium quod nunc Deus habet: siquidem nihil aliud mihi faciendum exhibet. Igitur si is verbi gratiâ, qui proseguitur inclinationem, quam Dominus noster ei testificatus est, de succurrendo pauperibus, vellet ab una civitate ad aliam se conferre ad eos inveniendos & inventos pro facultate juvandos, quis ignorat quòd dum esset in una, non succurreret & inviret

viret ijs, qui sunt in alia? Opus hoc tractandum est in simplicitate cordis, faciendo eleemosynam occurrente occasione, non autem discurrendo per vicos, plateas & domos, se occupando & investigando an ibi sint pauperes ignoti? Eodem modo, quando adverto superiorem meum aliqua à me desiderare, debeo ego ostendere promptitudinem ad ea facienda, non scrutando an possim cognoscere num habeat inclinationem, ut faciam aliquid aliud; hoc enim omnem pacem & tranquillitatem cordis, quæ est præcipuus obedientiæ amorosæ fructus, tolleret.

III. conditio obedientiæ est perseverantia, quam Christus Dominus nos admodum definivè & distinctè edocuit. Sanctus Paulus eam his declarat terminis: *fuit obediens usque ad mortem*, & addens vim isti obedientiæ dicit: *usque ad mortem crucis*. In his verbis: *VSQUE AD MORTEM*, supponitur obediens fuisse toto vitæ suæ tempore; intra quod vitæ tempus nihil est videre aliud, quàm de lineamenta & eximia obedientiæ exempla ab eo exhibita, tum parentibus, tum alijs pluribus, quin imò & impijs ac flagitiosis. Et uti cœpit per hanc virtutem, ita cursum vitæ suæ mortalis conclusit & finivit.

Eximius & Religiosus Ionas, de quo supra, nobis subministrat duo exempla in hoc subjecto de perseverantia. I. quòd quamvis non ita



promptè obediverit mandato, quod Sanctus Pachomius illi dedit, fuit tamen Religiosus magnæ perfectionis. Nam à tempore, quo ingressus est Religionem, usque ad mortem perstitit firmiter in officio hortulani, nunquam illud mutando, aut deferendo intra spatium septuaginta quinque annorum, quibus vixit in Monasterio. II. fuit exercitium, in quo etiam perseveravit totâ suâ vitâ, ut dictum aliàs, fuit autem facere mattas junceas intertextas folijs palmarum; & quidē eas faciendo mortu⁹ est, ut diximus suprâ. Non potest nō esse eximiæ virtutis tanto tempore in vno exercitio perseverare. Nam exequi cum latitia rem aliquam, quæ una vice demandatur faciendam ad libitum quoad tempus, hoc magni faciendum non est: sed quando tibi dicitur: tu id semper facies usque ad finem tuæ vitæ: hic, hic est ubi resplendet virtus, & latitat difficultas obtemperandi.

Hæc habui quæ vobis dicerem quantum ad obedientiam, nisi quod unum addo verbum: OBEDIENTIA TANTI EST PRETII, VT SIT COMES ET SOCIA CHARITATIS; & quidem hæ duæ virtutes sunt, quæ decus & pretium omnibus alijs tribuunt; ita ut sine illis omnes aliæ nihil sint: ni habueris has duas virtutes, nullam habes; si autem eas habes, omnes alias simul possides.

Sed pergamus ulterius, positâ ad partem obe-

obedientiâ generali mandatorum Dei, loquamur de obedientia Religiosa: dico, quòd nisi Religiosus obediat, non possit habere virtutem aliquam: quia obedientia est, quæ præcipuè eum efficit Religiosum, cùm sit virtus propria & singularis Religioni. Esto habeas desiderium Martyrij subeundi ob Dei amorem, hoc nihil est, si careas obedientia. Legimus in vita Pachomij unum ex ejus Religiosis, qui ubi partes boni Novitij præclare gessisset, & exemplo singulari humilitatis, & submissionis alijs prævisset, accessisse sanctum Pachomium, & accensum magno fervore ei dixisse, se magnopere teneri desiderio subeundi Martyrij, neque se aliquando futurum quietum, nisi eo mortis genere à vita discedat: humillimè proinde se eum rogare, quòd suis precibus apud Deum efficiat, ut quod animo concepit, effectu compleat. Sanctus Pater conatus est moderari illum fervorem; sed quo plura ille dicebat, eò magis dictus Religiosus incendebatur ad prosequendum suum propositum. Sanctus Pachomius illi dicebat: fili mi, melius est vivere in obedientia, & mori quotidie vivendo per continuam mortificationem sui ipsius, quàm Martyrio afficere nostram imaginationem: satis moritur Martyr, qui probè se mortificat: majus est Martyrium totâ suâ vitâ persistere in obedientia, quàm semel gladio mori. Vive, ò

vive, fili mi, (ajebat eum divertens ab hoc desiderio) in pace & tranquillitate mentis.

Religiosus, qui certò certius assererat desiderium suum esse à Spiritu Sancto, nihil omnino remittebat de suo ardore, imò semper incitabat rogando bonum Patrem Pachomium ut preces pro se funderet, suum ut desiderium implere posset. Tempore aliquo praterlapso, allata sunt nova pro ejus consolatione: quidam enim Saracenus Dux latronum venit in montem Monasterio vicinum, hinc Pachomius accepit occasionem eum ad se evocandi, & ei dicendi: en percommode, fili mi, advenit hora à te tantopere desiderata: i, bono omine scissum ligna in monte. Religiosus præ gaudio se non capiens pergit cantando & laudando Deum, nec non summas gratias agendo, quòd se dignum censuerit habendi occasionem moriendi pro ejus amore. Interim nihil minùs cogitabat facere quàm quod fecit. Ecce adsunt latrones, qui cum eum conspexissent, rectà ad eum perrexerunt, & eum pugnis contundere & minari cœperunt, exiguà admodum morâ se ostendit strenuum. Tu mortis es filius dicebant illi; nihil aliud, inquit ille, exopto quàm hoc, mori scilicet pro Deo, sed & plura alia hujusmodi respondebat. Saraceni eum duxerunt ad locum ubi suum habebant Idolum, ut illud adoraret, ubi autem viderunt eum



eum constanter recusare, cœperunt se accingere & præparare ad eum occidendum. ah pauper hic Religiosus tam strenuus in imaginatione, videns applicatum gutturi suo gladium; hei! obsecro, inquit, ne me occidatis, faciam quidquid volueritis, vos miseremini mei, adhuc sum juvenis, esset damnum abbreviare cursum dierum meorum. Post hæc adoravit eorum Idolum, & pessimi isti latrones illum irridentes, egregiè verberibus exceperunt, & dein siverunt eum reverti in suum Monasterium: quo cùm pertigisset, mortuo magis quàm vivo similis, pallens, & semivivus; Sanctus Pachomius, qui ei obviam processerat, ei dixit: ecquid est, fili mi, quod adeò sis animo & corpore prostratus? tunc miser Religiosus verecundia & confusione plenus, quia erat superbus non potens ferre se ipsum quod tale facinus patraffet se projecit in terram, & abominandum suum fassus est lapsum; cui malo Pater promptè adhibens remedium, iussit fratres orare pro illo; hunc autem petere à Deo veniam, in bonum statum restituit, & bona ac salutaria dedit monita, dicens: fili mi, recordare melius esse habere mediocria vivendi desideria, sicut vivit communitas, & nihil aliud velle, quàm fideliter observare regulas, & non intromittere se in desideria aliarum rerum, quàm quæ comprehensæ, & signatæ sunt melius, inquam, id esse

quàm

quàm habere magna desideria patrandi nescio  
quæ imaginaria & exotica opera : quæ ad aliud  
nihil valent quàm ad animos inflandos superbia,  
contemnendosq; alios, credendo se esse aliquid  
supra illos.

O quantò melius est vivere sub præsidio san-  
ctæ obedientiæ, quàm se retrahere ab ipsius bra-  
chijs, ad investigandum id, quod nobis apparet  
perfectius ! Si tu animum adjecisses, uti tibi di-  
xeram, ad te egregiè mortificandum in vita,  
quando tu nil admittebas præter mortem, tu  
non cecidisses, uti periculosissimè cecidisti. Sed  
bono esto animo, & memineris posthac vivere  
in submissione, scitoque noxam tibi à Deo esse  
condonatam. Sancti Patris consilio obtempe-  
ravit gessitque se bene & humiliter toto reliquo  
vitæ tempore.

Dico etiam hoc de obedientia, quòd non sit  
minoris meriti, quàm sit charitas : nam porrige-  
re vitrum aquæ frigidæ motivo charitatis, valet  
id cælum ipsum : Christus enim ipse hoc dicit :  
fac tu tantum intuitu obedientiæ & eandem  
mercedem consequeris. Minima res facta in-  
stinctu obedientiæ acceptissima est Deo. Tua  
comestio v. g. ex obedientia gravior est Deo,  
quàm jejunia Anachoretarum, si suscepta sunt  
sine obedientia. Da te quieti per obedientiam,  
quies tua plus meretur, & gravior est Deo, quàm  
labor voluntarius. Sed

Sed dicet aliqua ex vobis, quid mihi prove-  
niet ex tam exacta praxi obedientiæ amorosæ cū  
conditionibus supra dictis, cœcè, promptè, &  
perseveranter exhibita? O charæ filiæ, qui sic fa-  
ciet, fruetur in anima sua continua tranquillita-  
te, & sanctissima pace Christi Domini, quæ supe-  
rat omnem sensum. Non debet reddere ra-  
tionem suarum actionum, siquidem omnes factæ  
fuerint per obedientiam tam regularum, quàm  
superiorum. Quæ felicitas utilior & desiderabi-  
lior istâ esse potest? Profectò verus obediens (ut  
id dicam per modum transeuntis) amat, hono-  
rat, & æstimat unicè suas regulas; nec id aliter,  
quàm viam, per quam tendere debet ad unionē  
propriæ mentis cum Deo; Et ideò nunquam  
plus decedit ab ista viâ, sicut nec ab observantia  
rerum, quæ dicuntur per modum directionis,  
quàm ab ijs, quæ mandatæ sunt. Sincerus obe-  
diens vivet suaviter & pacificè, velut infans, qui  
est intra brachia charæ suæ genitricis: cui nihil  
est curæ de eo quod ei posset evenire: gestet eū  
mater super dexterum brachium, vel super fini-  
strum, nihil laborat; eodem modo germanus &  
verus obediens, manderetur ei hoc vel illud, nulla  
agitur sollicitudine, modò ei mādetur, & sit sem-  
per intra brachia obedientiæ (intendo dicere in  
exercitio obedientiæ) est contentissimus sua cō-  
ditione. Porro ei, qui taliter obedit, possum



certò polliceri, ex parte Dei, paradysum pro vita æterna, sicut etiam, durante cursu hujus vitæ mortalis, nil dubitandum est, fruetur vera tranquillitate.

Quæritis nunc ex me, an sitis obligatæ sub pœna peccati facere omne id, quod superiores vobis dicent faciendum esse sicuti & quando rationem redditis an pro mandato habere debeatis quidquid superior vobis dicit, & spectat ad propriū vestrum profectum? O non, non, charæ filiæ: neque enim Superiores, sicut nec Confessarij semper intendunt obligare inferiores per mandata ijs data: & quando id facere volunt, utuntur verbo, quo significant se mandare sub pœna inobedientiæ: & tunc inferiores tenentur obedire sub pœna peccati, esto mandatum sit leve & de re minimi momenti, aliàs non. Namdant ij monita triplicis generis, aliqua per modum mandati, alia per modum consilij, alia demum per modum simplicis directionis. De constitutionibus & regulis idem dicendum est: sunt enim aliqui articuli, qui dicunt *sorores rem talem facere poterunt*. alij autem dicunt, facient, vel cavebunt, ne id faciant. Alij itaque sunt consiliorum, alij mandatorum; quæ è sororibus non vellent subijci consilijs, & directioni, adversarentur è diametro amorosæ obedientiæ, & demonstrarent magnam cordis segnitiam, ne dicam

igna-

ignaviam; & exiguò se in Deum amore ferri, dum nihil facere volunt, nisi quod præceptum est. Et quamvis non directè adversentur obedientiæ, quam noverunt ( quæ est mandatorum & consiliorum ) quando non se subijcerent sequelæ directionis, adversarentur nihilominus obedientiæ amorosæ, quam omnes Religiosæ Visitationis debent intendere, & conari, ut perfectè consequantur.

Rogatis, an licitum sit vobis cogitare, quando superior mutatur, eam non esse tam capacem, quàm quæ præcessit: nec habere etiam tantam cognitionem viæ, quâ vos ad perfectionem ducere debet? Respondeo. Non possumus equidem cavere, quò minus nobis incidat cogitatio intra nos ipsos; sed ei inhærendum non est: nam si Balaam bene fuit instructus per asinam, multò magis credere debemus Deum, qui Superiorem nobis dedit, effecturum, ut nos doceat iuxta ejus voluntatem, esto fortassis non juxta nostrâ. Dominus noster promisit futurum, ut obediens non pereat. Non profectò: nam si quis sequatur indistinctè voluntatem & directionem Superiorum; quos Deus illi dabit ( esto sint ij ignorantes, & gubernent suos subditos juxta suam ignorantiam, imò etiam ducant per vias scabrosas & periculosas ) inferiorem istum submittentem se cuicunque rei, quæ manifestè non sit peccatum,

catum, neque etiam contra Dei & sanctæ Ecclesiæ mandata, assecurare possum nunquam à recto aberraturum. Obediens, inquit Scriptura sancta Proverb: 21. *loquetur Victorias*; id est, stabit invictus in omnibus difficultatibus, in quas deferetur intuitu obedientiæ faciendæ, & magno suo cum honore egredietur ex omnibus vijs, quas ingressurus est in gratiam obedientiæ, sint ex quantumcunque periculosa.

Egregius, scilicet, esset obediendi modus & forma, si alijs superioribus nollemus obtemperare, quàm ijs, qui nobis grati sunt. Si hodie quando habetis Superiorem, quam magni meritò facitis, tam ratione propriæ personæ, quàm intuitu eius virtutum, ex corde ei obeditis; cras autem quando aliam habebitis, quæ non ita magni fiet, non ita obedieritis ex animo atque alteri, ei exhiberetis quidem parem obedientiam, sed non tanti æstimaretis id, quod vobis dicit, neque etiam tanta cum satisfactione, quàm defunctæ officio. Hem! ecquis non videt vos obedire alteri, motas vestrâ propriâ inclinatione, & non puro Dei amore? Nam si Dei amore, quidni obediendo tantam haberetis complacentiam, tantiq̃ue faceretis, quod hæc vobis dicit, quanti faciebatis id quod altera dicebat?

Solenne mihi est sæpius eandem rem dicere, & bonum est semper eam repetere, quia oportet



ter illam semper observare; ea autem est, quòd omnes nostræ actiones exerceri debent secundû PARTEM SUPERIOREM; hoc enim modo vivendû est in hac domo, non autem secundum sensus & inclinationes nostras. Hoc, dubio procul, inde provenit, quòd haberem plus satisfactionis, quâ- tum ad partem inferiorem animæ meæ, facien- do rem, quam unus superior mihi mandat, ad quem habeo inclinationem, quàm exequendo eam, quam alter erga quem nullatenus afficior, mihi mandat. Modò autem æqualiter obediam quoad partem superiorem, sufficit, quin obedi- entia mea merito prævalet, quia cùm minus de- lectionis habeam illam faciendo, ostendo me obedire propter Deum, & non propter delecta- tionem meam.

Nihil est communius & magis tritum in mun- do, quàm hic modus obediendi ijs, qui aman- tur, sed alter perrarus est, & vix est in praxi, nisi ferè familijs Religiosis.

Sed possetis fortè petere, an licitum sit, id, quod facit hic Superior, improbare, & dicere, vel cogitare, quare hic facit ordinationes, quas alter non faciebat? Ultra primum motum, nun- quam, charæ filiæ, sed approbare oportet, quid- quid Superiores faciunt, aut dicunt, permittût, vel prohibent, dummodò nil mandent contra Dei præcepta. Tunc enim non est obediendum,  
neque

neque approbandum quod mandant. Sed, hoc excepto, debent inferiores semper credere, & cogere proprium iudicium, ut fateatur superiores optimè facere, & rationem habere mandandi quod mandant: alioquin enim esset se ipsum facere Superiorem, & Superiorem reddere Inferiorem, siquidem constituimus nos examinatores eius causæ. Non sic agendum est, sed humeri subiiciendi sunt suavi iugo sanctæ obedientiæ, credendo duos dictos superiores habuisse, justam rationem ferendi mandata, quæ tulerunt, quamvis differant, & unum sit contrarium, aut saltem videatur, alteri.

Verùm licitumnè esset Religiosæ alicui, quæ jam diu in ordine fuerit, & eximia servicia in ea præstiterit se parum relaxare ab obedientia, in minimis quibusdam rebus? O Deus bone! quid aliud hoc esset facere, quàm faceret navarchus, qui cum jam navim in portum integram post diuturnos ac operosos labores susceptos ad illam conservandam à periculis, procellis, & fluctibus maris induxerit, veller demum eam frangere, & se ipsum in mare præcipitare, nonnè is iure merito ab omnibus stultus haberetur? Nam si id volebat facere, quid opus fuit tantos labores suscipere, ut eam salvam in portum adduceret? Religiosus, qui bene cœpit, nondum omnia fecit, nisi in finem usque perseverarit. Non est  
dicen-

dicendum solum ad Novitios pertinere, ut sint exacti: quamvis enim ordinariè videantur in omnibus Religiosis familijs pro suo statu & conditione multum in mortificatione profecisse; id ex eo non provenit, quod magis sint obligati, quàm professi. O non, non verè, nam necdum ullo modo sunt obligati; sed persistunt in obedientia ut perveniant ad gradum & gratiam perfectionis; verùm qui solenniter professi sunt tria substantialia Religionum vota, obligati sunt vi, & virtute votorum, quæ emiserunt. Quæ eos fecisse & emisisse ut sint Religiosi, si ea non observent, minimè satis est. Religiosus, qui crederet se posse aliquantulum relaxare in aliquibus rebus, emissa professione, quin imò postquam jam diu in familia Religiosa vixisset, magnopere se deciperet. Christus benedictus ostendit se magis exactum mortis tempore, quàm infantia, dum finit se tractari, ad libitum flecti ac duci, ut paulò ante dixi. Sed satis dictum sit de Obedientia, superest ut erga eam toto corde afficiamur & exerceamus.

Vnicum solummodò restat verbum circa hanc quæstionem dicendum: quod sub vespere hesterni diei fuit mihi propositum. An scilicet sit licitum sororibus sibi invicem dicere, quòd per Superiorem, vel Magistram Novitiarum, datâ aliquâ occasione, fuerint mortificatæ?

Re-



Respondeo rem hanc tribus modis posse dici. Primo posse sororem unam alteram accedere, & illi dicere: Bone Deus, chara soror, quàm bene me mortificavit nostra Mater! & hoc lætabunda dicit, tum quia digna fuerit habita istâ mortificatione, tum quia Superior occasionem ei dederit acquirendi lucellum spirituale pro sua anima, dum ipsi planè, & sine ambagibus delictum suum explicavit: unde sororem eo fine suæ lætitiæ facit participem, ut laudando Deum se se adjuvet.

Secundus modus in quo etiam posset ulteriore vi aliquid dici, & hoc ad accipiendum aliquid solatii, quod est ejusmodi; mortificationem vel correctionem sentit hæc nonnihil esse gravem, vellet proinde ab ea sorore, cui suum aperit dolorem, aliquantulum sublevari, quod fieri solet. Adverte hunc modum non ita tollerari posse, atque primum: quia imperfectio committitur plangendo & querendo.

Tertius autem modus omnino esset malus, si per formam murmurationis & iracundiæ proferretur, dicereturq; Superior à recto aberrasse; quia autem scio hunc loquendi & querendi modum ab hac domo procul abesse, Deum omnibus animæ meæ potentijs laudo, omnibusq; lætitijs incedo: Quod ad primum modum attinet, esto non sit malum dicere, quod explicavi, melius

lius tamen, imò optimum esset, omnino tacere;  
& se, intra se ipsam, occupare & recreare cum  
DEO.

Secundus etiam non debet de facili admitti;  
nam querendo, amittimus meritum, quod habe-  
remus ex mortificatione.

Vultis scire, quid faciendum sit postquam re-  
prehensi, & mortificati sumus? Suscipienda est  
nobis mortificatio velut pomum amoris, & in  
corde nostro abscondita, illam deosculando, &  
quàm possumus tenerrimè delicatissimeque ha-  
bendo.

Dicere etiam, VENIO NUNC È COLLOQUIO  
NOSTRÆ MATRIS, sum tam sicca, post illud au-  
ditum, quàm antè. Deo, Deo oportet adhæ-  
rere: certè, ad me quod attinet, nulla mihi acci-  
dit consolatio è creaturis; exivi, ut dixi, ex Ma-  
tris alloquio minori cum consolatione, quàm  
intraveram.

Hæc profectò non sunt ad propositum: so-  
ror illa, apud quam querelæ deponuntur, sorori  
querenti deberet suavissimè respondere: Cha-  
rissima soror, quare non arctè te jungis Deo  
(sicuti dicis esse faciendum) antequam Matri  
nostræ loquaris? si id faceres, mihi crede, nul-  
lam sentirens offensionem, quod ab ea non re-  
feras consolationem: sed in sensu, quo dicis jun-  
gendum se Deo, cave, ne aliquando quærens

Q

Deum,

Deum, defectu creaturarum, se non sinat à te inveniri, quia vult ad partem positus, & despectis rebus omnibus, quæri; quia creaturæ, ais, non satisfaciunt, quære proinde Creatorem: meretur enim modis infinitis Creator, ut, deferamus omnia ejus amore, vultq; ut id faciamus accuratissimè. Quando igitur eximus à Superiore sicci, nullâ prorsus consolationis guttulâ acceptâ, oportet nos ferre nostram siccitatem velut pretiosum balsamum non minus quàm affectiones, quæ in sancta oratione percipiuntur; velut balsamum, inquam, quod magnæ nobis curæ esse debet, ne tam pretiosum liquorem è cælo nobis missum, ut maximum donum, incautè effundamus; sed cor nostrum privatione consolationis, quam sperabamus nos inventuras ex verbis Superioris, suffumigemus.

Verùm, res una hic circa præsens subjectum bene notanda est; ea autem est, quòd subinde sicco & duro corde adeamus Superiorem alloquendi gratiâ; quo fit, ut non mereamur semper irrorari & humectari aquâ consolationis, quia nullo modo sumus capaces eorum, quæ dicit Superior. Et quamvis ea optimè & conformiter nostræ necessitati loquatur, tamen minimè id nobis videtur. Alia autem vice, ubi cor tenebrum & bene dispositum habuerimus, vix tria aut quatuor verba dicet, etiam minùs utilia nostræ

per-



perfectiōni, quā alia erant, nos consolabuntur;  
& quare hoc? quia cor ad hoc erat dispositum.  
Videris putare Superiores habere consolatio-  
nem ad libitum supra labra, ac proinde faciliē ijs  
esse, quibus volunt pleno cornu infundere; quod  
tamen non est. Quia non possunt semper eodem  
modo esse dispositi, sicut nec alij.

Felix ille, qui potest conservare cordis æqua-  
litatem inter tot rerum & successuum inæquali-  
tates! Nunc consolatione redundabimus, nunc  
subitò cor taliter siccum habebimus, ut verba  
consolationis difficillimè proferre possimus.

A me adhuc petitis, ut vobis dicam, quo exer-  
cizio maximè faciendo possit interimiri proprium  
judicium? Respondeo, si ab eo fideliter refecen-  
tur omnis generis discursus, & occasio, ubi se-  
vult facere dominum, eum convincendo quòd  
non sit nisi servus. Nam charæ filiæ per solos  
actus reiteratos acquirimus virtutes, quamvis  
aliqui etiam fuerint, quibus Deus omnes uno in-  
fuderit momento. Quare quando te invadit  
Zelus judicandi rem aliquam an bene vel male  
præcepta sit, reseca, imò violenter eradica dis-  
cursum illum proprii judicii. Et quando paulò  
post tibi dicetur, te rem talē oportere facere, &  
quidem eo prorsus modo, quo tibi præscribitur;  
noli tecum disputare, scrutarivè, an non esset  
melius alio eam modo facere, at suade tuo ju-  
dicio

dicio rem illam nunquam melius fieri posse, quàm juxta modum, qui tibi præscriptus est. Si exercitium aliquod tibi imponatur, cave ne sinas judicium tuum ratiocinari, an tibi illud sit conveniens, necné. Adverte, quòd, etsi rem illam tibi demandatam facias quidem, sæpe tamen judicium proprium non obedit, dicere volo, se non submittit, quia mandatum non approbat; quod ordinariè causa est repugnantiae, quò minus humeros nostros subijciamus oneribus, quæ nobis imponuntur: quia intellectus & judicium repræsentant voluntati id fieri non posse, vel adhibenda alia media, quàm quæ nobis assignata sunt: non potest autem vel potius non vult voluntas se submittere, quia semper pluris facit rationes proprii sui judicii, quàm cujusvis alterius. Quilibet enim credit judicium suum melius esse quovis alio.

Nunquam reperi hominem, qui non magni faceret suum judicium, nisi duos, qui candidè mihi fatebantur se non habere judicium: eorum unus me aliquando convenit, & mihi dixit: Domine obsecro, dic mihi talem rem, nam non habeo judicium ad eam comprehendendam; quod non parum fui admiratus. Nostra hac ætate habemus exemplum maximè notabile de mortificatione proprii judicii. Est autem cujusdam eximij & nominati Doctoris, qui librum composuit,



fuit, & titulo insignivit, DISPENSATIONES & MANDATA; qui liber deveniens in manus Papæ, judicatus fuit continere aliquas propositiones erroneas. Papa hoc scripsit Doctori, monens ut illas deleret & expungeret. Doctor hic ubi mandatum accepit, ita absolute suum submisit, judicium, ut noluerit explicare suam sententiam, quo se purgaret: sed è contra credidit verè se errasse, & à proprio suo judicio deceptum esse: quare conscendens suggestum, altâ voce legit, quod ei Pontifex scripserat, quin & apprehendens suum librum, in partes dilaceravit; deinde elatâ voce dixit, quòd quæ Papa judicasset de suo libro, optimè judicasset, approbare proinde, acceptareque se ex animo ejus censuram & correctionem paternam, quâ se scribendo dignatus fuerat: proinde se exosculari eam ut justissimâ, & clementissimam, cùm mererer, inquebat, rigorosius castigari, quòd tam cæcus fuerim, ut siverim me decipi à proprio judicio in re tam manifestè mala.

Nullò modo obligabatur ad hoc faciendum, quia Papa id non mandabat, sed monebat solum ut obduceret, & expungeret è suo libro rem unâ, quæ non videbatur bona. Nam (quod bene notandum est) non erat hæretica, neque ira apertè erronea, quin defendi potuerit. Eximiam virtutem hac occasione ostendit, sicut & mortifica-



tionem proprii intellectus, dignam admiratione, & imitatione.

Vt cunq; sæpe inveniuntur sensus mortificati, quia voluntas propria suscipit eos mortificandos (esset enim res prorsus pudenda ostendere se refractarium obedientiæ: ecquid diceretur de nobis?) sed iudicium proprium rarò admodum deprehenditur mortificatum: efficere autem ut fateatur id, quod mandatur esse bonum, esse amandum, & magni faciendum, ut rem nobis bonam & utilem supra omnes alias, in hoc, in hoc iudicium se ostendit nimium sui tenax ac refractarium; nam complures sunt, qui dicunt: ego rem, quam mihi dicis, faciam quidem, sed clarè video meliori modo fieri posse. Hem! quid agis, si sic enutris iudicium? dubio procul te inebriabit; non enim est discrimen aliquod inter hominem ebrium, & eum, qui nimis abundat proprio iudicio. David die quodam cum esset in castris cum suis militibus oppidò fessis, & fame propemodum enectis, non habens, quod comederet, misit ad Nabal maritum Abigail ut comearius aliquid acquireret. O infortunium! miser ille erat ebrius, qui incipiens loqui, ut ebrii solent, dixit Davidem postquam latrocinia sua devorasset, mittere ad se, ut ruinâ se involveret, ut alios involverat, negavitq; se quicquam missurum. David hoc rescians, ait, vivit Deus, quia

Tolver mihi ingratus ille erga me ob bona, quæ ei præstiti: Verè frustra servasti omnia, quæ huius erant in deserto; & non perijt quidquam de ijs, quæ ad eum pertinebant, & reddidit mihi malum pro bono. Hæc faciat Deus inimicis David, & hæc addat, si reliquero de omnibus, quæ ad ipsum pertinent usque mane mingentem ad parietem. At Abigail, sciens propositum & intentum Davidis, festinavit, tulitq; ducentos panes, & duos utres vini, & quinque arietes coctos, & quinque sata polente, ac centum ligaturas vberum passæ, & ducentas massas caricarum, & posuit super asinos, dixitq; pueris suis: præcedite me, ecce ego sequar vos, cum autem Abigail Davidem conspexisset, procidit coram eo super faciem suam, & adoravit super terram. & cecidit ad pedes eius, & dixit: in me sit, Domine mi, hæc iniquitas: loquatur obsecro, Ancilla tua in auribus tuis: & audi verba famula tua: ne ponat, oro, Dominus meus Rex cor suum super virum istum, qui stultus est. Heri vino obrutus male & mala dixit, sed dixit ebrius & stultus, quia stultitia est cum eo. Pone iras, ne, si feceris, quæ nunc dicitur animus, tibi sit in singultum, & scrupulum cordis, quod effuderis sanguinem innoxium, aut ipse ultus fueris, & cum bene fecerit Dominus Domino meo, recordaberis Ancilla tuæ.

Eadem prorsus excusationes adferendæ sunt de homine ebrio, & de proprio nostro iudicio, nam alterum horum non multò capacius est rationis altero. Oportet igitur magnam habere curam, ut illud impediamus, ne se immittat in considerationes, ac deinde excogitatis rationibus diversis, ijs nos inebriet, ac obruat,

præsertim in rebus spectantibus ad obedientiam.

Tandem vultis scire ex me, an habere debeatis magnam confidentiam, & simul sollicitudinem, quâ vos in charitate ad invicem de vestris lapsibus moneatis. Respondeo, dubio procul, Chara filia, id fieri debet. Ad quod enim propositum maculam aliquam in tua sorore conspiceres, nolens illam viâ admonitionis tollere? Oportet nihilominus in hoc actu uti prudentia. Non enim opportunum esset eam monere, quamdiu animadverteres indispositam, vel oppressam aliquâ Melancholiâ: timendum enim esset, ne primo motu rejiceret admonitionem, quam ei faceres. Expectandum proinde paulisper, ac deinde in confidentia & charitate ea moneri posset.


Si aliqua è Sororibus efferat verba, quæ redoleant murmurationem, & sit cæteroquin lati & suavis cordis, dubio procul ei dicere debes: Chara soror, hoc non est bene factum: verum si advertas eam agi in corde suo aliqua passione, tunc oportet alio divertere sermonem quoad fieri poterit dexterrimè.

Dicitis vos timere, ne, si sæpe sororem de suis erroribus admoneatis; ab illa tollatis securitatem & fiduciam, causamque ob incussum illi timorem exhibeatis frequentioris lapsus.

Re-



Respondeo, mi Deus, ne, supplex oro, sinas unquam, ut tale iudicium formandum sit de hujus loci Religiosis: absit, absit, hoc enim proprium est filiarum mundi amittere fiduciam, quando monentur de suis erratis: nostræ autem Sorores plus amant propriam abjectionem, quàm ut id eas turbet, ut, contrà magis animet, magisque incitet ad emendationem, non autem ad evitandum, ne moneantur (suppono enim eas sumè amare quidquid eas viles, & abjectas in oculis suis facit) sed ut semper meliùs progrediantur, seque magis idoneas & capaces suæ efficiant vocationis.



# VIVAT IESVS.

## COLLOCVTIO XII.

*De Simplicitate & Prudentia Religiosa.*



Irtus hæc, dicta Simplicitas, adeò est necessaria, vt, quamvis sæpe de ea locuti fuerimus, vos nihilominus adhuc rogetis de ea institui integram

Qs

Col-

Collocationem : qua in rogatione vobis obtempero : sciendum ergo in primis est, quid sit virtus hæc, nuncupata simplicitas. Solemus ut scitis, communiter rem aliquam, exempli causâ, vestem vocare simplicem, quando neque opere Phrygio textam, neque alio ornamento condecoratam, vel varietate ulla distinctam conspiciamus. Et clarius dicimus : en homo vestitus simpliciter, quia ejus vestis nihil habet adscititium, sed præter futuram, & vestis formam, ex sola constat materia, ac proinde est simplex vestis. Simplicitas igitur aliud non est, quàm actus puræ & simplicis charitatis, quæ non nisi finem unum habet, qui est acquirere Dei amorem. Et anima nostra tunc est simplex, quando in omnibus rebus quas facimus, non aliud quàm Dei amorem prætendimus. Historia omnibus nota, de Martha & Magdalena hospitio excipientibus Christum Dominum, illustris ac singularis est ad hoc propositum : videtis enim, quòd, quamvis finis Marthæ volentis dignè tractare Dominum, fuerit laudabilis, tamen ab eodem Domino, & cœlesti Magistro reprehensa fuerit, quia ultra optimū finem, quem in suo illo negotio magnopere operoso habebat, Christum Dominum adhuc tunc respiciebat, ut hominem ; & ideò credebatur eum esse similem alijs, quibus ferculum unicum, vel unius generis & apparatus cibis non suffi-

sufficit: & hoc illam magnopere stimulabat, ut plura fercula, & cibos diversos præpararet: atq; ita quod primo fini amoris Dei, in suo exercitio aliquid adscititium, & minutulas prætensiunculas adjiceret; hisce verbis à Domino castigata est: *Martha, Martha, sollicita es, & turbaris erga plurima.* Lucæ 10. v. 42. Porro unum est necessarium: Maria optimam partem elegit, quæ non auferetur ab ea. Actus ergo iste simplicis charitatis, qui facit ne respiciamus, neque aliam intentionem habeamus in omnibus nostris actionibus, quàm solum desiderium placendi, est pars Mariæ, quæ sola est necessaria, & est simplicitas, virtus scilicet, quæ inseparabilis est à charitate, quatenus rectà Deum, scopum suum respicit, non ferens unquam admixtionem proprii emolumenti; si enim ferret, hoc ipso desineret esse simplicitas. Despiciit enim quidquid est subdititium vel assumptitium ex creaturis; quin & omnem earundem considerationem; quò sit ut Deus solus apud illam locum habeat. Virtus hæc purè est Christiana; Ethnici, & quidem illi ipsi, qui optimè inter illos locuti sunt de alijs virtutibus, in nullam hujus noticiam, sicut nec humilitatis, devenerunt. De MAGNIFICENTIA autem, de LIBERALITATE, & de CONSTANTIA præclarè scripserunt; sed de simplicitate & humilitate nihil omnino.

30 Ipse Christus Dominus descendit de cælo, ut homi-



homines tam unam, quàm alteram edoceret; ignoraturos alioquin doctrinam adeò necessariam. *Ecce ego mitto vos, inquit Christus sicut oves in medio luporum, estote ergo prudentes sicut serpentes; Et pergens ultrà, & simplices sicut columba, Matth. 10. vers. 16.* Discite à columba, non habere nisi unicam intencionem & finem in omnibus quæ facietis, amare scilicet Deum in simplicitate cordis. Verùm non solùm imitamini columbarum amoris simplicitatem, quæ nunquam habent nisi unum columbum comparem, pro quo omnia faciunt, & cui uni & soli placere volunt; sed etiam imitamini in simplicitate, quam in praxi sui exercitij & testimonij exhibent sui amoris: neq; enim illæ innumeras res vel indulgentiores delicias, & blanditias, ne dicam ineptias, adhibent, sed simpliciter parvos suos gemitus circa suos columbos edunt, contentæ eorum societate, & præsentia.

Simplicitas procul ab anima relêgat omnem curam & sollicitudinem, quam complures inutiliter suscipiunt ad requirendam & investigandam multitudinem exercitiorum & modorum, ad Deum, ut dicunt ipsi, amandum; persuadent enim sibi, quòd nunquam sint quietem consecuturi, nisi faciant quidquid sancti fecerunt. O miserum genus hominum, qui se ipsos, ad inveniendam artem amandi Deum, excruciant, dum eos

latet

latet nullam esse aliam, quàm amare! imaginantur autem sibi aliquos libros exstare, qui scientiam & modum acquirendi talem amorem contineant, quæ tamen nulla est quàm simplicitas.

Porro quando dicimus non esse ARTEM DEUM AMANDI, non contemnimus libros aliquos, qui habent titulum: ARS DEUM AMANDI: nam libri hujusmodi docent non esse aliam artem, quàm AMARE: id est, aggredi praxim rerum, quæ ei sunt grata. Quod est solus & unicus modus inveniendi & acquirendi hunc sacrum amorem: dummodò tamen praxis ista suscipiatur in simplicitate, sine turbatione & sollicitudine aliqua. Simplicitas equidem ita complectitur omnes modos, qui præscribuntur cuilibet secundum suam vocationem ad Dei amorem adipiscendum, ut tamen nolit aliud motivum ad eum acquirendum, vel ad accingendum se ad investigationem illius, quàm ipsiusmet amoris finem, alioquin non esset ea perfectè simplex; nequit enim ferre alium respectum, sit quantumcunque potest perfectus, quam purum Dei amorem, qui est ipsius sola & unica intentio. Exempli causâ, si te confers ad templum, vel ad Chorum, officij persolvendi gratiâ, & roget te aliquis, quo vadis? respondebis te ire ad officium; si ulterius pergat rogare: quare is ad officium? ut Deum laudem, ei respondebis; si adhuc instet, quare potius hac horâ

horâ quàm aliâ? dices, quia campanâ datum est signum, & si non eo, notabor.

Finis eundi ad officium ad Deum laudandum, optimus est, sed motivum non est simplex, nam simplicitas exposcit ut eas tractus desiderio placendi Deo, excluso omni alio respectu, & sic de omnibus alijs intelligendum est.

Antequam autem ulterius progrediamur, detegenda est hic una deceptio, quæ in complurimum versatur cerebro, in præiudicium huius virtutis. Putant enim simplicitatem esse contrariam prudentiæ, & eas sibi invicem contrariè opponi: quod ita non est; nunquam enim virtutes contrariè sibi opponuntur, sed perquam arctâ unione junctæ sunt inter se. Virtus simplicitatis contraria est vitio astutiæ, quod vitium est origo, ex qua profluunt omnes deceptiones, artificia, & multiplices animorum calliditates; est item congeries artificiosorum conceptuum ad fallendum excogitatorum: est & gurgis omnis malitiæ. Quid? unius astutiæ malitiâ invenimus omnes deceptionis modos, quibus circumveniamus proximum, & eos, quibuscum agimus; dum malitiosè dirigimus, & trahimus eos ad pûctum, quod intendimus: illud autem est, ut ijs inculcemus persvadeamusq; nullum alium superesse in corde modum, præter istum, quem verbis nostris eis manifestamus; neq; aliam circa objectum,



Etum, de quo agitur, superesse sibi notitiam. Quæ tamen res infinitè contraria est simplicitati, quæ poscit, ut interiora perfectè sint conformia exterioribus. Non intendo hic dicere, quòd debeamus in nostris commotionibus per exteriores passionés manifestare qualiter affecti sumus in interiori homine. Nam non est contra simplicitatem eo tempore vultum & totius faciei compositionem lætam & hilarem ostendere, quod ideò dico, ne quis aliud sibi imaginans decipiatur. Semper habendum est in promptu discrimen, quod est inter effectus partis superioris animæ nostræ, & inter partis inferioris. Verum est nos subinde sentire magnas commotiones in interiori dum vel repentinè corripimur, vel nobis in re aliqua contradicatur; sciendum autem motionem istam non provenire ex nostra voluntate, sed totus sensus hæret in parte inferiori, nullum omnino superiore consensum præbente; sed ea grato & lubenti animo acceptat, & approbat repentinam illam correctionem.

Diximus simplicitatem continuè eò respicere, ut acquirat Dei amorem: amor autem Dei requirit à nobis, ut doloris sensum cohiſceamus, mortificemus, & annihilemus. Ideoque non requirit, ut manifestemus, & foris passim omnibus id patefaciamus. Non igitur quidquam præjudicat simplicitati, si vultus seren-

renitatem præferas quando commotus es in interiori.

At dicetis; nonné hoc esset decipere eos, qui nos vident, siquidem, quamvis maximè mortificaremur, crederent nos magnas esse virtutum cultrices? Respondeo, hæc reflexio, Charæ sorores, supra id, quod dicetur, vel cogitabitur de vobis, est contra simplicitatem: diximus enim eam aliud non spectare, quàm Deo satisfacere & placere, nullo autem modo creaturis, nisi quatenus Dei amor id requirit. Postquam anima simplex fecit actionem quampiam, quam judicat se facere debuisse, non ampliùs de ea cogitat. Et si fortè in mentem veniat, quid de ea dicetur, aut cogitabitur, promptè illa refecat omnia ista, quia nequit illa pati ullam diversionem in sua intentione, quæ est attentè se habere coram Deo suo, quo digna amoris augmento habeatur. Consideratio autem de creaturis non movet eam quâcunque re interveniente, quia refert omnia in Creatorem.

Eodem modo philosophandum est de eo, de quo quæri posset, an non sit licitum uti prudentia, ne aperiamus Superioribus id, quod crederetur posse illos turbare, vel nos ipsos, si illud aperiamus: simplicitas enim non respicit aliud, nisi an expediat dicere, aut facere rem talem, ac deinde applicat se ad illam faciendam, non perdendo

dendo tempus considerando an Superior turbetur, vel etiam nos ipsi, si illi dicamus aliquam cogitationem, quam de eo habuimus, an non turbetur ille, & nos unà. Respondeo: certè, si est expediens nobis, ut illi dicatur, non intermitterem, sed dicerem cum omni cordis simplicitate: eveniat postea quidquid Deus voluerit, postquam feci quod debui, nec me in ulla alia re vexarem. Non enim oportet semper tantopere timere turbationem sive nostri ipsorum, sive alterius. Nam turbatio sui ipsius, non est peccatum.

Hoc sit exemplum, si dum eo in comitatu & societate aliquorum, & sciam mihi aliqua dicenda, quæ me turbabunt, & movebunt, non ideo detrectare & evitare debeo occasionem peragenda cum illis; sed armare me debeo Dei cōfidentia, quam habere debeo in protectione divina, quod robur mihi sit datura ad vincendam meam naturam, cui volo indicare bellum. Turbatio hæc non fit nisi in parte inferiori animæ nostræ; ac proinde nullo modo oportet se affligere, quando ei non adhæsimus, volo dicere, quando non consensimus ei rei, quam illa nobis suggestit: nam dato hoc casu, non est faciendum. Sed, unde putamus venire hanc turbationem, nisi ex defectu simplicitatis, eò quòd sæpe inhæreamus huic cogitationi: quid dicetur, vel quid cogita-



bitur de nobis, loco quod cogitare deberemus de Deo & de eo, quod gratos nos efficere posset ejus bonitati: verum si rem talem dixero, agitar maior anxietate, quam agitabar antequam dicerem. R. Non disputo, si tibi non videatur dicendum, neque necessaria tibi sit instructio in hoc facto, citò & promptè statue, quid facto opus sit, & noli perdere tempus deliberando an dicere debeas, an verò tacere. Ad quod enim propositum esset horam unam insumere in deliberando supra quamlibet vitæ tuæ actionem minimam? Quod me attinet, puto melius & convenientius nos nostræ Superiori dicere cogitationes, quæ magis nos mortificant, quam complures alias, quæ nihil prosunt, nisi ad protrahendum & prolongandum sermonem, quem cum ea mifces. si inde affligeris (scilicet, quòd aperis cogitationes quæ nil prosunt, nec obsunt, & taces eas, quæ prosunt) nihil aliud afflictionem illam procreat, quam una & sola immortificatio; quò enim motivo induceris ad dicenda ea, quæ nullà tibi afferunt utilitatem, & tacenda ea, quæ conscientia remorsu egregiè te mortificabunt?

Simplicitas, ut iam diximus, aliud non querit, quam purum Dei amorem, qui nunquam se melius locatum existimat, quam in mortificatione nostri ipsorum; & quantò magis crescit mortificatio, tantò nos magis appropinquamus lo-

co, in quo reperendus est idem divinus amor. Adde Superiores esse debere perfectos, vel minimum fungi operibus perfectorum: ideoque habent aures apertas ad excipiendum & intelligendum id, quod occurrit subditis dicendum, & hoc sine magna vexatione.

Simplicitas non se immiscet in eis, quæ faciunt, vel facturi sunt alij, de se illa cogitat, nec alias sibi adsciscit cogitationes, quàm quæ verè necessariae sunt; quantum enim ad alios attinet, ab ijs semper & continenter se avertit. Virtus hæc permagnam habet affinitatem cum humilitate, quæ non finit haberi malam opinionem de ullo alio, quàm de nobis ipsis.

Petitis qualiter observanda sit simplicitas in conversationibus & animi relaxationibus? Respondedo sicut in omni alia actione, quamvis in his assumenda sit major, cum sanctitate tamen libertas, ad fovenda & continuanda colloquia circa subjectam materiam, quæ excitet animum ad læticiam & recreationem; Multum autem oportet esse candidum & sincerum in conversatione, nec tamen abesse debet animus consideratus & circumspectus, quia simplicitas semper sequitur regulam amoris divini. Sed esto contingat te dicere rem aliquam minutulam, quæ non ita bene accipi ab omnibus videatur, quam tu velles, non ideo tamen oportebit ob id se oc-

cupare in faciendis nescio quibus reflexionibus & examinibus supra omnia tua verba : O non certè, est enim, dubio procul, amor proprius, qui inducit nos ad faciendas hujusmodi inquisitiones, & indagaciones, an omnia, quæ diximus, bene accepta sint, necné. Sancta enim simplicitas non currit post sua verba, nec actiones ; sed relinquit tales eventus divinæ providentiæ, cui uni summè adhæret. Non item se divertit ad dexteram vel ad sinistram, sed rectâ & tritâ pergit viâ. Quod si ei pergenti occasiones aliquæ occurrant, virtutem aliquam exercendi, eam sollicitè & avidè arripit, ut modum proprium perfectioni acquirendæ, quæ est amor Dei, sed non nimis impensè ac operosè se occupat in eis requirendis ; nullo tamen modo eas contemnit, nulla etiam re turbatur ; res una illi est cordi, ut scilicet se quietè & tranquillè conservet in confidentia quam habet, quòd Deus sciat suum desiderium, quod est illi placere, & hoc illi satis est.

Sed quomodò concordandæ sunt duæ res oppositæ sibi contrariè ? Quarum una vult nos magnam habere curam & sollicitudinem de nostra perfectione & profectu ; altera autem videtur prohibere, ut ne quidem ea de re cogitemus. Respondeo, & simul invîto ad bene notandam, si ita vobis sedet animo, miseriam ingenij humani, quod



quod nunquam manet in mediocritate, sed transit communiter ab uno extremo ad aliud sine medio. Defectum hunc hæreditate possidemus à Matre nostra Eva: ea enim nobis viam ad istam inconstantiam monstravit, quando eam malignus spiritus tentavit, ut comederet de fructu prohibito: siquidem respondit à Deo sibi & marito prohibitum ne eum comederent. Non dicitur ne cogiteris de vestro profectu, non, sed ne cogiteris impensius & operosius quàm necesse sit.

Deest etiam nobis sincera simplicitas, dum facimus tot considerationes (videntes unum lapsum post alterum committi) ad sciendum an lapsus isti sint necessariò referendi ad Superiorem an supprimendi. Dicite enim mihi, nonné satis superque Superior est capax ad dijudicandum, an res, qua agitur, correctionem mereatur necné. Sed quid scio quali intentione soror eam fecerit, dicitis vos? Fieri potest ejus intentionem bonam fuisse, sed nec illam intentionem debetis reprehendere, vel ad Superiorem deferre, sed bene actionem exteriorem si ei inest imperfectio quæpiam.

Ne etiam dicatis rem istam parvi momenti & exiguæ consequentiæ esse, proinde operæ pretium non esse bonam sororem contristari. Quis

non videt istam excusationem totam quantam esse contrariam simplicitati? Quia jubet regula procurari emendationem Sororum per admonitionem, non autem jubet ut tot considerationes faciamus in hoc & similibus punctis. Quasi verò demeretur aliquid de honore Sororum amicâ hujusmodi accusatione: oportet quidem observare & eligere tempus idoneum & conveniens ad faciendam correctionem; eam enim exequi ex tempore, aliquid habet periculi: verum, excepto hoc, oportet facere ea simplicitate, quâ obligamur facere secundum Deum, longè relegatis scrupulis. Esto enim soror hæc moveatur & turbetur passione aliqua post admonitionem, quam ei fecisti, non propterea es causaurbationis; minimè, sed sola ejus immortificatio. Quod si committat aliquem errorem publicè & in aperto, ex eo consequetur ut illa complures alios evitet, quos perseverans in suo errore, commissura erat.

Superior non ideò debet omittere correctionem quòd Sorores à correctione habeant aversionem; nam aliquâ fortassis quamdiu vivemus, habituri sumus, quia proclive est peccare, naturale autem nolle corrigi & vilipendi: neq; propterea ea aversio debet foveri, multò minùs tolerari à voluntate nostrâ cuius partes sunt amare humiliationem.

Vultis, ut verbum unum proferam de simplicitate quam habere debemus sinendo nos circa interiora tam à Deo, quàm à Superioribus gubernari? Sunt animæ nonnullæ, quæ nolunt, ut dicunt, gubernari ab alio quàm à Dei spiritu: & his omnia, quæ sibi imaginantur, videntur esse inspirationes, & motiones profectæ à Spiritu sancto; qui manu eas apprehendēs dirigit in omnibus (quæ facturæ sunt) velut infantem quem pi-ant. In quo profectò graviter errant. Nam dicite, quæso, fuitne unquam vocatio magis singularis, quàm Sancti Pauli, in qua ipsemet Christus ei locutus est, ad eum convertendum: & tamen noluit ipsemet eum instruere, sed eum misit ad Ananiam dicens: *surgere & ingredi civitatem, & ibi dicetur tibi quid te oporteat facere.* Et quamvis Sanctus Paulus potuisset dixisse: Domine, quare non tu ipse mihi dicis quid faciendum sit? Nihil tamen dixit, sed perrexit simpliciter, facturus quod Dominus mandârat. Et nos miseri homunciones cogitabimus nos favore & gratiâ plus apud Deum valere, quàm Sanctum Paulum, nobis ipsis persuadentes, quòd ipsemet velit, nullius creaturæ interventu, nos gubernare.

Ductus & gubernatio Dei, Charissimæ filiæ, non est alia quàm obedientia, extra quam, quis non videt omnia redundare deceptionibus? Sicut autem certum est non omnes dirigi & duci



eâdem viâ, ita etiam liquet non omnes cognoscere, per quam viam Deus nos vocet. Hoc spectat ad Superiores, qui à Deo illuminati, nôrunt quid faciendum sit, ne dicas, quod ij non satis nos cognoscant, debemus enim credere obedientiam & submissionem semper esse veras notas bonæ inspirationis, & quamvis evenire possit, ut nullam habeamus consolationem ijs in exercitijs, quæ facere nobis incumbit; multas autem habeamus in alijs, noli hallucinari. quia non per consolationem fertur iudicium de actionum bonitate; proinde non adharendum est propriæ nostræ satisfactioni; id enim esset se applicare ad flores, & non ad fructus. Longè plus utilitatis recipies sequendo directionem Superiorum, quam tuos instinctus interiores, qui communiter solum profluunt ex proprio amore, qui sub specie boni quærit sibi ipsi complacere in vana sui ipsius æstimatione. Verissima quidem est veritas bonum tuum dependere ex hoc, ut sinas te à spiritu Dei, sine ulla exceptione gubernari, & hoc est quod prætenedit vera simplicitas, quam Christus Dominus tantopere commendavit suis Apostolis; dicens: *estote simplices sicut columba*; sed hoc ei non est satis, dicit insuper: *nisi conversi fueritis, & efficiamini sicut parvuli, non intrabitis in regnum Patris mei*. Infans dum adhuc parvulus est, & in magna constitutus simplicitate, nulliusq; alterius

rius  
cum  
in h  
scili  
ben  
H  
solu  
in h  
qua  
Pat  
tue  
om  
qu  
qu  
fec  
ali  
in  
vi  
fo  
du  
an  
ta  
n  
E  
P  
t  
C

rius notitiam habens nisi propriæ Matris, unicum habet amorem, qui est illi pro Matre sua, & in hoc amore unicam habet prætensionem, ut sit scilicet in sinu matris, in quo suavissimè decumbens nihil aliud quærit nec desiderat.

Homo habens perfectam simplicitatem vnum solum habet amorem, qui totus est pro Deo. Et in hoc amore unicam solum habet intentionem, quæ est recumbere & requiescere supra pectus Patris cœlestis, & ibi, velut infans amoris, constituere suam commorationem, relinquens integrè omnem sui curam eidem Patri cœlesti, nulli unquam amplius alterius rei curam suscipiens, quàm ut se conserve in ista sancta confidentia: sed neque desideria virtutum & gratiarum, quæ aliàs illi videbantur esse necessaria, eum amplius inquietant.

Nihil quidem eorum negligit, quæ pergenti viâ suâ illi occurrunt; sed nec etiam magna cum sollicitudine requirit alia media ad se perficiendum, quàm ea, quæ sibi sunt præscripta. Sed amabò, ad quid sunt etiam urgentia & inquietantia virtutum desideria, quarum praxis nobis non est necessaria? Svavitas, amor nostræ abjectionis, humilitas, mitis charitas ex intimo corde proveniens, & tendens in proximum, & obedientia sunt virtutes, quarum praxis debet nobis esse communis, & familiaris, quia ea nobis necessaria est,

est, & eas exercendi, frequenter occurrunt occasiones: verum quod attinet ad constantiam, ad magnificentiam, & istius generis virtutes, quas exercendi fortè nunquam erit occasio, ideò non nimis de ijs laboremus: quia non ideò desinemus esse magnanimi & generosi.

Petitis à me, quomodò animæ, quæ allecæ sunt in oratione ad sanctam hanc simplicitatem, & ad perfectam sui relictionem in Deo, se habere debeant in omnibus suis actionibus? Respondeo, quòd non solum in oratione, sed & in ductu & decursu totius earum vitæ debent ambulare constanter & invariabiliter in spiritu simplicitatis, derelinquentes & reijcientes omnem suam animam, suas actiones & successus in Dei beneplacito, per amorem perfectæ & absolutæ confidentiæ, se ipsas committentes gratiæ & curæ æterni amoris, quam divina providentia pro illis gerit, ideoque firment & stabiliant animas suas constanter & firmiter in hoc vestigio, non permittentes ut ab eo se divertant, ad faciendas reflexiones, & nescio quos reditus supra id quod faciunt, & an sibi satisfecerint. Eheu! nostræ satisfactiones & consolationes haud Dei oculis satisfaciunt; sed solummodò satisfaciunt miserabili amoris & curæ, quam habemus nostri ipsorum extra Deum & ejus considerationem.

Certè infantes, quos Dominus vult esse formam



mam nostræ perfectionis, ordinariè nullam sui gerunt curam præsertim in præsentia suorum parentum, quibus unicè adhærent, non reflectentes, neq; respicientes suas satisfactiones, neque consolationes, quas bona fide accipiunt & fruntur in simplicitate cordis. Nec curiosè considerant causas aut effectus, amore ita eos occupante, ut aliud nequeant facere. Qui probè est attentus, ut unicè placeat Dilecto cœlesti, non assumit curam reflectendi super se ipsum, spiritu eum continenter deferente in eam partem, in qua amor suum habet domicilium.

Hoc exercitium continuæ abnegationis sui ipsius in manibus Dei, excellenter omnem perfectionem aliorum exercitiorum, perfectissimâ suâ simplicitate & puritate comprehendit; & ideò quamdiu Deus nobis relinquit illius usum, non debemus ullo modo illud mutare. Matrices spirituales Regis cœlestis Sponsæ, se subinde quidem & certis temporibus in speculo contemplantur, velut columbæ (quæ sunt apud aquas purissimas) ut videant an ritè sint instructæ & compositæ ad libitum Dilecti Sponsi: & hoc fit in examinibus conscientiæ, per quæ se mundant purificant & ornât optimo quo possunt modo, non ut sint perfectæ, non ut sibi satisfaciant, non ex desiderio sui progressûs in bono; sed ad obtemperandum Sponso ob reveren-

rentiam quam illi deferunt, & ob maximum desiderium, quod habent ad ei omnibus modis placendum. Porro, nonne amor iste est admodum purus, mundus, & comprimis simplex, siquidem ex non se purificant, ut puræ sint, neque se ornant, ut pulchræ sint, & tales appareant; at solummodò ut placeant DILECTO, cui si deformitas æquè esset grata, amarent eæ illam tantum, quantum pulchritudinem? Et si hæ simplices columbæ non impendant neque adhibeant curâ diuturnam, neque aliquod multum urgens studium ad se lavandas & exornandas, est, quia confidentia (quam earum amor ijs tribuit, quod multum amantur, licet indignæ, dico ego CONFIDENTIA, quam earum amor dat ijs in amore, & in bonitate sui DILECTI) tollit ab ijs nimiam agitationem animi, & diffidentiam, quasi non essent satis pulchræ; addo præterea quod desiderium amandi potius, quàm se ornandi & præparandi ad amorem, ijs omnem curiosam sollicitudinem refecat, & inducit, ut sint contentæ suavi & fidelipræparatione exhibitâ ex totius cordis amore.

Et ut concludam punctum hoc, Sanctus Franciscus Seraphicus mittens filios suos foras ad fructificandum, hoc eis monitum, loco viatici & provisionis dabat: PROIICITE COGITATUM VESTRUM IN DOMINUM, ET IPSE VOS ENUTRIET.

Idem

Idem vobis dico, Charissima filia: projicite totum cor vestrum, omnes vestras intentiones, vestras sollicitudines, nec non affectiones omnes in patrum Dei sinum, & ille vos deducet, imò portabit, quo ejus amor voluerit.

Audiamus & imitemur divinum Salvatorem, qui, ut perfectissimus Psalmista, pendens in arbore crucis, cantat supremos amoris sui ductus & tractus, eosque sic concludit: PATER MI, *in manus tuas commendo spiritum meum.* Postquam & nos, filia charissima, idem dixerimus, quid superest, nisi ut expiremus, & moriamur morte amoris, non viventes amplius in nobis ipsis, sed Iesus Christus vivet in nobis! Tunc cessabunt omnes inquietudines nostri cordis, provenientes ex desiderio, quod proprius amor suggerit, & ex teneritudine, quam habemus erga nos, & pro nobis, quæ nunquam non occultè nos urget, ut ea conquiramus, quibus perfectiores effecti, nobis ipsis satisfaciamus: & conscensa navi exercitiorum nostræ vocationis, vela faciamus sub vento simplicis & amorosæ confidentiæ, & non advertentes nostrum progressum, faciemus quàm maximum; & non ambulantes, feliciter procedemus, & sine motione è loco nostro procul feremur, non secus atque ij, qui explicatis velis in altum mare ventis faventibus provehantur.

Tunc omnes eventus & varietates rerum & acciden-



cidentium, quæ superveniunt, molliter & suaviter excipientur: nam qui est in manibus Dei, in ejus sinu suaviter quiescit, qui se dereliquit & commisit ejus amori, qui recipit & reducit se ad ejus beneplacitum, quid eum valeat concutere & movere? Certè ille, omissis omnibus occasionibus, quæ se præsentant, philosophandi de causis, de rationibus, de motivis eventorum vel accidentium, ex corde pronunciat sanctum & amorosum hoc Salvatoris dictum: ITA PATER, QVIA SIC PLACITUM FUIT ANTE TE. Tunc toti quanti liquecemus igne divini amoris, vel potius diffueamus præ suavitate & dulcedine ejusdem amoris erga nostras sorores, & alios proximos: quia clarè videbimus omnes istas animas in pectore Salvatoris. Eheu! qui respicit proximum extra illud, quantum non incurrit periculum, non amandi, neque purè, neq; constanter, sicut nec æqualiter? ibi autem quis eum non amaret, quis non eum sufferet, quis ejus imperfectiones non pateretur, quis molestum, quis odiosum judicare auderet? At ibi est proximus, Charissimæ meæ filia, in pectore Salvatoris, & non quomodocunque, sed tanquam dilectissimus: atque adeò amabilis, ut amans præ amore pro illo moriatur.

Tunc præterea amor naturalis erga sanguine junctos, amor compositionis & habitûs totius cor.

corporis, amor decentiæ in omni re & loco, amor convenientiæ & mutui consensûs, ac denique favoris & bonæ gratiæ, invenietur purificatus & reductus ad perfectam obedientiam amoris purissimi beneplaciti divini. Et certè eximium ac fortunatissimum bonum animarum, quæ omni studio ad perfectionem aspirant, esset tunc nullum habere desiderium amandi à creaturis, nisi solius charitatis amore, quæ nos inducit ad amorem proximi, & hoc suo modo & ordine juxta desiderium Domini nostri.

Antequam huic Collocutioni spirituali finem imponamus, verbum unum dicendum est de PRUDENTIA SERPENTIS; ego bene autumabam futurû, ut, si loquerer de simplicitate columbæ, mihi statim proponeretur serpentis prudentia. Complures petierunt qualis esset ille serpens, à quo volebat Dominus nos addiscere prudentiam: omittamus omnia responsa, quæ institui possunt circa hanc petitionem: & pro nobis nunc accipiamus verba Christi Domini: *esset prudentes sicut serpentes*; qui, ubi in aliqua corporis parte tacti fuerint, totam illam exponunt, ut caput servant intactum; eodem modo debemus nos facere, exponendo omnia periculo, quando necesse est, ut conservemus in nobis sanum & integrum Salvatorem nostrum, & simul ejus amorem. Est etenim ille nostrum caput, & nos  
ejus

eius membra, & talis est prudentia, quam habere debemus in nostra simplicitate.

Adhuc debeo vobis dicere, ut memores sitis duo esse genera prudentiæ, scilicet naturalis, & supernaturalis. Quantum ad naturalem attinet, debet ea egregiè mortificari tanquam non omni ex parte bona, dum multas considerationes & provisiones non necessarias nobis suggerit, quæ & nostras mentes longè relegant ac removent à simplicitate.

Vera equidem virtus prudentiæ in pretio debet haberi & exerceri; ea enim est velut sal spiritalis, inducens omnibus virtutibus gustum & saporem; sed taliter ea exerceri debet à Religiosis VISITATIONIS S. Mariæ, ut intelligant à virtute simplicis confidentiæ, illam longè superare; debent proinde ea in mensura dictæ Religiosæ eam habere, ut eas commorari faciat in alta pace inter brachia Patris sui cœlestis, & amantissimæ Matris, Dominæ nostræ clementissimæ, quin & simul confidere possim futurum, ut semper curâ eorum amabilissimâ protegantur: eæ siquidem congregatæ sunt pro Dei gloria, & honore Sanctissimæ Virginis.

DEUS SIT  
BENEDICTUS.

VIVAT



# VIVAT IESVS.

## COLLOCVTIO XIII.

### De Regulis & de spiritu Visitationis.



Es, quam à me petitis, est perquam difficilis; petitis autem qualis sit spiritus vestrarum Regularum, & quomodo eum possitis capere & intelligere? Priusquam autem loquamur de eo spiritu, oportet vos scire quid sibi velit, HABERE SPIRITUM REGULARUM: ordinariè enim dicitur, talis & talis Religiosus habet verum spiritum suæ Regulæ. Nos accipiemus ex Evangelio duo exempla, quæ sunt admodum propria isti rei percipiendæ. Dictum est Ioannem Baptistam *Genisse in spiritu & virtute Eliæ*: ideoq; audacter & duriter reprehendebat peccatores, eos vocans *genimina & generatione Superarum*, & huiusmodi alijs titulis compellabat peccatis obnoxios. Quæ, & qualis ergo erat virtus Eliæ? Erat fortitudo, quæ procedebat ex ejus spiritu ad annihilandos & puniendos peccatores, educens è cælo ignem ad confundendos & perdendos eos, qui resistere volebant Majestati Domini & Magistri sui. Erat ergo spiritus rigoris, quo prædictus erat Elias.

Alterum exemplum, quod etiam est in Evangelio, & servit ad hoc propositum, est, quod Domino nostro volenti ire Ierosolymam, Discipuli dissuadebant; quia aliqui affectabant ire in Capharnaum, alij in Bethaniam, & sic conabantur deducere Dominum ad locum, quem ipsi cupiebant adire. Non enim primò hodie inceptant inferiores, & subditi velle ducere Dominos suos, non secundum voluntatem eorum, sed secundum propriam. Et quidem Christus Dominus facillimè conformabat & indulgebat eorum desiderio, tunc tamen, ut ait Evangelista, *ipse faciem suam firmavit, ut iret Ierusalem*, & eo quidem fine ne amplius Apostoli eum premerent, & urgerent ne eò pergeret. Dum ergo rectà pergeret Ierusalem versus, voluit transire per Samariam, sed *Samaritani non receperunt eum*: quòd cum vidissent ejus *Apostoli duo Ioannes & Iacobus*, dixerunt: *Domine sis dicimus, ut ignis descendat de cælo, & consummat illos? Et conversus Dominus increpavit illos dicens: nescitis cuius spiritus estis*. Ignoratisne nos non esse amplius in temporibus Eliæ, cui inerat spiritus rigorosus. Quo tamen, non obstante, is maximus fuit Dei servus, qui & bene fecit faciendo id, quod nunc facere vultis, sed minimè bene faceretis eo in genere illum imitando. Non enim veni ut pudore & pœnâ afficerem peccatores, sed suaviter, & in funiculis Adæ traherem ad pœnitentiam.

nitentiam & mei sequelam. Porro nunc videamus qualis sit spiritus particularis unius Regulæ. Ut autem hoc melius intelligatur, oportet primò adferre exempla non domestica, sed externa, ac deinde redire ad domestica.

Omnes Religiones, omnes pij conventus habent unum spiritum, qui illius Conventus seu Religionis hominibus est generalis; particularem verò habet quilibet Conventus seu Religio.

Generalis omnium spiritus eò tendit, ut perfectionem charitatis consequatur; particularis autem est modus perveniendi ad dictæ charitatis perfectionem: id est ad unionem animæ nostræ cum Deo, & proximo propter Dei amorem: quod fit cum Deo per unionem nostræ voluntatis cum illius; & cum proximo per suavitatem, quæ est virtus immediatè dependens à charitate.

Veniamus ad spiritum particularem; qui varius est pro varietate & diversitate Religionum inter se: aliqui siquidem se uniunt cum Deo & proximo per contemplationem; ideoque exactè colunt solitudinem, quippe, qui quàm possunt minimum inter homines mundanos, quin & inter se (nisi certis temporibus) conversantur; uniunt se etiam cum proximo, interveniente oratione dum pro illo preces fundunt Deo.

E contra spiritus particularis aliorum, se equi-



quidem etiam unit Deo & proximo, sed mediâ actione, quæ & ipsa est spiritualis. Hi uniunt se Deo, sed reuiniendo illi proximum, per studium prædicationis, confessionis, conferentiarum, & aliarum piarum actionum; & ut melius actionem hanc cum proximo peragant, conversantur cum omni hominum genere. Vniunt se etiam hi Deo per orationem; sed eorum finis principalis est is, quem nunc diximus, laborare scilicet pro viribus ad animas convertendas & Deo uniendas. Alij habent spiritum severum & rigidum, junctum perfecto contemptui mundi, & omnium vanitatum & concupiscentiarum, volentes suo exemplo inducere homines ad contemptum rerum terrenarum. Huic asperitati plurimum confert eorum habitus & exercitia. Quid multis? alij alium habent spiritum. Est autem pernecessarium scire qualis sit spiritus particularis cuiusque Religionis & pij Conventûs.

Quod ut bene cognoscatur, oportet considerare finem, ob quem inchoata est ipsa Religio, & diversa media quæ habet ad illum finem consequendum. Generalis est in omnibus omnino Religionibus, uti diximus: sed loquor hic de particulari fine, erga quem oportet adeò magnû habere amorem, ut ne minima quidem res sit (modò ea sit conformis nostro fini) quam non  
cogno-

cognoscamus, quamq; non toto corde ulnisque amplectamur.

Habere amorem finis nostri Instituti, scitisné quid sit? Est exactum esse in observantia mediorum perveniendi ad istum finem; sunt autem media hæc, nostræ Regulæ & constitutiones, quæ valde accuratam exigunt diligentiam, ut nihil sit ab eis dependens & juvans ad perfectiorem observantiam, quod in effectum non deducamus. hoc est habere spiritum nostræ Religionis. Verum oportet ut prompta & exacta observantia hæc suscipiatur in omni cordis simplicitate. Volo dicere non oportere velle nos exire ultra hoc quocunque prætextu & desiderio plus faciendi, quam præscriptum & comprehensum sit in nostris Regulis. Non enim per multipliciter rerum, quas facitis, acquiritis perfectionem; sed per ipsam perfectionem & puritatem intentionis quâ eas facitis. Oportet igitur vos intimè animo imprimere ac inculpere qualis sit finis vestri Instituti, & intentio Auctoris & Institutoris vestri: & hoc profundè in mentem vestram demisso, vos ipsas continere intra terminos & media assignata: & ut clarius dicam, tenacissimè inhærere regulis vobis præscriptis, ut ad propositum scopum pertingatis, præmiumque supernæ felicitatis reportetis.

Quantum ad finem vestri Instituti, non est is



quærendus ex intentione trium primarum fororum, quæ inceperunt, sicut nec ex primo proposito & designatione Iesuitarum, quam habuit sanctus Ignatius: nam nihil minus cogitabat facere primò, quàm fecit postea; sicut nec ex Sanctorum Francisci & Dominici, neque etiam aliorum, qui familias Religiosas instituerunt; sed Deus (cujus est adunare hujusmodi pias Congregationes) facit, ut eo modo, quo eas existere videmus & gaudemus, felices progressus consequantur. Neque enim unquam in animum admittendum est fuisse homines, qui sua inventione inceperint modum tam perfectæ vitæ, sicuti est Religiosa. Deus inquam est, per cujus inspirationem confectæ & conscriptæ sunt Regulæ, media propria ad finem generalem omnibus Religiosis propositum, perveniendi, scilicet se Deo, & proximo, ob Dei amorem, uniendi: sed sicut Religio quælibet habet suum finem particularem, simulque media singularia pertingendi ad eum finem, & unionem generalem; ita etiam omnes Religiones habent medium unum generale perveniendi ad eundem finem, quod fit per tria vota essentialia Religionis.

Quilibet probè scit divitias & bona temporalia esse potentia illicita dissipandi animam, tam propter nimiam affectionem, quam habet erga illa, quàm propter curas & sollicitudines, quas  
adhi-



adhibere necesse est, ut conserventur, quin & ut augeantur : siquidem homo nunquam tantum habet, quantum habere desiderat.

Religiosus rescindit & refecat omnia ista per votum PAUPERATIS. Idem facit, frenum iniiciendo carni & omnibus ejus concupiscentijs & voluptatibus tam licitis, quàm illicitis per votum CASTITATIS, quod magnum admodum exhibet compendium se singularissimè DEO uniendi : quia voluptates istæ & concupiscentiæ hominem mollem efficiunt, & mirum dictu est, quantum debilitent vires spiritus, cor dissipent, quin & amorem, quem Deo debemus, & quem ei per vota integrè damus, imminuant. Per hunc modum non solum sumus contenti exire de terra mundi; sed insuper eximus de nostri ipsorum terra : id est, nuncium remittimus delicijs & voluptatibus terrestribus nostræ carnis. Sed longè adhuc perfectius nos unimus Deo per votum obedientiæ; quia scilicet renunciamus universæ animæ nostræ, & omnibus ejus potentijs, voluntatibus omnibus, & affectionibus, ut nos subijciamus ac submittamus non solum Dei voluntati; sed etiam nostrorum Superiorum, quam semper debemus respicere tanquam ipsiusmet Dei voluntatem. Et hæc est maxima renunciatio propter continuas produções exiguarum voluntatum, quas proprius noster amor nunquam

cessat procreare. Abdicatis igitur à nobis rebus omnibus nos in intimis cordis nostri penetralibus abdimus, quò perfectiùs divinæ ejus Majestati uniamur.

Vt veniamus tandem ad particularem finem, ob quem CONGREGATIO VISITATIONIS est erecta, & per illum faciliùs comprehendamus, quis sit particularis spiritus Visitationis; scire vos volo me semper judicasse esse SPIRITUM PROFUNDÆ HUMILITATIS ERGA DEUM, ET MAGNÆ SUAVITATIS ERGA PROXIMUM, eò quòd habens minus rigoris in corpus, plus habeat dulcedinis in proximum.

Omnes antiqui Patres determinârunt, quod ubi minor est mortificatio corporalis, major esse debeat perfectio spiritualis. Oportet igitur, ut humilitas erga DEUM, & suavitas erga proximum suppleant in domibus vestris austeritatem aliorum Ordinum.

Quamvis autem austeritates ex seipsis bonæ sint, & media ad consequendam perfectionem, non tamen bonæ & conducibiles sunt apud nos, quia ijs admissis, regulæ corruant oportet. Spiritus dulcedinis sic est spiritus VISITATIONIS, ut quicumque majorem austeritatem induceret, re ipsa hic & nunc spiritum VISITATIONIS ex ipsa educeret; siquidem is directè ageret contra finem, ad quem ea fuit erecta; qui est vt puellæ & foemi-



fœminæ minus firmâ valetudine in eam possint  
admitti & recipi: id est, quæ non ita robusto  
constant corpore, ut onus austeritatum possint  
sustinere; vel certè, quæ inspirationibus, alijsvè  
motivis cœlestibus non adeò trahuntur ad ser-  
viendum, & uniendum se Deo per viam austeri-  
tatum, ut sanctè & benè sit in alijs Religionibus.

Dicetis fortè mihi, contingere potest ut soror  
quæpiam tali & tam robusta complexione sit,  
prædita, ut plures austeritates, quàm aliæ cum  
permissione Superioris possit assumere, maximè  
si ita assumat, ut sorores aliæ non sint consciæ?  
Respondeo ad hoc, non esse rem ullam tam se-  
cretam, quæ ab una ad alteram secretò non  
transeat. Atque ita, dum ab una ad aliam res,  
quæ debebat esse secreta pertingit, fit ut novæ  
Religiones fiant in Religionibus, nec non quæ-  
dam conspiratiunculæ, ac tandem sensim omnia  
dissipentur.

Beata Mater sancta Theresia præclare dicit:  
mala, quæ invehunt parvas quasdam præsum-  
ptiones præstandi plus, quàm Regula ordinet, &  
communitas faciat, (maximè autem si ex illis  
una sit superior) multum excrescent: nam quàm  
primum Religiosæ hoc animadvertent, volent  
continuò idem facere; nec deerunt ipsis ratio-  
nes, quibus sibi persvadebunt, se posse etiam cõ-  
modè id præstare & quidem aliqua Zelo impul-  
sa.



ſæ, aliæ ſtudio placendi ſuperiori motæ: & hæc erunt ſemina tentationum ijs, quæ non poterunt, vel non volent idem facere.

Nunquam oportet introducere, nunquam permittere, nec pati in Religione particularitates, exceptis nihilominus aliquibus neceſſitatibus ſingularibus, ut ſi eveniret aliquam e ſororibus vehementer premi quapiam vexatione, aut tentatione: tunc enim nihil eſſet extraordinarium petere à Superiore licentiam facere plures aliquas pœnitentias, quàm faciant aliæ. Adhibenda enim eſt eadem ſimplicitas, quam adhibent infirmi, dum à Medico petunt remedia, quæ ſibi ſolatio credunt futura.

Quod ſi eſſet aliqua ſoror tantâ generoſitate prædita, quæ veller intra quadrantem horæ perfectionem adipiſci, faciendò plus, quàm facit communitas, ei eſſem Auſtor, ut ſe humiliaret, & ſubmitteret, nec appeteret eſſe citius perfectâ, quàm intra triduum, pergens interim paſſu aliarum. Si autem aliquæ ſint ſorores, quæ nactæ ſint corpora fortia & robuſta, bene habet, nemo ijs invidet, non idèò tamen debet velle ambulare celerius, quàm ambulent debiles.

Accipite exemplum de Iacob Patriarcha, quod & multum admirabile & aptum ac proprium eſt ad oftendendum, qualiter oporteat ſe accommodare debilibus, & moderari ſuas vires,

acci-

accipereque regulas ambulandi ab ijs, ut pariter cum illis gradiamur. Maxime autem id fieri debet, quando obligamur, ut obligantur Religiosi, ad sequendam communitatem, in omnibus quæ faciunt ad perfectam observationem Instituti.

Iacob igitur egrediens è domo sui soceri Laban cum suis uxoribus, prolibus, servis, armentis, & gregibus, ut rediret ad solum patrium, timebat quàm maxime occurrere fratri suo, eo quod putaret eum adhuc sibi irasci ac indignari, qui tamen amplius neque irascebatur, neque indignabatur, sed ignorans bonus Iacob, & in itinere constitutus valde timuit: & maxime quando conspexit occurrentem sibi Esau stipatum magna militum manu. Cum eum Iacob salutasset, invenit eum erga se perquam benignum & benevolum, quippe qui resalutato perhumaniter Iacobo fratri suo, ait: *gradiamur simul, croqꝫ secus itineris tui*: ad quod respondit Iacob: *noſti, Domine mi, quod parvulos habeam teneros, & oves & boves factas mecum: quas si plus in ambulando fecero laborare, morientur una die cuncti greges. Præcedat Dominus meus ante servum suum: & ego sequar paulatim vestigia eius, sicuti videre parvulos meos posse, donec veniam ad Dominum meum in Seir*. Advertite, obsecro, benignitatem sancti Patriarchæ, libenter se accommodantis passibus non solum parvulorum suorum, sed etiam agnellorum, Gradiebatur pedestris & totum ipsius iter fuit perquam fortunatum, ut satis superq;



superque apparet ex benedictionibus, quas toto illo itinere recepit. Nam vidit Angelos & sapius cum eis sermonem miscuit, quin & cum ipso Angelorum & hominum Domino, ac Creatore; imò & meliorem partem sortitus est fratre suo, qui tam egregium habebat comitatum. Si cupimus vias nostras benedici à divina bonitate, subiiciamus nos ex animo observantiæ nostrarum Regularum; & hoc tota cordis simplicitate, non duplicando exercitia, quod adversatur non solum intentioni Institutoris, sed & fini, ob quem Congregatio erecta est.

Accommodemus nos igitur libenter infirmis & debilibus, quæ & ipsæ in hanc Congregationem recipi possunt: nec putetis ea de causa tardius itineris vestri terminum vos assecuturas: assero enim vobis non serius ex eo vos perventuras ad perfectionem, quæ vester est terminus; quin è contra, hoc ipsum citius vos eò deducet; quia cum non obruamini multis occupationibus, vos applicabitis ad id faciendum eam perfectionem, quæ vobis erit possibilis.

Et hoc est, in quo opera vestra Deo sunt acceptiora, is siquidem non respicit multitudinem rerum, quas ob ejus amorem (ut modò diximus) facimus, sed solum fervorem charitatis, quo eas exequimur. Adverto nî tamen fallar, si vos determinetis ad voluntatem observandi perfectè Regu-



Regulas, satis superque (non accersitis aliunde laboribus) habituras quod agatis, quia quidquid concernit perfectionem vestri Instituti in illius Regulis comprehensum est.

Beata Mater Theresia refert filias suas, ita exactas fuisse in rebus, quæ ijs comittebantur, ut magna cautela adhibenda fuerit à Superioribus, ne quid ex ore illis excideret, nisi quod factu esset optimum: quia sine ulla alia admonitione è vestigio ad id faciendum se proripiebant; tam ex accuratæ erant non solum ut perfectè suas observarent Regulas, sed & ad minima signa, & dicta, etiam non seriò data, aut prolata, facienda subito aggredierentur? Hoc exemplo, quod refert eadem sancta Mater Theresia, patebit: quædam è suis filiabus non bene intellexerat aliquid, quod mandarat superior, dixit proinde non satis se id percepisse, respondit superior, subasperè & inconsideratè dicens: vade & pone caput tuum in puteo & percipies. Puella non tarda neque pigra è vestigio cucurrit versus puteum, in quem nisi fuisset impedita, se præcipitasset. Minus certè est negotij in exacta & integra Regularum observatione quàm in mutila & imperfecta.

Non satis eloqui possum quanti punctum hoc momenti sit, ut exactè & adamussim, etiam rem minimam, quæ facit ad perfectam observationem Regularum, exequamur. Eodem refero,  
nolle

nolle quicquam ultrà illam accuratam observationem incipere, sub quocunq̃ue tandem prætextu id fieret; quia punctum hoc est via & ratio conservandi Religionem in sua integritate & primo fervore; contrarium autem hujus destruit, & concidere ac evanescere facit primam perfectionem & genuinum fervorem.

Interrogabitis me an major esset perfectio se ita conformare communitati, ut ne communio quidem extraordinaria petatur? Quis charissimæ filiæ, de ea re posset dubitare, nisi fortè in certo quopiam casu, ut esset v.g. in festis Patroni vel Sancti, erga quem totâ vitâ nostra pietatis affectum habuimus, vel certè in aliqua necessitate multùm urgente? Sed quantum ad minutulos quosdam fervores, quos subinde sentimus, qui & transitorij sunt, & ordinariè loquendo, sunt effectus nostræ naturæ (quibus inducimur ad communionem desiderandam) qui pluris non sunt, faciendi, quàm nautæ faciant quendam ventum, qui exsurgit circa primam Auroram, qui & producit ex vaporibus terræ, & nullius est durationis; simul enim atque dicti vapores incipiunt aliquantulum elevari & dissipari, cessat: ac proinde Navarchus, qui ejus novit naturam, non jubet solvi anchoram, neque vela explicari ad navigandum ejus auspicijs: eodem modo nos non debemus pro felici vento habere, id est, pro in-

spi-



spiratione divina, multas parvas quasdam voluntates, quæ nobis veniunt in mentem: ut sunt, nunc petere licentiam communicandi, paulò post orandi, & mox rem aliam faciendi.

Nam amor noster proprius, qui semper & in omnibus vult sibi satis fieri, hoc habito, & quibusdam parvis (quas unicè amat) inventionibus plurimum gaudebit, nec tamen unquam finem faciet suppeditandi novas, ac novas: hodie dum communitas sacrâ Eucharistiâ reficitur, suggeret ut ex humilitate ab ea abstineatis, & ubi advenit tempus se humiliandi, nobis persuadebit, ut lætæ sitis, & communionem ad hunc effectum petatis, & sic nunquam erit finis. Non oportet loco inspirationum divinarum habere res, quæ in Regula non continentur, nisi sint casus extraordinarij, quos perseverantiâ didicerimus, Deo placere. Sicut circa communionem, inventæ sunt duæ vel tres eximiâ sanctitate sublimes personæ, quarum Directores volebant, & suadebant, ut quotidie communicarent. Exceptis autem hujusmodi casibus, judico esse actum maximæ perfectionis se conformare omnibus in rebus communitati, nec ab ea propriâ nostra electione unquam recedere.

Nam præterquam quòd sit modus optimus nos proximo uniendi, est insuper via à nobis ipsis propriam perfectionem abscondendi. Est & quæ-



quædam cordis simplicitas, in qua consistit perfectio omnium perfectionum. Et simplicitas hæc efficit, ut anima nostra non nisi Deum respiciat, & se in se ipsa collectam & velut restrictam contineat, quò se omni cum fidelitate, quâ poterit, applicet obedientiæ Regularum absque eo quòd se diffundat ad desiderandum vel volendum plus aliquid aggredi, quàm hoc. Non vult illa anima patrare res excellentes & insuetas, unde possit magni fieri à creaturis; sed humilians se, gaudet ultimum locum tenere, & nihili æstimari. Adde, quod nihil agat ex propria voluntate, nec etiam tentet agere plus aliquid, quàm aliæ. Et sic tota ejus sanctitas abscondita est ab ejus oculis, & solus illam novit Deus, qui delectatur ejus simplicitate, per quam illa ejus rapit cor, & se illi arctè unit. Eadem radicitus resecat omnes intentiones proprii sui amoris; qui amor summa afficitur voluptate dum voluit animo res magnas & excellentes faciendas, quæ efficere solent, ut præ alijs æstimemur. Absit autem talis amor, imò jam procul abest ab animabus, quarum unicum est studium in hoc mundo, ut pace & tranquillitate perfruantur, & in altero Deum auctorem omnis pacis æternum intueantur. Nunquam in mentem admittendum est, neque credendum nos ex eo, quod non plus præstemus, quàm aliæ, sequendo communitatem, minus meriti habituras.

O non,

O non, non certè ! nam perfectio hæc non consistit in austeritatibus, esto bona sint hæc media ad eam perveniendi, & ipsa in se ipsis bonæ sint, nihilominus pro nobis non sunt bonæ: quia conformes non sunt nostris Regulis, neque earum spiritui, cum major sit perfectio manere in simplici earum observatione, & sequi communitatem, quàm velle plura, quàm requirant, facere. Audeo polliceri quòd, quæcunque intra eas se continebit, magnum iter intra breve tempus sit confectura, quin & suis sororibus magnum fructum bono suo exemplo reportatura.

Tandem quando applicatæ sumus ad remigandum, id faciendum est certâ proportionem & mensurâ; uti faciunt remiges in alto mari: ubi non ita citò excipiuntur verberibus, quando remissius nonnihil remis incumbunt, quàm si remigando certum numerum & mensuram non servent.

Danda est opera, ut omnes Novitiæ uno & æquali instruantur & informantur modo, iisdemq; rebus exercendis & faciendis omnes occupentur, ut justè & æqualiter ab omnibus remigetur. Et licet non omnes eadem & pari perfectione faciant, patientia habenda est; hoc enim invenitur in omni communitate.

Sed (ut dicitis vos) mortificationis causâ fit, quòd subinde aliquantulum diutius diebus festis



vis maneatis in choro quàm alijs, cum jam sat longo tempore ibi hæseritis, spatio scilicet duarum aut trium horarum, & hoc continenter cum alijs. Ad hoc respondeo, non esse generalem Regulam, quòd faciendum sit omne id, à quo habetur renifus & repugnantia, sicut nec abstinendum ab omnibus rebus, ad quas faciendas in nobis est inclinatio. Nam si soror aliqua habeat propensionem ad cœcendum officium divinum, non debet illud intermittere intentione & prætextu se mortificandi, sed cum alijs dicere. Cæterum tempus festorum liberum unicuique vestrum relictum est, ut illud impendat juxta suam devotionem. Sed tamen verum est, esse admodum proclive credere, ne (postquam tribus horis, imò & diutius hæsisitis in choro cum tota communitate) quadrans ille horæ, quo diutius manetis in choro, sit bolus, quem porrigatis proprio vestro amor.

Tandem, Charissimæ filiæ, magni facere, & multum amare debemus nostras Regulas, siquidem eæ sunt media, per quæ earum finem consequimur, QUI EST FACILE NOS DEDUCERE AD PERFECTIONEM CHARITATIS, QUÆ EST VNIO NOSTRARUM ANIMARUM CUM DEO ET PROXIMO. Nec tantum hoc, sed etiam reunire proximum cum Deo, quod facimus per viam, quam illi præsentamus & offerimus; ea autem tota quantæ est



est s̄vavis & facilis, eò quòd nulla puella, quæ Religionem hanc petit, defectu virium corporalium ab ea reiiciatur, dummodò habeat resignatam voluntatem vivendi juxta SPIRITUM VISITATIONIS. Qui est (ut dixi) SPIRITUS HUMILITATIS ERGA DEUM, ET S̄VAVITATIS CORDIS IN PROXIMUM. & hic est spiritus ille, qui nostram unionem tam cum Deo, quàm cum proximo facit.

Per humilitatem quidem unimus nos cum Deo, submittentes nos exactæ observationi voluntatum ipsius, quæ signatæ & significatæ sunt in nostris Regulis: debemus enim piè credere eas conceptas & conscriptas ejus inspiratione. Ad quod credendum induci quàm maximè debemus auctoritate & approbatione sanctæ Matris Ecclesiæ & Sedis Apostolicæ, quæ sunt signa evidentia eas à Deo ortum habere. Et ideo eas amare debemus tantò tenerius & pluribus vicibus, imò diebus singulis sæpius premere & constringere supra nostra pectora, in formam & signum recognitionis & gratitudinis in DEUM, qui eas nobis benignissimè est elargitus.

Jam verò per s̄vavitatem cordis nos unimus cum proximo; per accuratam, & omni ex parte exactam conformitatem vitæ, morum, & exercitiorum; non plus, nec minus agendo, quàm agunt ij quibuscum vivimus; quæ antem nobis præscripta & injuncta sunt in ea via, in qua Deus

simul nos posuit, ijs nos impendamus omnibus animæ nostræ viribus, contendentes ea exequi omni quâ possumus perfectione.

Verum notandum est illud, quod sapius repetivi, exactè scilicet & perquam accuratè observandas esse Regulas, sicut & minuta quædam velut earum corollaria, non debere intelligi de nescio qua scrupulosa exactione. O non! neque enim ea fuit unquam mea intentio, sed sermo mihi fuit de accuratissima exactione castarum sponfarum, quibus non est satis evitare, ne displiceant cœlesti sponso, sed insuper volunt facere quidquid possunt, ut ei sint vel tantillò gratiores.

Operæ pretium me facturum existimo, si in medium attulero exemplum aliquod celebre & clarum, ex quo intelligatis, quàm gratum sit Deo se in omnibus rebus conformare communitati. Audite igitur quæ dicturus sum. Quam ob causam putatis Christum Dominum, & sacratissimam ejus Matrem submisisse se legi Præsentationis & Purificationis, nisi ob amorem, quod complectebantur communitatem? Certè exemplum hoc satis esse deberet, ad commovendum Religiosos, ut exactè sequerentur communitatem, ab eaq; nunquam recederent. Nam neque filius, neque mater ullo modo obligabantur lege illa; non filius, quia Deus erat; non mater, quia erat Virgo purissima. Adde quòd

pote-



poterant facillimè ab ea se eximere, nemine id advertente: nonne enim Beata Virgo, poterat ire in Nazareth, reliquâ Ierosolymâ? non autem ivit, at simpliciter secuta est communitatem. Poterat & optimè dicere: *lex ista non est condita propter charissimum meum filium, neque propter me, ideo nullo modo nos comprehendit: attamen quia ceteri homines ea obligantur, eamq; observant, libentissimè ei nos submitimus, ut eorum cuilibet nos conformemus, & singularitatem evitemus.* Apostolus Paulus præclare dixit Christum Dominum tentatum fuisse per omnia pro similitudine, absque peccato, quod idem est ac si dixisset similem factum fratribus suis, si peccatum excipias.

Sed dicitote mihi, eratne timor prævaricationis, qui tum matrem, tum filium tam exactos faciebat in legis observatione? Minimè profecto: nulli enim prævaricationi subjecti erant, sed trahebantur amore, quo Patrem prosequabantur. Amari non potest mandatum, nisi simul ametur lator ipsius mandati. Quâ amoris proportionem & mensurâ amamus & æstimamus legis auctorem, eâdem nos reddimus exactos legis observatores. Aliqui sunt affixi & alligati legi per catenas ferreas, alij autem per aureas; explico me; homines sæculares, qui custodiunt mandata Dei ob timorem, ne æternum damnentur ea potius coacti, quàm ex amore, observant;



at verò Religiosi & ij, quibus curæ est perfectio animæ, eidem legi affixi sunt catenis aureis, id est, vinculis amoris. Amant enim hi mandata & eadem ex amore observant, & ut melius id præstent complectuntur observationem consiliorum. Hinc David dicit Deo: *tu mandasti mandata tua custodiri nimis*. Videtisne quàm exactè & accuratè velit ea observari? Et sic equidem observant omnes veri amatores; non enim solum evitant legis prævaricationem; sed etiam prævaricationis umbram. Et ideò dicit Sponsus, suam Sponsam similem esse columbæ, quæ versatur circa fluvios, qui leni fluxu feruntur, & quorum aquæ claræ sunt instar crysalli. Credo vobis notum esse columbas ideò morari circa fluvios, ut eorum beneficio securæ sint ab avibus raptis viventibus. nam dum earum in aëre volantium umbram conspiciunt in aquis, timentes ne ab ijs repente obruantur, prædæq; fiant, statim fugam corripunt. Et talis (vult dicere sacer Sponsus) est mea DILECTA: nam dum fugit ad ipsam umbram prævaricationis meorū mandatorū, non timet fieri prædo inobedientiæ. Certè qui se voluntariè privat per votum obedientiæ, ne suam faciat voluntatem in rebus indifferentibus, satis ostendit se lubenter submittere in necessarijs, & ijs omnibus, quæ inducunt obligationem. Oportet igitur maximè esse exactum

in.

in observatione legum & Regularum, quæ nobis data sunt per Dominum, sed comprimis sequendo in rebus omnibus communitatem.

Cavendum autem est ne dicamus nos non obligari ad servandam quampiam Regulam, aut peculiare mandatum Superioris, quod latum videtur solum pro debilibus; nos autem esse fortes & robustas: sed nec è contrà dicendum est, mandatum hoc datum esse pro fortibus, nos autem esse debiles & infirmas. O Deus! nihil magis arcendum est à communitate, quàm hoc; vos ego adjuro, ut, si estis fortes, fiat debiles, quò conformes efficiamini infirmis; si autem estis debiles, conemini vos adungere fortibus & robustis.

Sanctus Paulus dicebat *se omnibus omnia factum esse, ut omnes lucrifaceret; quis est infirmus, inquit, & ego non infirmior?* 2. Corint. II. v. 29. & ibid. c. 12. v. 10. *Cum infirmior tunc potens sum.* Videtisne quomodo S. Paulus dum est cum infirmis, sit & ipse infirmus? & ut libenter se accommodet in rebus necessarijs eorum infirmitatibus, ut ipsi confidant se idem posse facere! Verùm quando est cum fortibus, est velut quidam Gigas, ut eos animum erigatque; & si advertat proximum in re aliqua, quam facit ipse scandalizari, esto licitum sit illi eam facere, nihilominus talem animo gerit zelum pacis & tranquillitatis, ut libenter ab ea se abstineat.




Sed quando est tempus recreationis, teneor permagno desiderio me conferendi ad orationem faciendam, ut me immediatè magis jungam supremæ bonitati, nonné possum cogitare quòd illa lege, quæ jubet facere recreationem, non obliget, quandoquidem nacta sim à natura animum sat hilarem & excitatum? Respondeo non cerrè, neque enim magis est licitum cogitare, quàm dicere. Si non habes necessitatem te recreandi, nihilominus facienda est recreatio propter illas, quæ ea indigent.

Ergone nulla est exceptio in Religione? Obligantné Regulæ æqualiter? Respondeo dubio procul obligant: sed quædā sunt leges, quæ sunt iustè iniustæ: exempli causâ, Ieiunium quadragesimale præceptum est pro quovis, & nonné videtur vobis lex illa esse iniusta, siquidem adhibetur moderamen huic iniustæ iustitiæ, dando dispensationem ijs, qui illud non possunt observare? Idem fit in familijs Religiosorum, mandatum æqualiter fertur pro omnibus, & nemo ex se ipso potest secum dispensare seu se eximere: sed Superiores rigorem moderantur juxta necessitatem cujusque: cavendum autem est diligenter, ne infirmi judicentur minus utiles in Religione, quàm fortes, vel quod minus præstent, ac ideo minus meritorum sint participes: quia omnes æqualiter faciunt Dei voluntatem.

Apes



Apes exhibent nobis exemplum de re, quam in disputationem revocamus: nam earum aliqua operam suam navant alveari custodiendo, & alia perpetuo laborant in colligendo melle. Tamen quæ manent in alveari, non minus comedunt de melle, quàm illæ, quæ se defatigant ubiq; passim depradando flores. Iudicatisne David injustam tulisse legem, quando mandavit, ut ij milites, qui impedimenta & sarcinas custodiebant, haberent æqualem partem prædæ cum ijs, qui ibant ad pugnam, & reversuri fortè erant onerati vulneribus? Non fuit injusta, quia, qui servabant sarcinas, pro ijs servabant, qui pugnabant, & qui pugnabant, pro ijs pugnabant, qui sarcinas & impedimenta custodiebant. Atque ita omnes merebantur æquale præmium, siquidem omnes Regi æqualiter obediebant.



VIVAT IESVS.

COLLOCVTIO XIV.

*Contra proprium iudicium & tene-  
ritudinem quam quisq; habet erga se ipsum.*

T 5

Prima



Rima quæstio est, an subjectum esse propriæ opinioni sit res multum contraria perfectioni? Ad quod respondeo: subjectum esse proprijs opinionibus, vel non esse, res est, quæ neque bona, neque mala est ex se; naturale siquidem est, ut quilibet habeat proprias opiniones, quod minimè nos impedit quò minus perveniamus ad perfectionem, dummodò ijs non adhæreamus neque eas foveamus amemusvè: nam solummodò AMOR PROPRIARUM nostrarum opinionum est, qui nimium quantum contrarius est perfectioni. Et jam hoc sæpius dixi, amorem scilicet nostri proprii judicij, & æstimationem, quæ de eo formatur, esse causam, quòd pauci inveniantur perfecti. Permulti quidem reperiuntur, qui nuncium remittunt propriæ voluntati, sed aliqui propter unum aliquod subjectum, alij propter aliud: nec id solum in Religione, sed inter sæculares, & in ipsis Aulis principum. Si princeps quispiam mandet alicui ex suis Aulicis rem aliquam executioni mandandam, bene cavebit ille ne recuset obtemperare; sed, ut fateatur bene mandatam esse, rarò id contingit. Faciam id, quod mihi mandas, & eo modo, quo dicis faciendum, respondebit; at adhæret illis semper (SED) quod tantum est dicere, quantum si dicerent scire se, quomodò meliori modo fieri posset.

Nemo

Nemo potest dubitare, charæ filiæ, quin hoc valde sit contrarium perfectioni : producit siquidem, ordinariè loquendo, spiritus inquietudines, res phantasticas & ineptas, quin & murmuraciones, & tandem nutrit amorem propriæ æstimationis. Quare neq; propria opinio, neq; proprium judicium amari & æstimari debent. Sed oportet me vobis dicere esse homines, quibus incumbit formare opiniones, & tales sunt Episcopi, Superiores, & omnes, qui sedent ad clavum Reipublicæ; alios autem nullo modo id facere debere, nisi obedientia id ordinet, aut jubeat; alioquin perderent tempus, quod impendere debent serviendo & adhærendo fideliter Deo; & sicut hi æstimarentur parum invigilare perfectioni acquirendæ, & homines, qui minimè utiliter occuparentur, si vellent inhæreere considerationi propriarum opinionum, ita Superiores parum capaces putarentur munerum, quibus funguntur, nisi formarent suas opiniones, & se circa illas resolverent, cavendo tamen ne in eis sibi complacent, aut plus æquo inhæreant: hoc enim adversaretur perfectioni debitæ statui eorum.

Doctor Angelicus Sanctus Thomas, qui pollebat maximo ingenio, quando formabat aliquas opiniones, eas firmabat optimis, quibus poterat rationibus; & nihilominus si quis occurrebat, qui



qui eas non approbaret, vel etiam ijs contradiceret, non disputabat, neq; ægrè ferebat, sed animo æquo & tranquillo id tolerabat. In quo satis ostendebat se non amare propriam opinionem, sed nec etiam improbare; proinde rem ita relinquebat, siue approbaretur ab alijs, siue non, postquam quod suum erat fecerat, de reliquo parum erat sollicitus.

Certè nec Apostoli ita affixi erant proprijs opinionibus, & ne quidem ijs, quæ concernebāt gubernationem sanctæ Ecclesiæ (quæ non poterant non esse maximi momenti) ita ut post determinatam, & resolutam rem, ut resolvendam putārant, non ægrè ferrent, multò minùs offenderentur, si aliæ opiniones circa hoc adferrentur, quin licet subinde aliqui invenirentur, qui recusarent stare eorum resolutioni, quantumvis bonis firmata esset rationibus, tamen non conabantur per disputationes, multò autem minùs per contestationes efficere, ut reciperentur.

Sicuti Superiores, si quocunq; occurso vel occasione, vellent mutare opinionem, æstimarentur leves & imprudentes in sua gubernatione, ita ij, qui nullis muneribus funguntur, mordicus suis vellent adhærere & conari, ut alij eas reciperent, pervicaces & pertinaces haberentur. Nam certum est amorem propriæ opinionis in pertinaciam degenerare, nisi fideliter mortificetur &

rese-

refecetur. Hujus rei exemplum habemus ab ipsis Apostolis. Res est non parum admiranda, Christum Dominum sivilisse res complures dignas scriptione, quas Sancti Apostoli fecerunt, profundo involvi silentio; & è contrâ imperfectiōnem, quam magni Apostoli, Paulus & Barnabas inter se commiserunt, voluisse literis consignari; dubio procul singularis fuit Domini providentia, permittētis eam committi pro peculiari nostra instructione. Proficiscebantur hi duo Apostoli simul ad prædicandum sanctum Dei Evangelium, & secum ducebant Ioannem Marcum, adhuc juvenem, qui sanguine attingebat Beatū Barnabam, & hi duo perquam eminentes Apostoli inciderunt in disputationem, an eum secum deberent ducere, necné, diversæ adeò fuerunt opinionis, ut non potentes inter se convenire, unus ab altero se separarit.

Dicite nunc mihi, an debeamus turbari inter nos ex eo, quòd notentur aliqui defectus & errores, postquam videmus etiam Apostolos hujusmodi erroribus obnoxios fuisse? Sunt profectò ingenia quædam præclara & optima, sed ita subiecta suis opinionibus, ut nunquam velint ab ijs decedere: & bene cavendum est, ne ex improviso res talis ijs proponatur, nam timendum esset, ne eò pertinaciæ devenirent, ut vix possibile esset eos inducere, ut vellēt agnoscere, & fateri se erras-



errasse: quia scilicet tam profundè se immerse-  
runt in investigatione rationum facientium ad  
rem, quam susceperunt defendendam, ut eos à  
sententia abducere perquam sit difficile, nisi ubi  
excellenti perfectioni se tradiderint.

Sunt & alia ingenia præclara & magnarum ré-  
rum capacia, quæ non sunt subjecta isti imper-  
fectioni, sed libenter recedunt à suis opinionibus,  
quamvis eæ primæ sint, nec se armant ad eas  
defendendas quando aliquid contrariū ijs pro-  
ponitur, vel opinio altera prorsus opposita ei,  
quam judicarunt esse bonam & securam; prout  
diximus de magno sancto Thoma. Et sic vide-  
mus esse naturale, ut quisq; subiectus sit tuendis  
suis opinionibus. Et verò homines melancholi  
communiter laborant magis isto vicio, quàm  
ij, qui sunt naturâ læti & hilares; & quidem cer-  
tè, hi perquam faciliè mutant sententiam, & cre-  
dunt id quod illis dicitur. Magna illa sancta  
Paula Romana pertinacior erat in tuenda opi-  
nionem, quam sibi formârat circa austeritates,  
quàm ut se submitteret iudicio plurium, qui  
suadebant ab ijs abstinere. Idem fecerunt com-  
plures sancti, qui æstimabant magnopere mor-  
tificandum & macerandum esse corpus ad pla-  
cendum Deo, atque ea de causa recusabant ob-  
temperare medico, præstando ea, quæ requi-  
runtur ad conservationem corporis mortalis &  
peri-



perituri, quamvis autem id sit imperfectio, non ideo tamen desinunt esse celebres sancti & Deo grati. In quo docemur non debere nos turbari in nobis ipsis, dum in nobis nostras notamus imperfectiones, vel inclinationes contrarias veræ virtuti, dummodò non fiamus pertinaces volendo in ijs perseverare. Nam & sancta Paula, & alij, qui pertinaces ac pervivaces evaserunt, licet id in re non magni momenti; in ea tamen fuerunt reprehensibiles. Quod ad nos attinet, nunquam sinere oportet, ut nostræ opiniones ita invalescant, ut non libenter contrarium faciamus, & sequamur quando opus est; sive ad id obligati simus, sive non, ad eas formandas.

Esse proinde subjectum & propensum ad magni faciendum proprium nostrum iudicium, ac ideo intrare profundè ad inveniendas rationes proprias asserendis & defendendis nostris opinionibus, quas semel comprehendimus, res est quidem purè naturalis; sed se ab ijs capi permittere, ac cum pertinacia ijs inhærere, est imperfectio valde notabilis.

Dicitote mihi, nonné est tempus inutiliter terrere, & præcipuè si ij id actirent, qui officia non administrant, in istis se detinere? Dicitis mihi, quid ergo faciendum est ad mortificandam istam inclinationem? Respondeo, subtrahendum est illi nutrimentum; verbi gratiâ, si venit tibi in  
men-

mentem non rectè rem agi, dum tali agitur modo, at longè melius actum iri, si fieret juxta id, quod concepisti: averte te ab ista cogitatione, dicendo intra te ipsam: hem! quid ad me quòd talis res taliter fiat, siquidem mihi commissà non est? semper tutius ac melius est, sic se simpliciter ab ea avertere, quàm requirere rationes intra te, quibus tibi persvadeas te male judicare, nam loco quo id facere deberet nolter intellectus, qui jam præoccupatus est peculiari judicio, tibi tutius imponeret; nam pro eo quod deberet nostram opinionem in nihilum redigere, suppeditaret rationes ad eam tuendam, & ut legitimam recognoscendam. Semper utilius est illam contemnere, & ne aspectu quidem dignari, at simulatq; apparet, eò locorum pellerè, ut nesciatur quid voluerit suggerere & dicere. Est quidem verum non esse in potestate nostra impedire primum motum complacentiæ, qui nobis advenit, quando opinio nostra approbata & recepta est, cum motum illum evitare non possimus, possumus autem non inhærere suggestæ complacentiæ, possumus & Deum laudare & benedicere: ac deinde plus ultra pergere, nec affici magis illâ complacentiâ, quàm afficeremur exili quopiam dolore, qui nobis evenire posset, si nostrâ opinio non probaretur nec reciperetur, quia non omni ex parte haberetur firma.

Opor-



Oportet, quando requirimur vel per charitatem, aut per obedientiam, proponere id quod nostri est iudicii circa objectum, de quo est quaestio: & hoc magna cum simplicitate, at de cætero ponere se in indifferentia, siue recipiatur, siue non: imò oportet opinari subinde & discurrere supra opiniones aliorum, & ostendere rationes, quibus nostræ confirmantur. At id faciendum est magna cum modestia & humilitate, non contempto ullo modo iudicio aliorum, neque etiam contestando, ut nostræ recipiantur.

Rogabitur fortassis an non sit nutrire hanc imperfectionem, si occasio quaeratur loquendi postea de nostra sententia cum ijs, qui nobiscum sentiebant, tunc quando non amplius est quaestio, ut resolvatur, cum jam determinatum sit, quid fieri oporteat? Respondeo, dubio procul esset nutrire & patrocinium suscipere nostræ inclinationis, & consequenter committere imperfectionem non minimam: nam esset verè nota & indicium, non submisisse nos iudicio aliorum, sed nostrum particulare illorum prætulisse. Quapropter res proposita & determinata non debet adduci in colloquium, neque in cogitationem, nisi res esset, quæ in magnum & notabile vergeret malum: nam tunc adhuc inveniri poterit aliqua ratio ad impediendam & avertendam executionem, vel remedium adse-



rendum; id autem faciendum esset maximâ, quâ posset charitate, & minimo sensu aliorum, quo nemo turbaretur nec contemni videretur id, quod conclusum est, ut bonum.

Solum & unicum remedium sanandi proprii iudicium, est negligere id, quod nobis venit in mentem, & applicare nos rei cuiuspiam meliori; nam si laxemus habenas nostro intellectui, ducendo moras super omnes & singulas opinioniones, quas nobis suggeret diversis occurrîbus & occasionibus, quid inde aliud nascetur, nisi continua distractio & impedimentum rerum utiliorum, & propriarum nostræ perfectionis, efficiemur scilicet incapaces, & inepti ad faciendam sanctam orationem? Nam cum dederimus libertatem spiritui nostro occupandi, & detinendi se consideratione talium fallaciarum, semper magis ac magis intrabit profundius, nobisq; inducet cogitationes super cogitationes, opinioniones super opinioniones, quin & rationes super rationes, quæ, mirum dictu est, quàm importunæ nobis futuræ sint in oratione: oratio siquidem nihil est aliud, quàm integra & perfecta applicatio mentis nostræ ejusq; facultatum in Deo.

Porrò si libertas illi detur prosequendi res inutiles, tantò minus se habilem & aptum ad considerationem mysteriorum, de quibus facienda est oratio, reddet.

Hæc

Hæc habui quæ vobis dicerem circa objectum primæ quæstionis : quâ edocti sumus habere proprias opiniones, non esse rem contrariam perfectioni ; sed si habeas amorem erga eas, & consequenter magni eas facias , erit omnino contra perfectionem. Nam si eas non æstimamus, non efficiemur earum amatores, & si eas non amamus, parum nobis cordi erit, an approbentur, necné. Adde quòd non erimus ita faciles, & leves ad eas commendandas, dicendo, credant alij quidquid volunt, SED QUANTUM AD ME : scirené vultis quid sibi velit illud, QUANTUM AD ME ? nihil aliud sibi vult, nisi, non me ego ijs subijciam, sed ero firmus & stabilis in mea resolutione & opinione. Hæc est, ut sæpius dixi, ultima res, quam derelinquimus, quam tamen relinquere & renunciare ad acquirendam veram perfectionem, summè est necessarium, alioquin enim non acquiremus sanctam humilitatem, quæ obicem ponit & inhibet ne æstimemus nos, neque res alias, quæ ex ea æstimatione dependent : ideoque si non habeamus familiarem præxim hujus commendatissimæ virtutis, semper cogitabimus nos esse aliquid melius quàm sumus, ac proinde præ alijs aliquid nobis deberi. Sed sit satis de hac re. Si me aliud ultra non rogatis, transibimus ad secundam quæstionem, quæ est, an teneritudo quam habemus in

nobis ipsis, multum nos retardet in via perfectionis.

Quod ut melius intelligatur, debeo vobis in memoriam revocare id, quod alioquin optime jam calletis, habere nos duos amores, *AFFECTIVUM* scilicet, & *EFFECTIVUM*; & tam est in amore, quem habemus erga Deum, quam quem gerimus erga proximum, & insuper erga nos ipsos, sed non loquemur nisi de eo, qui est erga proximum ac deinde ad nos ipsos revertemur.

Theologi, ad bene comprehendendum & inculcandum discrimen horum duorum amorum, consueverunt adhibere comparationem de Patre aliquo, duos filios habente: quorum alter est velut filius albæ gallinæ, ut vulgò dicitur, uno verbo, deliciæ parentis, parvus adhuc pusio, gratiosulus; alter autem vir jam perfectus, insignis, & generosus miles, vel alterius conditionis, qualem cuilibet licebit imaginari. Parens magnopere amat duos istos filios, sed amore differente: nam amat parvulum amore pertenero & affectivo. Advertite, amabò, quid non agat, & non permittat parvulum hunc pusionem facere circa se? Inusitatis blanditijs eum tractat, figit oscula, ponit & tenet super genua, stringit eum inter brachia (s'avitate nulli secunda tam puero quam sibi ipsi. Pusio huic infixus est ab ape aculeus, non cessat bonus pater sufflare supra ejus genam usque



usque dum dolor mitigetur. Si autem filio natu  
majori à mille apibus esset impressus aculeus, ne  
pedem quidem ob id movere dignaretur, esto il-  
lum amet amore fortissimo & solidissimo.

Considerate, obsecro, differentiam istorum  
duorum amorum; nam non obstante tenerita-  
te, quam vidistis exhiberi à patre parvulo filiolo,  
non intermittit propterea facere de eo proposi-  
ta, & extra domum mittere, efficereque ut sit  
eques Melitensis, destinans interea majorem na-  
tu bonorum suorum hæredem, & in bonis pa-  
ternis successorem. Hic igitur amatur amore ef-  
fectivo, minor autè affectivo; uterq; amatur, sed  
diversimodè. Amor, quem nos habemus erga  
nos ipsos, est affectivus & effectivus. Effectivus a-  
mor est, qui gubernat magnos illos honorum ac  
divitiarum ambitiosos: nam tanta sibi procu-  
rant bona, quanta possunt, & nunquam satian-  
tur procuratis: illi magnopere se amant amore  
effectivo; sed sunt alij, qui se amant magis affe-  
ctivo: ijque sunt, qui admodum delicati sunt,  
erga se ipsos, & tenerè se habent, tractantque, qui  
nec aliud unquam agunt, quàm querelas depo-  
nunt, volentes ab omnibus molliter, & indulgen-  
ter haberi & tractari, qui que adeò timent omne  
id, quod ijs nocere posset, ut sit res omni commi-  
seratione digna, videre eos taliter affectos: si sint  
ægroti, esto solum extrema digiti pars non nihil

doleat, eorum iudicio & sermone nullus est dolor in mundo comparandus ei, quem tolerant, sit quantumcunque velis, acerbus: adde non posse inveniri sat multos medicos, qui eos salvent: nunquam faciunt finem sumendi medicinas, quibus, cum se in bona sanitate putent velle conservare, illam penitus penitusq; perdunt: si autem aliqui alij sint infirmi, eorum iudicio nihil est; se solos lacrymis & lamentationibus deplendos putant: ita ij sunt teneri & sui amantes! unum est eorum studium & cura, omnes movere ad commiserationem, ijs magnæ non est curæ, ut habeantur & æstimentur patientes, modò ijs fides habeatur, quod gravi morbo affligantur. Ecquis non videt imperfectiones istas proprias esse infantium? & si audeo dicere, sceminarum? quin etiam eorum, qui quidem inter viros (si tamen ij viri dicendi sunt) versantur, sed toti quanti sunt effœminati, & nihil, aut admodum parum habent generositatis, & magnanimitatis. Nam inter viros generosos imperfectio hæc non reperitur: absit enim ut ingenia cordata inhæreant istis stoliditatibus & fatuitatibus, quæ ad nihil aliud valent, quàm ad impediendam & retardandam viam nostræ perfectionis. Et cum hæc ita sint, non posse tamen ferre, ut teneri & delicati habeantur, nonné est maximè & propriissimè teneros & delicatos esse?

Memi-

Memini historiam, quam rediens aliquando Parisijs vidi in domo Religiosa : quæ, quia ad meum facit propositum, & majori me cumulavit & perfudit consolatione, quàm omnia, quæ reliquo toto itinere videnda occurrerunt, occurrerunt tamen multæ, & magnis virtutibus præditæ animæ; sed hæc unica supra alias maximo gaudio me affecit, eam nolui tacitus præterire.

Erat in hac domo Religiosa una puella, quæ vitæ Religiosæ ponebat tyrocinium, admirandâ suavitate, tractabilis, & obedientiæ cultrix perquam exacta. Quid multis? habebat ea dotes, & conditiones maximè necessarias ut esse posset bona Religiosa. Tandem, adversante fortunâ, Sorores notârunt imperfectionem aliquam corporalem, quæ in causa fuit, ut inciperent dubitare, an non, ob imperfectionem illam, domum esset remittenda.

Mater superior multum illam amabat, ideoquæ id fieri noluisse, nec potuisset sine ingenti suâ molestiâ & dolore. Cæterum, multum sorores instabant, & ob id corporale incommodum dimissionem urgebant. Controversia autem, seu opinionum dissidium, mihi commissum fuit in bonum afflictæ istius puellæ, quæ erat ex honesta domo, & familia oriunda : advocata statim adfuit, & ad pedes meos in genua se prostravit, & ait: *verum est, Illustrissime ac Reverendissime Domine*



*Præsul, me habere imperfectionem, qua, ut verum fatear, non caret aliqua verecundia (eam elata voce, magna cum simplicitate nominavit) fateor proinde Sorores nostras habere magnam rationem, me in suum Ordinem non recipiendi; nam in hoc meo defectu sum propemodum intoleranda: humillimè autem tum tuam Reverendissimam Dominationem, tum Charissimas in Christo Sorores rogo, ut mihi sint favorabiles, certò promittenti, ut si me recipiant, ostendendo & exercendo suam erga me charitatem, daturam me operam quam potero maximam, ne ijs incommodem, ex animo me submitiendo ad hortum colendum, vel quæcunq; alia officia libentissimè & diligentissimè executuram, modò talia sint, quæ me ab earum societate aliquantulum elongent, ne posthac aliquid incommodi illis creem.*

*Si, quod sentio, dicere debeo, puella ista ad vivum cor meum tetigit, ò quàm parum in se erat tenera & delicata! Cohibere me non possum, quò minus dicam, quod infixum hæret mēti, optare me ex toto corde habere defectum illum naturalem modo & simul animum haberem dicendi coram universo mundo ea cum simplicitate & candore, quo illa coram me dixit: non ita mihi credite timebat pudorem & humiliatorem, quàm complures aliæ, nec ita erat tenera & sui ipsius amans; nec tot, tantasque faciebat considerationes vanas, & inutiles v. g. ecquid dicet Superior, si hoc aut illud ei dixerò? Petam*

ego aliquid solatij? dicet illa, aut cogitabit me esse nimis teneram, delicatam, meiꝫ; comprimis amantem. Sed age, si verum est, quare non vis, ut cogitet id, quod novit & audit? Dices, dum ei aperio meam necessitatem, tam frigido & corrugato vultu me aspicit, ut videatur hoc ei minimè esse gratum. Audi, chara Soror, fieri quidem potest, ut Superiori habenti multa cogitanda & facienda, non semper sit animus ridendi, vel multum gratiosè loquendi, quando tuum illi detegis malum, & hoc tibi molestum accidit, & tollit, ut dicis tu, confidentiam aperiendi illi tuas incommoditates. Deus bone, charæ filiæ, quid aliud sunt ista, quàm infantium puerilitates? agendum est candidè & simpliciter. Si Superior vel Magistra domus non te ita, ut velles, benignè semel vel etiam sæpius exceperūt, num idèò molestè ferre debemus, & iudicare quod idem semper sint facturæ? minimè gentium: Dominus fortassis spiritus sui suavitate aliquando eas tanget & gratiores atque benigniores efficiet, ubi aliâ vice ad eas redieris. Non oportet etiam ita nos delicatas esse, ut omnes semper nostras incommoditates ad eas deferamus, sed solum quæ sunt magni momenti. Exiguum capitis dolorem aut dentis (qui fortè citius, quàm putas, transibit, maximè si animum adijcias ad illum ferendū Deiamore) necesse non est statim aperire, ut in-

de solatij aliquid emendices. Fortè non aperies Superiori, vel ei è Sororibus, quæ aliquid sublevamenti potest adferre, at libentius & facilius alij: eo quòd, ut loqueris, velis eum sufferre propter Deum. O chara Soror, vide, amabò, quid dicas, si verum esset velle te incommoditatem illam pati ob Dei amorem, cur statim aliam adis Sororem, ut ei dicas, quæ, ut bene nosti, crederet se obligatam ut referat ad Superiorem; quò fiet, ut obliquè agendo, habeas solatium, quod bona fide agendo habere potuisses. Adverte, obsecro, longè te rem tuam melius acturam fuisse, si simpliciter ab ea, penes quam erat potestas illud solatium conferendi, petijisses. bene enim sciebas Sororem illam, cui dixisti caput tibi dolere, non habere potestatem tibi dicendi, vade ad lectum, & quiesce. Non aliud igitur habuisti propositum, ac intentionem (esto non venerit expressè id in mentem) quàm ut aliquid solatij emendicares ab ea Sorore: quod ne dubites, perplacuit amori proprio. Si tamen aliqua è Sororibus occurrens peteret, quomodò nunc vales: nihil esset mali, (dummodo simpliciter & sine amplificatione aut lamentatione id fieret) dicere, tibi caput dolere: verum extra hoc non videtur dicendum, nisi Superiori, aut Præfectæ Domus; nec timendum tibi quidquam est, esto nonnihil subinde sint rigorosiores ad corrigendum huiusmodi de-



di defectum. Nam chara filia, non tollis eis confidentiam, quò minus, quod illis videtur faciant. Ito igitur simpliciter, tali in statu constituta, & dolorem eis tuum aperito. Credo equidem plus voluptatis & confidentiæ habere te, dicendi tuum malum ei, quæ nequit tibi conferre solidum solatium, quàm ei, cui id incumbit ex officio, & habet unde id faciat. Quam diu enim sic agis, quælibet vult te consolari, & omnes se accingunt ad remedia ferenda; loco quo, si dixisses Sorori, cui id commissum est, te oporteret eo remedio, quod præscriberet uti, teq; submittere: & volens nolens benedictæ isti subiectioni, quam omnes semper ac totis viribus evitamus, manus dare: cum amor proprius velit & studeat semper esse director nostri ipsorum, & absolutus rector propriæ nostræ voluntatis. Verùm si dixerò Superiori, obijcies tu, LABORO DOLORE CAPITIS, mihi dicet, vade cubitum: Respondeo ecquid tui quid obest, si putas te non habere sufficientem dolorem, ut hoc remedio sit opus, nihil tibi constabit dicere, Mater veneranda, vel Soror charissima, non sat, ut mihi videtur, doloris habeo, ut sit necesse me petere lectum hoc tempore; si ea manens in sua opinione dicat, fac quod dico; cave tu ne omittas id facere magna cum simplicitate; nec hoc tantum casu, sed semper, & in omnibus, quæ mandantur, & obtemperare, & ambu-

ambulare oportet simpliciter per veram viam filiarum & Religiosarum VISITATIONIS, quæ via gratissima est Deo, & conscientia securissima.

Verùm si videatis Sororem quampiam angustissimo, vel quacunq; incommoditate laborare, nec habere tantum confidentia, vel animi, ut se superet, & quid sibi sit, indicet, interim autem vos, (quæ perbelle animadvertitis illam ex eo, quod id negligat in magnam induci melancholiam) an debeatis eam ad vos allicere, vel sinere, ut veniat illa per se ipsam, ratio debet decernere: nam subinde condescendendum & indulgendum est ejus naturæ & teneritati, eam ad se vocando, & se informando quid ei sit; alias autem ejusdem minutulas quasdam morosi & phantastici ingenij ineptias mortificare conveniet, relinquendo eam sibi ipsi, & quasi dicere, si tu non vis te superare petendo malo tuo remedium, patiari cum bono Deo, quod mereris. Teneritudo hæc multò minus toleranda est in rebus animæ, quàm corporis. Etsi, prò dolor! magis exerceatur, & foveatur à personis spiritualibus, quæ primo statim congressu cum Deo vellent esse sanctæ, sed ita, ut sanctitas illa gratis daretur, nullamque subeundum esset certamen, aut assultus, quos creare solet pars inferior, ob sensum doloris, quem persentiscunt in rebus naturæ contrarijs, & interim velimus, nolimus,

assu-

assumendus est animus ad sustinendum hic & nunc, & consequenter resistendum adversariorum nilibus; & hoc pluribus in occasionibus, imò toto vitæ tempore, nisi velimus inchoatæ perfectioni acquirendæ nuncium remittere.

Magnopere desidero, ut semper distinguantur effectus partis superioris animæ nostræ ab effectibus partis inferioris: nec unquam miremur productiones partis inferioris, sint quantumcunque malæ ac perniciosæ; eæ enim nullo modo valent remorari viam nostram spiritua-lem, modò firmemus nos in parte superiore, ad prosequendum assiduè viam perfectionis; nunquam nos detinendo, & perdendo tempus, conquerendoque quod simus imperfectæ & commiseratione dignæ, quasi aliud nihil faciendum esset, quam lamentari & accusare nostram miseriam & infortunium, quod tam tardi simus in comprehendendo & consequendo fine cœpti nostri.

Bona illa puella, de qua locuti sumus, non emollivit nec extenuavit ullo modo, dum mihi loqueretur, suum defectum, sed corde & vultu constanti, & inconcusso eum aperuit, & candidè asseruit: qua in re mihi maximè placuit. Nobiscum autem optimè agi credimus, dum super errata nostra flemus & lamentamur; sed & mirum dictu est, quàm id titillet amorem propriū.

Opor-



Oportet, charæ filiæ, vos esse quàm maximè generosas, nec mirari ullo modo vos subiectas & obnoxias esse mille imperfectionum generibus; ijs tamen non obstantibus, esse debetis magno & excelso animo ad contemnendas vestras inclinationes, habitusque diversos terreni & melancholici temperamenti, ineptasque phantasias, & nescio quæ non animi mollimenta; ista omnia mortificanda fideliter sunt quandocunq; se insinuant. Quod si nihilominus labamur jam hîc, jam ibi in aliquas imperfectiones, non ideo cessemus pergere in via Domini; at erigamus animum, & prima occurrente occasione fidelius agamus, ultroque pergamus, faciendo progressû in via Dei, & abnegatione nostri ipsorum.

Deinde petitis, si Superior vos videns solito tristiores roget, quid habeatis, & probè quidem animadvertatis vos multa in mente habere, quæ vos molestant, sed nequeatis dicere quid sit, qualiter vos gerere debeatis.

Respondeo oportet id simpliciter dicere: habeo complures res in mente, sed quid sint nescio. Timetis, ut vos ipsæ dicitis, ne Superior cogitet, vos non habere cōfidentiam ut sibi dicatis: Ecce quid tandem curatis, & vos affligitis iudicia faciendo, quid cogitet illa vel non cogitet, dummodò vos, quod vestri est officij præstetis? Quid est, inquam, quod ob eam vos rem cruciatis?

Quid

Quid dicetur si hoc fecero? vel illud dixerō? vel quid Superior sit cogitatura? profectō ista admodum contraria sunt perfectiōni, quando contingit in eis moras longiores trahere. Repeto iterum, oportet semper meminisse, quod crebrius dixi, me non intendere loqui de eo quod agit pars inferior: nam id nihili pendo, loquor autē de parte superiore, quando dico ista esse contemnenda: Quid dicetur vel quid cogitabitur? Et hoc, maxime vobis accidit post redditam rationem conscientiaē, quasi non satis particulares defectus explicaveritis: venit in mentem dicitis vos, quod Superior dicet, vel cogitabit, noluisse vos ipsi omnia dicere. Idem contingit in reddenda ratione tali, quod & in confessione: ideō in uno æquē ac in altero oportet habere parem simplicitatem.

Porrō, dicite mihi, dicerēne oportet, si confiteor talem rem: quid dicet meus Confessarius, vel quid cogitabit de me? nullo penitus modo. Cogitet is, & dicat quidquid velit, modō me absolverit à meis peccatis, & ego quod debui fecerim, sufficit, sicuti & post confessionem non est tempus se examinandi & dispiciendi an totum dixerimus, quod fecimus; sed tempus tunc est circumspiciē nos habendi in tranquillitate animi coram Domino, quo cum sumus reconciliatā, sicut & gratias agendi pro acceptis ab eo beneficijs,

neficijs, omisâ non necessariâ indagatione rei alicuius, quam fortè oblivioni tradidimus; eodem modo agendum est post redditam rationē conscientiz. Dicendum est simpliciter quid nobis occurrit, & postea omnis ea de re deponēda cogitatio est. Sed quemadmodum gravis error committi posset eundo ad confessionē faciendam non præmisso diligenti examine & hoc ideò, quia timuimus; ne aliquid occurreret confitendum, in quo magno pudore afficeremur: ita non est negligēda accurata & intiniā sui ipsius inquisitio ante reddendam rationem conscientiz ex timore, ne incidat res aliqua dicenda, quam non libenter diceremus. Non oportet etiam esse nimium accuratam, & sollicitā, ne quid dicendum excidat: neque etiam probò nimis acceleratum, ne dicam importunum ad superiores recursum ob nimium dolorem, vel difficultatem, quam haberes, & fortasse intra horæ quadrantem cessaret. Oportet addiscere aliquid generosè pati, & maximè minutulas res, quibus non possumus pro libitu adferre remedium, cū sint plerumque productiones imperfectæ nostræ naturæ, uti sunt v. g. inconstantiz quædam humorum, ex ratione nativi temperamenti; voluntatum, desideriorum, quæ modò producunt morositatem, modò loquendi desiderium, & statim pòst simul repente magnam ab ijs ipsis  
aver-



aversionem. Omitto cætera hujusmodi, quibus sumus subiecti, & erimus quamdiu in hac vita fragili ac transitoria vivemus.

Quod autem attinet ad difficultatem, quam dicitis vos habere, ab eaque vobis eripi modum, quo minus attentè vos habeatis coram Deo, nisi illicò rem referatis ad Superiorem. Vobis dico notandum esse quòd vobis forrasse non tollat attentionem ad Dei præsentiam, sed potius svavitatem illius attentionis.

Porrò, si aliud non obstat, & vos habeatis (ut mihi dicitis vos habere) voluntatem sufferendi & patiendi, nullo forinsecus conquisto solatio, dico vos bene agere hoc faciendo; quamvis non nihil inquietudinis ea res secum ferat: dummodò tamen non sit ea nimis magni momenti, quæ tunc verè esset, si impediret conjunctionem cum Deo: & tunc illo ipso momento deferenda esset ad Superiorem, non quidem propter vestrum solatium; sed ut pristinum locum inveniatis in præsentia divina Majestatis; quanquam nec multum obesset id etiam facere ad accipiendam aliquam consolationem.

Cæterùm non oportet nostras Sorores sic affixas esse amicabiliori & officiosiori Superioris allocutioni; ut à tempore, quo minus eis ad libitum ea loquitur, statim concludant se ab ea non amari. Non certè: Sorores enim nostræ

longè altiori humilitatis & mortificationis gradu ascenderunt in amorem, quàm ut polihac levi susceptione fiant melancholicæ (& hoc fortassis absque fundamento) quòd à proprio amore persuasum eis sit, minus se amari, quàm desiderarent.

At (inquit vestrum aliqua) commisi aliquid contra Superiorem, ac ideò ingredior nescio quos apprehensionum Labyrinthos credens eam mihi offensam: & ut verbo dicam, ne non sim eo apud eam loco, quo eram antè. Respondeo charæ Sorores, omnes isti admirationis & tristitiæ effectus fiunt mandato cujusdam Patris spiritalis, qui nuncupatur amor proprius, cujus hæc est vox: *quid hoc est quod ita in istos errores prolapsa sim, & quid dicet vel cogitabit Mater nostra de me? Eheu! nihil amplius de me boni sperandum est, sum misera & miserabilis, nil unquam amplius quicquam prestare potero, quod placeat Matri nostræ.* Hæc hisq; similes sunt amoris proprii querimonie & lamentationes. Non dicitur, ô Deus, te offendi, ideò oportet me recurrere ad tuam bonitatem, & sperare, quod me sis roboraturus: dicitur, autem, scio quidem Deum esse bonum, proinde non respiciet meam infidelitatem; optimè cognoscit nostram infirmitatem; sed NOSTRA MATER. Viden', ut semper redimus ad continuandas nostras querelas? Nô nego, danda est opera,

ut nostris placeamus Superioribus : nam Magnus Apostolus Paulus id declarat, & ad hoc hortatur, loquens servis etiam Ethnicorum Dominorum 6. ad Ephes: quod etiam peroptimè quadrat filiis & filiabus : *Servi obedite dominis carnalibus cum timore & tremore in simplicitate cordis vestri, sicut Christo : non ad oculum servientes, quasi hominibus placentes, sed ut servi Christi, facientes Dei voluntatem ex animo.* Si sic agamus, non est quod nos affligamus, neque nimis solliciti simus, ut semper hominibus satisfaciamus : nam id communiter in nostra non est potestate. Optimo autem quo possumus modo agamus, ne cuipiam offensionem simus. At post hæc si pro innata vobis infirmitate contingat, vos adhuc subinde offendere, recurrere continuo ad doctrinam, quam sæpe vobis inculcavi, & quam tantopere cupio animis vestris insculptam esse ; humiliare vos è vestigio *sub potenti manu Dei*, recognoscentes vestram fragilitatem & debilitatem, & deinde reparare officij prætermissionem (si illa meretur) per actum humilitatis adversus personam, quæ ne aliquantulum à vobis sit offensa, timetis. Et hoc facto, nil amplius turbemini. Nam pater noster spiritualis, qui est amor Dei, id prohibet, docendo nos, ut postquam, uti dixi, actum humilitatis exercuerimus, nos ipsos intremus, vultuque ac verbis commiter ac benevolè hanc felicem abjectionem, &




simul amabilem matris reprehensionem, quam ob neglectum officium promeriti sumus, excipiamus.

Habemus duos amores, duo judicia, & duas voluntates: ideoque quidquid amor proprius, quidquid iudicium particulare, vel propria voluntas nobis suggerunt, nihil faciamus; dummodo efficiamus ut Dei amor super amorem proprium regnet; & iudicium Superiorum, quin & inferiorum & æqualium nostro prædominetur, illud revocando ad suum modulū. Nec satis nobis debet esse, quòd nostram subijciamus voluntatem, efficiendo, ut ad omnia simus prompti & parati; sed etiam ita sub jugum iudicium mittamus, ad credendum nullam nos habere rationem, quā iustum & rationabile non iudicemus id, quod statutum est, denegantes absolute fidem rationibus, quas vellet adferre ad inducendos nos, ut credamus rem nobis commendatam aliter melius successuram, quàm eo modo, quo nobis commissæ est. Oportet nos cum simplicitate semel rationes adferre, quæ bonæ nobis videntur, sed postea acquiescere absque ulla contradictione rei nobis demandatæ. Et hoc modo jugulabimus nostrum iudicium, quod sapientius & prudentius se omnib<sup>9</sup> alijs existimat. Veneranda Mater, Deus sit benedictus, ita Sorores posthac decreverunt amare mortificationem-

tionem, vt jucundissimum & gratissimum futurum sit eas eo in genere sese exercentes videre: consolatio posthac comparata afflictioni, mentis siccitati, ariditati & remoris seu renibus quibuscunque, nullo eis erit loco: ita desiderant se efficere similes sponso! Adjuva ergo eas, ò Mater, in tam salutari suo cœpto, eas liberè, & audacter mortificando, nullique parcendo; hoc enim illæ ardentibus animis experunt, dum amplius nolunt adhærere svaibus blanditijs; id siquidem contrarium est generositati pietatis ac devotionis earum; Quo fiet, vt posthac ita seriò, & absolutè sese applicaturæ sint desiderio placendi Deo, aliud ut nihil habituræ sint in pretio, nisi illud faciat ad promovendum profectum earum desiderij.

Signum est & nota satis aperta animæ plus æquo delicatæ & mollioris devotionis, sinere se trahi & abstrahi à recto ab obvijs quibusque occasionibus contradictionum. at jam omnis ponendus timor, ajunt ipsæ Sorores: nolite timere ne stoliditates quædam ac fatuitates morosi, melancholici, ac phlegmatici ingenij regnent unquam amplius inter nos: magis sumus animatæ, Deo sint laudes, quàm ut tale quid ignavum committamus. Applicabimus posthac nos ad taliter vivendum, ut jucundissimum futurum sit nostram conversationem contemplari.

Interim, Charæ filiæ, purificemus, quàm optime valemus, nostram intentionem, faciendo omnia propter Deum, propter ejus honorem, & gloriam, ab eo solo expectantes navatæ operæ mercedem: ejus amor in hac vita erit nostra remuneratio, ille idem in altera compensatio in omnem æternitatem.



VIVAT IESVS.

COLLOCVTIO XV.

*In qua quæritur in quo consistat perfecta resolutio respiciendi & sequendi voluntatem Dei in rebus omnibus; & utrum eam invenire & sequi possimus in voluntatibus Superiorum, æqualium vel inferiorum, quos videmus procedere ex suis inclinationibus naturalibus? & de quibusdam punctis notatu dignis, concernentibus Confessores, & Prædicatores.*



Ciendum est quod Resolutio sequendi voluntatem Dei in rebus omnibus, sine exceptione, contineatur



tur in oratione Dominica his verbis, quæ quoti-  
die efferimus : FIAT VOLUNTAS TUA SICUT IN  
CÆLO, ITA ET IN TERRA. Voluntas Dei in cælo  
nullum habet renisum : omnia siquidem ibi se ei  
subijciunt & obtemperant ; nos autem hic exi-  
stentes in tetrīs optamus, ut sic nobis eveniat,  
supplicesque à domino poscimus sic fieri, quo  
nunquam aliquem renixum inferamus, sed sem-  
per & in omnibus occasionibus divinæ ejus vo-  
luntati subiecti & obedientes maneamus. At a-  
nimæ, quæ ad hoc se resolverunt, necesse habent  
illustrari & doceri, in quo possint cognoscere  
hanc Dei voluntatem.

De hac illustratione & doctrina licet clarissi-  
mè locutus sim libro de Amore Dei ; nihilomi-  
nus non gravabor petitioni, quam mihi fecistis,  
adhuc aliqua dicendo satisfacere.

Voluntas Dei duobus modis potest intelligi &  
accipi, est in Deo voluntas signi & beneplaciti :  
voluntas signi, sive significata in quatuor partes  
distinguitur : prima continetur in præceptis Dei  
& Ecclesiæ : secunda in consilijs : tertia in inspi-  
rationibus : quarta in Regulis & constitutioni-  
bus. Præceptis Dei & Ecclesiæ omnes & singuli  
debent obedire, quia est voluntas Dei absoluta,  
quæ vult in hoc nos esse obedientes, si salvi esse  
velimus ; vult etiam, ut sua consilia observemus,  
non quidem voluntate absolutâ ; sed solummodo

per modum desiderij. Et hinc est, quòd non perdamus charitatem, neque nos separemus à Deo, sitam excelsò non finis animò, ut complectamur observationem consiliorum, quorum omnium praxim seu observationem complecti velle ne quidem debemus; sed tantummodò quæ conformia sunt nostræ vocationi. Sunt enim nonnulla sic inter se opposita, ut non possit praxis seu exercitium unius suscipi, quin tollatur medium exercendi alterum. Exempli causâ, consilium est de omnibus relinquendis, & nudum Christum in omnibus sequi; est & consilium de dando mutuo, & de eleemosyna facienda; dicitò mihi, is, qui vna vice & actu relinquit omnia, quæ habuit & habere potuit, quid potest dare mutuum, aut de quo eleemosynam largiri? Oportet igitur sequi ea consilia, quæ Deus vult nos sequi, & non credere omnia dedisse, vt omnia complectamur.

Porro consilia, quæ Deus vult nos exercere, & complecti, sunt ea, quæ comprehensa sunt in nostris Regulis. Diximus insuper Deum nobis significasse suam voluntatem per inspirationes, & verum est: non ideò tamen vult nos esse Iudices quòd ea, quæ inspirata sunt, verè proficiuntur ab ipsius voluntate; non vult etiam ullo modo, suas vt inspirationes perperam & sine iudicio sequamur; neque etiam vt expectemus quate-

nus ipsemet voluntates suas nobis manifestet, vel Angelos mittat, ut eas nos edoceant. Sed ejus est voluntas, ut in rebus dubijs & momenti alicujus recurramus ad eos, quos nobis constituit viæ duces, vultque eorum omnino stemus consilio & opinione in ijs, quæ respiciunt perfectionem animarum nostrarum.

Ecce qualiter Deus nobis manifestet suas voluntates, quas nos vocamus voluntatem signi, sive significatam. Restat voluntas *BENEPLACITI* divini, quam respicere debemus in omnibus eventis, volo dicere, in omni eo, quod nobis evenit, in adversa valetudine, in morte, in afflictione, in consolatione, in rebus adversis, & prosperis; breviter, in omnibus rebus, quæ à nobis non sunt prævisæ. & huic Dei voluntati debemus nos semper promptè submittere in omni occurrente occasione: in rebus ingratis, æquè ac gratis, in morte sicut in vita; tandem in omni eo, quod manifestè non est contra voluntatem Dei significatam; hæc enim præcedit. Atque ita respondimus secundæ parti petitionis.

Quod ut melius intelligatis, referam id, quod hisce præteritis diebus legi in vita Magni sancti Anselmi: ubi dicitur, quod durante toto tempore sui Prioratûs & Abbatix sui Monasterij, fuerit in omnium amoribus: eò quod admodum fuerit facilis ad conformandum se voluntati al-



terius, sinens se ad omnium voluntatem flecti, & non solum Religiosorum, sed etiam secularium: si unus quispiam ei dicebat: mi Pater, Reverentia Vestra deberet sumere parum iusculi, ille accipiebat; si diceret alter, Pater, hoc tibi oberit; quantocytus sumere omittebat. Atque ita se submittebat in omni eo, in quo non offendeatur Deus, voluntati suorum fratrum, qui dubio procul sequebantur propriam suam inclinationem; sed quod & plus est, in particulari secularium, qui ad libitum eum ducebant.

Porro facilitas & obsequiosa concessio in alienam voluntatem huius sancti, non probabatur ab omnibus, non obstante quod amaretur ab omnibus. Vnde die aliquo de fratribus ejus quipiam volentes ei ostendere, id non bene fieri, juxta eorum judicium, dixerunt non debere eum esse tam facilem & primum ad descendendum in cujusvis voluntatem; sed flectere eos qui sub ejus cura sunt, juxta suam voluntatem.

O filioli mei! (dixit Magnus iste sanctus) nescitis fortasse, quâ intentione id faciam. Scitote ergo me memoriâ voluere, & tenere quod Christus Dominus mandârit, ut id quod vellemus nobis fieri, alijs faciamus: parcite, secus non possum agere. Vellem enim Deum subinde facere meam voluntatem; ideoque libenter facio fratrum, & proximorum meorum, ut Deus

ali-

aliquando dignetur facere meam. Adde, me etiam considerare, quod post id quod spectat ad voluntatem Dei significatam, non possum melius nec securius cognoscere voluntatem ejus beneplaciti, quam per vocem mei proximi: Deus enim mihi non loquitur, neque ad me mittit Angelos, qui declarent ejus beneplacitum Lapidēs, animantes, plantæ non loquuntur; nequeo igitur per alium, quam per hominem percipere clarā Dei mei voluntatem: & ideo quantum possum isti me applico. Deus mandat mihi charitatem erga proximum; est autem magna charitas conservare omnes ad invicem in unione & conjunctione animorum: ad hoc meliorem non invenio modum, quam si sim suavis & humilis erga omnes; suavis autem illa & humilis concessio in alienam voluntatem, debet semper & omnibus actionibus præcellere.

Verumenimverò caput meæ considerationis est, credere Deum mihi manifestare suas voluntates, per fratrum meorum voluntatem, ac proinde obedio Deo quotiescunque conformo me eis in re aliqua minimè mala. Præter hæc, nonne Christus dixit nos, nisi efficiamur sicut parvulus, non intraturos in regnum cælorum?

Nolite igitur mirari, si sim suavis & facilis ad jungendam meam voluntatem alterius voluntati ad instar alicujus infantis; siquidem in eo  
nihil

nihil ago præter id, quod mihi præscriptum est per Salvatorem. Parum refert an cubem, an verò stem erectus, eam illuc, vel maneam hic; at obesset haud modicum si me non submitterem proximo. Videtis certè charæ Sorores, ut se submittat magnus Anselmus in omni eo quod non est contra mandata Dei, vel sanctæ Ecclesiæ, vel etiam contra regulas; horum enim observantia semper suum tenet primatum. Non puto eum, si requisitus fuisset ut aliquid contra hæc faceret, facturum fuisse. Sed quid dico puto? nullo modo fecisset; cæterùm regulæ ejus generalis erat, in rebus indifferentibus conformare se in omnibus omnino.

Gloriosus sanctus Apostolus Paulus, postquam dixerat, quòd *nihil se separare posset à charitate Dei*, in specie dicit sequentia: *neq; mors, neq; vita neq; Angeli, neq; Infernus*, esto insurgeret contra ipsum totus, posset separare à charitate Dei, quæ est in Christo Iesu Domino nostro, nihil, inquit, melius scio, quàm ut *omnibus omnia fiam*, rideam cum ridentibus, fleam cum flentibus, tandem sim unus cum unoquoque. Sancto Pachomio facienti quodam die mattas, dixit puer quidam, eum contemplanus: mi Pater, non hoc quo facis, sed quo tibi ostendam matta facienda est modo. Magnus hic sanctus, esto bene suas mattas conficeret, subitò tamen surrexit, & ponens se juxta puerum,

ejus



eius modum addiscere non duxit pudori. Adfuit illi unus è suis Religiosis, qui dixit illi : Pater mi, duo mala committis accommodando te voluntati istius pueri : eum enim exponis periculo habendę vanitatis, & tuas destruis mattas, quia meliores erant eo modo, quo eas construebas. Cui bonus Pater respondit, mi frater, si contingat puerum habere vanitatem, fortè pro mercede adijcietur mihi humilitas : & ubi mihi adjecta fuerit, partem aliquam puero potero elargiri. Parum etiam interest hoc modo, an alio facere, sic juncos trajcere, vel aliter. Verùm multùm interesset, si in promptu non haberemus tam celebrem vocem Salvatoris : *nisi efficiamini sicut parvuli, non habebitis partem in regno Patris mei.*

O quàm magnum bonum est, Charę Sorores, esse nos faciles & flexibiles omnem in partem ! Porro, non solum sancti praxim hanc submittendi nostram voluntatem docuerunt, sed etiam ipsemet Dominus, tum exemplo, tum verbo præivit : verbo quidem ; consilium enim de abnegatione sui ipsius quid aliud continet quàm renunciationem proprię voluntatis, quacunque data occasione, & judicij particularis, ad sequendam voluntatem alterius, & se submittendum omnibus, excepto semper eo, quo Deus offendi posset ?

Sed dicer vestrum aliqua : clarè video, quòd id,

id, quod jubeor facere, procedit ex voluntate humana, & inclinatione naturali: ideoq; Deus neque Matri meæ spiritali, neque sorori inspiravit, ut mihi rem talem imponerent. Respondedo, fieri potest, ut Deus harum nulli hoc inspirarit, sed tamen tibi vt faceres inspiravit, & dum tuo dees officio, agis contra determinationem faciendi Dei voluntatem in omnibus, & ex consequenti negligis curam, quam habere debes de tua perfectione. Oportet igitur se semper submittere ad faciendum quicquid statuitur de nobis, ad Dei voluntatem perficiendam, dummodo, quod semper dictum volo in similibus, non sit contrarium ipsius Dei voluntati, quam nobis modo supra dicto significavit.

Porro, ut dicam verbum unum de voluntate creaturarum; ea accipi à nobis potest tribus modis, 1. per modum afflictionis, 2. complacentiæ, 3. sine proposito, vel extra propositum. Quod ad 1. attinet, oportet esse fortem ad complectendum libenter istas voluntates, quæ admodum contrariæ sunt nostræ illi, quæ noller ulla in re sibi contradici; interim tamen ordinariè multum patiendum est in praxi, sequendo voluntates aliorum, quæ sunt ut plurimum toto cælo differentes à nostra. Oportet igitur per modum tolerantia recipere executionem talium voluntatū, & uti contradictionibus quotidianis

dianis ad nos mortificandos, eas acceptando cum amore & suavitate per modum complacentiæ. Et tunc opus non est exhortatione, ut eas sequamur, quia perquam libenter obedimus in rebus quæ nobis gratæ sunt, & complacent, quin imò voluntatibus hujusmodi obviam currimus ad offerendam eis nostram submissionem. Non est hæc voluntas ex genere earum, de quibus quæritur an oporteat ijs se submittere? nihil enim ea de re dubitatur; sed de eis quæritur, quæ sunt extra propositum, & quarum non cognoscimus rationem, quare hoc petatur à nobis; Hic, hic est difficultas rei. Nam quare potius faciam voluntatem sororis meæ, quàm meam? Nonne etiam mea tam conformis est divinæ in hac levī occasione, quàm ipsius? Quare debeo credere id, quod vult me facere potius esse inspirationem Dei, quàm voluntatem, quæ mihi incidit ad faciendam rem aliam?

O Deus! Charæ Sororés, hic, hic est ubi divina Majestas vult nos referre trophæa submissionis: nam si clarè semper conspicimus causam ejus, quod nobis mandatur, vel rei, quam facere rogamur, certè illam faciendo neque magnum meritum, neque magnam repugnantiam, neque contradictionem habebimus; quia dubio procul, toto corde acquiesceremus: verùm quando causæ latent, tunc voluntas imperium detrectat,  
& ju-



& iudicium recalcitrat, & contradictionem non mediocrem sentimus.

Porro, in his occasionibus oportet se generose vincere, & simplicitate plus quam infantili rem aggredi, sine discursu, sine notitiæ causa, & hæc apud se dicere: optimè scio Deum velle, ut proximi mei voluntatem potius faciam, quam meam: ideoque applico me labori, & difficultatem rei faciendæ contemno, non respiciens an sit Dei voluntas, ut me submittam ad exequendum id, quod procedit ex passione & naturali inclinatione, an certè ab inspiratione vel motu alicujus rationis: oportet enim in istis minutulis rebus ambulare simpliciter.

Ad quod enim, amabò, propositum esset instituire unius horæ meditationem, ad cognoscendum an Dei sit voluntas ut bibam, quando rogor, vel pœnitentiæ, aut sobrietatis gratiâ, abstineam? Et sic de similibus minutulis rebus, quæ non merentur considerationem; præsertim autem si video futurum, ut gratificer aliquantulum proximo, id faciendo, quod à me petit? In rebus autem majoris momenti etiam non est perdendum tempus, multum eas considerando: sed accedendi sunt Superiores, ut cognoscamus quid nobis faciendum sit, & post hæc, nihil ultra cogitemus, multò verò minus dubitemus, sed inhæreamus, & absolutè stemus eorum opinioni,

liqui-

liquidem eos nobis dedit Deus, ut animas nostras deducant ad perfectionem sui amoris.

Quod si oporteat se sic conformare voluntati cujusque, quanto magis Superiorum, quos habere & respicere debemus inter nos tanquam ipsiusmet Dei personam; sunt enim ejus Vicarij. Vnde, esto cognosceremus eos laborare inclinationibus naturalibus, quin & passionibus, à quibus moti mandarent subinde aliqua, vel reprehenderent errores suorum subditorum, nullo tamen modo oporteret mirari: sunt enim homines vt alij, ac proinde subje&ti ad habendas & sequendas inclinationes & passiones. Verùm minimè nobis licitum est ferre judicium an id, quod mandant ex passione, aut inclinatione naturali proficiscatur. Et certè res est omni studio evitanda: nihilominus si nosceremus, imò & palparemus, id inde proficisci, non oporteret ideò recedere ab obedientia, sed eam suaviter & amabiliter præstare, quin & submittere se magnæ cum humilitate eorum correctioni.

Est equidem, non nego, res non parum dura amorì proprio, omnibus in occasionibus, quæ occurrunt, se subijcere, sed ille amor non est talis, cui debeamus satisfacere, aut aures præbere; sed solummodò sanctissimo amorì animarum nostrarum Sponsi IESV, qui à charis suis sponsis poscit sanctam imitationem perfectæ obedi-

tia, quam exhibuit, non solum iustissimæ & optimæ sui Patris voluntati; sed etiam suis parentibus, & quod plus est, suis inimicis, qui sine dubio secuti sunt suas passiones in tormentis ei inferendis: & interim bonus IESVS non intermisit, suaviter, humiliter, quin & amorosè ijs se submittere, & hinc clarè satis videbimus, quòd vox Christi, quâ iubet nos accipere suam crucem, intelligi debeat de recipiendis toto cordis affectu contradictionibus, quæ nullis non occasionibus nobis eveniunt per sanctam obedientiam, quamvis eæ sint leves & exigui momenti.

Adfero vobis adhuc unum admirabile exemplum, ex quo comprehendere poteritis valorem, & pretium minutarum huiusmodi crucum, id est de obedientia, de voluntaria submissione ac de facilitate ad sequendam uniuscujusque voluntatem; sed in specie Superiorum. In quo Monasterio sancta Gertrudis facta est Religiosa, erat Superior, quæ probè nôrat Beatam hanc sanctam esse debilis & delicatæ complexionis; & ideò eam tractabat delicatius cæteris Religiosis, non sinens eam subire austeritates, quæ fieri consueverant in illa Religione. Quid putas ergo bonam hanc Puellam fecisse, ut fieret sancta? Aliud nihil, quàm se simpliciter submittere voluntati Venerabilis Matris: & quamvis fervor eam urgeret ad desiderandum ea facere, quæ  
aliæ



aliæ faciebant, nunquam tamen quidquam dixit. Quando enim ei mandabatur, ut cubitum iret, ibat illa simpliciter, nihil adferens in oppositum: nec ignorabat, imò certa erat æquè bene se fruturam præsentia Christi sui Sponsi in lecto existentem, jubente obedientia, atque si fuisset in choro cum suis sororibus & sociabus. Et ad perhibendum testimonium magnæ pacis & tranquillitatis spiritûs, quam acquisivit in praxi ista, Dominus revelavit sanctæ Melthidæ ejus sociæ, dicens: si quis vult me invenire in vita hac, quærat me oportet, primò in sacratissimo altaris Sacramento, & deinde in corde sanctæ Gertrudis.

Nec id oportet mirari: quia sacer Sponsus in Canticis Canticorum, cap. 1. docet locum, *quo cubat esse in meridie*. Vbi nota, eum non quiescere in matutino, vel Vespertino tempore, sed in meridie; quia tunc nulla, vel perexigua est umbra. Cor autem hujus sanctæ Virginis verus erat meridies, in quo neque umbra scrupulorum, neque propria voluntas erat: ideoque ejus anima plenè fruebatur suo Dilecto, cujus deliciæ in illa erant. Tandem obedientia est sal, qui actionibus nostris omnibus tribuit gustum, & saporem, easque efficit meritorias vitæ æternæ.

Animus est adhuc paucula quædam hodie dicere de confessione.

I. vellent magnum honorem & reverentiam deferri Confessarijs : nam (præterquam quod multum simus obligati ad honorandum sacerdotium) eos non aliter respicere debemus, quam Angelos, quos Deus nobis mittit, ut nos cum divina sua bonitate reconcilient. Et non solum hoc, sed etiam habendi sunt ut locum Dei in terra tenentis. Et ideo, licet humanitus aliquando ijs evenire posset, ut imperfectiones aliquas committerent : ut, exempli causâ, si examinarent aliquid curiosius, quam sacramentalis confessio posceret ; verbi gratiâ si quæreretur scire vestra nomina, an pœnitentias faciatis, virtutes exerceatis, & quales eæ essent ; an habeatis aliquas tentationes, & similia : vellem respondere juxta id, quod interrogant, esto nulla sit ad hoc obligatio : non enim eis dicendum est, vobis non licere aliud dicere præter id, de quo vos accusastis. O non ! non certè unquam dandum est tale responsum : quia non est verum ; potestis enim dicere quidquid vultis in confessione, modo non loquamini aliud, quam quod ad vos particulariter spectat, non autem quod concernit generatim vestras Sorores. Quod si vereamini dicere aliquid de eo, quod interrogant, timentes ne vos, nescio quibus perplexis negotijs implicetis : ut esset dicere, vos habere tentationes : si timeatis dicere eo modo, quo

vel-

vellent scire minutim, respondere poteritis: habeo, mi Pater, sed gratiâ Dei, non puto me offendisse divinam ejus bonitatem. Nunquam autem dicatis vobis prohibitum esse, ne hoc vel illud confiteamini. Bonâ proinde fide dicite vestro Confessario quidquid angit vestram conscientiam, si vultis. Verum, iteratò vobis dico, diligenter cavetote, ne loquamini de tertio, vel quarto.

II. habemus aliquam reciprocam obligationem cum Confessarijs in actu confessionis, ut secreto servemus, quod ab ijs nobis dictum est, nisi tamen esset bonæ ædificationis; extra hoc autem nihil dici debet. Si contingat vobis ab ijs dari aliquod consilium contra vestras regulas, & contra vestrum modum vivendi, cum humilitate & reverentia eos audite, & postea quod vestræ regulæ exigunt & permittunt, & non aliud, faciatis. Confessarij enim non semper vos obligant sub peccato in eo, quod vobis dicunt. Vnde accipienda sunt eorum consilia per modum simplicis directionis: interim magni facitote, quidquid in confessione vobis dixerint: vix enim potestis imaginari, quantum boni in hoc sacramento percipiant animæ, quæ ad illud accedunt debita cum humilitate, & accurata præparatione.

Si vobis dare velint pro pœnitentia quid-

piam,



piam, quod esset contra Regulam, rogare humiliter, velint eam pœnitentiam mutare in aliam; cum enim id sit contra regulam, dicite vos timere, ne Sorores offendantur, si illam faciatis. Cæterum, nunquam murmurandum est contra Confessarium. Si ejus culpâ vobis aliquid accideret in confessione, poteritis simpliciter, & humiliter dicere Superiori, cupere vos, si illi placeret, alicui alteri confiteri, nihil aliud addendo. Sic enim faciendo non detegeritis imperfectionem Confessarij, & etiam habebitis commoditatem confitendi ad vestrum libitum. Sed hoc facit & leviter, & sine sufficienti causa, fieri non debet. Evitanda sunt extrema, proinde uti non convenit, nec rationi est consonum tolerare culpas notabiles in confessione, ita nemo debet esse tam delicatus, ut nequeat aliquos parvulos errores sufferre.

III. perquam cuperem hujus loci Sorores magnam adhibere curam, ut in particulari, & singulatim; non autem in genere tantum peccata sua in confessione enunciarent: volo dicere, quod quæ nihil notârunt, quod dignum sit absolutione, dicerent peccatum aliquod particulare: dicere enim, accuso me quod habuerim complures motus cholerae, tristitia, & sic de alijs, hoc non est ad propositum: cholera enim & tristitia sunt passionēs, & eorum motus non sunt peccata,

cata, siquidem non est in nostra potestate impedire, quò minus veniant. Cholera debet esse inordinata, & nos transferre ad actiones turbulentas, ut sit peccatum. Oportet igitur enucleatè & distinctè dicere rem aliquam, quæ sit peccatum.

Vellem insuper quàm maximam adhiberi curam, ut essemus veraces, simplices, & quàm maximè ad charitatem propensi in confessione, (verax & simplex una eademque res est) dicendo clarissimè nostra peccata & culpas, sine fūco, & sine artificio, assumendo seriam cogitationem, quòd tunc cum Deo loquamur, quem nihil omnino potest latere: propensæ autem eritis ad charitatem, si nullo modo immisceatis proximum in vestra confessione: exempli causâ, si confitendum sit, vos intra vos ipsas, vel cum Sororibus murmurasse contra Superiorem, eò quòd nimis siccè vobis locuta sit: cavete ne dicatis vos murmurasse contra correctionem nimis severam, quam vobis illa fecit: *sed solum & simpliciter vos murmurasse contra Superiorem, dicendo tantummodo malum, quod vos patrâstis, & non causam mali patrati; Sed neq, id quod vos impulit ad peccandum, unquam, neq, directè, neq, indirectè, detegatis malum ab alijs commissum, accusate vestrum; neq, etiam prabeatis causam Confessario suspicandi, quis sit; qui dederit vobis occasionem peccandi.*


Ne adferatis etiam aliquas inutiles accusationes in confessione. Si habuistis cogitationes imperfectionis contra proximum, cogitationes vanas, quin & peiores: si habuistis insuper distractiones in vestris orationibus: si deliberatè eis inhæsitis & eas fovistis, dicite hoc ipsum bona fide, nec vobis sit satis dicere, quod non adhibueritis satis curæ & studij, ut vos collectæ essetis durante tempore orationis; verùm, si negligentes fuistis in reiiciendo vnam aliquam distractionem hoc dicite, nam accusationes illæ generales nihil valent in confessione.

Cupio insuper, Charissimæ filiæ, ut in domo hac magnus honor deferatur ijs, qui vobis annunciant verbum Dei. Magna profectò est obligatio hoc faciendi: videntur enim esse Angeli cœlestes missi à Deo ad vos docendos viam salutis: & ut tales haberi debent, & non ut simplices nescio qui homunciones; nam licet non loquantur tam bene & tam disertè vt homines cœlestes, non oportet tamen quidquam detrudere de humilitate & reverentia, quæ sunt virtutes, quibuscum recipere debemus verbum Dei, quod semper idem est, tam purum, tam sanctum, quàm si dictum & annunciatum esset per Angelos.

Animadverto quòd, quando alicui scribo malâ chartâ, & consequenter malis characteribus, mihi tanta cum affectione gratias agit, quàm  
quan-



quando ei scribo meliori papyro, & elegantiori-  
bus formis. Et quare hoc? nisi quia non attendit  
ad papyrū (quæ non ita est bona) neq; ad chara-  
cteres (qui mali sunt) at solummodò mei sibi scri-  
bentis habet respectum. Eodem modo agendum  
est cum ijs, qui nobis prædicant verbum Dei: non  
enim tam sunt illi respiciendi, qui nobis illud ad-  
ferunt, vel declarant; quàm quòd ij sint, quibus  
Deus vitur prædicatoribus ad nos illud edocen-  
dum. Et siquidem videmus eos apud Deum eo  
honoris loco esse, ut eis per os suum loquatur,  
quomodò poterimus nos in ijs non honorare  
ejus personam?



# VIVAT IESVS.

## COLLOCVTIO XVI.

*In qua agitur de aversionibus, de reci-  
piendis libris, qui legendi ad usum nobis dantur à  
Superioribus; & quòd non oporteat mirari viden-  
do imperfectiones in utriusq; sexus Religiosis,  
& ne in Superioribus quidem.*



Rima quæstio, quid sunt averfiones? Sunt certæ quædam inclinationes, quæ subinde sunt naturales, quæ & in nobis creant fastidium aliquod, dum primo intuitu, vel adventu eorum, adversus quos eas habemus, impedit, quò minùs amemus eorum conversationem; intendo dicere, quòd nullam ex eis complacentiam capiamus; ut capimus in eorum, erga quos suavem habemus inclinationem, quæ facit ut eos amore sensibili amemus, quia intercedit consensio quædam & convenientia naturalis inter nostrum, & illorum ingenium.

Porro ad ostendendum esse naturale, quòd aliqui ament aliquos per inclinationem, & non alios, experientia docet, quòd si duo quipiam homines intrent Sphæristerium, verbi gratiâ, in quo duo alij ludant pilâ palmariâ, primo ingressu ij, qui advenerunt, habent aliquam inclinationem, ut ludentium unus lucretur potius, quàm alter. Et vnde venit hoc? siquidem nunquam se viderunt ad invicem, neque de ijs unquam audiverunt misceri sermones; multo què minus sciunt an unus magis sit virtutum studiosus, quàm alter. Vnde, cum nulla suppetat ratio, ut magis afficiantur erga unum, quàm erga alterum, oportet fateri inclinationem illam inditam ad amandos potius hos, quàm alios, esse natura-

ruralem. Quin & in bestiis ipsis advertitur, quæ cum non habeant rationem, habent tamen aversionem & inclinationem naturaliter sibi inditam. Fac experientiam in quopiam agnello, qui modò projectus est à matre, ostende illi pellem lupi (non obstante quòd mortuus sit) statim incipit fugere, balare, & abscondere se sub matre; eadem ostendito equum (qui est longè major & crassior bestia) nihil omnino timebit, sed incipiet cum illo ludere: hujus rei ratio non est alia, nisi quòd innata sit illi quædam naturalis consensio cum uno, & aversio cum altero.

Hæ autem naturales aversiones non magni sunt faciendæ, sicut nec inclinationes, dummodò eas omnes subijciamus rationi. Habeo, dices, aversionem conversandi cum uno quopiam, quem probè scio egregium esse cultorem virtutum, & posse me conversantem cum illo multum progredi in via spiritali, quid consilij? Respondeo hoc in casu non oportere te tuam sequi aversionem, quâ male induceris ad evitandum ejus congressum: sed omnino debes subijcere istam inclinationem rationi, quâ inducaris ad expetendam & querendam ejus conversationem, vel minimum constituere & ponere te debes in spiritu pacis, & tranquillitatis, quando contingit te incidere in hujusmodi homines. Sed sunt nonnulli, qui ita timent habere aversionem



ab ijs, quos aliàs per inclinationem amant, ut eorum fugiant conversationem, timentes ne intercurrat quispiam error, vel officij prætermissio, quæ svavitatem eorum affectionis & amicitiae tollat.

Quid remedij contra has aversiones, siquidem nemo ab ijs eximitur, sit quantum velit perfectus? Qui naturâ sunt asperiori, habebunt aversionem ab eis, qui erunt svaviori, & æstimabunt svavitatem illam esse molliem æquo majorem, licet qualitas svavitatis soleat universim esse in delicijs. Unicum remedium huic malo (sicut omnibus alijs tentationum generibus) est simplex diversio; dicere volo, de ea re abijciendam esse omnem cogitationem. Sed, ô malum! in hoc erramus, quòd nimis exactè velimus cognoscere, an innitatur rationi, necné, habendo aversionem ab aliquo? O! nunquam oportet inhærere huic indagationi: alioquin proprius noster amor, qui nunquam non vigilat, nobis pilulam deglutiendam bellè undique inauratam porriget, & nobis persvadebit esse peroptimam, saluberrimamq; , volo dicere, quòd nobis ostendet verum esse nos habere certas rationes, quæ dubio procul bonæ nobis videbuntur, & deinde ubi erunt approbatæ à proprio nostro iudicio, & ab amore similiter proprio, nullus amplius

erit

erit modus impediendi, quò minus eas justas & rationi consentaneas existimemus.

Quare, vehementer cautè agendum est, ne falsis opinionibus decipiamur; diutius aliquantulum me detinebo ea de re loquentem, quia res est magni momenti. Nunquam nobis adesse potest justa causa habendi aversionem ab aliquo, multò minus eam nutriendi & fovendi. Dico igitur hujusmodi simplices aversiones naturales, non multum esse curandas, sed ab ijs faciendam diversionem & pertranseundas, quasi ijs nihil subesset; quo facto etiam iudicium nostrum decipiemus. Oppugnandæ quidem eæ sunt & expugnandæ, quando animadvertitur, quòd improbitas indolis, vel innata nobis, vel contracta, vel etiam adscita usu & conversatione improborum, velit nos depellere à submissione, quam debemus rectæ rationi; quæ ratio nunquam permissura est, ut in favorem aversionum, sicut nec nostrarum inclinationum (quæ malæ sunt) aliquid faciamus, ne contingat, ijs favendo, Deum nos offendere. Verum quando aliud non agimus in gratiam aversionum, quàm quòd loquamur nonnihil minus ad placitum hujus, quàm loqueremur ad alterius, erga quem multum afficeremur, non est res magni momenti; adde quòd vix sit in nostra potestate aliter agere: Vnde nobis existentibus in commotione  
istius

istius passionis, injuria nobis fieret, si quid aliud exigeretur à nobis.

II. quæstio est, quid & qualiter agendum sit dum libri à Superioribus nobis legendi dantur. Ponamus à Superiore dari alicui è Sororibus librum, qui bene & exactè tractat de virtutibus; verùm quia illa, quæ accipit, librum non æstimat, consequenter non percipiet fructum ex ejus lectione; sed leget magno cum animi torpore. Et ratio est in promptu, quia jam scit exactè quid liber ille in se contineat, & optaret, sibi ut liceret alium legere. Negari non potest, imperfectio est velle eligere, quin vel desiderare alium præter eum, qui conceditur. Parum dico, quis non videt esse signum & indicium nos legere libros ad satisfaciendum potius nostræ curiositati, quàm ad melius progrediendum in via spirituali.

Si autem legimus ad capienda virtutum incrementa, & non ad nobis satisfaciendum, æquè lectio illius libri nobis satisfaciet, atque cujusvis alterius. Ut minimùm libenter & ex animo accipiemus omnes eos, quos nostra Superior dabit legendos: plus dico, asserens nos gaudium & voluptatem percepturos non legendo unquam nisi unum eundem librum, modò is sit bonus, & de Deo sanè loquatur; imò vel si solum in eo sit Dei nomen scriptum, dico nos fraviter acquieturos.



turos. Quia semper ea lectio & relectio pluribus vicibus facta, satis nobis, quod agamus, supereditur. Velle legere ad satisfaciendum nostræ curiositati, nota est non exigua, nobis adhuc multum deesse de spiritu solido, & non satis serio nos occupare benefaciendo & exercendo proximorum virtutum in huiusmodi parvis libellis. Præclare quidem loquuntur de humilitate & mortificatione, alijsq; virtutibus, sed minimè tunc, ut oporteret, exercentur, quando animo minus grato & hilari accipiuntur. Dicere autem, quia non afficior etga istum librum, nihil inde fructus decerpam: non est bona hæc consequentia; sicut & dicere, jam totum memoriâ teneo: non potero quidquam auxilij spiritualis cum legendo capere. Istud dicere, maxima est puerilitas. Datur tibi liber, quem totum memoria prope modum complexa es? Gratias agas Deo, quod eò facilius ejus doctrinam comprehendes. Si verò tibi datur aliquis, quem jam sæpius legendo percurristi, te humilies, & certò scias esse Deum, qui sic rem disposuit, ut plus te occupes faciendo, quàm addiscendo, & quod non didicisti legendo hætenus prima lectione, secundâ, & tertiâ addiscas, teque perficias. Verùm malum, unde hoc proficiscitur, est quod semper quaramus propriam nostram satisfactionem, & non majorem perfectionem nostri status, in quo Deus nos posuit.

Si

Si fortassis Superior habens rationem spiritalis tuæ infirmitatis, det tibi electionem inter plures libros, ut quem velis eligas, tunc poteris magna cum simplicitate eligere: extra hoc autem oportet omni tempore te humiliter submittere ejus ordinationi, sive ea sit ad tuum votum sive non; nunquam autem ostendere debes ullum doloris sensum, quem fors habere posses contrarium debitæ submissione.

III. Quæstio est an admirari debeamus videndo imperfectiones inter nos, etiam in Superioribus? Quod ad primam quæstionis partem attinet, dubio procul minimè debes admirari videndo aliquas in hac domo, sicut nec in alijs Religiosorum & Religiosarum domicilijs, quantumvis magnos progressus fecerint in perfectione: nunquam enim eò perfectionis devenies, quin assiduè hinc inde aliquas committas juxta id, in quo exergeris. Non est res momenti alicujus videre puellam Religiosam (cui, quod eam molestare posset, nihil exhibetur, vel quia exercitium, in quo versatur, est valde suave) nullos vel admodum paucos committere errores. Quando audio à dicentibus, *ecce Soror quæ nullam committit imperfectionem*, statim quæro, habetne illa aliquid administrandum, si mihi responderetur negativè, non magni facio ejus perfectionem. Magnum enim est discrimen inter hujus

virtu-

virtutem, & alterius, quæ live interius per tentationes; live exterius egregiè exercetur per contradictiones. Nam virtus fortitudinis, & fortitudo virtutis nunquam acquiruntur tempore pacis, neque quiescentibus tentationibus virtuti oppositis. Eæ Sorores, quæ sunt admodum suaves, quietæ, quamdiu non habent contradictionem, & quæ has virtutes non acquisierint gladium manu tenentes, sunt quidem alijs verè bono exemplo, & ædificationi; verùm si ad probam veneris, continuò videbis eas turbas ciere, & ostendere suam suavitatem non fuisse fortem, & solidam, sed imaginariam potius, quam veram.

Magna est differentia habere cessationem à vitio, & virtutem vitio contrariam. Multi videntur esse virtutibus exornati, qui tamen nullam habent, quia labore & difficultate non acquisierunt. Accidit sæpissimè, ut nostræ passionēs dormiant, sintq; velut sopitæ, & si tempore illo non provideamus nobis vires ad pugnandum, & ijs resistendum, quando evigilabunt, statim earum armis succumbemus. Oportet semper esse humiles, & non credere nos præditos virtutibus, esto non committamus (quantum quidem scire possumus) imperfectiones & peccata, quæ virtutibus sint contraria. Plurimi profectò sunt, qui vehementer se ipsos decipiunt, dum credunt



homines, qui profitentur perfectionem, non debere cœspitare & cadere in vllas imperfectiones, & imprimis Religiosos. Eorum error inde suam habet originem, quòd putent eos, qui intrant Religionem, statim esse perfectos; sed longè aliter res se habet: Religiones enim non sunt ad congregandos homines perfectos, sed eos, qui magno & excelso sunt animo ad perfectionem acquirendam. Amabò, quid faciendum esset, si æquè in Superioribus, ac in subditis videretur imperfectio? nonné res esset plurimum admiranda? nam, ut vos dicitis, non præficiuntur Superiores imperfecti?

Eheu! charæ filiæ, si non præficerentur Superiores, nisi qui essent perfecti, petendum esset à Deo, ut nobis mitteret Sanctos, vel Angelos, qui essent Superiores: nam homines sine ullis imperfectionibus non est invenire. Quæruntur quidem tales, qui bono sint exemplo, sed ut non habeant aliquas imperfectiones, hoc non quæritur, dummodò habeant condiciones necessarias ad bene gubernandum juxta Religionis spiritum: quia licet inveniri possint perfectiores, non tamen æquè idonei ad gubernandum.

Amabò, dicitote mihi, nonné ipse Salvator noster ostendit non esse habendam hujus rei rationem, in electione sancti Petri, quem deinde constituit omnium Apostolorum Superiorem?

Qui-

Quilibet enim scit errorem & lapsum, quem commisit hic Apostolus in morte & passione sui Magistri, loquendo cum una ancilla, & infelicitè negando charissimum suum Dominum, qui tam multa ei fecerat bona: nonné & dum caperetur Dominus, plus æquo se animosum ostendit, & postea turpiter fugit? sed & præter hoc, postquam confirmatus fuit in gratia, recepto Spiritu sancto, adeò impegit, ut D. Paulus scribens ad Galatas, dicat *in faciem se ei restitisse, quia, inquit, erat reprehensibilis?*

Non solum autem sanctus Petrus, sed etiam sanctus Paulus, & sanctus Barnabas, qui ituri simul ad prædicandum Evangelium, habuerunt dissentiuiculam; eò quòd sanctus Barnabas volebat secum ducere Ioannem Marcum, suum consobrinum; Sanctus autem Paulus contrariæ erat opinionis, & nolebat, ut unà secum cum sancto Barnaba iret sanctus Marcus; at sanctus Barnabas nolens cedere sancto Paulo, *discesserunt ab invicem*; utraque autem pars perrexit ad prædicandum Evangelium: & Barnabas quidem, *assumpto Marco, navigavit Cyprum*; Paulus autem, *electo Sylla, profectus est in Syriam*: Dominus verò ex ista dissensione magnum bonum elicuit; nam cum in uno tantum loco simul existentes, prædicassent Evangelium, pluribus in regionibus ejusdem Evangelij semen feliciter jecerunt.

Ne cogitemus, dum hac in vita sumus, nos vivere posse sine imperfectionibus, quia id fieri non potest, siue simus superiores, siue inferiores; omnes siquidem sumus homines, & ex consequenti omnes credere debemus nos certissime egere hac veritate, ut omnes nos subiectos & obnoxios imperfectionibus fateamur. Christus Dominus mandavit, ut quotidie verba hæc, quæ sunt in oratione Dominica, dicamus: *Et dimitte nobis debita nostra sicut Et nos dimittimus debitoribus nostris.* Nulla omnino exceptio est in hoc mandato, quia omnes necesse habemus hoc facere: non est proinde bona consequentia si dicas: talis est Superior, ergo non est cholericus, neque aliam habet imperfectionem. Vos miramini, quod venientibus aliquando vobis ad Superiorem, aliqua det verba minus solito sva via, eò quod fortassis etiam habeat caput maioribus solito curis & negotijs oppletum. Hinc fit, ut seductæ amore proprio inde abeatis turbatæ, cum potius cogitare deberetis, Deum permisisse parvam istam liccitatem Superiori ad proprium vestrum amorem mortificandum, quia scilicet ab ea sva viorem & amabiliorem receptionem expectabatis, quàm habueritis. Quid multis? dolemus nos incidisse ibi in mortificationem, ubi minimè expectabamus. Hem! quid ergo faciendum? discedendum est ab ea, rogando Deum pro illa, ei que



ei quæ gratias agendo pro salutari, & amicabili mortificatione. Vno verbo, charæ filiæ, in memoriam vobis revocetis verba sancti Pauli Apostoli: *Charitas*, inquit, *non cogitat malum*; vult dicere, quod ubi illa advertit, à malo se avertit, non cogitando, neque occupando se ad illud considerandum.

Vos insuper ex me quæritis aliquid, quod ad hoc punctum videtur spectare, an scilicet Superior vel directrix non debeat aliquid repugnantia præ se ferre, quod Sorores videant earum lapsus, & imperfectiones; & quid illæ debeant dicere, quando aliqua è Sororibus venit ad alteram earum simpliciter se accusatum de aliquo iudicio vel cogitatione à se admissa, quâ illam directè vel indirectè imperfectionis videri posset arguere, quod passione occupata aliquam è Sororibus castigasset. Dico ego eam hac in occasione debere se humiliare & recurrere ad amorem propriæ abjectionis; verum si Soror aliquantulum esset turbata hæc referendo, nullum deberet Superior foris signum edere, sed avertere propositum, & nihilominus in suo corde abjectionem condere. Cavendum enim est, ne proprius noster amor nos excæcet, præbeat quæ occasionem nos ipsos perdendi, dum is nos esse perfectos persuadere conatur, quod eveniat ut omittamus nos humiliare. Vbi notandum, quod

quamvis resecetur exterior actus humilitatis ex timore, ne rubore suffundatur bona soror, quæ jam satis superq; suffusa est; omittendus tamen non est actus interior. Quod si è contra soror se accusando nihil habereturbationis, mihi perplaceret, ut Superior liberè ingenuèq; fateretur verbo, vel signo se errasse, si tamen verum est. nam si iudicium sit falsum, expedit vt id ipsum dicat cum humilitate, retinendo tamen semper pretiosè abjectionem, quæ in mentem posset redire ob latum de se iudicium, quasi lapsa fuerit in aliquam imperfectionem.

Videtisné vos, quod parva ista virtus amoris nostræ abjectionis nunquam debeat abesse à corde nostro, ne uno quidem passu? quia eâ singulis horis, imò & momentis egemus, fecerimus quantoscunq; velimus in perfectione progressus; quia passionibus nostræ redeunt, ac velut renascuntur. Et hoc quidem subinde postquam longo tempore in Religione viximus, & magnis passibus in via perfectionis perreximus: uti evenit Religioso sub disciplina sancti Pachomij, nomine Sylvano: qui cum adhuc versaretur in mundo, Comædum agebat, cum autem esset conversus, Religionem inijt, & probationis annum feliciter transegit; quin & postea plures alios singulari cum mortificatione & exemplo, non exercens unquam actum aliquem (qui quidem

dem in notitiam venerit) prioris professionis mundanæ. Vigesimo postea anno in Religione transacto existimavit posse se aliqua ludicra, seu ineptias aliquas sub prætextu recreandi fratres exercere, putans suas passiones adeò jam mortificatas esse, ut virium defectu nequirent ultra simplicem recreationem progredi: sed miser homo fuit egregiè deceptus, siquidem joci & lætitiæ passio ita exsuscitata est, ut post dictas ineptias inciderit in dissolutiones, & quidem adeò notabiles, ut cogitârint Religiosi alij, eum exturbare è Monasterio, quod & factum fuisset, nisi Religiosorum unus fidejussorem se pro illo stitisset, pollicens futurum ut ille se emendaret; quod & fecit ita accuratè, ut reliquo vitæ tempore magnus Sanctus haberetur.

En charæ Sorores, quomodo nunquam oblivioni tradere debeamus quid fuerimus (quod fieret si nobis imaginaremur nos esse perfectas) ne fiamus peiores quàm hætenus fuerimus. Non debemus etiam vnquam putare nos perfectionis scopum attingisse, quando non nisi paucas committimus imperfectiones. Cavendum etiam est accuratè, ne miremur nos habere passiones, quia nunquam dum vivemus ab eis liberæ erimus. Eremitæ, qui olim huic veritati voluerunt contradicere, censuram sacri Concilij experti sunt, dum eorum opinio condemnata est ut erronea.



Commitemus igitur semper aliquas imperfectiones & lapsus; sed res ita est instituenda, ut quàm rarissimè potest, id fiat, fiet autem rarissimè, si non nisi intra quinquaginta annos binis solum vicibus tibi contingat: sicut & non nisi binis item vicibus errores notati sunt inter Apostolos toto tempore, quo vixerunt post receptum spiritum sanctum: etsi excrescerent in tertium vel quartum numerum, imò & septimum vel octavum intra seriem tot annorum, non oportet magnopere mirari, neque animo cadere; sed resumere spiritum, & fortitudinis incrementum adijcere. Dicamus adhuc unum verbum in gratiam Superioris. Sorores non debent mirari quòd Superior aliquando labatur, siquidem sanctus Petrus, non obstante quòd erat absolutus Pastor sanctæ Ecclesiæ, & universalis omnium Christianorum Pater & Magister, etiam lapsus est, & quidem sic, ut sancti Pauli calculo esset reprehensibilis. Eodem modo Superior non debet animum demittere, multò minus se turbare, si contingat ejus imperfectiones in notitiam Sororum devenire, sed servare debet duas virtutes humilitatem scilicet & snavitatem: quibus munitus sanctus Petrus acceptavit correctionem à sancto Paulo, esto ipsius Pauli fuerit Superior.

Quanam majori digna sit consideratione

Pau-

Paulinè eximia fortitudo in reprehendendo sanctum Petrum, an verò humilitas Petri, quâ sese submisit correctioni sibi factæ, & quidem in re, in qua putabat se benefacere, & optimam habebat intentionem, non faciliè quis dixerit.

Sed plus ultrâ pergamus, petitis IV. loco si aliquando eveniret Superiorem adeò propensam esse ad placendum hominibus sæcularibus, sub prætextu ijs commodandi, & bonum eorum animæ promovendi, ut negligeret curam particularem, quæ ei incumbit ex officio, quo fungitur; vel certè non haberet sufficiens tempus pro negotijs domesticis bene & laudabiliter administrandis, eò quòd justo diutius se detineret ad EXEDRAM COLLOCUTIONIS, seu ad vestibulum sermonis, an non tenetur nimiam commorationem refecare, esto ejus intentio esset quàm optima? Respondeo, Superiores debere esse magno- pere affabiles erga sæculares, ut eos promoveant in bono; proinde debent ex animo ijs tribuere unam sui temporis partem: sed qualem & quantam putatis esse debere partem illam? Duodecimam, ut remaneant illis undecim, quas domi impendant profectui familiæ sibi commissæ.

Apes egredinntur quidem è suis alveis, sed non nisi ob necessitatem vel utilitatem, & ad eos paulò post redeunt; præcipuè autem earum Rex valde rarò egreditur, sicuti quando juniorum

apum grex alveo excedit, seu examen, tunc enim is totus quantus circundatur ab exiguo illo populo.

Religio est instar alvearis mystici plena undique apibus cœlestibus, quæ congregatæ sunt ad faciendum mel virtutum cœlestium: & ideo oportet Superiorem, quæ est inter illas, ut earum Rex, admodum esse sollicitam, ut & sint in promptu, & edoceantur ab ea modum, quo augeri & conservari possint. Non idcirco tamen ita debet esse abstracta, quin conversetur suo loco & tempore cum sæcularibus, exigente necessitate, & charitate; sed extra illa oportet Superiorem paucis agere cum sæcularibus. Dico extra necessitatem & charitatem, quia nonnulli sunt, quorum magna est habenda ratio, quia nullo modo offendendi sunt. Verùm neque Religiosi, neque Religiosæ debent unquam se occupare cum sæcularibus prætextu acquirendi suæ Religionis amicos. Et, si quod sentio, dicere audeo, non est operæ pretium id facere: nam si se contineant intra sua claustra ij, & eæ (quorum, quarumq; talis est vocatio) ad bene administranda ea, quæ eorum curæ commissæ sunt, non est quod timeant, ne Deus desit in procurandis patronis & amicis, qui necessarij sunt eorum Congregationi. Verùm si ægrè ferat Superior interturbari mutua Collocutionem, quando datur signum ad  
offi-



officia adeunda, ob timorem, ne offendat eos, quibuscum est collocutio, sciât illa se non oportere esse ita timacem & delicatam, ut (nisi tamen ij, quibuscum loquitur sint homines illustres, vel quorum magna habenda est ratio, vel qui non nisi rarissimè venire soleant, vel denique qui de longe advenerint) officia sint omittenda, multoq; minus oratio, nisi charitas omni exceptione major id postulet.

Quod ad Visitationes ordinarias eorum, à quibus liberè se quis potest abstrahere & eximere, Ianitrix debet dicere, nostra veneranda Mater, vel Sorores sunt in oratione, vel in officio, si placeat expectare, vel postea reverti, se eas libenter evocaturam. Verùm si contingat propter magnas necessitates, ut eundum sit ad locum colloqui etiam illo tempore, minimum postea detur opera, ut neglecta resarciantur quantum tempus & occasio permittent: nam quod ad officium attinet, nulla dubitat, quin obligata sit ad illud recitandum.

Porrò quod attinet ad ultimam quæstionem, quæ est, an non semper aliqua peculiaris ratio major sit habenda Superioris, quàm cujusque Sororis tam in vestitu, quàm in victu? Respondeo uno verbo, & dico id nullo modo fieri debere, nisi adsit necessitas, quæ similis esse debet necessitari uniuscujusque Sororis. Quod dico  
de

de victu & vestitu, idem dicendum est de sella, quàm singularem habere non debet, nisi in choro & in capitulo: & in hanc sellam Assistens nunquam debet se collocare, quamvis in omni alia re ei deferendus sit respectus, qui deferitur ipsi Superiori (intellige Superiore absente) in ipso etiam refectorio singularem non debet habere, sed solummodò uti sede familiari aliarum simili. Quamvis semper & ubique honorari debeat, ut persona singularis, & cui magnus debeatur respectus, tamen singularis esse non debet in ullare, quantum fieri poterit: excipitur verò semper necessitas, & extrema senectus & quævis infirmitas: tunc enim permittitur inter alia, ut pro suo solatio commoda & peculiari sede utatur. Evitanda sunt diligentissimè ea omnia, quæ causam dare possent, ut nos velut longè eminētiōres magisq; spectabiles super alios extollerem⁹.

Superior debet cognosci & notari per virtutes, & non per singularitates minimè necessarias; in specie autem inter nos, quæ Congregationi VISITATIONIS nomen dedimus, & nunc in ea particularem & magnam simplicitatem, humilitatemq; profiteamur. Honores valent & conveniunt domicilijs aliarum Religiosarum, ubi ex Instituto superior vocatur Venerabilis Domina; at nos id ex nostro instituto, quantum in nobis est, nullo modo admittimus.


Quid

Quid amplius est dicendum, faciendumue ad conservandum spiritum VISITATIONIS, & impediendum, ne unquam dissipetur? Vnicus modus est ut spiritus ille clathris arctissimæ observationis omnium Regularum clausus detineatur. At dicitis esse aliquas admodum studiosas, quin & adeò zelotypas hujus spiritus, ut nollent, si per illas fraret, communicare extra suum domicilium. Respondeo inesse zelo istij superfluitatem, quæ omnino radicitus evelli debet. Ad quod enim obsecro propositum, esset velle abscondere à proximo id, quod illi potest prodesse? Non sum ego istius opinionis, quin imò percipio VISITATIONEM notam perspectamque esse omnibus: & ideò semper judicavi expedire, ut regulæ & constitutiones typo mandarentur: ut quicumque eas legerent, vel legi audirent, utilitatem aliquam ex ijs perciperent.

Vtínam charæ Sorores, quàm plurimi homines utriusque sexus invenirentur, qui eas vellent exercere: citò viderentur mutationes in illis, siue intra, siue extra VISITATIONIS domicilia habitarent, quæ in magnam DEI gloriam, & bonum animarum cederent. Estote magnopere sollicitæ in conservando spiritu VISITATIONIS; sed non sollicitudine & curâ, quæ impediât, quò minus is spiritus magna cum charitate & simplicitate, proximis communicetur, unicuique autem juxta suam



suam capacitatem: timor, ne is dissipetur per hanc communicationem, procul è vestris finibus propellatur: charitas enim nil unquam destruit, sed omnia perficit.



VIVAT IESVS.

COLLOCVTIO XVII.

*In qua queritur, quo modo, & quo motivo dandum sit suffragium puellis Novitijs, quæ admittende sunt ad professionem, & illis, quæ recipiuntur ad Novitiatum?*



Væ requiruntur res, ut detur suffragium conveniens dictis Puellis.

I. est ut sint vocatæ à Deo. II. ut habeant condiciones requisitas & convenientes nostro vivendi modo. Quantum ad primum punctum attinet, oportet ut puella illa, quæ petit recipi in nostram Religionem, rectè sit vocata à Deo: sciendum autem est, dum loquor de vocatione ista, non me loqui de vocatione generali,

rali, quā Dominus vocat omnes ad Christianismum, neq; de illa, de qua sermo est in Evangelio: *Multi sunt vocati, pauci vero electi.* DEVS enim, qui cupit omnibus dare vitam æternam, dat omnibus modos, quibus ad illam perveniri potest, & ideò vocat eos ad Christianismum; eosque eligit ut respondeant, & consentiant vocationi, sequentes divinam attractionem. Nihilominus numerus eorum, qui ad illam pertingunt, admodum est parvus, comparatione omnium, qui vocati sunt.

At loquendo magis particulariter de vocatione Religiosa, dico benè multos à DEO vocatos ad Religionem, sed paucos esse, qui vocationem illam foveant, & conseruent ut deberent. Incipiunt quidem, sed infideliter respondent gratiæ, dum non perseverant in assidua praxi earum rerum, quæ possunt eorum vocationem conseruare, & bonam ac securam reddere. Sunt & alij, qui rectè non sunt vocati, nihilominus postquam venerunt, eorum vocatio rata & approbata est à DEO. Sic videmus nonnullos venire præ stomacho, mœsticia ac tædio ad Religionem. Et licet hujusmodi vocationes non videantur bonæ, nihilominus visi nonnulli sunt sic constituti venire, qui DEO probè serviverunt.

Sunt & alij, qui incitati sunt ad intrandam Religionem ob infortunia, quæ in mundo existentibus

bus ijs acciderunt. Adde ultimo alios, qui defectu sanitatis, vel corporalis pulchritudinis ad eandem se contulerunt. Et quanivis hi habeant motiva, quæ ex se bona non sunt, tamen DEUS ijs vitur ad eos vocandos. Tandem *Via Domini sunt incomprehensibiles, & judicia inscrutabilia* simulq; admiranda in varietate tot vocationum, & mediocrum, quæ adhibet DEUS ad suas creaturas vocandas ad sibi serviendum: quæ omnes vocationes in pretio, honore, & reverentia haberi debent.

Porrò ex hac tanta varietate vocationum, sequitur esse perdifficile cognoscere veras vocationes, & tamen ea res prima est, quæ requiritur ad ferendum suffragium; ad sciendum scilicet an puella proposita pro Religione bene sit vocata, & consequenter an vocatio sit bona. Quomodo ergo inter tantam varietatem vocationum, & tot differentia, & etiam diversa motiva discerni, & cognosci poterit bona vocatio à mala, ut deceptio non interveniat?

Negari non debet, hæc res maximi est momenti, & multum habet difficultatis, nihilominus non tantam habet, ut simus omnino destituti medijs ad cognoscendam bonitatem vocationis. Inter multas autem, quas possem adferre unicâ velut omnium optimâ, ero contentus. *Bona igitur vocatio aliud non est, quam firma & constans voluntas, quam adfert is, qui ita vocatus est, ut velit servire*



vire Deo eo modo, & loco, quo, & ad quem divina Maie-  
 stas illum vocat. Et hæc est nota optima, quæ ha-  
 beri potest, ad cognoscendam vocationem ali-  
 quam esse bonam. Sed velim advertatis quòd  
 quandò dico voluntatem firmam & constantem  
 serviendi D E O, me non dicere quòd statim in  
 principio faciat id omne, quod faciendum est in  
 ea vocatione, cum ea firmitate & constantia ita  
 magna, ut persona, quæ vocata est, exempta sit  
 & libera ab omni repugnantia, omni difficultate  
 vel fastidio, & his similibus circumstantijs, quæ  
 statum Religiosum concomitantur; non, inquam,  
 hæc affirmo, multò autem minus, firmitatem il-  
 lam & constantiam debere esse talem, quæ eam  
 vindicet ab imperfectionibus & lapsibus, neque  
 proinde esse ita firmam, quin aliquando vacilla-  
 re, & mutari possit in cœpto, quod fecit de exer-  
 cendis medijs, quæ eam deducere possunt ad  
 perfectionem. Non profectò: non est id, quod  
 intendo dicere, omnis siquidem homo hujusmo-  
 di passioni, mutationi, & vicissitudini est subje-  
 ctus; is hodie talem rem amabit, qui cras alte-  
 ram diligit. dies unus nunquam est similis al-  
 teri.

Non igitur ex diversis hisce motibus & sensi-  
 bilibus signis ferendum est judicium de firmita-  
 te & constantia voluntatis ad bonum, quod se-  
 mel quis amplexus est, sed bene tunc, si inter istas

varietates motuum voluntas firma permaneat, nolens deferere bonum, quod semel elegit: esto sentiat radium & remissionem in amore alicujus virtutis, nec cesset uti medijs, quæ sunt ei propofita & signata ad eam acquirendam: atque ita ut habeatur nota bonæ & solidæ vocationis, non requiritur constantia seu firmitas sensibilis, sed bene, ut sit in superiori mentis parte, & quidem non otiosa, sed operans. Ut ergo sciatur, an velit Deus hunc esse Religiosum, expectandum non est, ut sensibilibiter nobis loquatur, vel quempiam Angelum è cælo mittat, suam ut voluntatem nobis significet; longè autem minus opus est habere revelationes circa istam rem. Non item opus est examine decem vel duodecim Doctorum, ad dispiciendum an inspiratio sit bona, vel mala, an sequenda, vel deferenda: sed oportet respondere gratiæ, & excolere primum illum motum, nec post hoc se affligere, si advenerint fastidia & refrigerationes circa hoc. Nam si conatus semper adhibeatur ad retinendam voluntatem firmam, ad requirendum bonum, quod nobis monstratum est, Deus efficiet, ut quidquid hoc in genere agetur, cedat in suam gloriâ.

Et dum hoc dico, non loquor solummodò pro vobis; sed etiam pro Virginibus alijs, quæ adhuc remanent in mundo, pro quibus, conformiter regulæ charitatis, etiam adhibenda est

cura,

cura, iuvando eas ut ad designatum scopum per-  
tingant. Quando experiuntur primos motus  
aliquantulum cæteris fortiores, nihil est illis dif-  
ficile, videntur sibi posse superare omnes diffi-  
cultates; quin & sibi desuper impressâ virtute,  
MUROS TRANSGREDI; verum dum adsunt vicif-  
situdines, & amplius motus illos sensibiles in par-  
te inferiori non percipiunt, ita fiunt pusillani-  
mes, ac si omnia perijissent, omniaq; relinquenda  
essent. Quid multis? volunt & nolunt, quod  
tunc sentitur non sufficit, ut mundus deseratur.  
Vellem, inquit una è dictis Virginibus, sed nescio  
an sit Dei voluntas, ut fiam Religiosa, eò quòd  
inspiratio, quam hac horâ experior, non sit (ut  
mihi quidem videtur) ad talem actum atten-  
tandum sat fortis. Verissimum tamen est, me  
habuisse longè fortiorem aliquando sensum,  
quàm nunc habeam; sed cùm brevissimæ fuerit  
durationis, inducor ad credendum illam inspi-  
rationem non fuisse bonam. Respondeo, quan-  
do tales deprehendo animas, non miror talia  
earum fastidia & spiritûs refrigerationes, multò  
autem minus credo earum vocationem non esse  
bonam: adhibenda solummodò est magna cura  
& sollicitudo ad eas iuvandas atque edocendas,  
ne velint mirari huiusmodi mutationes, sed se  
ipsas animare ad perseverandum inter huiusmo-  
di mutationes, experturas aliquando nihil fuisse



nisi aranearum telas. Dicitote enim mihi, nonne sensistis motum illum & inspirationem in cordibus vestris, incitantem vos ad magnum bonum? Ita, inquit illæ, verum est; sed simulatq; se adesse ostendit, transivit: ita quidem, dico illis, quantum ad vim motivi sensibilis; non autem eo modo transivit, quin aliquid affectionis in vobis reliquerit: ò non, inquit una, quia sentio semper in me nescio quid, quod ad illam partem me facit tendere: at, quod me sollicitam habet, est quòd tam fortem & efficacem non sentiam motum, qui necessarius mihi videtur ad talem resolutionem.

Ego illis respondeo, ne se affligant ob motiva illa sensibilia, moneoque ne tantopere ea examinent, sed contentæ sint constantiâ suæ voluntatis, quæ inter omnia ista non amittit affectionem primæ earum designationis; sint tantummodò sollicitæ, ut illam diligenter excolant, & accuratè respondeant primo illi motui. Ne, inquam, adeò sint anxie, unde motus ille veniat; Deus enim complura habet media vocandi suos servos & servas ad suum servitium.

Aliquando utitur alicujus servi sui pia prædicatione, aliàs lectione piorum librorum. Aliquì vocati sunt ex auditione verborum sacri Evangelij; sicut sancti, Franciscus & Antonius, qui vocati sunt auditu horum verborum: *Vade,*

*Vende omnia quæ habes, & da pauperibus, & sequere me, & Qui vult venire post me, abneget semetipsum, tollat crucem suam, & sequatur me.* Alij item vocati sunt occasione fastidiorum, infortuniorum, & afflictionum, quæ eis in mundo acciderunt, quibus factum est, ut ei indignati penitus suis cum pompis eum reliquerint.

Dominus noster sæpe usus est tali medio ad vocandos complures ad suum servitium, qui alioquin non venissent. Nam, quamvis Deus sit omnipotens, & facere possit quod vult, tamen non vult nobis tollere libertatem, quam semel nobis elargitus est; & quando nos vocat ad suum servitium, vult ut veniamus non contra, sed juxta nostrum beneplacitum, non autem vi & coactione. Nam quamvis hi veniant ad Deum irati contra mundum, qui illos malè affecit, vel occasione & causâ aliquarum molestiarum, & afflictionum, quibus excruciatii sunt, non idè tamen intermittunt se Deo libera voluntate tradere: quin & tales crebrò ita se gerunt in Dei servitio, & eò sanctitatis deveniunt, ut nonnunquam eos, qui intrârunt per vocationes, quoad speciem, longè excellentiores, superent.

Legeritis dubio procul quod refert Hieronymus Platus Societatis IESU sacerdos de egregio quopiam Nobili secundum mundum; is die quodam vestibus pretiosis indutus, cincinnatus,

pluinisq; crispatus, dum equo generoso insidens  
se ad Nobilem puellarum gratiam iusto studio-  
sius aucupandam ostentat; ecce una cum equo  
cadit in terram in medio luti, ex quo cœno cum  
totus quantus fœdatus magno labore exisset,  
adeò rubore confusus fuit, ut ex hoc casu incen-  
sus cholera, eo ipso instanti decreverit fieri Re-  
ligiosus, dicens, ò munde infidissime proditor!  
tu quidem mihi illusisti, sed & ego tibi illudam.  
Hic & nunc eo quidem modo me tuum fecisti  
lulum, sed alio te etiam meum lulum faciam.  
nam ex hoc instanti tuæ amicitia nuncium re-  
mitto, & decerno, statuoque me Religiosum sta-  
tum amplexurum. Quod vovit, adeò feliciter  
(non obstante quòd ejus vocatio ex indignatio-  
ne proveniret) implevit, ut sanctus haberetur.  
Sunt & alij, quorum motiva ad intrandam Reli-  
gionem pejora fuerunt, quàm hujus. Audivi  
ex fide dignis Nobilem nostræ ætatis, donis exi-  
mijis tum animi, tum corporis, quin & natalibus  
spectabilem, qui videns transeuntes Patres Cap-  
pucinos, dixit cæteris Nobilibus, quibuscum  
tunc versabatur; invadit me libido sciendi, quo-  
modò vivant isti nudipedes, sed & conversandi  
cum illis, non quidem animo apud eos semper  
manendi, sed tantum uno mense, aut tribus se-  
ptimanis, studio melius notandi quid agant, ut  
una vobiscum melius posthac possimus eos ir-  
ridere.



ridere. Rēū ex composito conceptam constantē & fortiter prosequitur, & tandem etiam consequitur, dum in Ordinem recipitur. Sed divina providentia, quæ hoc medio ad eum ē mundo extrahendum, usā fuerat, ejus finem & intentionem malam bonā mutavit, & is, qui cogitabat alios capere, ille ipse captus est: nam ubi paucos dies cum bonis istis Religiosis mansisset, hominem alium induit, & fideliter in sua vocatione perseverans, in magnum Dei servum evasit.

Habentur adhuc alij, quorum vocatio nihilo melior est hujus. Est autem eorum, qui ineunt Religionem ob aliquem defectum naturalem, ut sunt claudi, luscī, deformes, vel habentes al quos alios defectus his similes. Et quod deterius apparet, est, quod ad hoc à suis parentibus sæpe inducantur, dum scilicet filios habent luscōs, claudos, vel alijs similibus defectibus laborantes, quos domi retinent, dicentes, hic non quadrat pro mundo, oportet eum efficere Religiosum, vel ei procurare aliquod beneficium Ecclesiasticum, ex quo sustentetur: nam & hōc modo domus nostra multūm exonerabitur: filij sinunt se ad libitum duci, sub spe vivendi bonis Ecclesiasticis. Alij autem habentes magnam multitudinem prolium: ecquid tandem faciemus tot prolibus onerati, oportet nos tempestivē domum

mun tanto onere sublevare, & hos juniores ad Religionem mittere, ut primogeniti possint in publico comparere. At Deus persape in hoc ostendit magnitudinem suæ clementiæ ac misericordiæ, dum intentionib<sup>9</sup> hujusmodi ex se nullo modo bonis utitur ad efficiendos magnos divinæ suæ Majestatis servos, & cultores eximios: in quo se ostendit admirabilem; sic sibi complacet divinus hic Artifex dum instruit eximia ædificia ex ligno, & quidem admodum tortuoso & nodis pleno. Quid multis? ita ad speciem inepto, ut nullis operibus efficiendis videatur idoneum. Et quemadmodum is qui ignorat artem Arculariorum, & videns aliqua ligna in officina alicujus Arcularij, summè miratur audiendo quòd ex eo effici possit opus aliquod præclarum (nam, diceret ille, si sic res habet, uti asseris, quoties amabò, transire debet runcina, seu dolabra super illud, antequam ex eo tale opus conspiciatur?) Ita divina providentia ordinariè pulchra exstruit opera ex tortuosis & sinistris intentionibus. Sicut etiam intrare facit ad suum convivium claudos & cæcos, ad nos edocendos, quòd nihil profit habere duos oculos, vel duos pedes ad intrandum cœleste domicilium, quin & melius esse ingredi paradysum cum uno pede, uno oculo, unoque brachio, quàm duos habentem mitti in gehennam.

Porro

Porro hujusmodi homines, qui sic venerunt ad Religionem, sæpe magnos fecerunt fructus, & fideliter responderunt suæ vocationi. In rectè vocatorum numerum venerunt aliqui, qui tamen non perseverarunt; verum postquam mansissent aliquo tempore in Religione, omnia dereliquerunt. Et horum in exemplum habemus Iudam Iscariotem, de quo non licet dubitare, quin rectè fuerit vocatus: Christus enim Dominus eum elegit, & ad Apostulatum sacro suo ore vocavit. Vnde igitur est quòd cum bene fuerit vocatus à Domino, non perseverârit in sua vocatione? Eheu! quia abusus est sua libertate nolens uti medijs, quæ Deus eam in rem suppeditabat; sed loco quo debuisset ea media amplecti, ijsque in suum usum & progressum uti, eis abusus est, eaq; à se rejecit: & hoc faciendo se perdidit. Certissimum enim est *DEVM*, quando ex divina sua providentia quempiam vocat ad aliquem statum, se consequenter obligare ad suppeditanda omnia requisita, quibus se in ea vocatione perficiat.

Quando autem dico, Deum se obligare, non existimandum est nos esse, qui ad id faciendum eum obligaverimus, dum nos vocantem secuti sumus: non enim potest sic obligari, sed Deus ipse per se ipsum se obligat, impulsus & provocatus ad hoc faciendum, ex visceribus infinitæ suæ



suae bonitatis & misericordiae; atque ita quidem se obligat, ut, dum efficior Religiosus, se obstringat ad providendum mihi de omnibus necessarijs, quibus, si volo cooperari, possim evadere in probum Religiosum. Et hoc facit Deus non ex debito; sed ex misericordia, & immensa sua providentia. Hoc autem facit ad instar potentis alicujus Regis, conscribentis milites ad bellum gerendum; cujus providentiae & prudentiae est pro illis arma praeparare, & eos armare. Quis enim modus & ratio esset eos mittere ad pugnandum sine armis? Vnde si in promptu non habeat, magnam imprudentiae notam haud evadet. Porro hanc curam & providentiam habere, divina Majestas (quantum ad hoc attinet) nunquam intermittit. Quod ut firmitus credatur, dicta Majestas se obligavit, & ita quidem obligavit, ut non liceat suspicari ex parte illius subesse aliquem defectum, sed ex nostra, quando nostro desumus officio. Quinimò ejus liberalitas tam est magna, ut etiam ijs provideat de medijs, quibus minimè id promisit, & quibus non se obstrinxit, utpote quia eos non vocavit. Advertite etiam, quòd quando dico Deum se obligasse ad dandas ijs, quos vocat, omnes conditiones requisitas (ut perfecti sint in sua vocatione) non dicere me, quòd simul & semel, & eo instanti, quo Religionē intrant, det, certè non id dico.

Non

Non etiam est cogitandum, quòd, si Religionem intrant, statim primo ingressu sint perfecti. fat est quòd veniant tendentes ad perfectionem, & ad amplectenda media, quibus se perficiant. Ad hoc autem faciendum necesse est habere voluntatem firmam & constantem (qua de re supra locuti sumus) utendi omnibus medijs, quæ propria sunt ad nos perficiendos in vocatione, ad quam vocati fuerimus.

En, quomodò judicia Dei sint abyssus multa; quomodò etiam ij, qui præ incredibili stomacho contra mundum concepto, & ob irrisiorem sibi factam intrant Religionem, usque ad ultimum vitæ halitum in ea perseverant. Alij autem recto & vísitato modo ad eandem vocati, postquam visi fuerant (& fortè ita erat) ferventer incepisse, Religionis deinde media omnia deserentes, retrò abierunt. Viden' igitur quàm difficile sit cognoscere, an puella quæpiam bene, id est, juxta modum ordinarium, vocata sit à Deo, ut dari illi possit suffragium. Nam, quamvis appareat fervens, fortassis tamen non perseverabit (quod ipsius est malum) ne tamen ob hoc intermittas (maximè si videas eam habere constantem voluntatem Deo serviendi, & se in ejus servitio perficiendi) tuum ei dare suffragium; si enim velit recipere auxilia, quæ Deus infallibiliter ei est daturus, perseverabit. Quod si post  
ali-

aliquot annos fiat inconstans, & à primo fervore deficiat, ejus est damnum, inconstantia ejus tu minimè es causa, sed ipsa se perdidit.

Hæc de prima parte & noticia vocationum.

Quantum autem ad secundam attinet, quæ est omnium primò scire condiciones, quas habere debent puellæ, in hanc domum recipiendæ; secundò illæ, quæ ad Novitiatum admittuntur; tertio demum eæ, quæ admittuntur ad professionem faciendam. Quod dicam circa primam receptionem, vix aliquid habeo: admodum enim parum cognosci possunt puellæ hujusmodi, quæ veniunt bono cum vultu, signisq; ingenuitatis ac probitatis nullis secundæ. Eas alloquere, & adverteres eas facturæ quidquid volueris. Similes sunt sanctis Apostolis Ioanni & Iacobo, quibus dixit Dominus: *Potesne bibere calicem* (passionis scilicet) *quem ego bibiturus sum?* Liberè & fidenter responderunt, *possumus*; & tamen nocte passionis fugientes illum dereliquerunt: puellæ hæc idem faciunt, dum tot adhibent preces, tot exhibent reverentias, tamq; bonam testantur voluntatem, ut vix denegari possit ingressus: & re ipsa, meo iudicio, negotium hoc non eget tam magna, & exacta consideratione. Hæc dico quoad interiora: nam fateor admodum esse difficile, eo tempore ea posse cognosci; præcipuè in ijs, quæ ex locis remotis huc veniunt. Totum quod fieri potest,



potest, est scire, quæ sint illæ, & quædam alia, quæ spectant temporalia & exteriora: & ubi hæc nota fuerint, aperienda est illis porta, & admittenda sunt ad prima experimenta. Si autem agatur de puellis ejusdem loci, ubi est domicilium, in quod admitti petunt, notari poterit earum agendi modus, & per conversationem cum ijs habitam, cognosci aliquid poterit de interiori homine. Non diffiteor, etiam hoc sua non caret difficultate, quia semper optimo quo possunt habitu, gestuque corporis accedunt,

Quæ autem spectant ad sanitatem, & infirmitatem corporum, videtur mihi vel nulla omnino, vel admodum exigua consideratio esse adhibenda, eò quod in domos VISITATIONIS recipi possunt debiles & imbecilles, æquæ ac fortes & robustæ: siquidem ex magna ex parte eum in finem sunt erectæ. Adde tamen, dummodò non sint infirmitates tales, quæ eas reddant omnino incapaces observationis regulæ, efficiantque inhabiles ad facienda ea, quæ sunt vocationis. Iis exceptis, nunquam denegarem meum suffragiū: esto essent cæcæ, vel manu captæ, vel unum tantum pedem habentes, si aliàs haberent conditiones requisitas ad vocationem.

Nolo huc adproperet prudentia humana, quæ mihi dicat: si semper tale genus hominum se offerret,

ferret, semperne recipi debent? Si omnes essent cœcæ & infirmæ, quæ eis servirent? Respondeo hoc te minimè angat, non enim unquam id eveniet: proinde curam istam committo divinæ providentiæ, quæ perbellè noverit providere, & huc vocare fortes necessarias ad earum servitium. Quando is præsentabit infirmas, dicito, Deus sit benedictus, quando veniunt robustæ, sit iterum benedictus. Breviter, infirmitates, quæ non impediunt, quò minus servetur regula, non debent in dubium vocari, an recipiendæ sint in vestras domos. Et hæc habebam, quæ dicerem de prima receptione.

Quantum ad secundam, quæ est de recipienda aliqua ad Novitiatum, non magnas reperio difficultates; nihilominus major consideratio in hac, quàm in prima adhibenda est, quia melius potuit cognosci complexio naturalis; nec non actio, morumq; habitus; conspiciuntur item earum passionēs: sed horum nihil debet esse obstaculo, quò minus admittantur ad Novitiatum; dummodò habeant bonam voluntatem se corrigendi, submittendi, nec non utendi medicamentis proprijs, proficuisque earum curationi. Et quamvis repugnantiam ad ea sumenda recipiant, hoc nihil est, dummodò eorum usum non respuant. Sunt enim semper medicinæ

gustui

gustui amaræ, nec fieri potest, ut ea cum svavitate recipiantur, ut reciperentur, si bene afficerent, excitarentque appetitum. His tamen non obstantibus, non intermittunt dictæ medicinæ facere suam operationem, & quidem quantò melius eam faciunt, tantò plus laboris & difficultatis sentiunt, quæ eas sumunt. Eodem modo, da puellam unam, cui insunt potentes passionēs, est enim cholerica, pluresque committit imperfectiones, si nihilominus vult sanari, & desiderat corrigi & mortificari, petitque sibi exhiberi media idonea recuperandæ valetudini, quamvis eorum sumptio molesta & difficilis ei sit; ob hæc ei denegandum non est suffragium: non enim tantum desiderat sanari, sed insuper recipit remedia, quæ ei eum in finem exhibentur, esto non fiat id sine difficultate, & renisu naturæ. *monol.*

Non deerunt aliquæ malè educatæ, maleque moratæ habentes naturam rudem & silvestrem; nullum est dubium, quin hæ plus habeant difficultatis & contrarietatis, quàm eæ, quæ naturam svaviorem & tractabiliorem nactæ sunt; quin etiam magis sint lapsibus obnoxia quàm aliæ, quæ melioribus moribus sunt præditæ: nihilominus desiderant sanari, & ostendunt firmam voluntatem ad media recipienda, quantumvis magno illis constent: his darem meum suffragium non obstantibus earum imperfectionibus. Hujusmodi



modi enim puellæ post multas difficultates & labores Religioni magnos adferunt fructus, fiuntq; magnæ servæ Dei, nec non acquirunt fortem & solidam virtutem : gratia siquidem Dei supplet defectus : nec dubitandum, quin sæpe ubi minora naturæ dona inveniuntur, gratiæ majora reperiantur.

Uterius, non debent arceri hujusmodi puellæ ab ingressu Novitiatus, esto adhuc non se exuerint omnibus pravis habitibus, habeantq; animum adhuc nonnihil rudiozem, nec non multis subiectæ sint passionibus, modò velint seriò anhelare ad mentis sanitatem consequendam. Breviter, ut aliquā ad Novitiatum recipiatur, satis est scire, an habeat bonam voluntatem, & an deliberarit, decreveritq; admittere modum & rationem, quæ ei præscribetur ad salutem animæ. Addo, si habeat animum vivendi in Religione, magna cum submissione : si hæc habeat, quidni meum ei dem suffragium ? Et hæc sunt, quæ adferenda mihi visa sunt, quantum attinet ad secundam hanc receptionem.

Quod ad tertiam attinet, res magni est momenti, recipere & admittere aliquam ad professionem faciendam. Et in hoc tria videntur observanda. I. est, ut quæ admittuntur ad professionem, sint sanæ, non corpore ( uti jam dixi ) sed corde & animo : volo dicere, ut habeant

ani-

animum facilem & dispositum ad vivendum in Religione omni cum humilitate & submissione. II. ut sint præditæ bono spiritu; at quando dico, BONO SPIRITU, non intendo ab ijs requirere, ut magnis & sublimibus ingenijs sint dotatae, quia communiter tales plenæ sunt vanitate, & proprio judicio, nec non inflatæ opinione magnæ suæ dexteritatis. Multò autem minus loquor de ijs, quæ cum in mundo versarentur, essent velut officinæ vanitatis, quæ si ad Religionem aliquando veniunt, non idè veniunt, ut se humiliant, sed quasi facturæ lectiones Philosophicas, & enodaturæ nescio quas difficultates Theologicas. Quid multis? Veniunt velut omnia reformaturæ & gubernaturæ. Hic, hic est, ubi diligens circa hujusmodi adhibendum est examen: adhibendum inquam examen, non quòd velim eas non recipi, sed circa tales animadverti, an credi possit, quòd sint se humiliaturæ & mutaturæ in eximias Dei servas. Quidni enim cum tempore, adjutæ gratiâ Dei possint se mutare & vitam meliorem inire? Quod dubio procul eveniet, si magna cum fidelitate utantur remedijs, quæ eis ad salutem præscribentur. Quando ergo mihi sermo est de bono spiritu seu ingenio, intendo loqui de ingenijs bene compositis & sapientiæ studiosis; quin & similiter de ingenijs mediocribus, quæ non sint nimis

alta, neque item nimis humilia ; talia enim ferè  
semper magna præstant, etiamsi id non intelli-  
gant. Eæ se applicant & tradunt solidis virtu-  
tibus, sunt tractabiles, quæ non multum negotij  
Superioribus in sui gubernatione faceffunt. Fa-  
cillimè enim comprehendunt, quanti momenti  
sit, sinere se gubernari. III. observandum est,  
an puella anno sui Novitiatûs bene se gesserit ;  
patiens fuerit in ferendis adversis ; & profectum  
fecerit in medicinis sibi exhibitis ; an executâ  
fuerit decreta & proposita, quæ fecit in suo ad  
novitiatum ingressu ; an mutârît scilicet pra-  
vos habitus & malas inclinationes, in probos  
mores, & laudabilibus animum imbuerit affec-  
tionibus ; annus siquidem Novitiatûs ea de causa  
ei datus est. An notetur item mansisse fideliter in  
ea resolutione & animi decreto, quo cum ingres-  
sa est Novitiatum ; & an ejus voluntas sit firma  
& constans ad continuandum virtutis studium,  
uti cœpit. Addo, an & ea seriò se applicârît ad  
sui ipsius reformationem ; nec non se Regulis  
& Constitutionibus conformârît ; quin, an etiam  
nunc duret eadem voluntas, quæ & meliora ad-  
huc semper posthac polliceatur. Hæc & his si-  
milis, eximæ sunt notæ, & efficax motivum ad  
dandum ei suffragium. Et quamvis non ob-  
stantibus relatis, committat imperfectiones &  
lapsus, & etiam sat magnos ; non ideo denegan-  
dum



dum est ei suffragium. Licet enim anno probationis conari debeat se ipsam, moresque suos ac pravos habitus reformare & emendare, non tamen dicitur, nec dici potest, quòd debeat esse libera ab omni defectu, neque quòd perfecta in fine sui Novitiatus.

Nam, si conijcias oculos in Collegium Christi Domini, gloriosi Apostoli, non obstante, quòd rectè fuerant vocati, & in sui ipsorum reformationem ad vitam meliorem impigrè laboraverant, quoties lapsi sunt, & non solum primo anno probationis, sed etiam secundo & tertio? Omnes enim dicebant ac promittebant mira, & inter alia, secururos se Dominum suum *in mortem & in carcerem*: verum nocte passionis, quando eorum Magister capiebatur; omnes, captâ fugâ, eum dereliquerunt. Ex hoc volo ostendere ob huiusmodi lapsus non reiiciendam esse puellam à professione, quando, non obstantibus istius generis lapsibus, manet in ea firma voluntas se erigendi, & resurgendi à talibus peccatis, quin & utendi remedijs eam in rem assignatis.

His, quæ dicenda occurrerunt circa conditiones, quas habere debent Novitiæ, ut admittantur ad professionem faciendam, & quid Sorores professæ observare debeant, antequam suum dent suffragium, in medium allatis, cogito

finem imponere meo discursui, nisi aliud quid ulterius mihi proponatis.

Primo loco, si grave non esset, cuperemus scire, an, si aliqua Sororum admodum propensa ad erumpendum in turbulentos aliquos animi motus reperiretur, & hoc ob res etiam minimas, addimus & quæ esset comprimis tædiosa & inquietata, quæq; non ostenderet inter hæc magnum amorem erga suam vocationem: & nihilominus rebus sic se habentibus, promitteret mira in futurum, quid cum ea esset faciendum? Respondeo certum est puellam talem sic mutabilem, non esse aptam pro Religione: sed & inter hæc omnia non vult sanari; si ita est, oportet illam dimittere. Sed, nescitur, dicitis, an hoc fiat defectu voluntatis ad sanitatem acquirendam, an verò quòd non apprehendat, in quo consistat vera virtus? Dico ego talem, si postquam probè edocta est ea, quæ facere debet ad sui ipsius emendationem, & non facit; sed incorrigibilem se reddit, esse reiiciendam; maximè quòd ejus lapsus non videantur provenire ex defectu judicii, neque ex impotentia, vel inscitia apprehendendi in quo consistat sincera virtus; & adhuc multò minus, quòd ignoret quid sibi faciendum sit ad sui correctionem, sed quòd omnia provenerint ex defectu voluntatis, quippe quæ neque perseverantia, neq; ullius constantia fulcris innitatur:  
dum

dum media ad se emendandum non vult adhibere: esto subinde dicat se suos errores correcturam, nunquam tamen corrigit; tali album calculum nequaquam darem.

Vos dicitis quasdam inter Novitias ita esse teneras ac delicatas, ut non recipiant correctionem sine magna sui ipsarum turbatione, & quidem ita magna, ut sæpe infirmantur. Si id ita se habet, non video, quin eis possit & debeat porta aperiri: nam si sunt ægrotae, & nolint tractari, uti solent ægrotae recipiendo remedia propria sanitati recuperandæ, clarè satis apparet, eas hoc faciendo se reddere incorrigibiles, nec quidquam spei dare, quâ colligi posset, eas desiderare sanitatem. Quod attinet ad nimiam teneritudinem tum animi, tum corporis, unum est è maximis impedimentis, quæ inveniri possunt in vita Religiosa. Ideoque magna adhibenda est cura, ne recipiantur ullæ, quæ ultra modum dignoscuntur hoc vitio laborare, quia hoc ipso, quòd recusent uti remedijs, ostendunt se non cupere sanitatem.

Petitur secundo loco quid judicandum sit de ea, quæ nobis testatur se pœnitere, quod Religionem intrârit? Respondeo, certè si advertatur perseverare in hoc suæ vocationis fastidio, & eam pœnitere quod ad vos venerit, notetur insuper eam fieri remissiore & negligentiore in



conformando sese spiritui suæ vocationis, iudico quidem ei aperiendam esse januam. Sed nihilominus considerandum puto, id ei evenire posse vel ex simplici tentatione, vel ex exercitio à Deo immisso virtutis acquirendæ gratiâ ; & hoc poterit cognosci ex profectu, quem eliciet ex tali cogitatione, tali tadio, vel pœnitentia, quando sincera cum simplicitate se aperiet de tali re, & fideliter utetur remedijs, quæ ei exhibebuntur. Deus enim non permittit quicquam pro nostro exercitio evenire ; quin velit aliquem profectum spirituales nos inde colligere, quod fit quoties candidè & sincerè nos aperimus nostris Superioribus, & facimus quod nobis mandatur, uti aliàs dixi. Et hoc est indicium, quòd EXERCITIUM illud sit à Deo. At verò quando advertitur, istis neglectis, quòd aliqua Sororum se proprio dirigat iudicio, quodq; ejus voluntas sit seducta & perditâ ; tunc res est desperata, & sine remedio ; ideoque è Congregatione eliminanda.


Petitur tertio loco, an non perpendendum sit seriò, an dandus sit calculus Candidatæ illi, in qua non est sinceritas, neque æqualitas erga omnes Sorores, sed apertis signis ostendit se plus inclinationis habere erga unam, quàm erga alteram ? Respondeo, non oportere esse tam rigidas & severas ob res tam parvas : sciendum enim est hujusmodi inclinationem esse ultimam

par-

partem nostræ renunciationis. nam antequam eo veniatur, ut plus inclinationis non habeatur erga unam, quàm erga alteram, & affectiones adeò sint mortificatæ, ut ulterius mortificari non possint, tempore opus est. Ideò observandum est in hoc, sicuti in omnibus alijs, an soror illa sit incorrigibilis.

Ultimò hac in materia interrogatis me, si iudicium omnium Sororum (unius excepto) penitus esset contrarium rei, ex qua, re ipsâ falsum formatur iudicium, & illi (quæ scit rem sic se habere) veniret in mentem eripiendi Sororibus errorem, eriperene deberet? Respondeo omnino: nam & sic agendo sorori, de qua feruntur suffragia, proderit, & alijs lumen dabit, ut omnia accuratè lustrant, antequam sententiam definitivam pronuncient. Spiritus sanctus debet præsidere communitatibus, & secundum varietatem opinionum statuendum est, quale sit ferendum iudicium, tale scilicet, quod maximè cedat ad ejus gloriam. Porro inclinatio ista, quam habes, quòd aliæ dent suum suffragiū, vel non dent, quamvis tu des, vel non des tuum, debet contemni & reijci, velut alia quævis tentatio. Verùm tali in occasione nunquam debent publicari inter Sorores hujusmodi inclinationes, aut aversiones. Tandem, pro omnibus imperfectionibus, quas è mundo ad Religionem

secum ferunt Candidatæ, Regula hæc servanda est: quando notantur se emendare, esto committant complures errores, non sunt reiicienda: per emendationem enim ostendunt, se nolle manere incorrigibiles.



# VIVAT IESVS.

## COLLOCVTIO XVIII.

*Quomodo suscipienda seu recipienda sint Sacramenta, quomodo item divinum officium recitandum, cum nonnullis punctis spectantibus ad orationem ritè peragendam?*



Ntequam sciamus quomodo nos præparare debeamus ad Sacramenta recipienda, & qualem ex ijs fructum colligere debeamus; necessarium est scire, quid sit Sacramentum, quique ejus effectus.

Sacramenta igitur sunt canales quidam, per quos (ut ita dicam) Deus descendit ad nos, sicuti per orationem nos ascendimus ad illum;

ORA-



ORATIO siquidem aliud non est, quàm ELEVATIO MENTIS IN DEUM. Effectus Sacramentorum sunt diversi, quamvis ijs non insit nisi unus finis, & intentio nos Deo uniendi.

Per Sacramentum BAPTISMI nos Deo unimus, ut filius cum Patre; per CONFIRMATIONIS nos eidem unimus, sicuti miles suo ductori, accipiendo fortitudinem ad pugnandum, & nostrum inimicum in omni tentatione vincendum. Per Sacramentum PŒNITENTIÆ unimur Deo, ut amici ad invicem reconciliati; Per sacrosanctum ALTARIS SACRAMENTUM, ut cibus cum stomacho; Per EXTREMAM VNCTIONEM Deo nos unimus, ut filius, qui ex longinqua regione rediens, & ponens jam pedem vnum in domum sui Patris, ut cum eo, sicut & cum Matre, & universa familia reuniat.

Hi sunt effectus diversi Sacramentorum. Verum quia omnia exposcunt unionem animæ nostræ cum Deo, nunc non nisi de duobus loquimur, PŒNITENTIÆ scilicet & EUCHARISTIÆ. In primis autem necesse est nos scire quare, cum toties recipiamus duo hæc Sacramenta, non etiam gratiam recipiamus, quam solent recipere animæ bene præparatæ, siquidem gratiæ Sacramentorum ipsis Sacramentis sunt conjunctæ. Dicam vno verbo: id evenit defectu debitæ præparationis, ideoq; sciendum est quomodo nos

præparare debeamus ad recipienda duo hæc Sacramenta, & proportionaliter omnia alia. Prima igitur præparatio est puritas intentionis; secunda attentio, & tertia humilitas.

Quantum ad puritatem intentionis attinet, ea omnino est necessaria non solum ad receptionem Sacramentorum; sed & in omnibus quæ agimus. INTENTIO PURA EST quando recipimus Sacramenta, vel rem aliam quamcunque facimus, qualiscunque ea sit, modò nos Deo uniatur, sitq; apta, & absque admixtione proprii emolumenti, ad nos gratos Deo efficiendos. Cognoscetis hoc, si, quando desideraveritis & petieritis licentiam communicandi, ea non concedatur; vel si post sanctam communionem non habueritis consolationem, & istis nihil obstantibus, alia pace fruamini, & ne ipsis quidem aggressionibus, quæ vobis evenire possint, consensum præbueritis; si autem contrà vos inquietudini tradideritis, eò quòd vobis denegata sit communio, vel quòd consolationem non habueritis; quis non videt intentionem vestram non fuisse puram, & quod non quæritis vos unire Deo, sed consolationibus; siquidem vestra unio cum Deo fieri debet auspicijs & virtute sanctæ obedientiæ? Et eodem prorsus modo, si perfectionem desiderio inquietudinis pleno desideretis; quis non animadvertit esse amorem proprium, qui nolle, ut

nos

nos appareremus hominibus imperfecti? Si fieri posset, ut æquè grati essemus Deò, existentes imperfecti, sicut quando sumus perfecti, desiderare deberemus nos esse absque omnimoda perfectione, ut in nobis, utendo hoc modo, nutrireremus sanctissimam humilitatem.

Secunda præparatio est ATTENTIO. Certè adire deberemus Sacramenta magna cum attentione, tum propter magnitudinem operis, quod in ijs agitur, tum propter id, quod Sacramentorum quodlibet à nobis desiderat. Accipe exemplum: euntes ad confessionem nobiscum ferre debemus cor amorosè dolorosum; ad sanctam autem communionem, cor ardentè amorosum. Non dico quòd per magnam istam attentionem non habituri simus distractionem, quia eam non habere, in nostra non est potestate; sed intendo dicere, quòd habere oporteat curam particularem, ne ei voluntariè aures demus, multò minus adhæreamus.

Tertia præparatio est HUMILITAS, quæ est virtus multùm necessaria ad recipiendas abundanter gratias, quæ veluti sacri liquores defluunt è canalibus sacramentorù, eò quòd aquæ soleant longè celerius & fortius defluere, quando canales sunt in locis declivibus & deorsum se proterdentibus.

Verùm, ultra tres allatas præparationes, verbo

uno



uno dicam, in quo sita sit principalis derelictio, & omnimoda nostri ipsorum abnegatio, in Dei scilicet misericordia, si ei nos submittamus absq; ulla omnino reservatione nostræ voluntatis, & omnes nostras affectiones ejus dominatui subijciamus. Dico sine reservatione; eò quòd miseria nostra tanta sit, ut semper aliquid nobis reservemus. Et quidem homines qui videntur & sunt spirituales, communiter sibi reservant voluntatem habendi virtutes, vnde, quando adeunt sacram communionem; ò Deus! dicunt illi, me integrè resignò in manus tuas, at placeat tibi, obsecro, mihi elargiri prudentiam ut honorificè possim vivere, sed non petunt simplicitatem. O mi Deus! omnino me subijcio, & cupio manere subiecta divinæ tuæ voluntati; sed magnum mihi elargire animum, ut excellentia & tuo servitio digna faciam opera; de sva vitate autem, ad vivendum pacificè cum proximo, altum est silentium. Dato mihi, humillimè rogo, inquiet altera, humilitatem, quæ propria sit ad exhibenda alijs bona exempla; at de cordis humilitate, quæ nos inducit ad amandam propriam abjectionem, non indigent, uti videtur. O mi DEVS siquidem tota quanta tua sum, habeam, obsecro, semper consolationes in meis orationibus. Itane? prætentio quidem quam habemus, est medium unum è necessarijs ad nos cum Deo uniendos,

endos, sed unde provenit quòd nunquam tribulationes & mortificationes petamus? Cerrè modus ille agendi non est proprius conciliandæ unioni, dum tot voluntates, (esto sint ad speciem splendidæ) nobis reservamus: Dominus enim volens se nobis omnino dare, vult ut reciprocè nos integrè sibi demus: ut unio animæ nostræ cum divina Majestate sit perfectior, & dicere possimus cum veritate, imitando magnum illud perfectionis inter Christianos exemplar: *non visse ego, sed visse in me Christus.*

Secunda pars hujus præparationis consistit in evacuatione cordis nostri ab omnibus rebus, ut Dominus noster se ipso illud repleat. Profectò causa, ob quam non recipimus gratiam sanctificationis (vna siquidem communio bene facta, sufficiens & idonea est ad nos sanctos efficiendos) non provenit aliunde, quàm ex eo, quòd non sinamus Deum nostrum regnare in nobis, ut ejus bonitas à nobis exigit. Venit in nos Dilectus animarum nostrarum, & reperit corda nostra plena desiderijs, affectionibus, & nescio quibus minutulis voluntatibus: non talia in eis ille requirit; sed vacua vult invenire, ut in ijs dominetur & solus regnet.

Et, ut ostendat quantopere id desideret, dicit suæ sacræ dilectæ Can. Canti: 8. v. 6: *pone me ut signaculum super cor tuum; nihil ut scilicet in illud intra-*

intrare possit, nisi illâ, juxta suum beneplacitum, permittente. Bellè autem mihi constat medium cordium vestrorum esse vacuum (alioquin nimis magna esset infidelitas) volo dicere nos non solum rejecisse, & detestatos fuisse peccatum mortale; sed omnia etiam genera malarum affectionum. Verùm omnes anguli & angulorum anguli nostrorum cordium repleti sunt mille rebus, conspectu & præsentia summi Regis quàm maximè indignis, quæ (ut videtur) ei ligant manus ad impediendū, quò minus nobis disper- tiat bona & gratias, quæ ejus bonitas summè desiderabat nobis dispartire, si præparatos nos invenisset.

Præstemus igitur nostra ex parte quidquid va- lemus, bene nos præparando ad accipiendam PANEM SUPERSUBSTANTIALEM, proijciendo nos totos quantos in divinam ejus providentiam, non solum propter bona temporalia, sed maxi- mè spiritualia, explicando, & expandendo in- præsentia divinæ ejus bonitatis omnes nostras affectiones, desideria, & inclinationes, ut ei plenè simus subjeti; & sic certi erimus, Dominum sua promissa, quæ fecit de nobis in se transformandis (attollens nostram imbecillitatem & humilitatem usque ad eam uniendam suæ magnitudini) completurum. Potest equidem sæpius adiri sa- cra communio ob diversos fines, ut ad petendam

libe-

libera  
one, s  
micis  
modo  
& per  
non e  
niter  
crebr  
Q  
pedit  
tu, qu  
ties a  
se off  
mus i  
humil  
per c  
omn  
non f  
ximo  
ficut  
Don  
aut  
nem  
am,  
ea in  
mag  
mus  
pro



liberationem ab aliqua tentatione, vel afflictione, siue eam petamus pro nobis vel nostris amicis; vel ad postulandam aliquam virtutem, modò id fiat gratiâ nos per istum actum arctius & perfectius uniendi Deo, quod tamen persæpe non evenit: nam tempore afflictionis communiter magis uniti sumus Deo, quàm alio, eò quòd crebrius eum mente voluimus.

Quod attinet ad virtutes, subinde magis expedit, quod nos attinet, eas non habere in habitu, quàm habere: & hoc verum est quando toties actus earum exercemus, quoties occasiones se offerunt: nam repugnantia illa quam sentimus in exercitio alicujus virtutis servit ad nos humiljandos; humilitas autem suo valore semper omnia alia superat. Tandem oportet, ut omnes orationes & petitiones, quas facis Deo, non solùm pro te facias, sed etiam pro tuo proximo, dicendo semper Nos vel pro NOBIS &c: sicut Dominus noster nos docuit in oratione Dominica, ubi nunquam est, Ego, neque ME, aut ME. Intelligitur autem te habere intentionem rogandi Deum, ut det virtutem, vel gratiam, quam petis pro te, & omnibus ijs, qui (ut tu) ea indigent. Et hoc semper facere debes ad te magis uniendum cum illo; nam aliter non debemus petere, neque desiderare rem aliam, neque pro nobis, neque pro proximo, siquidem is est  
finis,

finis, ob quem instituta sunt Sacramenta. Oportet igitur nos respondere intentioni nostri Servatoris, ea recipiendo ob eundem finem; neque enim cogitandum est, quod nos communicantes, vel orantes pro alijs, aliquid perdamus, nisi quod dum offerimus hanc communionem aut orationem Deo ad satisfaciendum pro eorum peccatis, tunc sic orantes, non satisfacimus quidem pro nostris, sed tamen meritum communionis & orationis proprium nobis manet. Nam non possumus mereri gratiam pro alijs, nec illi pro nobis: solus enim Christus Dominus id potuit: impetrare potest unus pro altero gratiam, sed non mereri.

Oratio, quam facimus pro alijs, auget nostram merita, tam ad compensationem gratiæ in hac vita, quam ad cumulum gloriæ in altera. Notandum, quod etsi quis non adhiberet intentionem faciendi rem aliquam pro satisfactione suorum peccatorum, tamen sola attentio, quam haberet faciendo, quidquid facturum est, Dei amore, satis id esset ad satisfaciendum; certum siquidem est, quod is, qui posset excellentem aliquem charitatis actum facere, vel perfectæ contritionis verè elicere, plenè pro omnibus suis peccatis satisfaceret.

Velles fortassis scire, quomodò nosse posses te proficere, recipiendo Sacramenta. Cognosces

si te

fi te ipsum promoveas per virtutes, quæ propriè  
 profluunt è singulis Sacramentis. Si ex Con-  
 fessione acquiras amorem propriæ abjectionis  
 & humilitatis: nam eæ sunt virtutes, quæ illi Sa-  
 cramento sunt propriæ. Semper autem juxta  
 mensuram humilitatis, cognoscitur noster pro-  
 fectus. Non advertis dictum esse, quòd *quicumque*  
*se humiliaverit, exaltabitur*, id est, ulterius promo-  
 vebitur in virtutibus, & in gratia. Si mediante  
 sanctissima communione multum proficias in-  
 svavitatem (ea siquidem est propria virtus hujus  
 Sacramenti, quod est svavissimum, & ut mel dul-  
 cissimum) decerpes inde fructum, qui illi est pro-  
 prius, & ita exaltaberis, id est, in virtutibus pro-  
 moveberis. E contra, si non evades in homi-  
 nem humiliorem & meliorem, meraberis, ut tibi  
 panis tollatur, siquidem non vis laborare.

Perquam vellem, adveniente tibi desiderio  
 communicandi extra ordinem, & petendi id à  
 Superiore, magna cum simplicitate id te facere,  
 & majore adhuc cum resignatione & humilitate  
 repulsam, si ea tibi detur, acceptare. Si autem  
 concedatur dicta communicandi facultas, com-  
 munica insigni cum amore; nec obstante, quòd  
 insignis sit mortificatio eam petere, vellem ideò  
 te illam omittere. Puellæ enim quæ intrant  
 domicilia VISITATIONIS, non alia intentione in-  
 trant, quàm ut se mortificent; & hoc cruces,



quas post Christum portant, illis revocare debent in memoriam. Si autem cuipiam inspiraretur, vel in mentem veniret nolle toties communicare, quoties communicant aliæ, & hoc ob notitiam, quam habet de sua indignitate, posset rogare Superiorem, expectans ejus judicium (quod latūra est) magna cum svavitate & humilitate.

Vellem etiam nullam ex vobis, dum audit, vel intelligit misceri sermonem de se, deq; suis imperfectionibus, vel de aliqua virtute, quam non habet, turbari aut inquietari, sed Deum benedicere, quod medium ad illam acquirendam detexerit, viamq; ostenderit, ab imperfectionibus emergendi, nec non assumendi animum ad medijs bene utendum. Gerere oportet animos generosos, qui non nisi Deo nōrint adherere; nullo autē modo reb<sup>9</sup> ijs, quas pars inferior expetit, at pro viribus eniti, ut pars superior animæ nostræ victoriam obtineat: siquidem omnino in nostra est potestate, gratiā tamen Dñi adjuvante, inferiori nunquam consentire. Consolationes & teneritudines non debent desiderari, quia nobis non sunt necessariæ, ut per eas magis Deum amemus. Non oportet igitur se occupare in considerando, an svavitates habeamus; sed faciendum est id, quod faceremus, si eas nacti essemus.

Non

Non oportet etiam ita esse teneras, melius dic-  
cerem scrupulosas, volendo confiteri nescio,  
quas minutulas imperfectiones, quia ne obligati  
quidem sumus confiteri peccata venialia, nisi ve-  
limus; verum quando ea confitemur, oportet  
voluntatem decrevisse, ea amplius non commit-  
tere; secus enim si fieret, committerentur ab-  
usus in confessione. Neque etiam oportet se  
excruciare, quando errores confitenti non oc-  
currunt: vix enim credibile est animam, quæ  
sæpe se examinat, non accuratè in memoriam  
revocare errores, qui alicujus sunt momenti.  
Quod attinet ad exiles & leves lapsus, potestis  
de ijs loqui cum Deo, quoties eos animadvert-  
eritis: unus enim actus humilitatis, unum suspi-  
rium sufficit ad eos abolendos.

Quæritis, quomodo possitis facere actum  
Contritionis exiguo tempore? Respondeo ad  
eum faciendum vix vos egere tempore: aliud si-  
quidem non requiritur, quam ut ad Dei pedes  
in spiritu humilitatis te supplicem, & pœnitentem,  
ob eum offensum, abijcias.

Petitis etiam secundo loco, ut vobis loquar  
de officio bene & laudabiliter dicendo? Re-  
spondeo, id mihi placere, & in primis dico, quam  
primum auditur sonus campanæ quo vocamini  
ad illud persolvendum, eo ipso instanti debere  
vos preparare, & ad imitationem sancti Bernardi

à corde vestro petere, quò vadat, quidq; factu-  
rum sit? & non solùm hac in occasione; sed etiam  
quoties aggredimur vnum aliquod nostro-  
rum exercitiorum, ut unicuique adferamus spi-  
ritum, qui est proprius: non enim esset conve-  
niens se conferre ad officij recitationem, sicut  
ad recreationem. Ad recreationem enim fe-  
rendus est spiritus amorosè lætus, ad officium  
autem spiritus seriò amorosus. Quando dicitur,  
DEUS IN ADIUTORIUM MEUM INTENDE, co-  
gitandum est reciprocè vobis dici à Domino:  
ET VOS MENTEM IN ME FIXAM ET ATTENTAM  
HABETE. Quæ aliquantulum intelligunt quod  
dicunt in officio, suum fideliter, juxta Dei bene-  
placitum impendant talentum, quod illis dedit,  
sintq; collectæ per mediâ bonarum affectionum,  
quas inde elicere poterunt; quæ autem nihil in-  
telligunt, sint simpliciter attentæ ad Deum, vel  
certè amoroso mentis impetu totas quantas se  
in Deum librent, dum, quæ in altero sunt choro,  
suum dicunt versum, & hæc pausant.

Oportet considerare nos idem officium præ-  
stare, quod præstant Angeli, quamvis linguâ di-  
versâ à nostra, & quòd stemus coram eodem  
Deo, coram quo tremunt dicti Angeli: & quem-  
admodum homo quispiam, qui loqueretur Regi,  
valde esset attentus, timens ne errorem quem-  
piam committeret, & si non obstante sua solici-

tudine,



rudine, in aliquem laberetur, continuò eruberet; eodem modo nos habere debemus in officio, agentes vigilias super nos ipsos, salutari timore concussos, ne erremus. Requiritur etiam, ut bene & distinctè pronuncietur, & secundum ordinem omnia bene efferantur, maximè autem in principio. Quod si in aliquo contingat nos nostro deesse officio, nos humiliemus oportet, non autem multum admiremur, multò autem minùs conturbemur: quia non est res rara, ac proinde parum miranda; nam etiam alibi alijs officijs desumus. Verùm si contingat vos valde sæpe cæspitare, & cæspitando cadere, & non continuò surgere, argumento est, nos non veram concepisse displicentiam ex primo lapsu. Talis negligentia multum confusionis nobis deberet adferre, & hoc non propter præsentiam Superioris; sed propter Dei respectum, qui nobis, & Angelis coràm præfens semper adstat.

Porro, ferè est regula generalis, quòd quando toties committimus idem erratum, deesse animum seriò se emendandi, quin etsi sit de re, de qua sæpius moniti sumus, satis clarè apparet negligi, ne dicam contemni, admonitionem.

Post hæc cavendum est ne agitemur scrupulis in toto officio, ob omisos duos vel tres versiculos imprudenter & ex inadvertentia, modò non fiat ex instituto, vel supinâ negligentia. Quod

si contingat bona ex parte officij vos dormire, esto corde versus dixeritis, tenemini iterum dicere. At quando fiunt res aliqua, durante officio, quæ necessario fieri debent, ut tussire vel excreare, vel quando Magistra caeremoniarum loquitur aliquid, quod spectat ad officium, tunc nulla est necessitas iterum reperendi.

Quando aliqua, incepto jam officio, intrat chorum, ponat se suo inter alias ordine, & officium cum illis prosequatur. Vbi autem absolutum fuerit, resumendum est id, quod chorus jam dixerat, antequam intraret, finiendo illo loco, in quo illa cæpit cum choro, sed submissâ voce dicendum, quod altâ chorus dixit.

Non est repetendum officium, eò quòd fueritis distracta in eo dicendo, dummodò distractio illa non fuerit voluntaria. Et idem iudicium esto, si ad finem alicujus Psalmi devenistis, non advertentes, neque recordantes, an certò dixeritis, eò quòd ita fueritis distracta, ut ne distractionem quidem notaveritis; pergendum est ulterius, humiliando se coram Deo. Non enim semper oportet cogitare nos negligentiam admisisse, quando distractio fuit longa: fieri enim poterit aliquando, ut duret tamdiu, quamdiu ipsum officium; & hoc sine culpa nostra. Sed posito, quòd aliquid culpæ in ea contractum sit, num ideo deberetis inquietari, & non potius,

Deo,

Deo spectatore, per temporis intervalla fortiter pugnare? Nollem vos unquam turbari ob mala, quæ sentitis & habetis; verum animari ad fideliter resistendum, & consensum hujusmodi distractionibus denegandum: magno siquidem intervallo ab invicem distant SENTIRE & CONSENTIRE.

Vultis ut aliqua in medium adferam de oratione? En adfero: plurimi vehementer se decipiunt, sibi persuadentes, magnâ & accuratâ methodo opus esse ad eam bene faciendam, & ea de causa multum se occupant, & affligunt, ut certam & infallibilem, ut illis videtur, artem necessariam id sciendi inveniant: unde nunquam cessant argute & subtiliter disputare (sed quam utiliter nescio) circa suam orationem, ut notent, quomodo illam faciunt, vel quomodo facere poterant juxta suum gustum. Hi putant non oportere admittere tussim, neque eâ durante se movere, timentes ne Dei spiritus se ab ijs retrahat. Ignorantia, ne dicam stultitia, res ista est maxima; quasi verò spiritus Dei ita esset delicatus, ut à methodo, & constitutione eorum, qui orationem faciunt, dependeret. Non dico, non oportere adhibere methodum & rationem, quam notavimus; sed dico non oportere penitus sese illis alligare, quemadmodum faciunt illi, qui putant nunquam orationes suas se bene fecisse,



ni suas consideraciones præmiserint affectionibus, quas Dominus eis elargitur, cum ipsæ affectiones sint finis, ob quem consideraciones facimus.

Tales sunt similes ijs, qui cum se inveniunt in loco, ad quem ire constituerant, affliguntur, eò quòd non venerint itinere, quod edocti fuerant. Requiritur nihilominus, ut magna cum reverentia nos habeamus, dum cum divina Majestate sermonem miscemus, siquidem Angeli ipsi, qui maximè puri sunt, contremiscunt in ejus præsentia. Sed, mi Deus! dicent aliquæ ex vobis: non possumus semper habere expressam imaginationem, & sensum præsentia divina, neque etiam sensibilem reverentiam, quæ adeò magnam creat humiliationem animæ, facitque ut svaviter & jucundè nos ipsas ante DEUM annihilemus. Respondeo, etiam me non intendere de ea loqui; at de illa, quæ facit, ut pars superior & vis animæ se demissè & humiliter habeat coram Deo, recognoscendo infinitam ejus magnitudinem, & profundam nostræ parvitatæ ac indignitatis conditionem.

Oportet etiam firmiter determinasse de oratione nunquam intermittenda, quacunque occurrente difficultate, nec etiam se ad eam conferre cum præoccupatione desiderij habendæ consolationis, & mentis satisfactionis. Hoc enim

agen-

agendo non esset conjungere nostram voluntatem cum Dei voluntate, qui vult, dum orationem aggredimur, decrevisse serio nos sustinere poenam & dolorem continuarum distractionum, ariditatis & fastidij, quæ in eis nobis supervenient, ut ita constantes maneamus, ac si in illis multum consolationis & animi tranquillitatis habuissemus: certum siquidem est nostram orationem non minus gratam futuram Deo, neque nobis minus utilem, quod facta sit majori cum difficultate; quia dummodò jungamus nostram voluntatem cum voluntate divinæ Majestatis, manentes in simplici attentione & dispositione, ad recipienda eventa divinæ ejus beneplaciti cum amore, sive id sit in oratione, sive in alijs accidentibus, efficiet is, ut omnia nobis cedant in utilitatem, sintque grata, & accepta in oculis divinæ ejus bonitatis. Bene igitur facere orationem, charæ filiæ, erit continere se in pace & tranquillitate apud Dominum, vel in ejus aspectu absque ullo alio desiderio, aut prætentione, quàm esse cum illo, & ei pro viribus satisfacere.

Prima igitur methodus, ut quis subsistat in oratione, est in promptu habere punctum aliquod ex utilioribus mysterijs mortis, vitæ, & passionis Domini nostri Iesu Christi. Res est admodum rara, ut non percipiatur fructus aliquis ex consideratione rei, quam Christus fecit. Est

enim supremus Magister, quem Pater æternus  
misit in mundum, ad docendum nos quid facere  
debeamus: & propterea ultra obligationem,  
quam habemus de nobis conformandis juxta  
divinum exemplar, debemus magnopere exacti  
esse in consideratione ejus actionum, ut eas imi-  
temur; eò quòd sit una ex excellentioribus in-  
tentionibus, quas habere possumus ad faciendā  
ea, quæ facimus hoc motivo, quia Christus Do-  
minus ea fecit; id est, ad exercendas virtutes,  
quia pater noster & exercuit, & quomodo eas  
exercendæ sint, docuit. Quod ut bene com-  
prehendamus, oportet fideliter eas ponderare,  
videre, & in oratione considerare. Filius enim,  
qui patrem suum sincerè amat, toto corde an-  
helat, ut se conformem efficiat ejus moribus, & a-  
gendi modis, eumq; imitetur in eo, quod facit.

Verum est quod vos dicitis, esse scilicet ani-  
mas aliquas, quæ non possunt gradum sistere,  
neq; occupare se ullo in mysterio, quia mentem  
applicarunt ad certam, & prorsus suavem quan-  
dam simplicitatem, cujus beneficio vivunt co-  
ram Deo in magna tranquillitate, nulla alia in-  
terveniente consideratione quàm scientiæ, quā  
moraliter sciunt se esse coram eo, qui est omne  
earum bonum: possunt sic bene & utiliter ma-  
nere. Veruntamen generaliter loquendo, res  
sic est instituenda, ut omnes Religiosæ VISITA-

TIONIS




tionis incipiant per methodum orationis, quæ est securior, & secum fert vitæ reformationem, & morum mutationem, quæ est illa, quam dicimus, quæque fit circa mysteria vitæ & mortis Christi Domini, in qua securè gradimur. Oportet igitur ut bona fide applicemus nos circa nostrum Magistrum, ad intelligendum & addiscendum id, quod vult nos intelligere & facere. Quæ autem è vobis nõrunt fructuosè uti altiore imaginatione, utantur cum Deo bono, sed id sobriè, simpliciter & breviter faciendum est. Complures Sancti Patres pias & devotas nobis reliquerunt considerationes, quibus quilibet circa præsens objectum potest uti. Quoniam si sancti, & viri illuminati eas fecerunt, quis detrectet vel reformidet ijs uti, quisque recusabit piè credere id, quod piissimè illi crediderunt? Securè, ne dubites, insistere possumus vestigijs hominum tantæ auctoritatis. Verùm non contenti posterorum considerationibus & meditationibus ab ijs relictis; eorum permulti alias fecèrè imaginationes, & illæ sunt, quibus uti non debemus, facile in meditatione, eò quòd possint aliquod detrimentum, & incommodum creare debilioris cerebri eo modo meditantibus.

Debemus autem facere proposita & decreta in fervore orationis, quando Sol Iustitiæ nos illuminat & clarificat, & per suam inspirationem

tionem ad illa incitat. Non intendo dicere habendos & sentiendos magnos affectus & consolationes propter hoc, licet quando ea Deus nobis elargitur, teneamur ex ijs proficere, & respondere ejus amor; verum quando ea non dat, non ideo non debemus ei fideliter servire, & vivere juxta rationem & voluntatem ejus, quin & vigore nostri intellectus; juvante parte superiori nostrae animae, facere decreta, eaque effectui, ac executioni mandare, non obstante ariditate, repugnantia, vel quacunque contradictione, quae posset evenire. En, quantum ad primum meditandi modum attinet, quem complures eximij Sancti exercuerunt, ut optimum, quando, ut debet exercetur. Quantum autem ad secundum meditandi modum spectat sine imaginatione, in eo pure & simpliciter meditamur Evangelium, & fidei nostrae mysteria, adhaerentes familiariter & simpliciter Servatori nostro, consideramus, quae fecit, tulitque salutis nostrae causam, absque ulla representatione. Haec meditandi ratio altior & melior videtur, quam prima: adde quod & sanctior, & securior appareat: ideoque erga illam affici & ferri debemus, esto non maximis illicitis trahamur. Observare autem & operam dare nos convenit, ut in omni orationis gradu spiritum nostrum in sancta libertate contineamus, ut sequatur lumina, & motiva, quae Deus nobis daturus

rus est. Verum, quod ad alios sublimiores orationis gradus attinet, nisi Deus absoluta suâ liberalitate tribuat, rogo ne vos ingeratis vestra sponte, absque scitu eorum, qui vos gubernant.



VIVAT IESVS.  
COLLOCVTIO XIX.

*Supra virtutes S. Iosephi.*



*Plus ut palma florebit.* hunc versiculum jubet Ecclesia Dei cantari in quolibet sanctorum Confessorum festo, ea fortè de causa, quòd quemadmodum palma magnam habet varietatem peculiarium proprietatum supra omnes alias arbores, & est velut Princeps & Rex omnium, tam propter pulchritudinem, quàm propter fructuum bonitatem; ita maxima est iustitiæ varietas, licet omnes iusti sint iusti, & æquales in iustitia; nihilominus magna est improportio & diversitas inter actus particulares eorum iustitiæ; sicut representat tunica antiqui Iosephi, quæ pertingebat usque ad talos, eleganti Phrygio opere, & mirâ  
florum



florum varietate, & pulchritudine elaborata. Quilibet justus habet tunicam justitiæ pertinentem usque ad talos; quod est dicere, omnes facultates & potentia animæ coopertæ sunt justitiâ, & interior exteriorque pars non aliud representant, quàm ipsammet justitiam existentem justam in omnibus motibus & actionibus tam internis, quàm externis. Sed tamen fatendum est quamlibet tunicam esse intextam eximia florum varietate, quarum inæqualitas nihil detrahit gratiæ, neque commendationi.

Magnus sanctus Pnulus Eremita fuit justus justitiâ perfectissimâ, & tamen nemo debet dubitare, quin longè pauciora charitatis opera adversus pauperes exercuerit, quàm sanctus Ioannes, qui idè cognominatus fuit Eleemosynarius. Nunquam item habuit occasionem exercendi magnificentiam; idèque non habuit hanc virtutem in tam alto gradu, quàm habuerunt plures alij Sancti. Habebat quidem omnes virtutes, sed non omnes in æquali gradu. Sanctorum aliqui in aliqua virtutum magis excelluerunt, alij in alijs magis præluxerunt, & omnes quidem salutem consecuti sunt; sed modis & differentijs ita diversis, ut tot fuerint discrimina eorum sanctitatis, quot fuerunt Sancti.

His igitur sic præsuppositis, noto esse tres proprietates particulares, quas habet palma in-

ter omnes alias arbores, quæ in maximo sunt numero. Quæ proprietates melius & aptius conveniunt Sancto, cuius festum celebramus, qui est (sicut sancta Ecclesia nos dicere facit) palmæ similis. O qualis, & quàm gloriosus Sanctus est Iosephus! Non modò enim est Patriarcha; sed omnium Patriarcharum coryphæus; non est simpliciter Confessor; sed plus quàm Confessor; in ejus enim confessione conclusæ sunt dignitates Episcoporum, generositates Martyrum, & Sanctorum omnium reliquorum. Iure igitur merito assimilatur palmæ, quæ est Regina arborum, quæ & habet proprietatem Virginitatis, humilitatis, & constantiæ, & strenuitatis; tres virtutes, in quibus gloriosus Iosephus maxime perire excelluit; & si comparationes facere licitum esset, complures assererent eum superasse, quantum ad tres has virtutes, omnes alios Sanctos.

Inter palmas invenitur palma mascula, & fœmella. Palma mascula non fert quidem fructum, nec tamen est infructuosa; fœmella enim sine mascula, & sine ejus aspectu non ferret fructum. Vnde si plantata non sit prope palmam masculam, & ejus non fruatur obtutu, manet infructuosa, non ferens dactylos, qui sunt ejus fructus: si è contra respiciatur à palma mascula, & in ejus sit aspectu, magnam fructuum quantitatem

tem virginèe producit: quoniam nullo modo attingitur à mascula; quamvis ab ea probe respiciatur, nulla tamen est unio inter utramque, nisi quòd fructum suum sub umbra & aspectu palmæ masculæ producat, sed purissimè & maximè virginèe. Palma mascula nihil omnino contribuit de sua substantia ad istam productionem; & nihilominus nemo potest negare, quin participet de fructu palmæ foemineæ; quia sine illa non potest ferre fructum, at manet sterilis, & infructuosa. Deus qui ab omni æternitate destinavit in divina sua providentia, ut Virgo conciperet filium, qui esset Deus & homo simul, voluit nihilominus hanc Virginem contrahere Matrimonium. Sed, ò Deus, ob quam causam, dicunt Sancti Patres, & Doctores ordinavit res duas tam differentes, quæ sunt esse Virginem, & Matrimonio junctam?

Major pars Patrum dicunt hoc idèò factum, ut impedirentur & arcerentur Iudæi ab injusta vexatione Beatæ Virginis inferenda, qui dubio procul eam non exemissent neque à calumnijs, neque ab alijs opprobrijs, sed se ipsos ejus puritatis examinatores fecissent. Addunt etiam id idèò factum, quia puritas & Virginitas ejus requirerebat, ut divina providentia curam committeret alicui Virorum, nec cuicunque, sed Viro Virgini; Virgo autem concredita Viro Virgini concipi-



conciperet & produceret fructum vitæ, Christum scilicet benedictum sub umbra sancti & immaculati Matrimonij. Iosephus igitur fuit, velut palma mascula; quæ quidem non fert fructum, nec tamen est infructuosa; verum multum participat de fructu palmæ femineæ: non quod sanctus Iosephus ad sanctam & gloriosam istam productionem aliquid contribuerit, præter umbram Matrimonij, quo cavebatur, ne gloriosa Domina nostra ullis calumnijs, & censuris, quas ejus intumescens vterus peperisset, impeteretur. Et quamvis dictus sanctus Ioseph ex suo nihil contribuerit, habuit tamen magnam partem sanctissimi fructus sacratissimæ suæ Sponsæ. Nam ea ad illam pertinebat, ideoque plantata erat juxta illum, ut palma gloriosa apud suum Dilectum, quam palma mascula denotabat, quæ juxta ordinem divinæ providentiæ non potuit, nec debuit producere, nisi sub ejus umbra, & ad ejus aspectum. Volo dicere sub umbra sancti Matrimonij, quod simul contraxerunt, Matrimonij, inquam, quod non erat secundum ordinarias leges Matrimonij, tam quoad communicationem bonorum exteriorum, quam quoad unionem, & conjunctionem bonorum interiorum. O qualis & quàm divina unio inter Dominam nostram gloriosam & sanctum Iosephum! Unio, quæ faciebat, ut hoc bonum æternorum

bonorum, quod est Christus benedictus, esset Iosephi, & pertineret ad Iosephum, uti pertinebat ad gloriosam Virginem, non quidem secundum naturam, quam traxerat è purissimis gloriosæ Dominæ nostræ visceribus, naturam, inquam, quæ formata fuerat ministerio spiritûs sancti ex sanguinibus Dominæ nostræ, sed secundum gratiam, quâ efficiebatur particeps omnium bonorum sacræ Sponsæ, & quæ faciebat, ut mirandum in modum cresceret in perfectione; & hoc per continuam communicationem, quam cum Beatissima Sponsa sua habebat, quæ possidebat omnes virtutes in gradu tam excelsso, ut nulla alia pura creatura eò posset attingere, nihilominus sanctus Ioseph ille vnus erat, qui maximè appropinquabat: huius rei accipitote similitudinem. Quemadmodum quodpiam speculum oppositum radijs solis recipit in se modo perfectissimo ejus radios, & aliud item speculum oppositum primo recipienti, immediatè radios; esto posterius speculum non in se recipiat dictos radios, nisi per reverberationem, eos tamen ita genuinè repræsentat, ut vix judicari possit quodnam è duobus immediatè recipiat præfatos radios, an illud, quod oppositum est soli, an verò alterum, quod non nisi per reverberationem recipit: eodem modo erat circa Dominam nostram, quæ adinstar purissimi speculi opposita erat

erat radijs solis Iustitiæ, radijs, inquam, qui in  
 ejus animam virtutes omnes in sua perfectione  
 inferebant, inferebantque quæ perfectiones &  
 virtutes creabant dein reverberationem in Bea-  
 to Iosepho tam perfectam, ut propemodum vi-  
 deretur esse tam perfectus, totq; habere virtutes,  
 & tam in alto gradu, atque habebat Domina no-  
 stra gloriosissima. Sed in particulari (ut in no-  
 stro inchoato proposito maneamus) in quo a-  
 mabò, gradu putamus eum habuisse Virginita-  
 tem, quæ est virtus Angelis nos similes efficiens?  
 Si sanctissima Christi mater non tantum fuit,  
 Virgo tota quanta pura & candida; sed (ut can-  
 tat sancta Ecclesia in Responsorijs lectionum  
 Matutini) *sancta & immaculata Virginitas* &c: si erat,  
 inquam, ipsamet Virginitas; quantum credimus  
 eum, qui constitutus & datus est à Patre æterno  
 custos ejus Virginitatis, vel, ut dicam melius,  
 focus, (neq; enim alio illa egebat custode quàm  
 se ipsa) debuit excellere in hac virtute? Fecerant  
 ambo votum totius vitæ decursu servandæ Vir-  
 ginitatis, & ecce Deus vult ut uniantur, & jun-  
 gantur vinculis sancti Matrimonij, non ut vota  
 sua irritent, aut concepti voti eos pœniteat; ac  
 ut iterum confirmet, & reciprocè unus alterum  
 roboret ad persistendum in sancto proposito,  
 quod propterea iterum fecerunt, ac renovârunt  
 ad virgineè vivendû simul toto reliquo vitæ tem-  
 pore.

Dd 2

Spon-



Sponsus in Canticis Canticorum admirandis  
 uitur terminis ad describendum pudorem, ca-  
 stitatem, & candorem innocentissimum divino-  
 rum suorum amorum erga charam suam Spon-  
 sam, multumque dilectam. Loquitur ergo sic:  
*Soror nostra parva est & ubera non habet: quid faciemus*  
*sorori nostrae in die quando alloquenda est? Si murus est,*  
*aedificemus super eum propugnacula argentea: si ostium est,*  
*compingamus illud tabulis cedrinis, seu, quod dicere*  
*vult, ex quolibet alio ligno incorruptibili confe-*  
*ctis. Ecce ut loquitur divinus Sponsus de puri-*  
*tate sanctissimæ Virginis, de Ecclesia, aut de ani-*  
*ma devota! verum sermo iste primariò dirigitur*  
*ad sanctissimam Virginem, quæ fuit per excel-*  
*lentiam divina Sulamitis supra omnes alias ex-*  
*altata. Soror nostra est parva, non habet ubera, id est,*  
*non cogitat de ullo Matrimonio; quia non ha-*  
*bet sinum, neque ut habeat, curam ullam gerit.*  
*Quid ergo faciemus ei in die quando alloquenda est?*  
*Nonne divinus Sponsus semper ei loquitur quan-*  
*do ei placet? In die quando alloquenda est: hoc in-*  
*telligitur de verbo principali, quod dandum vel re-*  
*cusandum est, quando agitur cum puellis de Ma-*  
*trimonio contrahendo, eò quòd sit verbum*  
*magni momenti, siquidem agitur de electione,*  
*& non quâcunque, sed de ea, quæ notet vocatio-*  
*nem & statum, in quo in posterum vivendum est.*  
*Quod si (inquit sacer Sponsus) est murus, aedificemus*  
*super eum propugnacula argentea; si autem ostium, ran-*  
 tum

tum abest, ut velimus illud confringere, ut contrà velimus duplicare & adjunctis novis tabulis ex cedro, ligno incorruptibili, confectis corroborare. Virgo gloriosa erat turris & murus perquam altus, in quorum septum nullus inimicorum ingredi poterat, sed ne desideria quidem alia poterant penetrare, quàm quæ erant de vita perfectè, purè & virgineè traducenda. *Quid ei faciemus?* debet enim jungi matrimonio; is enim qui eam movit ad eudendum decretum de virginitate vovenda, idem ut matrimonium contraheret ordinavit? *Si est turris vel murus, adificemus super eum propugnacula argentea* potius quàm demoliamur. *Quid est gloriosus Ioseph, nisi forte & inexpugnabile propugnaculum, quod ædificatum & stabilitum est super gloriosissimam Virginem?* siquidem existens ipsius Iosephi sponsa, simul erat ei subiecta, ejusq; curam ille diligentissimè gerebat. Tantum igitur aberat, ut sanctus Ioseph videri posset constitutus ad dissolvendum vel annihilandum votum Virginitatis, ut ei socius datus sit, ut puritas illius admirabiliùs perseveraret in sua integritate, & sub velo & umbra sancti Matrimonij, & sanctæ unionis, quam habebant ad invicem. Si sanctissima Virgo est ostium (dicit Pater æternus) nolumus ut aperiat; *est enim porta Orientalis, per quam nemo potest intrare, neque egredi:* quin contrà, oportet

eam duplicare & munire ligno incorruptibili; id est, dare socium totum quantum purum, scilicet magnum Iosephum, qui quoad hunc effectum debuit superare omnes Sanctos, imò & Angelos, & ipsosmet Cherubinos in hac tam laudata virtute Virginitatis; virtute, inquam, quâ efficiebatur similis palmæ, uti suprâ diximus.

Transeamus jam ad secundam PROPRIETATEM, & VIRTUTEM, quæ invenitur in palma; dico ego inhærens meo proposito, fieri justam similitudinem & conformitatem inter sanctum Iosephum & palmam in eorum virtute; virtute dico, quæ aliud non est, quàm sanctissima humilitas. Quamvis enim palma sit princeps arborum, est etiam omnium humillima, quod illa fateretur in eo, quòd flores suos tempore Veris clausos habeat, quando omnes aliæ arbores suos ostentant, hæc autem non sinit suos apparere, nisi quando summi sunt calores, sed tenet clausos in burfis, quæ factæ sunt in formam vaginarum. Vnde ipsa (intellige palmam) perbellè repræsentat nobis differentiam animarum, quæ tendunt ad perfectionem, modo longè ab alijs distincto ac diverso. Et hæc est differentia Iustorum ab ijs, qui vivunt secundum mundum; nam mundani & terreni homines, qui vitam traducunt juxta leges terræ, postquam habent aliquam bonam cogitationem, quæ eis videtur æsti-

matione



matione digna; vel certè aliquam virtutem, nunquam se dant quieti, usq; dum eam manifestent, & detegant omnibus sibi obviantibus; in quo idem periculum incurrunt, quod præproperæ & nimis festinantes arbores, quæ tempore Veris protrudunt suos flores, & maximè amygdali; nam, si super eas fortè gelu veniat, pereunt, & fructum nullum ferunt. Homines mundani, qui adeò sunt leves in expandendis suis floribus tempore Veris, id est, durante vita mortali, per spiritum superbiæ & ambitionis incurrunt semper fortunam contrahendi gelu; quo facto perdunt fructus suarum actionum: è contra Iusti semper tenent omnes flores suos inclusos in vagina sanctissimæ humilitatis, nec sinunt eos erumpere (quamdiu possunt) usque dum summi sunt calores, tunc scilicet, quando Deus divinæ Iustitiæ sol venturus est ad potenter calefacienda eorum corda in æterna vita, in qua in omnem æternitatem gestabunt fructum felicitatis & immortalitatis. Palma non finit videri suos flores, usq; dum ardor vehementis solis findit & aperit vaginas, & thecas, vel bursas, in quibus manent inclusi; post quod, statim in propatulo omnibus videndos fructus exponit: idem facit anima iusta; tenet enim flores suos absconditos, id est, suas virtutes, sub velo sanctissimæ humilitatis, usque ad ipsam mortem, in qua Dominus facit

eos referari, & foris conspiciendos apparere: tunc enim fructus non differtur, sed palam ostenditur.

O quàm magnus hic Sanctus, de quo nobis est sermo, in hoc fuit fidelis! Non potest id ita efficaciter dici, ut dicendo quis adæquet ejus perfectionem; nam, non obstante eo, quòd fuerit in aliqua paupertate, & abiectione, nonne in ea totius vitæ suæ tempore vixit? in aliqua, inquam, paupertate, & abiectione, sub quibus absconditas & tectas magnas suas virtutes & dignitates tenebat. Sed mi Deus, quales & quantæ erant illæ virtutes? agere gubernatorem Christi Domini; neque hoc solum, sed etiam Patrem putatitium ejusdem, quin & Sponsum sanctissimæ ejus Matris. Nihil dubito, quin Angeli in admirationem rapti, turmatim appropinquârint ad videndam, considerandam, & admirandam ejus voluntatem: & tunc maximè, quando charum hunc infantem tenebat inter brachia in paupercola sua officina, in qua res suæ artis conficiebat ad nutriendum tum filium, tum Matrem, qui ei cœlitus commissi erant. Nullum est dubium, Charæ meæ Sorores, quin Ioseph fuerit magis strenuus, quàm David, & sapientior quàm Salomon; nihilominus qui eum vidisset redactum ad exercitium fabricæ materiariæ, seu architecturæ, quomodo id credidisset, nisi de-

claratum fuisset cœlesti lumine? Ita ille sua insignia dona, quæ in eum Deus contulerat, in occulto tenebat! Sed, quam non debuit habere sapientiam, Deus siquidem ejus curæ & fidei comittebat gloriosissimum suum filium, quemq; elegerat, ut ejusdem, sicut & Matris, esset gubernator?

Si terrenis Principibus tantæ curæ est (res enim est maximi momenti) ut homines idoneos ad filios rectè educandos & gubernandos procurent, quidnî *DEVS*, efficere poterat, ut totius mundi virum sapientissimum, ac in omnibus virtutibus perfectissimum, juxta dignitatem & excellentem ejus, qui gubernandus erat, talem præficeret filio suo gloriosissimo, & principi cœli & terræ potentissimo? Certè potuit facere quis ergo factum negabit? quis dubitare audebit, an Ioseph donatus fuerit omnibus gratijs, omnibusq; donis, quæ merebatur munus, quod Pater æternus illi volebat conferre, Oeconomia scilicet temporalis & domestica Filij sui, unâ cum administratione ejus familiæ, quæ tribus solum constabat, quæq; repræsentabat tres personas sanctæ & ter adorandæ Trinitatis, quare tamen nulla est comparatio, nisi in eo, quod respicit Christum Dominum, qui est una ex sanctissimis personis individua Trinitatis. Nam aliæ duæ erant creaturæ; nihilominus tamen, sic lo-



qui possumus, esse scilicet unam Trinitatem in terris, quæ modo aliquo repræsentat cœlestem & æternam Trinitatem, Mariam, scilicet, IESVM, & Iosephum; Iosephus, IESVS, & Maria; Trinitas admiranda, & omni honore dignissima.

Intelligitis ergo, quantopere exaltata fuerit dignitas Iosephi, & quàm ineffabiliter præditus omni omnino genere virtutum. Videris etiam, quòd aliunde magis fuerit humiliatus, quàm quisquam sibi imaginari possit. Hoc solum exemplum, nullo alibi quæsito, sufficit ad bene intelligendum. It is in suam patriam, in suam civitatem Bethlehem, & nemo præter illum, (quantum quidem sciri potest) excluditur ab omni hospitio præter illum cum sacra sua Sponsa: unde cogitur se recipere, & illam ducere in stabulum inter boves & asinos. O! in quam extremam abjectionem & humiliationem est redactus? Ejus humilitas (ut explicat sanctus Bernardus) fuit in causa, quòd voluerit dimittere Dominam nostram, quando advertit esse prægnantem. Nam, inquit idem Bernardus, formavit hunc discursum in se ipso. Ecquid est hoc? scio eam esse Virginem, simul enim Deo edidimus votum Virginitatis & puritatis in perpetuum servandæ; scio & illam inconcussam servare; & ecce adverto eam vterum gerere, & esse Matrem. Qui, amabò, fieri potest, ut mater-

nitas

nititas inveniatur in Virginitate, & Virginitas non impediatur maternitatem? O Deus! (dicit apud se ipsum) an fortè est Virgo illa, de qua asserunt Prophetæ futurum, ut concipiat & sit mater Messix promissi? O! si hoc est, avertat Deus, ne ego, qui indignus sum, maneam cum illa; melius longè est, ut eam secretò dimittam propter meam indignitatem, & amplius non maneam in ejus sancta societate. Sensus iste tam intimus, non potest non proficisci ex admiranda & profunda humilitate, quæ similis sit sancti Petri exclamantis, quando existens in navicula, in qua erat & Salvator, vidit potentiam manifestatam in copiosa piscium captura ad solam ejus vocem jubentis retia projici in mare: O Domine, inquit, (abreptus sensu similis humilitatis sancti Iosephi) *discede à me: quia homo peccator sum*, ideoq; indignus qui tecum sim! Ego bene scio (dicere volebat) quod si me in mare projecero, sim periturus; sed tu, qui omnipotens es, ambulabis super aquas absque ullo submersionis periculo: & ideo te humillimè rogo, recede à me, sed à te non recedam ego.

Verùm si sanctus Ioseph erat sollicitus, ut verè erat, de occultandis suis virtutibus sub velo sanctissimæ humilitatis, longè adhuc majorem & magis singularem sollicitudinem gerebat de abscondenda pretiosa Virginitatis Margarita; ac  
pro-

proinde eò etiam libentius consensit in Matrimonium cum Domina nostra contrahendum, ut sic nemo eum agnoscere posset, dum sub velo sancti Matrimonij coopertus & secretus vitam transigeret. Hinc Virgines & quicunque alij, qui castè cogitant vivere, docentur non esse satis, esse Virgines, nisi simul sint humiles, & puritatem suam abscondant in pretiosa pyxide humilitatis: nam aliàs eveniret, quod evenit fatuis Virginibus, quæ defectu humilitatis, & charitatis miserentis, exclusæ fuerunt per Sponsum à nuptijs. Et propterea coactæ sunt ire ad mundanas nuptias, in quibus minimè observatur consilium cœlestis Sponsi: qui dicit eum esse oportere humilem, ut ei pateat ingressus ad nuptias. Intendo dicere, exercendam esse humilitatem; nam monet euntes ad nuptias, vel invitatos ad easdem *ut recumbant in noxiissimo loco.* In quo videmus quantopere necessaria sit humilitas ad Virginitatis conservationem; siquidem certum est eum minimè gustaturum convivium cœleste, neq; cœnam nuptialem (quæ Deus in mansione cœlesti præparat Virginibus) nisi in quantum comitem habuerit virtutem humilitatis.

Non collocantur conservandæ res pretiosæ, & maximè unguenta odorifera in aperto aëre; nam præterquam quòd suos odores exhalarent, muscæ ea destruerent, sicq; jacturam facerent  
suar



suæ dignitatis & valoris. Eodem modo animæ  
justæ timentes perdere valorem & pretium bo-  
norum suorum operum, recludunt ordinariè ea  
in pyxide; sed non in communi (sicut nec vn-  
guenta pretiosa recluduntur) sed in pyxide ex  
alabastro elaborata: (tali scilicet, qualis fuit  
ea, quam sancta Maria Magdalena fudit supra  
sacrum Salvatoris caput, quando illam restituit,  
& iterum stabilivit in Virginitate, non essentiali  
quidem, sed post lapsum reparata. Quæ subinde  
est excellentior, postquam acquisita, & in inte-  
grum restituta est per pœnitentiam, quàm ea,  
quæ nunquam passa est detrimentum, & eam mi-  
nor comitabatur humilitas. Hæc igitur pyxis  
ex alabastro confecta, est humilitas: in qua ad  
imitationem Beatæ Virginis & sancti Iosephi in-  
cludere debemus nostras virtutes, & omnia illa,  
quæ causa esse possent, ut vellemus ab hominibus  
æstimari, cum studere debeamus soli Deo place-  
re, & latitare sub sacro abjectionis nostri ipso-  
rum velo, expectantes (uti antè diximus) ut  
Deus veniens in sede securitatis (quæ est gloria)  
nos locet, faciatq; virtutes nostras ad sui nomi-  
nis gloriam & honorem apparere.

Sed dicite, quæ perfectior humilitas potest  
excogitari, quàm fuerit sancti Iosephi? (Pono  
interim Beatæ Virginis virtutes ad partem; jam  
enim diximus sanctum Iosephum recepisse magnam  
omniam

omnium virtutum incrementa per modum & forinam reverberationis, quas sanctissimæ Virginis virtutes in eo procreabant) habet is maximam partem in hoc thesauro divino, quem penes se habuit, Christum scilicet Dominum nostrum: & interim se ita gerit demissè & humiliter, ut videri posset ex eo non habere partem, & tamen ad illum ita pertinet, ut (post sanctam tamen Virginem) ad neminem alium magis pertineat: & hoc nemo in dubium potest revocare: siquidem ex ejus erat familia, & filius suæ Sponsæ, quæ ad ipsum pertinebat. Consuevi dicere, quod si columba quæpiam (ad efficiendam comparisonem magis conformem puritati sanctorum, de quibus mihi est sermo) ferret suo rostro dactylum, palmæ fructum, & eum sineret cadere in aliquo horto, nonné diceretur palma, quæ ex eo orta esset, pertinere ad eum, cujus est hortus? Posito hoc ita se habere, quis dubitabit, quin dactylus ille Christus nempe benedictus, quem Spiritus Sanctus sivit suaviter labi in horto, pertineat ad eum, cujus est hortus? sivit autem Spiritus Sanctus, ut cœlestis columbus, labi in horto clauso ac solidè firmato sanctissimæ Virginis: horto, inquam, *signato*, & omni ex parte sepibus voti sanctæ Virginitatis & castitatis immaculatæ cincto; hortus autem ille spectabat ad gloriosum Iosephum, uti fœmina aut Sponsa  
spe-

ſpectat ad Sponſum ſuum; quis ergo dubitabit, vel quis dicere audebit divinam iſtam palmam, quæ fert fructus, qui nutriunt ad immortalitatem, non pertinere ſimul cum Sponſa ad hunc magnum Iosephum? qui non ideò tamen ex hoc magis ſe extollit, neque ſit ſuperbior, quin imò ſemper humilior. O Deus! quàm iucundum & ſvave erat videre reventiam & reſpectum, quibus humilis hic Ioseph agebat tam cum Matre, quàm cum filio?

Quod cogitavit derelinquere Matrem, neſciens adhuc perfectè magnitudinem & excellentiam ſuæ dignitatis, in quali quantaque putas admiratione, & profunda ſui exinanitione fuit poſtea, quando animadvertit ſe eò uſque honorari, ut Chriſtus Dominus, & Domina noſtra omnibus ejus voluntatibus obtemperarent, nihilq; omnino facerent, niſi eo mandante? Hæc res talis eſt, quæ comprehendere nequeat: ac proinde tranſimus ad tertiam proprietatem, quam in palma animadverto: quæ eſt ſtrenuitas, conſtantia, & fortitudo, virtutes, quæ fuere in noſtro ſancto Iosepho in gradu perquam eminente.

Palmæ fortitudo, & conſtantia in eo cognoviſcitur maxima, quòd ſuper omnes alias ſit arbores, & omnium ſit prima, oſtendens robur ſuum & conſtantiam in eo, quod quantò magis onera-



rata est, tantò magis in altum surgit, sitq; altior; quod contrarium est non solummodò alijs arboribus, sed omnibus alijs rebus: nam quò magis onerantur, eò magis versus terram se inclinant; at verò palma monstrat suam fortitudinem & constantiam, non submittendo se, & nunquam se demittendo, quocunque tandem pondere oneretur: ei enim ita innatum est in altum tendere, ut nesciat deorsum. Ostendit suam strenuitatem in hoc, quòd ejus folia sint similia gladijs, & videtur tot habere, quot fert folia. Iustissima de causa sanctus Iosephus dictus est similis palmæ: semper enim fuit strenuus, constans, & perseverans.

Magnum autem est discrimen inter constantiam & perseverantiam, inter fortitudinem & strenuitatem. Vocamus hominem constantem, qui firmus est, & præparatus ad excipiendos, & sustinendos inimicorum suorum assultus, & quidem absque eo, quòd terreatur animò vé cadat, pugnâ durante; perseverantia autem respicit præcipuè certam quandam interiorem animi ægritudinem, quam experimur in diuturnitate dolorum ac pœnarum, quæ verè est inimicus ad eò potens, ut vix potentior sit reperire.

Porro perseverantia facit, ut homo suum contemnat inimicum, & taliter quidem contemnat, ut victor per continuam æqualitatem & submissionem

tionem cum voluntate Dei, evadat. Fortitudo est id, quod facit hominem potenter resistere assaultibus, & aggressibus inimicorum: verum strenuitas est virtus hujusmodi, quæ non solum facit ut homo sit in promptu ad pugnandum & resistendum, data præsentī occasione; sed etiam facit, ut ipse statim, nullo edito verbo, suum aggrediatur inimicum. Noster autem gloriosus Iosephus omnibus istis virtutibus fuit munitus, omnesque admirandā solertiā exercuit.

Quod ad ejus constantiam spectat, quàm clarè, amabò, visendam tunc ostendit, quando animadvertit Beatam Virginem esse prægnantem, & nesciens quomodo id fieri poterat (Dens bone, quales angustias, qualia tædia, ac spiritûs agitationes non habuit!) nihilominus non queritur, non est austerior, nec insvavior erga suam Sponsam, sicut nec illam ea de causa durius tractat; sed manet æquè mitis, ac reverens, sua ex parte, ac aliàs solebat. At qualem STRENVITATEM, qualem FORTITVDINEM non testatur victoria, quam reportavit de duobus maximis hominis hostibus, Diabolo scilicet & Mundo? & hoc per accuratissimum exercitium humilitatis actuum, uti notavimus in decursu totius vitæ illius. Diabolus tantus est humilitatis inimicus, eò quòd istius virtutis defectu intelligat se de cælo dejectum, & simul in Infernum præcipitatum.

tum (quasi humilitas esset causa ejus lapsus, & non potius ille metum humani generis hostis infensissimus, quod eam non elegerit, nec habere voluerit comitem, & sociam inseparabilem) ut nulla sit inventio, neque artificium, quæ non adhibeat ad abstrahendum hominem ab ea virtute; & hoc tanto magis, quanto ea virtus, illum Deo reddit acceptiorem. Vnde veritati consentaneè dicere possumus: strenuus & fortis est homo ille, qui ad instar Iosephi in ea firmus perseverat; dum simul & semel gloriosus existit triumphator de Diabolo & mundo, qui aliud non spirant, quam ambitionem, vanitatem, & detestandam superbiam.

Quantum autem ad perseverantiam, quæ virtus est opposita interiori inimico, qui est tædium quoddam vobis proveniens ex continuatione rerum abjectarum, humiliantium, pœnariarum, & adversarum fortunarum, si ita loquendum est, vel certè ex diversis accidentibus, quæ nobis passim eveniunt. Deus bone, quantopere Sanctus hic probatus est à Deo, & ab hominibus, & cum aliis, tum maxime in suo itinere! Angelus ei mandat, ut promptè ac è vestigio iter suscipiat, Dominam nostram, Sponsam suam, & charissimam ejus filium in Ægyptum ducat; nec mora, iter aggreditur, nullo in contrarium verbo allato; non sciscitatur quò sit iturus? quâ viâ per-



perrecturus? & multò minus quibus auxilijs se  
& suos aliturus? à quo recipientur hospitio?  
Discedit, & fortassis sua instrumenta secum ge-  
stat, ut eorum usu ea, quæ ad suam, tum ad suæ  
familiolæ vitam sustentandam spectant, in sudo-  
re vultus sui lucretur. O quantâ vehementiâ  
interior ægritudo, de qua loquimur, eum pre-  
mere poterat, & maximè, quod Angelus ei non  
definierat tempus, quo manere debebat in Ægy-  
pto. Atque adeò nequibat vllam stabilem ha-  
bitationem conducere, ignarus adventus Ange-  
li, se & suos revocaturi. Si sanctus Paulus tan-  
topere admiratus est obedientiam Abrahæ,  
quam exactissimè præstitit, quando **D E V S** ei  
mandavit *discedere de terra & de cognatione sua*, quia  
**D E U S** non dixit, quam partem tenere deberet,  
nec id ipse Abraham quæsit, quod tamen ut  
minimum quærere poterat: Domine, tu mihi  
dicis, ut egrediar; dic ergo, humiliter obsecro,  
an egredi debeam per portam Meridionalem,  
an verò Aquilonarem? Tacuit ille, & aggres-  
sus est iter, ivitq; quo Dei spiritus eum ducebat.  
Quam admiranda est & perfecta ista sancti Io-  
sephi obedientia! Angelus ei non dixit, quamdiu  
mansurus esset in Ægypto, & ille non inquisivit:  
mansit autem, ut communior est opinio, quinque  
annorum spatio, non informans se de suo reditu,  
certo sibi pollicens, quòd is, qui mandaverat, ut

eo pergeret, sibi vicissim significaret tempus & occasionem reditus, quem nunquam non prestolabatur, ad obediendum promptissimus.

Erat is in terra non solum extranea; sed quam maximè Israëlitis inimica. Quia Ægyptijs adhuc altè animo infixæ hærebat plaga, quam acceperant ab Israëlitis tum Ægyptum dolosè deserentibus, tum causâ existentibus ruinæ non exiguæ partis suorum in mari rubro, submersorum. Tibi considerandum relinquo, quantum desiderium habere potuerit Iosephus in patriam redeundi partim ob tinorem continuû, qui, dubio procul deesse nõ poterat habitanti inter Ægyptios, partim ob ignorantiam temporis sui, reditus, ejus animum plurimum affligentem; nihilominus, qui erat, semper manebat, sãvis, tranquillus, & perseverans, submittensque se divino beneplacito, à quo plenè sinebat se gubernari; nam cum esset justus, semper habebat suam voluntatem conjunctam & conformatam divinæ. Esse enim Iustum, aliud non est, quam esse perfectè unitum voluntati Dei, & in omni rerum eventu, sive prosperarum, sive adversantium, ejusdem voluntati animum gerere conformem. Quod autem sanctus Iosephus omnibus in occasionibus semper se submiserit perfectè voluntati divinæ, dubitari non potest; vides enim quomodo Angelus in omnem partem ad libitum dirigat, verratque.

Dicit

Dicit illi, vade in Ægyptum, vadit, jubet vt inde redeat, redit. Deus vult vt semper sit pauper (quod est unum è potentioribus & urgentioribus experimentis, quæ nobis exhibere potest) paupertati perquam amorosè sese submittit, & hoc non ad breve aliquod tempus, sed usque ad finem vitæ. At cui paupertati? contemptibili, miseræ, & rerum multarum indigæ.

Paupertas voluntaria, quam profitentur Religiosi, valde est amabilis; non impedit siquidem quò minus recipiant, & accipiant res suis usibus necessarias, sed cavet & reijcit superfluas; at verò paupertas sancti Iosephi, Christi Domini, & Beatæ Virginis minimè erat talis: nam licet fuerit voluntaria, eò quòd charissima illis fuerit, non ideò non erat abjecta, vilis, contemptibilis, & plurimis rebus indigens. Quilibet enim magnum hunc Sanctum habebat loco vilis, & ad speciem externam abjecti Carpentarij, seu fabri, qui dubio procul nequibat opificio suo tantum lucrari, quantum sat esset ad res necessarias procurandas, esto magnopere in id incubuerit, ut haberet sustentationè, parvæ quidem ad speciem, sed re ipsâ totius mundi maximæ familiæ. Adhibito dicto conatu ad familiam quoquo poterat modo alendam, humillimè se sub mittebat Dei voluntati, offerebatq; se ad continuandam consuetam paupertatè abjectionem,



nem, nec sinebat villo modo se vinci, aut proster-  
ni ab interiori ægritudine : quæ dubio procul  
plurimis assultibus oblati ei insultabat ; at sem-  
per manebat constans in subjectione, quæ ( ut  
omnes aliæ virtutes ) continuò crescebat in per-  
fectiorem. Atque Domina nostra, quæ non sine-  
bat diem vllum transire sine linea, id est, sine lu-  
cro spirituali, quod indies accipiebat è virtuti-  
bus, perfectionibus, & bonitate sanctissimi filij  
sui ( qui licet crescere non potuerit in re ali-  
qua, quia ab instanti suæ conceptionis fuit talis,  
qualis nunc est, & æternaliter erit, potuit tamen  
efficere, ut sancta familia, in qua ipse numera-  
batur, quotidie cresceret, & ulterius progrede-  
retur in perfectione ) sancto Iosepho ( ut dixi-  
mus ) communicabat.

Quid nunc superest nobis dicendum, nisi  
quòd nullo modo dubitare debeamus, quin glo-  
riosus hic Sanctus maximè sit in cœlo apud eum,  
qui tantoperè illum amavit, ut vix dubitandum  
videatur, quin eum unà cum corpore & anima  
ad cœlos assumpserit. Et ex eo redditur com-  
primis id probabile, quòd nullas hisce in terris  
ex eo habeamus reliquias. Quare puto ea de re  
neminem dubitare debere. Quomodò enim  
recusare potuisset gratiam istam sancto Iosepho  
is, qui totius vitæ suæ tempore fuerat ei tam  
obediens? dubio procul Dominum nostrum ad

Limbus descendentem allocutus est Beatus Ioseph hunc, aut similem in modum: DOMINE ME GLORIOSISIME, si placet, recordare, quòd, quando è cœlo in terras venisti, te in domum meam receperim inter meam familiam, & à tempore tuæ Nativitatis sæpe sæpius te intra mea brachia gestàrim: nunc, ò nunc iturus ad Cœlum, humiliter rogo, ducito me tecum; recepi te in meam familiam, recipe me inter tuam, siquidem ad eam vadis; te super mea brachia creberrimè elevavi, nunc, obsecro, supra tua me attolle; & uti sollicitus fui, ut te enutrirer, & gubernarem, durante cursu vitæ tuæ mortalis, mei nunc curam suscipito, & me deducito ad vitam immortalem. Et, si verum est, quod firmiter credere debemus, quòd in virtute sanctissimi Sacramenti, quod recipimus, corpora nostra resuscitanda sint in die Iudicii, quomodò dubitare poterimus, quin ascendere fecerit ad cœlum unà secum cum corpore & anima gloriosissimum sanctum Iosephum? quem in terris eo honore prosecutus, eiq; gratias singulares elargitus fuerat, & inter cæteras sinendo se sæpius inter benedicta ejus brachia portari: brachia, inquam, in quibus Christus Dominus sibi valde sæpe complacuerat? O quot svavissima ei oscula benedictio suo ore, in mercedem & compensationē qualem qualem pro ejus laborib<sup>9</sup> in se nutriendo susceptis, fixerat!

Sanctus igitur Ioseph est in cœlo cum corpore & anima, & hoc sine ullo dubio. O quàm erimus beati, si mereamur habere partem aliquam in sanctis ejus intercessionibus! nihil enim ei recusabitur, neque à nostra Domina, neque à glorioso ejus filio. Obtinebit nobis, si ei nos confidamus, eximium incrementum in omni genere virtutum; sed specialiter in eis, quas in eo deprehendimus esse in altiori gradu, quàm omnes aliæ. Sunt autem sanctissimæ corporis & animæ puritas, amabilissima virtus humilitatis, constantiæ, strenuitatis & perseverantiæ. Virtutes certè, quæ contra nostros inimicos efficient nos in hac vita victores, quæque mereri nos facient gratiam, ut euntes ad alteram, eis fruamur præmijs, quæ præparata sunt illis, qui imitantur exempla, quæ sanctus Iosephus existens in hac vita ijs præbuit; præmijs, inquam, quæ breviora non erunt æterna felicitate, in qua clarâ Patris, Filij, & Spiritûs Sancti visione perfruemur.

DEUS SIT  
BENEDICTUS.

VIVAT



# VIVAT IESVS.

## COLLOCVTIO XX.

*In qua queritur, qualem intentionem  
habere debeamus ingrediendo Religionem?*



Væstio, quam mihi proponit nostra Mater, charissimæ filiæ, de declaranda vobis intentione, quam habere debent, quotquot volunt intrare Religionem, est maximi momenti, maximè necessaria, maximeque utilis, si quæ alia. Sic autem res habet, Charæ filiæ: complures puellæ intrant Religionem, nescientes quare: ingreditur, exempli causâ, locum colloctioni assignatum: vident ibi Religiosas serenâ facie, benè moratas, modestas, sua sorte contentas, dicunt intra se: *mi Deus, quàm bene ibi agitur! eamus & nos, nam mundus malè nos excipit, neque invenimus in eo res, quas animo perceperamus, vulgò præfensiones.* Altera dicit, *ô quàm bene intus cantatur!* Aliæ veniunt, ut inveniant pacem, consolationem, omniaque suavitatis genera, dicentes in suis cogitationibus: *Mi Deus, quàm beata sunt Religiosa! sunt extra querelas, & continuas patris & matris reprehensiones, quæ aliud propè non agunt, quàm increpant, omniaque replent clamoribus, nihil fieri potest, quod ijs placeat, oportet*

*semper eandem telam ordiri: Christus promittit ijs. qui mundum relinquunt, & suo servitio se addicunt, multas consolationes, ADEAMVS ERGO RELIGIONEM.*

En charæ filiæ trës prætensiones (ita enim ut intelligar, loquor) quarum nulla valet ad intrandum, & jugiter inhabitandam Dei domum. Ad eam duci nos oportet manu Dei, ille enim solus est, qui *adificat civitatem*, proinde si ædificata est ab alio, destrui oportebit. Credo, charæ filiæ, prætensiones vestras toto cælo à dictis distare, ideoq; etiam credo vos omnes esse optimæ mentis, DEVMQUE consequenter incipienti parvo huic gregi magnas benedictiones & dona largitutum.

Veniunt mihi in mentem duæ similitudines ad vos edocendas, super quid & qualiter vestra prætentio fundata esse debeat, ut solidè consistat: verum contentus ero explicatione unius, quæ sufficiet. Posito casu, quo Architectus quispian velit domum exstruere, oportet eum duo facere: primo debet considerare, an ædificium, quod habet præ manibus, vsui esse debeat cuiuspiam privato, an Principi, aut Regi: quia in eo procedere debet modo longè dispari. Deinde per otium sedens computare debet sumptus, qui necessarij sunt, ad perficiendum, me posteaquam posuerit fundamentum, & non potuerit perficere, omnes, qui vident, incipiant illudere ei, dicentes, quia hic homo cepit  
adi-

*ædificare, & non potuit consummare.* Post, oportet resolvere se ad demoliendum, & destruendum antiquum ædificium, quod occupat locum, in quo novum est ædificandum.

Intendimus, charæ filiæ, erigere magnum ædificium, quod est apud nos Deo parare mansionem: ideoq; maturè considerandum nobis est, an sufficienter animum determinatum habeamus, ad nos ipsas demoliendas, annihilandas, nec non crucifigendas, vel potius ad permittendum Deo, ut nos ille annihilet, & annihilatas crucifigat ac reædificet, ut simus vivum ejus Majestatis templum. Dico igitur, optimæ filiæ, intentionem nostram esse debere Nos INTIMÈ DEO VNIRE, sicut Christus Dominus se suo Patri moriturus in cruce univit. Non enim intendo vobis loqui de generali unione, quæ fit in Baptismo, in quo Christiani se uniunt Deo, dum divinum hoc Sacramentum suscipiunt vnà cum caractere Christianismi, seq; obligant ad servanda ejus mandata & simul sanctæ Ecclesiæ; exercere item se in bonis operibus, virtutumq; fidei, Spei & Charitatis actus elicere. Quo posito eorum unio est valida, & possunt omni jure prætendere æternam beatitudinem, uniendo se per hoc medium Deo suo. Ultra hoc non obligantur, jam enim attigerunt finem suum per viam generalem & specialem mandatorum.



Sed quantum ad vos, Charæ filiæ, non sic res procedit: nam ultra hanc communem obligationem, quam habetis cum omnibus Christianis, Deus vos amore omnino singulari elegit, ut suæ amantissimæ sitis Sponsæ. Sciendum est, quomodo, & quid sit esse Religiosas; est esse Deo religatas bonâ religione per continuam mortificationem nostri ipsarum; est & non vivere, nisi Deo soli, servando semper proprium cor divinæ ejus Majestati, quin & oculos, linguam, manus, & quidquid aliud superest continuo eidem servando, & consecrando. Vnde videtis vobis à Religione suppeditari media propria ad istum effectum, quæ sunt, oratio, lectio, silentium, secessus proprii cordis ad quiescendum in Deo, suspiria, & continuas mentis in Deum ejaculationes. Et quia eò nequimus pertingere, nisi per assiduam studium, & exercitium continuæ mortificationis omnium passionum, inclinationum, pravorum habituum, & aversionum, tenemur, obligamurq; nunquam non vigilare super nos ipsos, ut ista non tantum mortificemus, sed etiam morti tradamus.

Nostis, Charæ filiæ, *granum frumenti nisi cadens in terram mortuum fuerit, solum manere: si autem mortuum fuerit, multum fructum afferre.* Christi verbum est charissimum; sacratissimo enim suo ore ipsemet pronunciavit. Hinc vos, quæ desideratis

habi-

habitum, & vos aliæ, quæ sanctam professionem expectatis, etiam atque etiam, iterum atque tertio considerate, an sufficienter statueritis, mori vobis ipsis, & non nisi Deo vivere: ponderate, inquam, accuratè omnia, tempus adhuc longum superest antequam vela vestra tingantur colore nigro. *Deliberandum est diu, quod statuendum est semel.* Dico enim vobis clarè, Charæ filiæ, nec volo vobis adulari, quæcunque desiderat vivere secundum naturam, maneat in mundo; quæ autem statuerunt vivere secundum gratiam, veniant ad Religionem; quæ aliud non est, quàm schola abnegationis & mortificationis sui ipsius; quam in rem videtis vobis suppeditari multa utensilia, seu instrumenta mortificationis tam interna, quàm externa. Ehen! dicetis mihi, non ista quærebam; putabam enim sufficere esse bonam Religiosam, habere desiderium bene & piè faciendi orationem, habere visiones & revelationes, videre Angelos in forma hominis, rapi in extasim, amare unicè lectionem bonorum librorum: & quid non? adeò eram studiosa virtutù, & ut mihi videbatur, ita mortificata, ita humilis, quid multis? totus mundus me mirabatur. Nonné erat esse humilè loqui multum & suaviter meis consodalibus & sociabus de rebus pijs, referre sermones domi, quos audieram in templo, manserè agere cum omnibus domesticis, præsertim autè, quando non contradicebant.

Hoc

Hoc quidem, Charæ filiæ, valebat pro mundo: at verò Religio vult, ut nos præstemus opera digna vocatione, id est, vult ut nobis ipsis omnibus in rebus, tam in bonis (& quæ faciunt ad nostrum gustum) quàm in malis, & molestis, moriamur. Putatisne bonos illos desertorum incolas, & Religiosos, qui pertraxerunt ad maximam cum Deo unionem, sequendo suas inclinationes eò perfectionis devenisse? Minimè profectò, mortificârunt se in rebus etiam sanctioribus: & quamvis habuerint magnum desiderium cantandi divina cantica, ad legendum, orandum, & res alias peragendas, ea non exercebant ad placendum & satisfaciendum sibi ipsis; non profectò, sed contrà voluntariè se privabant illa delectatione, ut exercebant opera laboriosa & pœnaria. Verum quidem est, animas Religiosas recipere plurimas sùavitates & delectationes inter mortificationes, & alia sanctæ Religionis exercitia, ijs enim præcipuè Spiritus sanctus impertit dona perquam pretiosa; ideoque non nisi DEVM, & mortificationem pravorum affectuum, passionum, & inclinationum, in Religione quærere debent: si enim aliud quærunt, non invenient unquam consolationem quam spe venientes ad Religionem devorârunt.

Quare gerere oportet animum invincibilem, ut nos ipsos à nobismet ipsis elongemus, ac penitus



nitus separemus, quia semper & in omnibus ali-  
quid habebimus, quod agamus & rescemus. Of-  
ficium bonorum Religiosorum debet esse, bene  
excolere suum spiritum, eradicare omnes inuti-  
les & velut adulterinas plantarum emissiones,  
quas depravata nostra natura facit indies & in  
horas germinare. Atque ita vix vnquam deest,  
quod reparetur. Et sicut agricola non debet  
agrè ferre, non enim meretur reprehensionem,  
quod copiosam messem non collegerit, posito  
tamen quod curam habuerit excolendi, & semi-  
nandi terram prout conveniebat: eodem modo  
non debet turbari Religiosus, si non ita citò col-  
ligat fructus, quos cuperet perfectionis, & virtu-  
tum, dummodò fideliter & accuratè excolat ter-  
ram cordis sui, rescendo quidquid apparet esse  
contrarium perfectioni, ad quam aspirare sese  
obligavit: nunquam siquidem ab omni spirituali  
infirmirate liberabimur, antequam recipiamur  
in domicilium eorum, qui dicere possunt *laqueo  
contritus est, & nos liberati sumus.* Quando regulæ  
vestra vobis dicit, ut horâ assignatâ petantur li-  
bri, putatisne, quod ordinariè ei vobis sint dan-  
di, quibus maximè delectamini? Minimè gen-  
tium; non ea est regulæ intentio, sicut nec alio-  
rum VISITATIONIS exercitiorum. Sorori cui-  
piam suo iudicio propensæ ad orationem faci-  
endam, ad officium dicendum, ad secessus cordis  
quæ-

quærendos & excolendos dicitur, vade tu ad culinam, vel certè fac talem vel talem rem, nuncium hoc puellæ devotæ minimè arridet. Dico proinde nobis esse moriendum, ut DEVS vivat in nobis: impossibile siquidem est acquirere animæ nostræ perfectam cum Deo unionem, modo alio, quàm per mortificationem. Durus est hic sermo, MORIENDVM EST; verùm eum sermonem magna sequitur suavitas, dum, obitâ morte, unimur arctius Deo. Debetis scire, neminem prudentem *mittere Vinum nostrum in utres Geteres*: liquor divini amoris non potest crescere, vbi vetus Adam regnat; necessariò proinde destruendus est. Sed quomodo, dicetis mihi, destruendus est? Respondeo, quomodo? Charæ filia, per obedientiam exactam in vestris Regulis expressam: ex parte Dei certas & securas vos facio, quod si fideliter feceritis, quod vos docent, dubio procul pertingetis ad finē, ad quem debetis toto corde aspirare, qui est, vos DEO unire. Notate quod dixerim, FECERITIS: non enim acquiritur perfectio decussatim brachia, complicando; oportet laborare seriò, & se ipsum domare ac cicurare, vivere scilicet secundum rationem, regulam & obedientiam; non autem juxta pravas inclinationes, & consuetudines, quas ex mundo nobiscum attulimus. Fert quidem Religio & finit, ut adferamus, nobiscum malos

malos habitus, si quos habemus, passionēs & minus ordinatas propensiones, sed non ut vivamus secundum illas; exhibet nobis regulas, quæ sint cordibus nostris loco prælorum, quibus ei jciatur, quidquid Deo est contrarium. Erigite igitur animos, & vivite secundum dictas regulas, dum tempus conceditur.

Sed dicet aliqua ex vobis, mi DEVS! quid & qualiter agam non habens spiritum Regulæ? Credo, chara filia, & hoc minimè gravatè; spiritus regulæ non est res talis, quam quis è mundo secum ferat ad Religionem; sed is fideliter exercendo regulam, acquiritur: & idem vobis assero de HUMILITATE, & SVAVITATE, FUNDAMENTO hujus CONGREGATIONIS. DEVS certissimo eum nobis dabit, dummodò simus bonæ mentis, & quantum in nobis est, ad eum acquirendum, faciamus. Beati erimus nos, si vel quadrante unius horulæ ante mortem, inveniamur vestiti istâ tunicâ; quin & totius vitæ nostræ labor præclarè censebitur impensus, si eam totam quantam insumpserimus ad consvendam, & conficiendam dictam tunicam; nunc adjiciendo unum fragmen, nunc alterum; non enim sanctus iste habitus conficitur uno fragmento panni, sed necessariò debent esse plura. Fortassis putatis perfectionem inveniri usque adeò perfectam, ut solummodo induenda sit, ut quævis alia vestis:



non sic, Charæ filiæ, non sic res ista peragitur. Tu Venerabilis Mater, dicis nostras Sorores expectare, ut concepti sui voti compotes fiant, esse easdem bonæ voluntatis; verum deesse illis efficaciam, quo minus, quod intēdunt, valeant adimplere; dicis insuper eas experiri suas passiones adeò in malo roboratas, ut timeant non parum, mente conceptum iter ingredi. Erigite vos in spem, Charæ filiæ, sæpius vobis dixi Religionem esse scholam, in qua lectio addiscitur: scholæ autem Magister non semper requirit, ut sui scholares ita memoriâ suas lectiones teneant, ut nihil unquam, eas recitando, mente excidat, fat est, ut nitantur facere, quod in se est, studendo suis lectionibus. Faciamus & nos quod possumus, & Deus ac Superiores erunt nostro studio contenti. Nonné videtis ex ijs, qui addiscunt usum tractandi arma, sæpe aliquos cadere? Eodem modo cadunt subinde ij, qui arti equitandi operam dant: sed non ideò statim se victos fatentur, alia enim est res subinde deiici, & alia omnino vinci. Passiones vestræ quandoq; vobis resistunt, & ideò dicet fors è vobis aliqua non sum idonea ad Religionem, quia ego abundo passionibus. Respondeo non, non, Charæ filiæ, res sic agitur. Religio non multum triumphat in anima quapiam svavi, & tranquillo ingenio ad frugem educenda, sed magni æstimat  
redu-

reducere ad virtutem animas jam roboratas in suis inclinationibus: si enim animæ illæ sint fideles, & studiosæ, superabunt has, acquirentes fervore spiritûs id, quod illæ habent sine labore. Non petitur à vobis, ut non habeatis passiones (id enim non est in vestra potestate; adde quòd Deus velit vos cum illis certare usque ad mortem pro augmento vestrorum meritorum) neque ut eæ sint debiles; hoc enim esset dicere, animam malis habitibus possessam non esse aptam ad Deo serviendum. Mundus decipitur in hac cogitatione, quia quod est sine malitia, vel potius actuali malignitate, Deus minimè reprobatur.

Dicitote enim mihi, quo ex capite promeruit aliquis, quòd talis vel talis sit temperatura, subiectus tali vel tali passioni? Totum dependet ex actibus, quos facimus ex motu, qui dependet à nostra voluntate, peccato existente ita voluntario, ut, si negemus nostrum consensum, nullo modo sit peccatum. Pone casum quòd me invadat, & opprimat gravis cholera, eique me dicere: verte te huc, verte te illuc, & crepa, si lubet, nihil omnino facturus sum in tuum favorem, & ne vnam quidem v oculam pronunciaturus, propter, & juxta motum quem in me excitat. Deus elargitus est nobis hanc potestatem & libertatem, alioquin petendo à nobis quampiam perfectionem, obligare esset nos ad

faciendam rem, quæ in nostra non esset potestate, ac proinde ad injustitiam, quæ inveniri non potest in Deo.

Ad hoc propositum mihi venit in mentem referre historiam, quæ vobis est propria. Quando Moyses descendit de monte, in quo ei locutus fuerat Dominus, vidit populum, qui, postquam conflasset sibi vitulum aureum, eum adorabat: accensus is iustâ cholera zeli gloriæ Dei, dixit stans in porta castrorum, Versus ad Levis: si quis est Domini, jungatur mihi. Congregatiq; sunt ad eum omnes filij Levi, quibus ait: hac dicit Dominus Deus Israel: ponat vir gladium super femur suum: ite & redite de porta usque ad portam per medium castrorum, & occidat unusquisq; fratrem & amicum, & proximum suum. Feceruntq; filij Levi juxta sermonem Moysi, cecideruntq; in die illa quasi viginti tria milia hominum. Adde quod eximius maximè habebatur ille, qui plures occidisset. Eodem modo, charæ filia, arripite & vos gladios mortificationis in manus vestras ad occidendas & ad nihilum redigendas vestras passiones; quæcunque plures occideris, maximè strenua habebitur, modò dein gratiæ Dei velit cooperari.

Duæ hæ IUVENCULÆ ANIMULÆ, quas hic adstantes videris, (earum una excessit aliquantulum annum decimum sextum, altera decimum quintum complevit) parum habent quod occidant, cum earum spiritus vix in lucem prodierit: verum magnæ illæ animæ, quæ quàm plurima



rima jam expertæ sunt, & paradisi dulcedinem degustârunt, earum est officium prorsus occidere & annihilare, quotquot adhuc habent passionēs.

Quod attinet ad illas, quas tu Venerabilis Mater designas, quæ ita expetunt perfectionem, ut omnes alias virtute excedere velint, bene faciunt, nonnihil consolando proprium suum amorem, sed facient satis, communitatem sequendo, Regulas accuratè servando: ea enim recta est via ad Deum veniendi. Beatæ estis vos, charæ filiæ, præ nobis in mundo degentibus: quando nos petimus iter, dicit unus aliquis nos rectâ ire viâ, alter autem dicit tenendam sinistram: & tandem ut plurimum decipimur; vos autem nihil aliud facitis, quàm quòd vos ferri duciq; sinitis. Similes estis ijs, qui iter faciunt super mare, navis eos portat, & manent in ea quieti, sine solitudine: ambulant quiescendo, nec necesse habent quærere, an rectum teneant iter; hoc enim officium est Nautarum, qui semper videntes pulchram stellam, Gnomonem scilicet nauticum, seu quod idem est, indicem venti spirantis, sciunt se bona & recta in via esse, dicunq; alijs, qui sunt in navi, bono & alacri estore animo, bonâ & rectâ ferimur viâ, sequamini posito omni timore.

Gnomon iste divinus, est Christus Dominus,

navis sunt regulæ, qui eam dirigunt, sunt Superiores, qui ordinariè vobis dicunt, pergite & ambulate fidenter, bonæ Sorores, per exactam Regularum observantiam; feliciter ad Deum appelletis, ille solus vos ducet dirigetque. Verum notate, me dicere, ambulate per exactam & fidelem observationem: nam qui contempserit viam suam, occidetur, inquit Salomon.

Dicis insuper, Venerabilis Mater, Sorores nostras dicere, bonum est quidem ambulare per Regulas; sed est via generalis; Deus autem nos trahit per illicita particularia, cum autem quælibet habeat viam specialem, quæ omnes trahemur per eandem viam? Respondeo, Habent causam id dicendi, & verum dicunt; sed verum etiam est, quod si attractio ista venit à Deo, dubio procul trahet & ducet ad obedientiam; non autem spectat ad nos, qui Superiores non sumus, judicare de particularibus nostris allecibus, hoc Superiorum est officium, & ideo directio particularis est ordinata; ei estote fideles, & benedictionis fructum referetis in patientia.

Si feceritis, charissimæ filiæ, quod docemini, eritis felicissimæ, vivetis vestrâ sorte contentæ, & experiemini adhuc existentes in mundo hoc, favores Paradisi, minimum velut quandam prægustationem. Verum oportet vos diligenter advertere, quòd si nobis adveniat gustus aliquis interior,


terior, & favor Christi Domini, ne plus quàm oportet, ijs adhæreatis: is favor similis est pauculis granis anisi confecti, quæ Apothecarius ponere consuevit super potionem infirmo ebibendam, ad sanitatem recuperandam, non obstante amaritudine: quamvis enim de manu Apothecarij acceperit dicta grana saccharo confecta, non ideò eâ sumptâ, non percipit ejus amaritudinem.

Videtis ergo clarè prædicationem, quam debetis habere, ut Sponsæ Christi dignæ efficiamini, & simul capaces, quas Christus in monte Calvariæ sibi despondeat. Vivite igitur quàm optimè; quod fiet, si totâ vestrâ vitâ omnes vestras actiones conformaveritis actioni peractæ in dicto monte. O quanta hic vos manet benedictio danda à Deo! Tota nostra felicitas consistit in perseverantia: ad quam Charæ filiæ, vos hortor toto corde, & rogo Dei bonitatem, ut & in hoc mundo vos gratiâ suâ & amore beet, & in altero gloriâ faciat vos frui sempiterna.

Valete, charæ filiæ, omnes vos fero, non in oculis, sed in corde: ut autem me commendem in vestras preces, superfluum existimo, me enim credere facit vestra pietas, vos eo in genere non defuturas officio charitatis. Nullus transibit dies vitæ meæ, quo non missurus sim



vobis ex altari meam benedictionem, Interim  
autem eam recipite, in nomine PATRIS, FILII,  
& SPIRITVS SANCTI.



VIVAT IESVS.

COLLOCVTIO XXI.

*Super documentum de nihil petendo, &  
nihil recusando.*



ENERABILIS MATER, cum  
nuper loquerer cum pia, & eximia  
Religiosa, ea rogavit me his verbis:  
si quæpiam è Sororibus habens de-  
siderium sæpius communicandi, quàm soleat,  
communitas, id peteret à Superiore, erraretne?  
ei dixi: si ego essem Religiosus, credo me faci-  
rum quod dicam: non peterem communicare  
sæpius, quàm communicet ipsa communitas;  
non peterem item gestare cilicium, cingulum;  
neque etiam jejunare extra ordinem, nec disci-  
plinâ, ut vocant, me flagellare, nec rem quam-  
cunque aliam postulare, quæ redoleret quam-  
piam

piam singularitatem, sat mihi esset semper & in omnibus sequi communitatem; si essem robustus, non comederem quater in die, sed si juberer, facerem, & nihil dicerem; si autem essem debilis, & semel tantum juberer in die comedere, semel tantum comederem in die, sepositâ ad partem cogitatione, an essem debilis, necne.

Pauca volo, quæ autem volo, ita exiliter volo, ut vix ad illa habeam desiderium; si autem renascerer nullum prorsus habere vellem: si Deus veniret ad me, irem & ego ad illum; si noller me ad se venire, manerem meo loco & ad eum non irem. Dico igitur nihil esse petendum, nihil recusandum: sed se relinquendum inter brachia divinæ providentiæ, nullis se implicando desideriis, nisi volendo quod Deus vult, me velle.

Sanctus Paulus hanc sui ipsius derelictionem in ipso statim suæ conversionis puncto, quando Christus eum lumine privavit, excellenter exercuit, dum dixit: *Domine, quid vis me facere?* Ex eo tempore mansit semper in absolutissima dependentia ad faciendum, vel omittendum, quidquid Deus de eo statuebat. Tota nostra perfectio consistit in praxi hujus puncti. Idem Sanctus Paulus scribens ad unum suorum Discipulorum prohibet inter reliqua, ne cor suum tradat, occupetq; aliquo desiderio; tam exactè nôrat ille, quanti ea res esset momenti.

Infertis fortè ex his; ergo non sunt desiderandæ virtutes? & tamen dicit Dominus, *petite & accipietis*. Resp. O charæ filiæ, quando dico, nihil esse petendum, nec desiderandum, intelligo res terrenas; nam quod ad virtutes attinet, possumus eas petere, & quidem Dei amorem petentes, eas comprehendimus; quia amor omnes eas continet. At, ut is amor exteriùs bene exerceatur, & multum studij in illum conferatur; licetné (quæritis vos) rogare humilia officiola, eò quod multum laboris & humilitatis, ad Deo placendum, minus autem quietis & splendoris in ijs reperiatur? Respondeo, charæ filiæ, dicebat David, *malle se abjectum esse in domo Domini, quàm habitare in tabernaculis peccatorum*; & alibi, *bonum est, inquit, Domine, quòd humiliasti me, ut discam justificationes tuas*. Nihilominus hoc desiderium, fatendum est, est valde suspectum, & forte pura puta cogitatio humana. Quis scit, an desideria, quibus impulsæ nunc officia petitis, tam sint futura efficacia, ut ex abiectiones, quæ hujusmodi officiola comitantur, semper gratæ vobis sint futuræ.

Tot & tanta tædia, & amaritudines accidere vobis poterunt, ut, etsi nunc experiamini in vobis fortitudinem & animum perferendi mortificationes, & humiliaiones quascunque occurrentes; certæ tamen non estis vos eandem fortitu-



titudinem & animum semper habituras. Breviter, desiderium habendi officia, sive ea sint humilia, sive honorabilia, communiter habendum est pro tentatione. Ac proinde, omnibus consideratis, semper melius est nihil desiderare, & esse in promptu ad ea suscipienda, quæ injungunt obedientia; & ea sive essent honorabilia, sive abjecta, semper susciperem magna cum humilitate, ne verbo quidem edito, nisi interrogarer; & tunc responderem simpliciter, quod verum est, & quod animo voluo.

Petitis qualiter exercendum sit documentum de INDIFFERENTIA in morbis? Respondeo, invenio in sacro Evangelio pulchrum hujus rei exemplar in socru sancti Petri. Bona hæc femina lecto affixa, magna affligebatur febris; complures exercuit virtutes, eâ durante, sed quàm maximè admiror magnam ipsius patientiam, & resignationem, quâ se remittebat dispositioni divinæ providentiæ, & curæ suorum Superiorum, manens in doloribus dictæ febris tranquilla, & pacifica, nullam neque sibi, neque ijs, qui circa se erant, exhibens inquietudinem: nôltis autem, & vidistis, quomodò febricitantes malè afficiantur, & ita inquietentur, ut vix valeant, esto maximè vellent, quiescere, ob sexcentas, & eò amplius molestias, & continua fastidia. Porro magna ista resignatio & patientia, quam

exercuit nostra infirma, resignando se in manus suorum Superiorum, causa fuit, ut se non inquietaret, nec sollicita esset de sua sanitate; contenta sufferre morbum suum suaviter & patienter. O Deus, quàm felix erat bona ista Matrona! Merebatur profectò, ut diligens ejus cura susciperetur, uti susceperunt Apostoli, qui ejus sanitatem per Christum Magistrum suum procurarunt, ab ea nullo modo sollicitati, aut rogati; sed moti sola charitate, & commiseratione dolorum, quos ea patiebatur. Beati erunt Religiosi & Religiosæ, qui hanc infirmam imitati, se totos quantos resignabunt in manus suorum Superiorum: nam excitati motivo charitatis ijs servient, & studiosè providebunt necessaria; charitas enim fortior est, magisq; premit, quàm ipsa natura. Chara hæc nostra infirma probè sciebat Christum esse Capharnai, ubi sanabat infirmos, ipsa autem interim ferens suam infirmitatem sine inquietudine, non assumebat curam mittendi quempiam, qui diceret Domino, *Domine, quam amas Petri socrus infirmatur.* Et quod adhuc magis est mirandum, eum in sua domo videbat, & nullum verbum ei dicebat, quo ad commiserationem provocaret, neque eum tangere satagebat, ut sanaretur, sicut multi alij sanati sunt.

Porro inquietudo spiritus haberi solita inter fuisse-

sufferendas infirmitates ( quibus subjecti sunt, non solum homines mundani, sed etiam & persape Religiosi ) provenit ex amore proprio & inordinato erga se ipsos. Nostra hæc febricitans non videtur æstimare suam infirmitatem, dum ad eam teneritudinem se non demittit, ut inveniatur quempiam, qui sui commiseretur, sed suffert sine sollicitudine, nec agit, ut procuretur, contenta Deum eam scire, & suos Superiores, qui eam gubernant. Videbat illa Christum Dominum in sua domo, ut supremum Medicum; sed eum non respiciebat ut talem ( ita parum cogitabat de sua sanitate ! ) sed considerabat ut Deum suum, ad quem pertinebat, ut creatura ad Creatorem, & hoc sive agrotata esset, sive sana: existens tam contenta infirmitate, quam possidens plenam sanitatem.

O quàm multi, ut sanarentur à Domino, adhibuissent astus, dixissentque petere se ab eo sanitatem, ut melius ei servirent, timentes ne aliquid illius servitio deesset ! Verùm bona hæc Matrona nihil minus cogitabat, quàm hoc ipso ostendere suam resignationem. Non ideo tamen id dixerim, quasi vellem docere, eam à Domino non esse petendam, cum is solus dare possit, modò tamen qui petunt, hanc adhibeant conditionem: si talis ejus est voluntas. Debe-  
mus enim semper dicere, *fiat voluntas tua.* Non  
suf-



sufficit esse infirmum, & habere afflictiones, quia Deus id vult; sed oportet, ut simus constituti ad patiendum, ut ille vult, quando vult, tanto tempore, quanto vult, & eo modo ferre dolores, quo placet, ut eos feramus, non facientes ullam electionem, neque prætendentes ullam oppositionem, vel renisum, ad subeundum quodcunque malum, vel quamcunque afflictionem: esto ad speciem videretur abjecta, & dedecori cuipiam obnoxia: nam malum & afflictio sine abiectione & humiliatione sæpe inflat animos, loco quo nos deberet humiliare. Verum quando malum affligit, nullo aliunde accedente honore, vel opprobrium aliquod, vilitas, & abjectio sunt ipsum nostrum malum, quam tunc non præbent occasionem exercendi patientiam, humilitatem, modestiam, & spiritûs sçavitatem? Quam ob rem geramus magnam curam, uti gessit bona hæc Matrona, quatenus cor nostrum servemus in omni pace & sçavitate, facientes progressum spiritualem ex nostris infirmitatibus: nam simulatq; Christus ab ea expulit febrim, surrexit è lecto, & ministravit. In quo profectò ostendit magnam virtutem, & profectum, quem prioribus virtutibus adjecerat ex patienti tolerantia sui morbi; à quo cum esset libera, noluit receptam sanitatem alterius adhibere, quàm Christi servitio; eo proinde instanti, quo illam recuperavit, se totam quan-

quantam ei impendit. Cæterum, ostendit se non esse, ut sunt plerique homines mundani, qui cum pauculis diebus aliquantulum malè habuerint, impendunt non paucos dies, sed septimanas integras & menses, ut ad pristinam redeant san-  
nitatem.

Christus Dominus fixus in cruce clarè nobis ostendit, quomodo mortificandæ sint nescio quæ animi & corporis teneritudines : sentiens enim maximam sitim, non ideò petivit ad bibendum ; sed simpliciter dixit : *sitio*, manifestans suam necessitatem. Et hoc facto exhibuit actum maximæ submissionis. Vnde factum est ut unus quispiam ex adstantibus spongiam plenam aceto, *hysopo circumponens ori ejus obtulerit*. Adverte, benignitatem ac humilitatem Salvatoris, qui non ignorans esse potum talem, qui suos dolores augetet; nihilominus dignatus est benedictis suis labris sugere ; nullo verbo aut signo, quo se eo potu molestari significaret, edito ; sed bene, ut nos doceret, quæ, & quali cum submissione sumere debeamus cibos & pharmaca, quæ nobis in adversa valetudine constitutis offeruntur, omis-  
sis tot signis, & testimonijs, quibus significamus nos ea magnopere nauseare & fastidire ; quin inò, omittenda hujusmodi signa sunt, etiam quando timemus, ne talis sumptio malum nostrum augeat.

O nos

O nos miseros, qui minimam sentientes incommoditatem facimus contraria doctrinæ, quam mitis noster Magister nobis tradidit: sed & lamentari non cessamus, quasi sufficientes nobis non adessent homines, quibus quereremur, & dolores nostros minutim referremus, ij enim nostro iudicio, majores sunt, quàm ut comparari possit ijs ulla aliorum infirmitas, quantumcunque ea gravis & acerba sit. Sumus profectò plus æquo solliciti, minusq; patientes, quàm esse deberemus, dum nihil fieri potest circa nos ( fiat quacunque charitate & sollicitudine ) cui acquiescamus.

Quid multis? magnum istud studium acquirendi homines, qui se nostri misereri ostendant, indicat, quàm exigui simus imitatores patientiæ Christi Domini, qui obliviscebatur suos dolores, nulloque modo erat sollicitus, ut innotescerent hominibus, contentus, quòd Pater cœlestis, cujus obedientiâ eos sufferebat, consideraret, & ejus iram erga naturam humanam, pro qua patiebatur, mitigaret, placaretque.

Petitis vos tandem, ut dicam quid maxime desiderem insculptum esse vestro spiritui, ut id in praxim deducere possitis? Eheu! quid vobis dicam, charissimæ filiæ aliud, quàm duo hæc amabilissima verba, quæ toties vobis commendavi & inculcavi? NIHIL PETATIS, NIHIL RECUSETIS.



In hisce duabus vocibus totum, quod hæc-  
nus vobis dixi, situm est : comprehendit enim  
praxin perfectæ indifferentiæ. Videte parvum  
IESVVM in præsepio ; ut patitur paupertatem,  
nuditatem, utque moratur in stabulo, nec non  
cum animalibus : patitur omnes injurias tem-  
poris, frigus, & omne id, quod illi Pater sinit eve-  
nire. Nullibi habetur scriptum, quod unquam  
manus extenderit, ut Matris sugeret mammillas,  
committebat id curæ & providentiæ matris ; non  
etiam recusabat parvula, quæ illa adhibebat so-  
laciola ; admittebat Iosephi item servitia, sicut &  
adorationem Regum & pastorum, & hæc omnia  
pari indifferentia ; sic nos nihil debemus deside-  
rare, nec recusare ; sed sufferre, & recipere in-  
discriminatim omne id, quod divina Providentiæ  
permiserit nobis evenire. Ad hoc faciendum  
Deus gratiam suam nobis largiatur.

DEUS SIT  
BENEDICTUS.

Gg

VIVAT

# VIVAT IESVS.

## EXERCITIVM MATV- TINVM.

*Quod cum sit breve, simplex, & tendat  
immediatè ad unionem amorosam nostræ volunta-  
tis cum Divina, usui esse poterit ijs, qui inter oran-  
dum siccitatem, & sterilitatem mentis, corporisq;  
debilitatem patiuntur, nec non ijs, qui magnis  
obruuntur occupationibus.*

**P**rimum Punctum. Flexis geni-  
bus, & profunda humilitate sistere  
ante incomprehensibilem Maiesta-  
tem Dei, eumque adora summum  
tuum bonum, qui te ab omni æternitate tuo no-  
mine compellavit, & præordinavit tuam salutem,  
designando inter reliqua hunc diem præsentem,  
quo exerceres opera vitæ & salutis, juxta illud  
Prophetæ: amavi te amore æterno, ideo attraxi  
te, misertus tui.

Secundum Punctum. Huic sanctæ & veræ co-  
gitationi unias tuam voluntatem cum benignis-  
sima Patris cœlestis per hæc aut similia. O dul-  
cissima Patris mei voluntas: hanc rogo semper  
adim-

adimpleri! O æterni Patris mei sapientia, Te adoro, meam voluntatem tibi dedico, ut nihil velim, nisi quod tu ab æterno voluisti! Utinam ergo hodie & semper, & in omnibus tuam voluntatem adimpleam! Mi Creator, ita semper erat tua voluntas ab æterno, & deinceps sit. O Summum Bonum, sit tibi constans, uti voluisti! O voluntas æterna vivas & regnes in omnes voluntates, & super omnes voluntates, nunc & in perpetuum.

Tertium punctum. Postmodum invoca assistentiam divinam per has, aut similes acclamationes, provenientes ex intimo cordis affectu. Domine sis mihi auxilio! dextera tua sit mihi solatio: ecce Domine languidum cor meum, quod tamen à te multas consolationes acceperat! planè imbecillum, & sine te inefficax ad ulla pia desideria. Invoca Beatissimam Virginem MARIAM, Angelum tuum custodem, & curiam cœlestem, quorum patrocinio Deus propitietur.

Quartum Punctum. Ita potenter & vivaciter unias te divinæ voluntati: Communionem reiteres per decursum diei tam in spiritualibus, quàm corporalibus tuis negotijs, & sæpius per diem defigas oculos in divinam bonitatem: Domine ita planè volo, aut simpliciter, ita Domine, ita mi Pater: ita, semper ita. Si vis etiam hoc



modo, obsignes te cruce, aut osculare, quam portas crucem, vel imaginem: quia hæc sunt vera indicia adimplendi voluntatem divinæ providentiæ, quam acceptas, quam adoras, quam cordialiter amas, quia inseparabiliter tuam divinæ voluntati coniungas.

Quintum Punctum docet te, hæc cordis jacula, hæc interiora verba, pronuncianda esse dulciter, placidè, firmiter tamen. Placidè, inquam, & ut ita dicam, distillata velut mel, ac paulatim per superiorem & sublimiorem animæ partem in aures immissa, uti ea, quæ amico cuiuspiam instillantur in auriculam, quia volumus ea profundè in eius cor penetrare, absque eo, quod quispiam id valeat advertere; nam huiusmodi verba leniter, ac suaviter acumine nostri ingenij distillata, in dictum cor illabentur, penetrabuntq; & macerabunt intimius & fortius, quam facerent, si efferrentur per modum orationis jaculatoriæ, & eruptionis spiritûs. Experientia docebit te id cognoscere, dummodo sis humilis & simplex. Amen.

DEUS SIT  
BENEDICTUS.

VIVAT

# VIVAT IESVS.

## CONSIDERATIO

Super Symbolum Apostolorum  
pro confirmatione Catholicæ fidei, con-  
cernens Sacrosanctum Altaris Sa-  
cramentum.

*Facta per Beatum Franciscum de Sales, Epi-  
scopum & Principem Geneuensem.*

## C R E D O.



I considero supra tua altaria po-  
situm, ô mi Salvator & Deus, sacra-  
tissimum tuum corpus, quod tot mi-  
raculis in escam spirituales in de-  
sertis hisce nobis præparasti, & condivisti, in eam  
rapior admirationem, ut aliud quod dicam, præ-  
ter meæ insufficientiæ protestationem non oc-  
currat, quàm sequitur: quid hoc, quid hoc sibi  
vult; O Domine, in me respice, iudicium enim  
meum naturale, mea caro, mei sensus mille mihi  
inferunt assultus! Eheu! sic mihi loquuntur: quâ  
fieri potest, ut Salvator dederit carnem suam  
manducandam? O quàm durum est hoc ver-  
bû, quis illud potest audire & credere? At, gratiâ

tua factum est, mi Deus, quod seductores isti pessimi nihil adhuc mihi nocuerint: ego enim servus tuus semper illis opposui verbum tuum & symbolum, quod tui olim Apostoli docuerunt antiquos; & secutus insuper duorum magnorum tuorum fervorum consilium, sanctorum scilicet Ambrosij & Augustini, me armavi & munivi insignibus tuæ clientelæ; clausi item & signavi cor meum tuo sigillo, ne pateret suggestionibus, sed mihi esset velut pharetra subministrans millenas & millenas sagittas ac jacula. Quid? dicebam sacrum verbum C R E D O, quod est in fine, & in principio SYMBOLI APOSTOLICI: esto nihil aliud esset præ manibus ad infirmandos & infringendos assultus seditiosorum istorum, nonne esset sufficiens C R E D O? V E R B U M I S T U D E S T, quod jam inde à tempore mei Baptismi pronunciaui per os eorum, qui me ad illum suscipiendum præsentârunt. Sum igitur fidelis Christi servus, qui quò minus comprehendo hoc sacramentum, & mihi redditur creditu & intellectu difficilior, & incredibilior, eò venerabilior & credibilior mihi fit in dies.

## CONSIDERATIO I.

*Credo*

*in Deum Patrem omnipotentem, Creatorem  
cæli & terræ.*

Deus



**D**EVS in omnibus suis operibus est Deus; sed in eis, quæ majora sunt, magis ostendit suam divinitatem. Cum ergo sacramentum hoc sit magnum Dei opus; quam notam securiorem & certiore potest habere à suo Auctore, quàm ut inter opera & articulos meæ fidei ut totum quantum admirabile & incomprehensibile, recipiatur? Nonne sunt tres personæ, Pater, Filius, & Spiritus sanctus in una, eadem, simplici & unica essentia? Fides, quæ digessit summam istam difficultatem; quid laboris habere poterit ad credendum, vnum & idem corpus esse posse simul pluribus in locis? Avertat benignè Deus meus, ne faciam ut rebelles illi, *qui malè locuti sunt de Deo*, dicentes, *numquid poterit Deus parare mensam in deserto?* Quod nequivero mandere ex Agno Paschali, proijciam in ignem infinitæ potentia Patris omnipotentis, in quem ego credo: nubeculae autem difficultatum, quas oculus noster naturalis videt in hoc sacramento, quomodo durabunt & resistent vento fortitudinis Dei? Quæ durities tam indissolubilis erit, quam ignis non devoret? Dei verbum tantæ fuit virtutis, ut per illud res, quæ non erant, factæ fuerint; quanto igitur majorem illud ipsum verbum vim habebit, ut factas locet, ubi illi videbitur, easdemque mutet in alias? Posuit in loco aliquo id, quod non erat, quare non ponet in pluribus id, quod erat in uno?

## CONSIDERATIO II.

*Et in IESUM Christum filium ejus unicum  
Dominum nostrum.*

**Q** Vando video, ô Salvator mi, à Patre tuo mundum adeò amatum fuisse, ut te ei daret, ut illi Pastor & Medicus esses, ecquid mirum, si dico te filium, illi æqualem in amore, eundem in bonitate, te ipsum eidem mundo dedisse, ut esses illi CIBVS & MEDICINA, semperq; officio Salvatoris, Regis, & Domini in omnibus & per omnia magis ac magis fungereris.

## CONSIDERATIO III.

*Qui conceptus est de Spiritu sancto, natus ex  
Maria Virgine.*

**C**ùm conceptus sis, mi Deus, in sacratissimo Virginis utero, sine aliqua viri opera, quæ ex causa requiratur ordo naturalis in tuo corpore, quod EXTRA OMNEM ORDINEM naturalem factum & natum est ex Virgine? Et cùm corpus tuum jam tum exiens ex utero Virginali tuæ Matris, NON OCCUPAVERIT locum (alioquin sanctæ ejus Virginitati labes esset illata) sed penetraverit, ut radius solis vitrum; quare videri deberet incredibile, quòd in hoc admirabili sacramento locum NON OCCUPET.

CON-

# CONSIDERATIO IV.

*Passus sub Pontio Pilato, crucifixus, mortuus & sepultus.*

**I**S, qui tantopere te amavit, ô anima mea, qui poterat te salvare unicâ guttâ sui sanguinis, & minimâ suarum passionum tolerantia, voluit nihilominus totum suum corpus exponere, tradere doloribus amarissimæ passionis, ut TE VITÂ DONARET; ne dubites, ille idem est, qui ut illam tibi CONSERVET, te NVTRIT EODEM CORPORE; quidnâ hoc mereatur fidem? Amori Matrum non est satis produxisse infantes de sua substantia, nisi etiam eos vel enutrient ipsæmet, vel alias nutrire faciant. Et, ut verum fatear, post tot figuras & repræsentationes PASSIONIS DOMINI, quibus SERVI olim pasci fuerunt, ut fuit AGNVS PASCHALIS, MANNA, & plures aliæ: fuisset perfectò nimis macra & frigida commemoratio illarum, pro FILIIS aliud non adhibuisse, quàm simplicem panem, & vinum.

# CONSIDERATIO V.

*Descendit ad inferos: tertia die resurrexit à mortuis.*

**I**S, qui sexcentis alijs modis poterat visitare suos servos, qui erant in sinu Abrahæ, de-



ascendit ad Inferos in reali animæ suæ præsentia ad eos visitandos; quid miraris, si ille idem, qui valebat nos nutrire pluribus alijs modis, carior, admirabiliorem, & amabiliorem (qui est dare nobis in cibum propriam suam carnem) elegerit? si & idem per suam Resurrectionem corpus suum à passibilitate, gravitate, spissitate, obscuritate, & alijs similibus crassis qualitatibus exspoliavit & liberavit; si item lapidem sepulchri penetravit, si & per fores clausas ad Discipulos intravit (quod fieri non potest, nisi duo corpora ponantur in uno eodemq; loco, ita ut unum nullum occupet) si fecit se invisibilem, impalpabilem, imperceptibilem, & hoc nullo loco occupato; quare non faciat idem in hoc sacramento quantumvis invisibilis, & loco non occupato, siquidem ipse dixit, se ibi esse? Ad quod propositum etiamnum in illo requirimus condiciones corporis mortalis & corruptibilis?

## CONSIDERATIO VI.

*Ascendit ad cælos: sedet ad dexteram Dei Patris Omnipotentis.*

**M**irumné nobis videri debet, quòd corpus hoc realiter, & re ipsâ, quamvis supernaturaliter in nostra veniat corpora? siquidem levius quâvis aviculâ transgreditur omnes regulas

las humani corporis ; ascendit super omnes  
cœlos, sederque ad dexteram Dei Patris super  
omnes cœlos, ubi amplius non occupat locum  
ullum, neque spatium ; nam quæ & qualis su-  
perficie valeat circumdare corpus illud quod  
est super omnia alia corpora ? Quare ergo eti-  
am non esset hic in terris apud nos, non occu-  
pans locum ullum, neque replens spatium ali-  
quod ?

## CONSIDERATIO VII.

*Inde venturus est judicare vivos &  
mortuos.*

**S**ic, cùm non amplius subjectus sit loco, ne-  
que spatio, neque gravitati cuiquam, com-  
parebit die novissimo in aëre cum Sanctis suis,  
visibilis omnibus hominibus, ubicunq; illi fue-  
rint, quamvis diversis cum affectibus, nec sine e-  
tiam magno miraculo, quod is, qui est nunc in-  
visibilis in hoc magno sacramento, tunc visibilis  
judicabit eos, qui reos se fecerunt ejus corporis  
& sanguinis, manducando & bibendo indignè  
tam pretiosum, & adorabile Sacramentum, eò  
quòd illud non discreverint. De quo unquam  
cibo dictum fuit, quòd qui eum manducaverit,  
indignè, sit futurus reus corporis Christi, nisi  
de hoc, qui cùm sit realiter corpus Christi, effi-

cit etiam realiter & re ipsâ reos, quotquot illo abutuntur, & non discernunt. Adde quòd non fuerit tam severum decretum datum neque de manna, neque de Agno Paschali, licet in utroq; per fidem & spiritualiter ipsemet Iesus Christus manducaretur.

## CONSIDERATIO VIII.

*Credo in Spiritum Sanctum.*

**Q**Uemadmodum omne id, quod fecit Deus à principio, fecit operâ Spiritûs sancti; ita & nunc facit operâ ejusdem Spiritûs sancti, res supernaturales, quas nemo potest concipere nisi per fidem. *Quomodo fiet istud, inquit Beata Virgo, quoniam Virum non cognosco?* Gabriel Archangelus respondet: *Spiritus sanctus superveniet in te, & Virtus Altissimi obumbrabit tibi.*

Tu nunc petis, quomodo panis fiat corpus Christi. R. etiam ego tibi, Spiritus sanctus obumbrat, & operatur res super omne verbum, & super omnem intelligentiam. SPIRITUS SANCTUS, qui dictavit sacras scripturas, in illanè posuisset verba tam expressa & viva, quàm sunt hæc: **HOC EST CORPUS MEUM**, si non fuisset verum corpus Christi Domini? Nonné curasset adijci declarationem aliquam suæ intentionis, si intendisset aliud quid, quàm verba hæc in suo primo & germano sensu significant; & ille, qui est

Doctior



Doctor Ecclesiæ, si visissetné transire articulum  
tanti momenti in errorem & mendacium, eam  
tanto tempore deferendo?

## CONSIDERATIO IX.

*Sanctam Ecclesiam Catholicam, Sanctorum  
communione.*

**Q**UO, obsecro pacto vocari posset ECCLE-  
SIA SANCTA, quæ non nisi una sola Catho-  
lica & universalis est, nisi defendisset & tutata  
fuisset veritatem, tam in hoc articulo, quam in  
alijs omni tempore, omni in loco, & inter om-  
nes nationes? Quod non fecisset, si verum Chri-  
sti Domini corpus non esset in hoc Sacramento.

Verùm aliané est perfectior Sanctorum con-  
munio, quàm hæc, in qua omnes sumus unus  
panis, & unum corpus, in quantum omnes su-  
mus participes unius panis, qui de cælo vivus  
& vivificans descendit? quomodo omnes come-  
deremus de uno eodemque pane, si hic panis  
non esset corpus Iesu? Quot loca, tot panes  
diversi essent. Et si non comedimus, nisi unum  
eundem cibum spiritualem per fidem, quî ma-  
jorem communionem haberet Christianus cum  
alijs Christianis, quàm cum antiquis Judæis, qui  
manducabant etiam Iesum Christum per fidē, &  
consequenter vnum eundem cibum spiritualem?

CON-

## CONSIDERATIO X.

*Remissionem peccatorum.*

**D**omine, tu dixisti corpus tuum, sanguinem tuum in hoc Sacramento dari, frangi, fundi pro multis in remissionem peccatorum. O absit, absit à me, ne credam sanguinem alium effusum, corpus aliud datum pro remissione meorum peccatorum, quàm tuum proprium & naturale! Quid? simplex figura & commemoratio viminè istam haberet? sanguis vitulæ effusus, quamvis figura sanguinis effusi super crucem, non sanctificabat nisi quantum ad puritatem carnis, non, inquam, sanctificabat; sed proprius sanguis tuus, qui emundat conscientias nostras ab operibus mortis, ut serviamus Deo viventi, ille, ille sanctificabat.

## CONSIDERATIO XI.

*Carnis resurrectionem.*

**O** Benignissime Iesu, quando erit, ut momèto vno, ictu vno oculi ad sonum ultimæ tubæ, mortui resurgant, & eadē cuiusq; caro, jam dissipata infinitis prope modis, reproducatur alterā vice in forma incorruptibili & immortalī? Mi Deus, quantum id habebit admirationis! Sed interim admirabor rem illi prope similem, uno momen-

momento, uno ictu oculi, ad tubam tuæ vocis, tuum ipsummet corpus, quod sedet *in celo ad dexteram Patris*, est admodum singulari modo reproductum in hoc sacro Sacramento per loca omnia, in quibus hoc mysterium celebratur. Sed ò Domine mirabilis in tuis operibus, si parum fermenti magnam massam fermentat, si scintilla ignis sufficit ad incendendam domum quamcunque, si granum in terra projectum, eam efficit fertilem, & reprodut tam multa alia, quantopere debeo sperare, quòd benignissimum corpus tuum intrans meum, adveniente tempore, attollet illud è sua corruptione, inflammabit suâ gloriâ, reprodutque immortalè, impassibile, subtile, agile, lucidum & exornatum omnibus gloriosis qualitatibus & ornamentis, quæ sperari possunt. Vigor iste & splendor certè non invenitur in figuris. necesse ergo est eum provenire ex veritate corporis tui gloriosissimi.

## CONSIDERATIO XII.

*Et vitam æternam. Amen.*


**S**ed & re ipsâ, quis alius cibus, ò Salvator mundi, nisi corpus tuum, dare potest vitam æternam? Oportet esse panem vivum, qui det vitam, panem è cœlo missum, ut det vitam  
cœle-



480 *Consideratio super Symbolum Apost.*


cœlestem, panem, inquam, qui sit tu ipse, mi  
Domine, & Deus ipse, qui det vitam immorta-  
lem, æternam & in omni ævo duraturam. Man-  
na, esto vera fuerit figura tui corporis, non ha-  
bebat tantam vim ut daret; oportet, oportet  
esse cibum solidiorem, puriorem & selectiorem,  
qui talem det vitam, quis autem alius dare po-  
test præter te, qui vivis in sæcula sæculorum?

Amen.





FINIS.

ni  
a-  
n-  
a-  
tet  
m,  
o-  
?









Biblioteka Jagiellońska



stdr0030447



